


ტუსუღან ნოზნიანიქი



შესვედრები



გამომცემლობა „სინაგა“
თბილისი
2008

რედაქტორი – გიორგი ლობჯანიძე

ტექნიკური რედაქტორი – გიორგი ხარეზაგა

კორექტორი – მარინე ირემაშვილი

კომპიუტერული უზრუნველყოფა – ტასო ჯაშაიშვილი

წიგნი იბეჭდება შპს „კომპიუტერული სამყაროს“ და მისი ერთ-ერთი ხელმძღვანელის, ბატონი მიხეილ ჯაფარიძის ფინანსური მხარდაჭერით

წიგნის მხატვრული გაფორმებისას გამოყენებულია
ლადო გრიგოლიას მხატვრულ-გრაფიკული შოტივები

© რ. ნიშნიანიძე, 2008

გამომცემლობა „უნივერსალი“

თბილისი, 0179, ი. ჭავჭავაძის გამზ. 19, ☎: +995 32 22 36 09, +995 99 17 22 30
E-mail: universal@internet.ge

ISBN 978-9941-12-188-3

მთავარი სამშობლოს გულწრფელი სიყვარული

რუსუდან ნიშნიანიძის ეს საინტერესო წიგნი ხუთ დიალოგს აერთიანებს, რომელიც ავტორმა სხვადასხვა დროს ჩაწერა ჩვენი სულიერი და ინტელექტუალური ცხოვრების ხუთ გამორჩეულ წარმომადგენელთან. რესპოდენტები ერთმანეთისგან ბევრი რამით განსხვავდებიან — შეხედულებებით, პოზიციებით, ცხოვრების წესითა თუ, საერთოდ, ბედისწერით, მაგრამ მათ აერთიანებთ მთავარი — სამშობლოს გულწრფელი სიყვარული და მისი უანგარო მსახურების სურვილი.

სხვაგვარად შეუძლებელი იყო, რადგან ვინც იცნობს რუსუდან ნიშნიანიძეს — ეროვნული მწერლობის მკვლევარს, უცხოეთში ქართული დოკუმენტებისა და სიძველეების დაუღალავ მაძიებელსა და ერთ-ერთ საუკეთესო მცოდნეს, იმისათვის წინასწარვე ცხადია, რომ ამ შესანიშნავი წიგნის ავტორი თანამოსაუბრეს შემთხვევით არ ამოირჩევდა. გიორგი ნატროშვილი, ოთარ ჩხეიძე, კობა გურული, მამია ბერიშვილი და ალექსანდრე ფუტყარაძე სხვადასხვაგვარად ემსახურნენ თავიანთ სამშობლოს — ზოგი კალმით, ზოგი საჭრეთლითა და ზოგიც აქტიური საზოგადოებრივ-პოლიტიკური მოღვაწეობით.

ბუნებრივია, მათი პროფესია, განათლება, ცხოვრებასთან დამოკიდებულება განაპირობებდა არა მხოლოდ მათი შეხედულებების სხვაობას, არამედ მათი მეტყველების სტილის თავისებურებებსაც, რაც წინამდებარე წიგნი — ავტორის ფაქიზი ფილოლოგიური ალღოსა და გემოვნების შესაბამისად — ოსტატურად და გამოკვეთილად აისახა.

ბუნებრივია ისიც, რომ ლიტერატურულად ყველაზე მოწესრიგებული ტექსტი ოთარ ჩხეიძესთან დიალოგია. დიდი მწერლისათვის მნიშვნელობა არა აქვს, რომანზე იმუშავენ თუ ინტერვიუზე, ერთნაირი პასუხისმგებლობით ეკიდება ყველა უანრს და ამიტომაც მასთან დიალოგიც იმ ნამდვილი მხატვრულ-ენობრივი სივრცის ნაწილია, რაც ქართულ მწერლობაში განუმეორებელმა ოთარ ჩხეიძემ დაამკვიდრა.

გარდა თავისთავადი მხატვრული ღირებულებისა, ოთარ ჩხეიძის დიალოგი ბევრ ისეთ საჭირობოროტო საკითხს წამოჭრის, რაზედაც ბოლო ხანს ფიქრობდა მწერალი და რასაც ჩვენი ქვეყნის მომავლისათვის უმნიშვნელოვანეს პრობლემატიკად მიიჩნევდა.

გიორგი ნატროშვილთან დიალოგიც, არსებითად, იმავე საფიქრალს დასტრიალებს, ოღონდ ცოტა უფრო მსუბუქად და ცხადია, მისი ტექსტი არც ოთარ ჩხეიძისათვის ნიშნული წიაღსვლებით ხასიათდება. საინტერესოა, რომ ერთ ეპოქაში მოღვაწე ორი გამორჩეული მწერალი კონკრეტულად ამ ეპოქასა და კერძოდ, ამა თუ იმ მოვლენას ხშირად სრულიად განსხვავებულად აფასებს. ამის მიზეზი მხოლოდ მათი ასაკობრივი განსხვავება არ უნდა იყოს. აქ ორი ინდივიდი ჩანს, რომელთაც საკუთარი პოზიცია შქონდათ ყოველდღიურობასთან დაკავშირებით და მკითხველი გაარკვევს, რომელი რატომ ფიქრობს ასე და არა სხვანაირად. წიგნის ავტორის — რუსუდან ნიშნიანიძის ღირსება კი ისაა, რომ მან შეულამაზებლად მოიტანა ორივე მწერლის ნაფიქრალი და შესაშური წესიერებით დააფიქსირა მათი მეტყველების, მსჯელობისა თუ აზროვნების არაერთი ნიუანსი.

რუსუდანის ეს თვისება განსაკუთრებით მკაფიოდ იკვეთება კობა გურულთან დიალოგისას. ერთი პირობა ისიც გიფიქრე, ხომ არ აჯობებდა, ტექსტისათვის ლიტერატურული ჩაღხი გაეკრა და მკითხველისათვის ისე შეეთავაზებინა-მეთქი, რადგან ქართული ჭედურობის დიდოსტატი, უაღრესად კოლორიტული ადამიანი კობა გურული ძალზე თავისებურად მეტყველებს და მის მოსმენას არაფერი შეეძრება, მაგრამ როცა ქალაღღზე ზებირად ნათქვამის გადმოტანას ცდილობ, რა თქმა უნდა, მოსმენილის ეშხი და ჯავარი გარკვეულწილად იკარგება და ხშირად აზრის გაგება გიძნელდება. მაგრამ სრულიად მკაფიოა რუსუდანის შემოქმედებითი პოზიცია — არც თვითონაა ჟურნალისტი და არც წიგნია ინტერვიუების ნაკრები. ის დოკუმენტია და ამიტომაც დოკუმენტის შესაფერისი სიმართლით უნდა მეტყველებდეს.

დოკუმენტებზე მუშაობის გამოცდილება კი ვის, ვის და რუსუდან ნიშნიანიძეს ნამდვილად არ აკლია. კერძოდ, ქართული ემიგრაციის არაერთი ისტორიული საბუთის პოვნა, შესწავლა და გამოშვეურება სწორედ მის სახელთან ანდა უბრალოდ, მეცნიერთა ჯგუფთან ერთად მის უანგარო შრომასთანაა დაკავშირებული. წიგნის ბოლო ორი ინტერვიუ თუ საერთოდ, მთელი ეს დიალოგები წარმოგვიდგება ავტორის მიერ რამდენიმე წლის წინათ დასტამბული ბრწყინვალე ლიტერატურულ-ისტორიული კვლევის

„საქართველო სამანს აქეთ და... სამანს იქით“ დიდებულ გაგრძელებადა.

წიგნის სათაური და სამანებს შორის ჩასმული სამწერტილი მკაფიოდ მიგვითითებს რუსუდანის პოზიციას: თვით ავტორს ქართული სულიერება, საქართველოს ისტორია ასე არასოდეს დაუყვია და ყველა საზღვარი მირობითია, როცა საქმე ქართული სულიერების სამსახურს ეხება. ქართველ ემიგრანტთა უდიდესი ნაწილი სწორედ ამ შეგნებით მოღვაწეობდა ყველა იმ ქვეყანაში, სადაც ბედის უკუღმართობით სამშობლოდან აყრილსა და გადახვეწილს ცხოვრება და არსებობის გაგრძელება მოუწია. ამ სიტყვების დასტურად ჩვენი ემიგრაციის ორი გამორჩეული წარმომადგენლის — ბატონ მამია ბერიშვილისა და ბატონ ალექსანდრე ფუტკარაძის დიალოგებიც გამოდგება და შეუძლებელია, მკითხველმა ამ დიალოგთა მთელი ფრაგმენტები აუღელვებლად, უცრემლოდ წაიკითხოს.

რაკი სამანებზე მიდგა საქმე, ბარემ ისიცა ვთქვათ, რომ რუსუდანის წიგნი მართალია, ჩვენს უახლეს ისტორიასა და იმხანად მცხოვრებ ადამიანებს, მაგრამ დღეს უკვე სამანს იქით — ზეციურ — საქართველოსაც ასახავს. რესპოდენტთა დიდი ნაწილი უკვე გარდაცვლილია და მათი ფიქრი ახლა ზეციდან დასტრიალებს მშობლიურ ქვეყანას. მათთან ერთად კი თითქოს წასულა ის დარბაისლური ქართულიც, რასაც თუნდაც ძალზე მცირე ხნის წინათ ამ ადამიანთაგან მოისმენდით, წასულა ბევრი რამ, რაც ერთ კონკრეტულ თაობას ახასიათებს და სხვა თაობებში ნელ-ნელა ხუნდება ან ინაგლება.

მაგრამ საბედნიეროდ, რჩება წიგნი, რომელიც უსამანოა, რომლისთვისაც არც ფიზიკური და არც მეტაფიზიკური საზღვარი არსებობს და მისი სასწაულებრივი ზემოქმედების წყალობით ერთიანია საქართველო მიწიერი და ზეციური, აქ მცხოვრები და უცხოთა მიწაზე თავშეფარებული, წიგნია ის სივრცე, „სადაც ქართულითა ენითა ჟამი შეიწირვის და ლოცვაი ყოველი აღესრულების“...

ჯერ მხოლოდ წიგნი... მაგრამ თუ სამანს აქეთ და იქით ქართველებს ერთიანობის ეს მოუშორებელი განცდა გვექნება, რაც რუსუდან ნიშნიანობის ღირსეულ თანამოსაუბრეთა ნაფიქრალიდან სჭვივის, ხვალ ეგებ, უფრო დიდი ასპარეზიც გამოგვიჩნდეს...

გიორგი ლობჯინძე

წინათქმა

საჯაროდ დღემდე არ თქმულა...


„ეპოქის ნიშანი“ თითოეულ შემოქმედს სწავლასწავგვარად აქვს გააზრებული და მსატრულებად მოწოდებული.

ლიტერატურათმცოდნეობა ფართოდ დაინტერესდა დოკუმენტური ჰროზის იმპერატორ ფორმით, როცა მონათხრობი რეალურ ამბავს ეურდნობა და გამოგონილ ჰერსონაქთა თავგადასავლების ნაცვლად, ნამდვილი ადამიანების რეალურ ამბავს ისმენ. დროულობას ისიც განაპირობებს, რომ ზოგიერთი მათგანი, ვისთანაც ეს საუბრები წარიმართა, უკვე აღარ გასწავთ ცოცხალთა შორის და მათი ნაამბობი აწ უკვე ისტორიის კუთვნილებათ. ერთგვარი დისტანციიდან ვისმენთ ამ ფაქტების შესახებ. თითქოს მონათხრობიდან გარკვეული გამანძიმლება ხდება, დროის მოდიფიცირებაც კი.

მიზანმიმართული თანამიმდევრობით დალაგებული თემები მოიცავს როგორც განვლილ — XX საუკუნის ლიტერატურულ ცხოვრებას, მსატრულებას, ქართულ ემიგრაციას, ისე, კონკრეტული ადამიანების ბიოგრაფიის ასპექტებს. ისინი არაერთ უცნობ ფაქტს იგონებენ; ისეთ მოვლენებსაც, რომლებიც სელისუფლების იდეოლოგიის თუ კონიუნქტურის გამო გვერდზე რჩებოდა. უბრალოდ, მათ არ „ისწენებდნენ“. ვგულისხმობ ლიტერატურულ ტექსტებს, ნასატებს, ნამუშევრებს, რომლებიც კარგად ნაცნობია ქართული მკითხველისთვის, მაგრამ მათი შექმნის პერიპეტეობა უცნობი.

...მათ მოგონებები არ დაუწვრიათ, არ დაუფიქსირებიათ ისტორიული სინამდვილე, მაგრამ არც დაუიწუებიისთვის გაუმეტებიათ. მაინც ფიქრობდნენ, რომ საზოგადოებას ეს „უნდა“ სცოდნოდა. ეს მოგონებები, რასაკვირველია, კონკრეტულ ისტორიულ კონტექსტს გულისხმობენ. მკვეთრი ინდივიდუალობა, იქვე, „საბჭოთა ესთეტიკა“ და საჯაროდ უფლო ზოგადი ტენდენციები — როგორ ვლინდება უოველივე ეს ერთ სიზრცეში... ამასთან, თანაარსებობის ერთობლიობა არ უნდა დაირღვეს. სელისუფლება და საზოგადოება. ერთი მთლიანობა თუ სხვადასხვა მხარე; ან ამგვარი: „ამ“ ქვეყნის სელისუფლება — „ამ“ ქვეყნის ფარგლებს გარეთ. როგორ „ინახავს“ ისტორია იმ ადამიანების სასუფლებს, ვინც „ისტორიას“ ქმნიდა. გსაჯვარედინი — ქვეყანა, სადაც ცხოვრობდი და ქმნიდი და ქვეყანა, სადაც ამჯერად აგრძელებ არსებობას და საქმიანობას. თვითმსილუღლისა და თვითგანმცდელის მიერ შეფასებული მართალია, გარკვეული სუბიექტურობის ელფერს ინარჩუნებს, მაგრამ სწორედ ეს ანიჭებს მას სიბლეს...

რუსუდან ნიშნიანიძე



გიორგი ნატროშვილი

მწერლები... არ იცულებიან

საგამოფენო დარბაზში ვსხედვართ... ხელნაწერები, უნიკალური წიგნები, ექსპონატები... მუზეუმისათვის ნიშნული სიმყუდროვე.

– პოდა, მთელი ღამე თამაშობენ ნარდს კარლო კალაძე და ლევან ასათიანი. მეც მათთან ერთად ვარ. გამთენიამაც მოატანა. თითქმის დილის 5 საათია. კარლოს ოთხი ქვა აქვს გამოსატანი; თუ არა, პარტია წაგებულია. მოულოდნელად დგება სკამიდან, იღებს ტელეფონის აპარატს და რეკავს.

– ალო, სერგო, შენა ხარ, მე ვარ კარლო.

თურმე კაცო, სერგო კლდიაშიღთან დაურეკავს. ახლა სერგო წითური ხო იყო და...

– სერგო, მჭირდება დუშაში და უნდა მომცე.

კარგა ხნის პაუზის შემდეგ ყურმილში სერგოს ხმა გაისმის:

– მომიცია!

და წყვეტილი ზუმერი. სერგომ ყურმილი დადო.

კარლომ კამათელი გააგორა. მართლა დუშაში არ დაჯდა, კაცო?

მერე მთელი კვირა ემალებოდა გამეხებულ ლევან ასათიანს სერგო კლდიაშიღი.

ყველა ერთად გულიანად ვიცინით. ამას ბატონი გიორგი ნატროშვილი გვიამბობს. თითქმის მთელი ცხოვრება ამ ადამიანთა გვერდით გაატარა, ბოლოს საქართველოს გ. ლენინის სახელობის ქართული ლიტერატურის სახელმწიფო მუზეუმის დირექტორი იყო... და მახსენდება: „მუზეუმი ნამდვილი საკუჭნაოა, განვლილი გრძნობების, გადასული ფერების, გადახდილი ომების ძველი საკუჭნაო“ (კ. გამსახურდია). სწორედ ომების, და ომის ყველა კანონზომიერების მიხედვით იყვნენ სარდალნიც და უპოვარნიც, გმირებიცა და მსტოვრებიც. ბრძოლაც უმეტეს, უთანასწორო და უსამართლო იყო, მაგრამ მოპოვებულ გამარჯვებასაც თავისი გამორჩეული ღირსება პქონდა. საინტერესოა, თავად რას განიცდიდა ამ დროს. უახლესი ლიტერატურული ნაშრომ-ნაღვაწის ლამის პირველი წამკითხველი და გამომჩნევი ახლა ამ ხელნაწერებს საინვენტარო წიგნში გატარებულ სამუზეუმო ექსპონატებად აღბათ, ძნელად წარმოიდგენდა. არცთუ იშვიათად, მუზეუმში სერგო კლდიაშიღი მოდიოდა (თან-

მსლებთან ერთად). მეგრე დიდხანს დარჩებოდა. საუბრობდნენ, შესაძლოა, ხშირად ისეც ისხდნენ უთქმელად, ულაპარაკოდ. სიტყვა კარგავდა თავის დატვირთვას, უბრალოდ, ერთად იყვნენ და „ის დროც“ მათთან ერთად გაიჩინდებოდა. კიდევ ერთი კოლორიტული პირიყვანება – კოლაუ ნადირაძე. შეშფოთებული სახით რომ გაენდობოდა მოსული. რასაკვირველია, გარეშემო პირთათვის უცნობი იყო კონკრეტულად საუბრის დეტალები, თორემ თემა – იმხანად მთელ საქართველოში განსაზღვრებული. გამოსულიყო კრებული „პოეტის ათასი სტრიქონი“, რომელშიც სხვებთან ერთად ბატონი კოლაუს ლექსებიც იყო დასტამბული. ლიტერატურის მუზეუმის ფონდებში დაცული ლექსი „25 თებერვალი 1921 წელი“ (ხელნაწერის ფაქსიმილე) დაბეჭდეს შემდგენლებმა.

„თოვდა. და თბილისს ებურა თაღსი,
დუმდა სიონი და დუმდა ხალხი.
ბილ-ღვიძრად იყო ქალაქი ჩემი,
საშინელებას კვლავ სჭედდა გრდემლი –
ისევე გოლგოთა, სისხლი და ცრემლი!
მშობელო დედავ, ისევე გაგყიდეს...“

ეს სტრიქონები ბევრად განსხვავდებოდა ამ თემაზე დაწერილ უამრავ „ნიმუშთაგან;“ განსხვავდებოდა პოეტური ოსტატობით, გამომსახველობის საშუალებებით და რაც უმთავრესია, ასე პირდაპირ და დაუფარავად, ხმამაღლა გაცხადებული ტკივილით. რეაგირებამაც არ დააყოვნა. ხელნაწერთა განყოფილების გამგე მოხსნეს, მუზეუმის დირექტორს – გ. ნატროშვილს სასტიკი საყვედური გამოუცხადეს. ისე, კაცმა რომ თქვას, არაფერ შუაში იყო, მოთხოვნაზე რეზოლუცია დადებული არ ჰქონია, მაგრამ „ღონისძიება“ თვალსაჩინოდ უნდა გაეტარებინათ!..

აღბათ, ამაზეც ვისაუბრებთ. კიდევ ბევრ რამეს მოიგონებს, გასახსენებელი ხომ უამრავი აქვს.

ტელეფონით შევთანხმდით.

მისთვის ჩვეული თაგაზიანობით შემეგება. დაგსხედით. სახე შეწუხებული აქვს: რა ვიცი, გული კი არა მაქვს, ისეთი უბედურებაა, ვის უნდა, ვის აინტერესებს, დაკარგა ინტერესი ყველაფერმა. დაიკარგა. რა ღეთის წყრომაა. რა ვიცი, კაცო, რა ვიცი, რა ვიცი.

მოულოდნელად ტელეფონის ზარი გვაწყვეტინებს საუბარს. მოიბოდიშა; ხმამაღლა აწეული ტონი მეორე ოთახში ისმის:

– ყველაფრის გაჩერება შეიძლება, „მნათობისა“ არ შეიძლება. „მნათობი“ არ უნდა გაჩერდეს.

როდესაც აქ მოვდიოდი ბატონი გიორგისადმი მიძღვნილი გიორგი ლეონიძის ლექსი კიდევ ერთხელ გადავიკითხე. „მე მოვდიოდი შორიდან“ – მართალია, ეს სტრიქონი ლექსში სხვა კონტექსტს გულისხმობს, მაგრამ ამჯერად მინდა, ეპოქაზე ვისაუბროთ, იმ შორეულ და ახლოებულ ეპოქაზე – ცოტა ხნის შემდეგ ჩვენ კვლავ ვაგრძელებთ საუბარს. უფრო ზუსტად – ვიწყებთ.

– ბატონო გიორგი, თქვენ თვალწინ მთელმა ეპოქამ გაიარა. თითქმის ჭაბუკობიდან იცნობდით თანამოკალმეებს. როგორები იყვნენ ისინი ახალგაზრდობაში და მერე, ხანდაზმულობის წლებში. იგივენი დარჩნენ? ცვლილება ხომ არ შეგიტყვიათ, რომელიმე მათგანი უფრო მგრძობიარე გახდა თუ პირიქით, გამკაცრდა?

– არა, პირიქით არა... ისე რუსუდან, მგონი, მწერლები საერთოდ არ იცვლებიან.

– უპირველესად ვის გაიხსენებდით. ვინ იყვნენ და არიან თქვენი უახლოესი მეგობრები?

– რა ჩამოთვლის! ბევრი მათგანი აღარ არის ცოცხალთა შორის, მაგრამ ჩემს ხსოვნაში ისინი ცოცხალნი არიან. რა დამავიწყებს თუნდაც იმავე კონსტანტინე გამსახურდიას! მახსენდება ომის შემდგომი წლები, როცა გამოიცა მისი ნოველების ახალი კრებული. ეს წიგნი უმალ დაგმეს და შეაჩვენეს. გახეთმა „კომუნისტმა“ ამ წიგნს გამანადგურებელი სარედაქციო წერილი მიუძღვნა სათაურით: „ნაბიჯი უკან, ძველი პოზიციებისაკენ“, რომელშიც აღნიშნული იყო: „ამ წიგნის გამოცემა წარმოადგენს უხეშ პოლიტიკურ შეცდომას. ანტილენინურმა შეხედულებებმა შესაძლებლობა არ მისცეს კონსტანტინე გამსახურდიას, დაენახა საბჭოთა სინამდვილე, დაუმახინჯებლად აესახა იგი თავის ნაწარმოებებში... ნოველების ავტორი ყოველგვარი ამორალიზმისა და გარყვნილების მქადაგებლად გამოედის. ამ ბოღვას საბჭოთა იდეოლოგიასთან საერთო არა აქვს რა... ეს მტრული პროპაგანდაა.“

ნოველების კრებული აკრძალეს და მთელი ტირაჟი გაანადგურეს. ამას გარდა, ქვაბში ჩაყარეს ლითონი ანაწყოებისა კონსტანტინეს მეორე ახალი წიგნისათვის, რომელიც დასაბუჯდად მზადდებოდა. ერთხანად აიკრძალა მისი სახელის ხსენებაც კი. შეწუხდა მწერალი. გატეხით კი მაინც არ გატყდა, ესტუმრა ქალაქ რუსთავს და დაწერა მშვენიერი ნარკვევი იქაურ მეფოლადეებზე და ძველ იბერიელებზე და კოლხებზე, რომლებმაც მორგანის აზრით, რკინის დამუშავების საიდუმლო გაუმხილეს მთელ კაცობრიობას. ეს კი

დაწერა, მაგრამ ახლა გამოქვეყნება იყო საჭირო, კარები ყველგან გადაკეტილი დაუხვდა.

მოვიდა მაშინ ბატონი კონსტანტინე „ლიტერატურული გაზეთის“ რედაქციაში და მითხრა:

– გიორგი, შენ ახლა უნდა დაამტკიცო, რომ ჩემი ძმა ხარ!

– ვეცდები-მეთქი, ვუთხარი და გულში გადაკწყვიტე, რაღაც უნდა დამიჯდეს, აქ უკანდახევა არ შეიძლება-მეთქი. ეს ამბავი თვითონ ბატონმა კონსტანტინემ გაიხსენა შემდგომში თავის წერილში „მწერალი და მხედარი“, რომელიც „ლიტერატურული საქართველოს“ ფურცლებზე გამოქვეყნდა 1970 წელს, რევაზ მარგიანის რედაქტორობის ქამს. მასში მწერალი აღნიშნავდა: „ჩემი ცხოვრების უმძიმეს წლებში გიორგი ძმურად მიდგა მხარში“. ნარკვევი რუსთავე იმავე კვირაში დაიბეჭდა, მაგრამ ეს როდი იყო მთავარი. საქმე ის იყო, რომ ამიერიდან ასე ვთქვათ, ყადაღა აეხსნა კონსტანტინეს ნაწარმოებებს, თუმცა უსამართლო გამოსხრობები კვლავ გრძელდებოდა. თვე არ გავიდოდა, ამ ჯურის კრიტიკოსებს ქვა არ ესროლათ „ლიტერატურული გაზეთისთვის“. ხშირ შემთხვევაში თავს ესხმოდნენ გამსახურდიას ნაწარმოებებს. მომიტყვევთ და ყოველივე ამას რაღაც სახელის მოსახვეჭად როდი მოგახსენებთ. ეს რედაქტორის მოვალეობა იყო და მე შეძლებისდაგვარად, ვასრულებდი კიდევც; და ამას თვითონ დიდოსტატი ისე აფასებდა, რომ საჭიროდ მიიჩნია, აღენიშნა თავისი რჩეული თხზულებების მეშვიდე ტომში: „მანიაკებმა ლამის იყო აიკლეს გიორგი ნატროშვილი.“

მახსოვს ერთად გატარებული დღეები. ხშირად დავდიოდით სანადიროდ მე და კონსტანტინე, ხანდახან ვაუსაც წამოიყვანდა. ჩუმი იყო, ჩუმი და უთქმელი, სიტყვას არ იტყოდა.

– რაზე ნადირობდით?

– ფრინველზე, ფრინველზე. დავით გარეჯაში ზეიადიც გვახლდა... ისე უმეტესად, მცხეთაში დავდიოდით.

– ცხენებით?

– არა, მანქანით. ისე, კონსტანტინე ცხენით კიკეთში დადიოდა, მწერლების სახლი იყო იქ. ხშირად ქართველი გენერალი... უჰ, რამ დამავეიწყა მისი გვარი... აძლევდა ცხენებს. ჩვენ მანქანით დავდიოდით.

ერთი ამბავი მინდა გავიხსენო კიდევ.

ერთხელ კონსტანტინეს ვახლდი თელავში საღამოზე. დაპატიჟეს თელაველებმა. წავედით აქედან მე, კონსტანტინე და მისი ქალიშვილი თამარიკო, კიდევ იყო შოფერი სურიკა. ჩავედით თელავში და ოო, დიდი სიხარულით შეხვდნენ. ჯერ არ დაწყებულა საღამო და მოვიდა ჩემთან ორი თუ სამი ახალგაზრდა ბიჭი და მითხრა, ეხლა

კი ჩავიგდეთ კონსტანტინე გამსახურდია ხელშიო. მე ვუთხარი:

– კაცო, რას სულელობთ, რომ დაპატიჟეთ, როგორ ახლა...

– გაკრიტიკებას აპირებდნენ?

– ხო, ხო, ტყავს გაეაძრობთო. მე ვუთხარი, გაჩერდით კაცო, ამდენი ხალხი არის თაემოყრილი... საზვიამო ისაა, დაპატიჟეთ, საპატიო სტუმარია, არ გაბედოთ-მეთქი.

– ეს ახალგაზრდები იბეჭდებოდნენ, თუ ისე, მოყვარული მკითხველები იყვნენ?

– მათ შორის ერთი ბეჭდავდა, გაზეთში მუშაობდა, სხვებიც მოლიტერატურო ხალხი იყო.

მართლაც, ჯერ არაფერი. კარგი მოხსენება წაიკითხა პირველმა მომხსენებელმა, იქაური ქალი იყო... მერე მაინც გამოვიდნენ. თქვეს: სუყველაფერი ყირაზეა ამ რომანში დაყენებულიო. კახელები მეცხვარეებად არიან გამოყვანილი, თუშები ვენახს აკეთებენო.

– „ვაზის ყვავილობაზე“ მსჯელობდნენ?

– ხო. ვის გაუგია თუშის ვენახიო. ეს ჩანგრეული ღობეებიო...

კონსტანტინემ გადმომილაპარაკა:

– ეხლავე ჩავასხმეინებ სურიკას ბენზინს მანქანაში, ჩამოვივლი მაგათთან ერთად და რამდენ ჩანგრეულ ღობეს და მოუვლელ, ღარიბ კარ-მიდამოს ვნახავთ, მერე მიყურონო...

... ათასი რაღაცეები. ზომებს არ იცავსო ვაზთა შორის ვენახის რიგებშიო. საერთოდ, ჩვენ კახელები, წინააღმდეგი ვართო.

მე ვუთხარი:

– კაცო, კახელები უკმაყოფილო ვართო, რომ ამბობთ, მე კახელად არ მთვლით, რომ დაებეჭდე ეგ რომანი-მეთქი.

დამიძახეს: – არა, შენ კახელი არა ხარო.

– აბა, ვინა ვარ-მეთქი.

– ქიზიყელიო.

ახლა კი ვისარგებლე ამით და ვუთხარი, ასე დაყავით საქართველო: ჯერ თუშები გამოაცალკევეთ, მერე კახელები, ახლა ქიზიყელები, ბარემ თითო სოფელს ცალ-ცალკე... ვერაფერი თქვეს ამაზე. გაჩერდნენ.

– ბატონმა კონსტანტინემ არაფერი უპასუხა?

– არა, თქვა რაღაც, მაგრამ მე უკვე ვრცელი სიტყვა ნათქვამი მქონდა.

სამაგიეროდ, მერე შესანიშნავი სუფრა გაშალეს. მაინც წაამწარა კონსტანტინემ იმ სუფრაზე, იქა. მე კი არ მიმიქცევია ყურადღება, შევევლით, „მასწავლებლის სახლში“. მე არ მიმიქცევია ყურადღება, ამას მიუქცევია ყურადღება, რომ იაკობ გოგებაშვილის სიტყვები რუსულად იყო მოყვანილი. თქვა:

– კაცო, არ გრცხვენიათ, იაკობ გოგებაშვილიო... თუმცა რაა, რატომ არ შეიძლება, მაგრამ... კაცი შემოდის აქაო, არ გრცხვენიათ, მარტო რუსულით რომაა იაკობ გოგებაშვილი წარმოდგენილიო. სუფრაზე უთხრა.

მოიხადეს ბოდიში, გამოვასწორებთო.

მიჭირს თავის თავზე საუბარი, მაგრამ ეცდები არა ზოგადი ფრაზებით, არამედ ფაქტებით ვილაპარაკო. სულ იმასა ვცდილობდი, მხარში ამოვდგომოდი იმ ქართველ მოღვაწეებს, რომლებიც თავიანთი ცხოვრების უმაღლეს მიზნად ერის კეთილდღეობას, მის სიკეთეს მიიჩნევდნენ. ასეთი იყო მაგალითად, დიდად სახელგანთქმული მკვლევარი, ისტორიკოსი პავლე ინგოროყვა. იკვლევდა რა თვით უშორეულესი ეპოქების ვითარებას და ხსნიდა ისტორიის ჯერაც ამოუხსნელ საიდუმლოებებს; პავლეს ამ მუშაობის პროცესში დიდად შეელოდა მიგნების ჯადოსნური ალლო და გუმანი, პირდაპირ მისნური მიხვედრა და ინტუიცია, რითაც განგებამ ბატონი პავლე გულუხეად დააჯილდოვა. ის მანამდე უვალი და გაუკვალავი გზით მიდიოდა, ამ გზით აღწევდა ჭეშმარიტებას და მაინც, მის გაბედულ დასკვნებსა და დებულებებს ფართო მეცნიერულ წრეებში ყოველთვის როდი იზიარებდნენ. წინ აღუდგებოდნენ ხოლმე და იწყებოდა ფრიად ცხარე პოლემიკა, რომლის დროსაც საქართველოს მწერალთა გაზეთი – „ლიტერატურული საქართველო“, რომელსაც იმ ხანებში თქვენი მონა-მორჩილი რედაქტორობდა, პავლეს უჭერდა მხარს; პავლეს განკარგულებაში იყო და ჩვენი ხელშეწყობა, თუკი რამე შეგვეძლო, მას არ აკლდა. რას მიშვებოდა ახლა. იცით, ერთ სარდაფში 10 გვერდზე მეტი არ შეიძლება. რას აკეთებდა. მომიტანდა სტატიას, ბოლო გვერდზე 10 აწერია, შიგნით კი არის – გვერდი 7, 7^ა, 7^ბ, 7^გ... და ა. შ. ხომ არ მოგტყუებები, კაცო (გულიანად იცინის). ასეთი უცნაურობები იცოდა. სულ მალე ცხარე დისკუსია გასცდა ლიტერატურული გაზეთის ფარგლებს. ზუსტად იმ ხანებში აკად. სიმონ ყაუხჩიშვილმა და მე ერთად დავეწერეთ ვრცელი წერილი: „რუსთველოლოგია ახალ მიჯნაზე“, რომელიც მარტო „ვეფხისტყაოსნის“ საკითხებს კი არ ეხებოდა, არამედ მოიცავდა ისტორიისა და ლიტერატურის განვითარების უაღრესად ფართო წრეს, რომელიც ინგოროყვას კვლევა-ძიების ცენტრში იყო მოქცეული. დაიბეჭდა იგი გაზ. „კომუნისტში“ 1964 წლის 23 მაისს. მაშინ დამიგვიანდა მე მიმეტანა ჩემი ნაწილი სიმონთან. მახსოვს, რომ გაიგო: გამომტყერი ყელი? – მითხრა. – არა კაცო, ხვალ მივუტან-მეთქი. აი, ასე იყო. სპეციალური შეკრებაც მოაწყვეს მწერალთა კავშირის დარბაზში. გამოვიდნენ მწერლები, უნივერსიტეტიდანაც... გააძრეს ტყავი. ირაკლი აბაშიძე იყო თავმჯდომარე. კარგი კაცი იყო სარგის ცაიშვილი,

შესანიშნავი მეკლევარი იყო, მაგრამ... ეს იწერს, იწერს, იწერს. გამოდიან ორატორები: ერთი, ორი, სამი, ოთხი და... ირაკლიმ თქვა, მე მეგონა იწერსო, თურმე ხატავს ცხენებს, ვირებს, კურდღლებს. ყურსაც არ უგდებდა. გასაოცარი, უცნაური ხალხი იყო... შემდგომში მე და ლაეროსი კაღანდაძემ გამოვაქვეყნეთ ვრცელი ერთობლივი წერილი სათაურით: „წიგნი და ავტორი“, რომელშიც აღნიშნული იყო, რომ ინგოროყვას ყოველი ახალი გამოკვლევა, მთელი მისი დაუღალავი ძიება, რომლის წყალობითაც ნათელი მოეფინა ბევრ მანამდე ბნელით მოცულ საკითხსა თუ მოვლენას, არის ძვირფასი შენაძენი მეცნიერებისათვის და მოასწავებს ქართული მხატვრულ-ესთეტიკური კულტურის ამაღლებას.

აი, ეს არის, ცნობილი წიგნია ბატონი გიორგი თავისი სამუშაო მაგიდიდან იღებს და მაწვდის კრებულს, ეს არის პაველე ინგოროყვას თხზულებათა IV ტ. ძველად ბერები რომ წერდნენ ხოლმე, სამომ ორდენი რომ ჰქონდათ, ისეთი წარწერა არის. ნახეთ ერთი.

– ძმას.

– ჰო, ძმას. ახლა რატომაა ასე. ვერ მოითმინა, რომ ჩაესვა ყდაში. სტამბიდან წამოიღო წიგნი, აკინძული ძაფზე და მომიტანა – აქაოდა, დროზე წაიკითხეო. მერე მე წავიღე კერძო ხელოსანთან, ჩავასმევეინე ყდაში და მქონდა რედაქციაში. მოვიდა პაველე, უუჩვენე, გამომართვა და სწორედ მაშინ წამიწერა სატიტულო ფურცელზე:

„ძმას – გიორგი ნატროშვილს ეუძღვნი ამ წიგნს

გულითადი სიყვარულით

ძმა პაველე ინგოროყვა 9 იელისი, 1978 წელი, ქ. თბილისი“

გასაოცარი ხალხი იყო.

მაგონდება ორმოცდაათიანი წლები. იყო პერიოდები, როცა სტამბაში დიდი გადატვირთვის გამო, „ლიტერატურულ გაზეთს“ გათენებისას გაუშვებდნენ ხოლმე მანქანაზე. ისე რომ, ხუთშაბათობით ხშირად ღამის თევა გვიხდებოდა და პაველე იყო ერთადერთი კაცი ავტორთაგან, რომელიც როცა მისი წერილი იბეჭდებოდა, ჩვენთან ერთად ათევედა ღამეს. მზის პირველ სხივებზე რომ გაშლიდა ხოლმე ახალ გაზეთს, ჩაათვალეებოდა თავის წერილს, მერე გადმოგეხედავდა და სანახევროდ ხუმრობით, სანახევროდ სერიოზულად გვეტყოდა:

– მორჩა, გასულია რაკეტა ორბიტაზე!

რა ვიცი, იმდენია გასახსენებელი... ახლა რაშია იცი საქმე? ისე მომიხდა, 40 წელი რედაქტორი ვიყავი, ჯერ გაზეთისა, მერე „დროშისა“ და მერე „მნათობის“ ე.ი. ფაქტიურად ყველა ეს მწერალთა ორგანო იყო... ბუნებრივია, ყველასთან ახლო უნდა ყოფილიყავი.

– როგორ ფიქრობთ, როგორი რედაქტორი იყავით?

— რა ვიცი. ჩვენი დრო, განვლილი ათწლეულები თითქმის მუდამ შფოთიანი და საგანგაშო იყო. თითქმის არასოდეს ყოფილა იგი წყნარი და მშვიდობიანი, კაცმა არ იცოდა, რა მოგელოდა ხვალ, ზეგ...

ამ შეკითხვის პასუხად ერთი ამბავი მინდა გავიხსენო. წელი ზუსტად არ მახსოვს, დაახლოებით 50-იანი წლების ბოლო იქნებოდა, როცა მწერლების ერთი ჯგუფი მანქანებით თბილისიდან ჭიათურაში, სოფ. ზედა რგანში მიემგზავრებოდა. ჯგუფში შედიოდნენ ალიო მირცხულავა, ალექსანდრე გომიაშვილი, არჩილ სულაკაური, ოთარ ჩხეიძე, ვახტანგ ჭელიძე, ალექო შენგელია და მე. სხვებიც იყვნენ. ბოდიშს ვიხდი მათ წინაშე, ვინც არ გამახსენდა. გზა და გზა ვისვენებდით. კერძოდ, გორში მახსოვს, კარგა ხნით გაჩერდით. ამ შესვენებების დროს იყო ერთი დაევა და კამათი, ნაუცბათევეად, იქვე შექმნილი ლექსები.

იმ ხანებში თბილისის ლიტერატურულ საზოგადოებაში იყო ერთი მითქმა-მოთქმა იმის გამო, რომ ალიო მირცხულავა, ჟურნალ „მნათობის“ მთავარი რედაქტორი ერთი გაბედული ნაწარმოების დაბეჭდვისათვის სამსახურიდან მოხსნეს. ბუნებრივია, რომ ამ მგზავრობის დროს მწერლებმა ეს ამბავიც გაიხსენეს. იყო ერთი ხუმრობანარევი მისამძიმრება ალიოსადმი, ნუ იღარდებო, მოხსნა რა ბედენაა, მალე ეგ აქლემი ჩვენს კართანაც დაიჩოქებსო. მოკლედ რომ ვთქვათ, იყო თანაგრძნობით აღსავსე სიტყვები... შემდეგ ყველა შეიპყრო პოეზიის გიჟურმა ეშხმა და კოლექტიურად შექმნეს ერთი, თუ შეიძლება ასე ითქვას, მეგრულ-ხევსურული სტროფი:

ალიო ჯეეში მაგვიხსნეს,
ეს დღე მოგველის ყველასა.
მოხსნილი ვაჟი გერჩივნოს
ლაჩარსა, მაუხსნელასა.

ლექსს თავისი ქვეტექსტი ჰქონდა იმის გამო, რომ ჯგუფში იყვნენ რედაქტორებიც, დირექტორებიც, გამომცემლობის ხელმძღვანელებიც, ისე, რომ ლექსი მთლად სახუმარო არ იყო.

ისე, (იღიმება) არც კურიოზების გარეშე იყო...

ზაფხულის ერთ ცხელ დღეს ვართან ატრიანი რედაქციაში შემოვიდა და მითხრა:

— გიორგი, ცუდად ჩამოცხა ეს ტიალი. ბავშვები, ბავშვები მეცოდება. კურორტზე მინდა გავეზავნო და კაპიკი არ მაქვს. ავანსიუნდა მომცე. ვამთავრებ მოთხრობას და სულ მალე მოგიტანო.

წუთიერად დაფიქრდი... გაზეთი თვითანგარიშზე იყო და ფული არც ისე თავზესაყრელი გექონდა. ამიტომ შევეკითხე:

– რამდენსა თხოულობ?
– 600 მანეთი უნდა მომცე.
– აუჰ, რა ამბავია, ვართან. მაგდენს ვერ შეიძლებს ჩვენი ღარიბი საღარო. გაეყოთ შუაზე, 300 მაინც უნდა დამჯერდე.
– ეგ თანხა თუნდა მოგიცია, თუნდა არა. საგზურს მაინც არ ეყოფა.

– რა ექნა, ჩემო ვართან, მაქვს და არ გაძლევ?
– კარგი, 550 მანეთი იყოს, – დაუკლო ვართანმა.
– მაინც ბევრია. 350 წაიღე. დანარჩენი სხვაგან იშოვე, შე კაცო.

– სად ვიშოვო? სად სხვაგან? განა ცდა დაეაკელი? 500 მანეთს მაინც დაგჯერდები.

– 400 წაიღე და მომწყდი თავიდან.

შეეხედე სახეში. თვალები ეშმაკურად აუციმციმდა და მითხრა:

– მე შენ ქართველი მეგონე, სომეხი ყოფილხარო (იცინის) სომეხმა თქვა თვითონ, კაცო, სომეხმა თქვა. მე გამეცინა.

– ყოჩაღ-მეთქი, – ეუთხარი და 600 მანეთი მივეცი.

– ბატონო გიორგი, საერთოდ, რა აზრის ბრძანდებით კრიტიკის დანიშნულებაზე?

– ისევ მეგობრებს მინდა დაეუბრუნდე და რამდენიმე ამბავი თქვენთან კიდევ გაეიხსენო: ეს ამბავიც კარგა დიდი ხნის წინ მოხდა. სამგზავრო მატარებელი „მოსკოვი-თბილისი“ გუგუნით მოჰქროდა რუსეთის თვალუწვდენელ ტრამალებზე. ის იყო შებინდდა და მგზავრები საძილედ გაემზადნენ, მაგრამ ერთ კუბეში დაუცხრომელი დაეა და კამათი იყო გაჩაღებული. ეს კუბე ქართველ მწერლებს ეჭირათ, ისინი ბრუნდებოდნენ მოსკოვიდან თბილისში. მოსკოვში, კრემლში სხვა მწერლებთან ერთად, მათ მთავრობის უმაღლესი ჯილდოები – ორდენები მიიღეს. ამაზე იყო ვაგონში მსჯელობა. გიორგი ლეონიძემ გულისტკივილით თქვა:

– ყველაფერი კარგი იყო და მოსაწონი, მადლობის მეტი რა გვეთქმის, მაგრამ ერთი ეს იყო საწყენი – რას ერჩიან პასტერნაკს, უზარმაზარი პოეტური ტალანტის კაცს, რად დაივიწყეს. მიეცათ მისთვისაც ერთი ორდენი, რა დაშავდებოდა, მას ხომ პირველს ეკუთვნოდა ყველაზე მაღალი ჯილდო!

გიორგი ლეონიძეს უმაღ დაეთანხმნენ იქვე მყოფი პაოლო იაშვილი, ტიცინი ტაბიძე, ილო მოსაშვილი, სერგო კლდიაშვილი. მარტო სანდრო შანშიაშვილი გაჯიუტდა: პასტერნაკი არავითარი პოეტი არ არისო. შეედავნენ. შეედავნენ, მაგრამ ვერა და ვერ დაიყოლიეს. ბოლოს სანდრომ განაცხადა:

– კარგი პოეტი ის არის, ვისი ლექსებიც ხალხმა ზეპირად იცის.

აბა, პასტერნაკის ერთი ლექსი მაინც მითხარით ზეპირად. თუ ბიჭები ხართ, მითხარით და თქვენი ხმალი იყოს და ჩემი კისერი.

– ერთს კი არა, თუ გინდა, ათს გატყვი ზეპირად, – შეეპასუხა სერგო.

– ათი არ მინდა, ერთი მაინც მითხარი.

– მაშ მომისმინე, – უთხრა სერგომ და დაიწყო:

Я помню чудное мгновенье:

Передо мной явилась ты,

Как мимолетное виденье,

Как гений чистой красоты.. და ასე, ბოლომდე ჩაიკითხა

ეს მართლაც გენიალური ლექსი.

პირველი სტრიქონის წარმოთქმისთანავე კუპეში მყოფთა სახეებზე ღიმილი აღიბეჭდა. რა თქმა უნდა, მიხედნენ, რაოდენ მაცდური სარმა გამოსდო სერგომ გაჯიუტებულს. სერგომ ლექსის კითხვა რომ დაამთავრა, სანდრომ უთხრა:

– აბა, ეგ ლექსია? წმინდა სილამაზის გენიოსი გამომეცხადო! ბარემ ლამაზების პრეზიდენტი დეეწერნა!

ახლა კი ატყდა ხარხარი. სიცილით გული რომ იჯერეს, ჰკითხეს:

– მართლა არ იცი, სერგომ ვისი ლექსი წაიკითხა? და უთხრეს, ვისიც იყო.

– იმასაც თავგზა დაბნევია! – უპასუხა გაჯიუტებულმა პოეტმა ისე, რომ წარბიც არ შერხევია.

რა იყო ეს: ლიტერატურული მისტიფიკაცია თუ უბრალო ხუმრობა მომქანცველი მგზავრობის დროს? ეს იყო ერთი მცირე ეპიზოდი მაღალი ლიტერატურისათვის ბრძოლისა, როცა უნდა გამოიყენო არა მარტო პოლემიკის ჩვეული ხერხები, ლოგიკის კანონები, არამედ მძაფრი ირონიაცა და ხუმრობაც.

მაგონდება კიდევ ერთი ეპიზოდი სერგო კლდიაშვილის ბიოგრაფიიდან: მაჩაბლის ქუჩაზე, მწერალთა კავშირის ბაღში ნებივრად ჩამომსხდარან და საუბრობენ რამოდენიმე მწერალი და მათ შორის – სერგოც. საუბრის თემაა – ვინ რაზე მუშაობს. სერგო გულმოსულია იღო მოსაშვილზე, რომელმაც ლიტერატურული წლის შემეჯამებელ დისკუსიაზე უსამართლოდ გაკენწლა მისი ნოველების კრებული – ავტორი არააქტუალურ თემებზე წერსო. და ახლა ცხადია, შეკრებილთ აინტერესებთ, რაზე მუშაობს სერგო კლდიაშვილი, რა აქტუალური თემა აირჩია.

– ჩემი ახალი ნოველის სათაურია „იუდეველთა პროკურატორი,“ – დაიწყო სერგომ და ზუსტად მოჰყვა შინაარსი ანატოლ ფრანსის

ამავე სახელწოდების გენიალური ნოველისა, რომელიც სწორედ იმ ხანებში ითარგმნა ქართულ ენაზე. ჰყვება ნოველის შინაარსს სერგო და ლაპარაკობს რომის იმპერატორ ტიბერიოსზე და პონტოელ პილატეზე, იესო ნაზარეტელზე და მარიამ მაგდალელზე... ერთი სიტყვით, ანატოლ ფრანსის ნაწარმოების ერთი დეტალიც კი არ გამოუტოვებია. მსმენელები იმ ერთის გარდა, იღიმებიან; იციან, რომ სერგო ახლა კისრულით გადაიტანს და მიწაზე დაანარცხებს მოწინააღმდეგეს და მოუთმენლად ელიან საპასუხო რეაქციას. და მართლაც, ანკესზე მარჯვედ წამოგებული მოპირისპირეც არ აყოვნებს:

– გესმით რაებს ჰყვება? – მიმართავს იღო დამსწრებს. – მოდი და გაუჩუმდი. რა არის სერგო, მაგ სისულელეს როგორ წერ, არც აზრი, არც სიუჟეტი, არც არაერთი იდეა მაგ შენს ახალ ნოველას არა აქვს! არა, ამხანაგებო, ამ უკულმართ კაცს არაფერი არ ეშველება, მთლად დაკარგული აქვს ყოველგვარი კლასობრივი აღლო და ბოლოს, გაბრაზებით დაასკენა: არაა მაგ ჩვენი კაცი!

დამსწრენი იცინიან და გაცხარებულ მოპაექრეს ვერ გაუგია, რა არის აქ სასაცილო...

გარეგნულად ეს ყველაფერი თითქოს სასაცილოდ ჩანდა, მაგრამ მას თავისი შინაგანი აზრი ჰქონდა. იგი ბუნებრივად და უშუალოდ ეხმაურებოდა, როგორც წიდან ეთქვი, მწერლის ბრძოლას მაღალი ლიტერატურისათვის და ესთეტიკური მრწამსის სიწმინდისათვის, იმ მრწამსის დაცვისათვის, რომელიც ვერ ურიგდება კონსერვატული აზროვნების შაბლონებში ჩაჭედილ სტანდარტულ ფორმულებს. აი, სერგო კლდიაშვილის შემოქმედებაში ბუნებრივად ერწყმიან ერთიმეორეს უნახესი ღირიზმი და მძაფრი ირონია, სადაც სატირული ფერები უშურველად და უხეად არის ჩაქსოვილი მწერლის იმ ტილოებში, რომელზეც ქვეყნის აწმყო და წარსულია გამოხატული.

– რამდენადაც ვიცი, თქვენ დიდი მეგობრობა გაკავშირებდათ...

– კი, კი. იმდენია მოსაგონებელი...

ახლა, სადაც შევიდოდით ამ წიგნის მაღაზიაში, უმთავრესად ახალგაზრდა ქალიშვილები მუშაობდნენ. დაუწყებდა გამოკითხვას: გათხოვილი ხარ, თუ არა. მერე ისა, თუ ეტყოდა, გათხოვილი ვარო, ქმარი ვინ არისო. თუ არა – რატომ არა ხარო. კაცო, რა გინდა შენ (იცინის) არა, ისინიც იცნობდნენ, მაგრამ ისე უხერხულადა ვგრძნობდი თავს, რომ რა წესი იყო მაინც. არა, ისე ცუდიც კი არაფერი, მაგრამ ახლა მაინც რაა კაცო.

– თამამი კაცი იყო?

- ჰო.

- რუსუდან, თქვენ დისერტაცია ნიკო სამადაშვილზე დაიცავით, არა?

- დიახ, - გუდასტურებ.

- ნიკო სამადაშვილს შესანიშნავად ვიცნობდი. ძალიან საოცარი კაცი იყო. სვამდა ბევრს ხო იცი, დარდისაგან. არა, რაშია საქმე, იცი? ყველა გრძნობდა, ყველა ვგრძნობდით, რომ მართლაც ის იყო... ისეთი შეზღუდული ვიყავით, გასაოცარი იყო პირდაპირ. მახსოვს, ერთ ლექსს ებეჭდავდი, აწყობილი იყო უკვე, მთავლიტმა ამოიღო.

- რომელი ლექსი იყო, ადარ გახსოვთ?

- არ მახსოვს, არ მახსოვს.

- ბატონო გიორგი, გიძენლდებოდათ თქმა, რომ ეს სუსტი ნაწარმოებები ან წერილია? უკან გატანება როგორ ხდებოდა ხოლმე.

- არა, პირდაპირ ვეუბნებოდით. ისე, ძნელი იყო, რა თქმა უნდა, მაგრამ...

- თუ გქონიათ შემთხვევა, რომ დაგიკვეთათ ვინმესთვის წერილი?

- კი, რა თქმა უნდა. იყო ვერე.

- გინ როგორ რეაგირებდა ჩასწორებებზე; აი, მაგალითად, გალაკტიონი, გიორგი ლელნიძე...

- გალაკტიონი? გალაკტიონი სხვაგვარი იყო. ვერ გაუგებდი. მისი უბის წიგნაკი ვნახე. ჩაწერილი აქვს ჩემი გვარი, სახელი და მისამართი. მაშინ ძნელადის ქუჩაზე ვცხოვრობდი, ძნელადის I ჩიხში, მეოთხე ნომერში, რად უნდოდა, არ ვიცი. გალაკტიონი უცნაური კაცი იყო, უცნაური. ისე, გენიალური კი ბევრ რამეში იყო. რაში იყო უბედურება იცი, აღიარებული იყო და მაინც არ სჯეროდა, ხომ იცი. მაინც ეგონა, რომ არ აფასებდნენ. არადა, აფასებდნენ.

- მერე, თვითმკვლელობის შემდეგ მწერალთა კავშირში ითქვა რაიმე?

- არაფერი. თავის მოკვლამდე ორი დღით ადრე, უნივერსიტეტის პირდაპირ რომ კაფე იყო, კამოს ქუჩიდან, არ გახსოვს? კამოს ქუჩიდან პირდაპირ იყო კაფე-სასადილო, არ გახსოვს?

- არა, ბატონო გიორგი. უნივერსიტეტი ვიცი, კამოს ქუჩაც, მაგრამ ის კაფე-სასადილო არ „მახსოვს“, - გეუბნები ღიმილით.

- ჰოდა, - განაგრძობს ის. - ვისხედით იქა და ვსვამდით მე, ალექო შენგელია, ოთარ ჭელიძე და კიდევ ვიღაცა. შემოვიდა გალაკტიონი. ცოტა მარილიანია, მაგრამ მაინც უნდა ვთქვა. შემოვიდა გალაკტიონი და დაჯდა. რა თქმა უნდა, ჩვენ მაშინვე დავუძახეთ, მისი სადღეგრძელო დაველიეთ. დალია რამდენიმე ჭიქა და ეტყობოდა, ცუდ ხასიათზე იყო. არ იყო ხასიათზე. არ იყო. ოთარ ჭელიძეს მიაჩერდა და ჰკითხა:

– შენ ვინა ხარო.

ოთარმა უთხრა: მეო, ბატონო გალაკტიონ, ახალგაზრდა მხატვარი ვარო, აკადემიაში ვსწავლობო.

– პოო, აბა ის ვინლა არის, უნიჭო ბალადებს რომ წერსო.

– არ გატყდა ბატონი ოთარი? – ვიცინით ორივე.

– არ გატყდა.

ეეჰ, საწყალი გალაკტიონი...

ჰო, ჩასწორებებზე მკითხე. ერთხელ სტამბაში რომ ვიყავი, გოგლამ თან თავისი ქალიშვილი, თინა მოიყვანა. პოემა იბეჭდებოდა მისი. თვითონ დაგვიწყო საუბარი და თინა, შენ წაიკითხეო. წაიკითხა თინამ და ამოიღო ოთხი სტრიქონი. ჩვენ ვერ ვუბედავდით, ხომ იცი და ამან...

მე ვუთხარი, რას შეები-მეთქი.

– ეტყობა, მართლა არ ვარგაო; ენდობოდა, იცი?

– ბატონო გიორგი, ასეთ რამესაც იგონებენ, გიორგი ნატროშვილს ძალიან მოსწონდა ლეონიძის პოეზია, პროზაზე კი ამგვარივე შეხედულებებისა არ იყოო. ბატონი ნიკა აგიაშვილის ჩანაწერებში იუმორით გამთბარი ერთი ფუნაგორია წაგეკითხე: „როცა გოგლა ლეონიძემ მოთხრობების კრებული გამოსცა, გიორგი ნატროშვილს დიდი რიხით უთხრა: ხომ დავაწვინე ბეჭებზე ჩემი ნოველებით პროზაიკოსებიო.

– მაშა, მაშა, – მიუგო გიორგიმ, – იორამაშვილი და მაისურაძეო“.

– მართლა ასე იყო?

– არა კაცო, როგორ თქვეს ესა. არა. „ნატერის ხეზე“ ეგვიდებოდი. ძალიან მომწონდა. აგერა მაქვს, დგება საგარძლიდან და წიგნების უზარმაზარ კარადასთან მიდის. აგერა მაქვს... მაჩვენებს ცოტა ხნის შემდეგ, „ნატერის ხე“ მისი წარწერით. აფორიაქებული კვლავ იმეორებს:

– არა, კაცო, „ნატერის ხე“ მომწონდა საოცრად და ახლაც მომწონს, როგორ დაწერეს ეგა.

წიგნის თავფურცელზე კი დიდ პოეტს წაუწერია:

„ძღვნად

ბვირფასს გიორგის

ჩემს მობაგეს

ძმური სიყვარულით

გ. ლეონიძე“

სკამიდან დგება და რაღაცას კარადაში კიდევ ეძებს. როგორც ჩანს, იპოვა და გადაშალა.

– ეს რადიოში ჩაიწერეს 1967 წლის 10 ივნისს, მინდა შენც

წავიკითხო, 30 წლის წინათ მონათხრობი. მოზრდილი კია, მაგრამ ეგებ გამოიყენო. სწორედ მის ერთ პროზაულ ნაწარმოებზე ვსაუბრობ.

– კი ბატონო, ძალიან საინტერესო იქნება-მეთქი, – ვეუბნები და მოსასმენად ვემზადები.

მინდა გავიხსენო, როგორ დაიწერა გიორგი ლეონიძის ერთი უმშვენიერესი მოთხრობა, რომელსაც „ორი შემოხედვა“ ჰქვია.

საერთოდ, მწერლის ცხოვრებაში ხშირია ასეთი შემთხვევა, როცა რომელიმე ნაწარმოების დაწერას გადაწყვეტს და საფუძვლად მას ნამდვილად მომხდარ ამბავს უდებს, ან ნამდვილად არსებული ადამიანების ცხოვრებას ხატავს. ასეთ დროს არ შეიძლება, მწერალმა ხელახლა არ მოინახულოს ის ადგილი, ის მიდამოები, სოფელი იქნება თუ ქალაქის რომელიმე უბანი, მთა, ტყე, სადაც მოქმედება ხდება და რის აღწერასაც ის აპირებს. დიახ, ეს აუცილებლად საჭიროა, რათა ფანტაზია დაიძაბოს, ადრინდელი, ბავშვობისა თუ ყრმობისდროინდელი შთაბეჭდილება განახლდეს. ვინ იცის, ნაცნობი პეიზაჟის დანახვაზე იქნებ უცებ გაცოცხლდეს რომელიმე ისეთი წუთი, რომელიც აღარ გახსოვს და რომელმაც შეიძლება ყველაზე მეტად მოხიბლოს მკითხველი. გიორგიმ ცხადია, ეს ძალიან კარგად იცოდა და მწერლის ლაბორატორიული მუშაობის ამ ტრადიციას თუ ხერხს არასოდეს არღვევდა.

ორმოცდაათიანი წლების ბოლო იყო; სწორედ ის პერიოდი, როცა გიორგი ლეონიძე „ლიტერატურულ გაზეთსა“, „მნათობსა“ და „ცისკარში“ ზედიზედ აქვეყნებდა თავის ახალ-ახალ მოთხრობებს. „ორი შემოხედვა“ ჯერ დაწერილი არა ჰქონდა, ყოველ შემთხვევაში, ჯერ არ გამოეტანა მკითხველის წინაშე. ამ მოთხრობაში აღწერილია სოფელი კლდის წყარო და იმისი მკვიდრნი. სინამდვილეში კი ეს არის სოფელი ახალსოფელი ლოჭინის ხეობაში.

იმ ხანებში გიორგიმ რამდენჯერმე გამოთქვა სურვილი, წასულიყო ახალსოფელში, მაგრამ როგორღაც ვედარ მოიცალა და ეს გამგზავრება რამდენჯერმე გადადო. ერთხელ შუადღისას, გიორგი „ლიტერატურული გაზეთის“ რედაქციაში მოვიდა. აქ ორი თუ სამი მწერალი აიყოლია, ბაზარში გავიაროთო; იქ ბოსტნის სურნელი დგას: ქინძისა, წიწმაცისა, ცერცოსი და ასე მგონია, ბოსტნის კვლებში დავდივარო. იქ მყოფმა ერთმა ახალგაზრდა პოეტმა გიორგის ლექსი გაიხსენა:

„ეხედავ, პატარა ბაღჩაში
ფუსფუსებს ჩემი მშობელი,
გადაკვალთული კალთებით

დღე-ღამე მოსაქმობელი,
წინსაფარში რომ უწყევია
ბოსტნეული და კვერცხები,
მამა-პაპური კერისა
ყოველდღე მომნაკვერცხლები...
თან რომ ჭიკჭიკით დასდევენ
შოშიები და მერცხლები...“

წავედით ბაზარში. გაზაფხული იყო, სწორედ ის დრო, როცა სატაცური შემოდის. გიორგიმ ბაზარში სატაცურს დაუწყო ძებნა. ძალიან უყვარდა.

– ხომ იცი, რომელია სატაცური? – წყვეტს კითხვას და ახლა მე შეკითხება.

– არა, არ ვიცი.

ბატონმა გიორგიმ ენციკლოპედია გადმოიღო, მოძებნა და ხმა-მადლა წაიკითხა მისი განმარტება. ვერ დაკმაყოფილდა:

– არ წერია აქ სრულად.

– დიახ, ვერც მე მივინიშნე, რომელ მცენარეზეა ლაპარაკი.

მოხდა ისე, – აგრძელებს მოგონებას, რომ ვერ ვიშოვეთ, არავის არ ჩამოეტანა. ერთხანს ვიარეთ ბაზარში და გამოებრუნდით. ახალსოფელში წასვლა აღარც კი ახსოვდა გიორგის, როცა ქუჩაში, აუარებელ ხალხში, თითქოს ბედზე ვიღაც ახალსოფელელ ჭაბუკს მოჰკრა თვალი. თურმე იქაური ტრაქტორისტი ყოფილიყო. მაშინვე დაუძახა. ჭაბუკი მოუახლოვდა და მოკრძალებით მიესალმა. გიორგიმ სიყვარულით მოიკითხა და მერე ჰკითხა:

– ახალსოფელში როდის უნდა გაბრუნდე?

– დღესვე უკან მივდივარ, – უპასუხა ჭაბუკმა.

– მაშ, ესმას გადაეცი, ხვალ ჩამოვალ და სატაცური გამიმზადლოს.

– ძია გიორგი, ოღონდ შენ ჩამოდი და სატაცური რას მიქვიან, სულ გაეწყვეტ, რაც ეზოში ფრინველი მყავს. რამდენი ხალხიც გინდა, იმდენი წამოიყვანე, – გამოიღო თავი ტრაქტორისტმა.

– არა, მთავარი სატაცურია, ესმას ასე გადაეცი, – უთხრა გიორგიმ.

ესმა ამ ტრაქტორისტის ცოლი იყო, იმ სოფლის მასწავლებელი.

მეორე დღეს გიორგის მანქანით გავემგზავრეთ. ლოჭინის ხევს ზემოთ, სათავისაკენ შევეყვით და გეზი ახალსოფლისაკენ ავიღეთ. სწორედ მაშინ გიორგიმ თავისი ბავშვობა მოიგონა, ჩვენთვის უცნობ რაჟდენა მეწისქვილესა და გნოლა ხარზე დაიწყო ლაპარაკი. მაღე

იმ სოფელში ვიყავით. მასპინძლები გულისთადად შემოგვეგებნენ. ვიდრე სუფრას გააწყობდნენ, გიორგიმ სოფლის დასათვალიერებლად წაგვიყვანა; გვიამბო, რომ ბავშვობის წლებში თურმე აქაურ სკოლაში ესწავლა. მაშინ აქ ცხოვრობდა მისი მამიდა მაშო. ვიდრე აქაურობას მოვივლიდით, სუფრა გაეშალათ. მართლაც, მარტო სატაცური კი არა, არაფერი აკლდა სუფრას.

საღამოთი სკოლაში მიგვიწვიეს. მასწავლებლებს და ბავშვებს გიორგისთან შეხვედრა უნდოდათ. ნაუცბათევი და იმპროვიზირებული საღამო ძალიან კარგად ჩატარდა. ახალსოფელებს სიხარულს საზღვარი არ ჰქონდა. ძალიან გახარებული იყო თვითონ გიორგიც, ბედნიერი და გაღიმებული, დაბრუნებული თავისი სანეტარო ბავშვობის ბურუსში.

ჩვენ, მისმა თანამგზავრებმა, რა ვიცოდით, თურმე ეს იყო გამგზავრება წარსულში, ბავშვობის წლებში და სატაცური აქ უბრალო საბაზი იყო გიორგისათვის ჩვეული ხუმრობით შეზავებული. მწერალს ახალსოფელში ჩასვლა უნდოდა, რადგან ზემოხსენებული მოთხრობის დასაწერად ემზადებოდა. ამის შემდეგ სულ მალე გიორგიმ გამოაქვეყნა თავისი „ორი შემოხედვა“. მე განსაკუთრებული ინტერესით წავიკითხე ეს მოთხრობა, რაკიღა ნანახი მქონდა ის სოფელი, რომელიც იქ იყო აღწერილი.

მოთხრობის დასაწყისში ლოჭინის ხევისწყალია აღწერილი, თავმდაბალი რომ მოწანწკარებს ქვიშაზე. ყველა მკითხველი ამა თუ იმ ნაწარმოებს თავისებურად იგებს და თავისებური სიამის გამო შეიყვარებს. მეც ეს მოთხრობა ძალიან მომწონს; ჯერ ერთი იმიტომ, რომ ის გიორგისებური სიღალით და გულგაშლილი მშვენიერებით არის მადღფენილი, მეორეც იმიტომ, რომ თავისი პეიზაჟით ილიას მოთხრობას მაგონებს – „სარჩობელაზედ“. დიდი ილიაც ხომ ლოჭინის ხევის აღწერით იწყებს თავის ნაწარმოებს.

ლოჭინის ხევისწყალს რომ აღწერს, გიორგი განაგრძობს: „ამ წყალსაც ახსოვს ჩემი ბავშვობა! ზემოთ, პატარა სოფელში, რომელსაც კლდის წყარო ჰქვია, მამიდაჩემის განიერ მამულში ჩამოჩხრიანებდა, ჩამოციმციმებდა უნაღვლოდ. მე კარგად მიცნობს ეს პატარა წყალი! ჰკითხეთ, მოგიყვებათ, თუ ჩემს ყრმობაში როგორ ვესტუმრებოდი ხოლმე მამიდაანთ. რა მოამაგე ბიძა მყავდა – ნიკოლოზი. რა კარგი ტოლები მყავდნენ იმ სოფელში... ნიკოლოზის ძმას, გარსევანს, ისიც ხომ ნათესავად მომხვედებოდა – ჩარხიანი წისქვილი ჰქონდა ზვარში. მბრუნავ ჩარხზე წყალი იმსხვრეოდა აღმას ჩქერებდა. ჩამოვჯდებოდი ხოლმე წისქვილის გვერდით, დიდ, გადაჩრდილულ კაკლის გრილოში და ეტკებოდი წყლის ჩქერალის ფრქვევით, თითქოს ჩარხზე ათასი ცისარტყელა ყოფილიყოს დახვეული“.

აქ რომ კლდის წყაროა მოხსენებული, როგორც ზემოთ უკვე ვთქვი, ეს ახალსოფელია. მწერალმა მარტო სოფლის სახელი გამოცვალა, დანარჩენი კი ყველაფერი უცვლელად დატოვა. ჩვენს იქ ყოფნისას გიორგიმ გვაჩვენა ის ეენახიც, სადაც ჩარხიანი წისქვილი მდგარიყო და ის კაკლის ხეც, საიდანაც იგი ბაეშეობის წლებში გასცქეროდა ერთბაშად დანთებულ ათას ცისარტყელას. სწორედ მაშინ გაიხსენა ნიკოლოზ ელიაეაც, მისი ძმა გარსეჟანიც და მისი მეწისქვილე რაჟდენიც – მთავარი გმირი თავისი მოთხრობისა. დიახ, ამ მეწისქვილეზეა დაწერილი მოთხრობა. ეს ადამიანი დახატა გიორგიმ, მაგრამ როგორ დახატა! უბრალო მეწისქვილე კი არა, აქ მთელი ხალხია თავისი სულით, თავისი დიდი სიკეთითა და სიწმინდით! მთელი ხალხი, პერსონიფიცირებული ერთ კაცში. მეწისქვილე რაჟდენა ძალზე საოცარი პიროვნებაა. თითქოს უბირი კაცია და თანაც დიდი ფილოსოფოსი, უბრალო და უშუალო, როგორც მინდერის ბალახი და ბრძენი, როგორც მინდია. გულუბრყვილო შემოცქერა აქეს და გამომცინარი თვალები, აჭრილი ვაზის აკიდოს ჰკოცნის, ჭირნახულს აღმერთებს – წმინდააო, მართლაც, ჭირნახულიაო. ნიაეწანწალა რომ ჩამოივლის, პირსიცილი მოსდის – ეგრე შემოიქროლე, ნიაეო, არ დაიღალო, ცოდვება ადამიანი. ჩვენ რომ ახლა ამ ჩრდილში ვისვენებთ, რამდენი მუშაობს მზის გულზე. ძნა მოდის ჯარა-ჯარა, ზედ ოფლის წვიმა მოსწვიმს, იცოდე!”

ეს იყო პირველი დიდი უნივერსიტეტი პატარა გოგლასათვის. აქ ეზრდებოდა და უმაგრდებოდა ნორჩი ფრთა მის ფანტაზიას, ფრთა, რომელსაც ასე ღონიერად გაშლიდა და მოიქნევდა დაეაჟაკაცებისას. ეს ავტობიოგრაფიული მოთხრობა ბევრ რამეს ხსნის გიორგი ლეონიძის ბიოგრაფიაში. რამ დაამეგობრა ეს ორი, სრულიად სხვადასხვა ასაკის, სხვადასხვა წრის ადამიანი – ბეჩაეი მოჯამაგირე და პატარა ბიჭი შეძლებული ინტელიგენტური ოჯახიდან გამოსული? დაამეგობრა გნოლა ხარის შემოხედვამ. მწერალი ამ ამბავს ასე გადმოგვცემს:

„დედაჩემმა ჩემი საყვარელი გნოლა ხარი გაყიდა. უღელს ეურჩებოდა, უარშიობდა. ლამაზი იყო ჩვენი ხარი, გნოლისფერი, ლამაზთვალეზა. მეც ვუყვარდი გნოლას, კისერზე ვეკიდებოდი, ბალახს ვთავაზობდი. მაგრამ რა მექნა! მოვიდა მყიდველი, გახარებულმა აქეური გამოაბა, ჩასჭიდა ხელი წასაყვანად და... უცებ, ჭიშკართან გნოლა ხარმა შემომხედა ისეთი თვალებით, რომ კინაღამ იქვე გავიყინე. დღესაც კი მახსოვს გნოლას სამდურავიანი თვალები, გნოლას თვალის ღრუბელი...“

ეს ამბავი მოუთხრო პირველი შეხვედრისთანავე პატარა ბიჭმა მეწისქვილეს და მეწისქვილემ იტირა. ამის შემდეგ დაამეგობრდნენ

ისინი. აი, რას ასწავლის მეწისქვილე პატარა ბავშვს:

– ყური მოიმახვილე, ყველა სულიერია! მაშ მიწა რად ტირის? არ გინახავს მიწის ტირილი დილაადრიან? ბალახი რომ ნამს გაუშვებს, ის მიწის ტირილია. რა ატირებს, ჩვენი ცოდვა? თუ მზის ამოსვლა უხარია? შენ იცი, რომ ხემაც და ქვამაც იცის დარდი?

რაჟდენამ ყველა ბალახისა და ყვავილის სახელი იცის და ყოველ მათგანს ეფერება, ეაღერება, ესაყვარლება, იმათში ერთი რომელიღაც უკედავების წამალიაო. ვერხვიც იმისი მეგობარია და ქებით ეუბნება რაჟდენა ხეს: შენისთანა შრიალი არავის არ გამოყვავო. ეფერება ღობეზე შემომჯდარ წიფლისჩიტას და შიშიმქრალას, მათზე საწყალი არავენ არისო; ეფერება ხარებს – გლეხკაცის ძმები არიანო, ეფერება და ელაპარაკება ვარსკვლავებსაც. წვეს რაჟდენა წისქვილის გვერდით, ახლოს პატარა ბიჭი უხის. მეწისქვილე ცაზე ხელით უჩვენებს და ყრმა გოგლას ეუბნება:

– აი, ის ჟუჟუნა სამხიარულო ვარსკვლავი მიყვარს, ბლუჯა-ბლუჯა სხივებს რომ ჰყრის, ის მაცოცხლებს. ის კი, მეორე, ჩემსავით მიბუჟული, გულმიმქრალი, არ მიყვარს, არა!“ ამას მოსდევს კიდევ უფრო საოცარი ფრაზა: მოხუცი მეწისქვილე და პატარა გიორგი გულაღმა გაწოლილები მისჩერებიან ცაზე ირმის ნახტომს და მისი სანახაობით ტკბებიან. ბოლოს, მეწისქვილე წამოიძახებს:

– ეს ირმის ნახტომი რომ არ იყოს, ცხოვრება ჩალად არ ეღირებოდა!

განსაცვიფრებელი ნათქვამია, ერთსა და იმავე დროს გულუბრყვილოც და ბრძნულიც. აბა, რას უშველის ამ ბეჩავს მარტო ირმის ნახტომი კი არა, მთელი ცის თანავარსკვლავედების ბრწყინვაც, რა სხივს მოუმატებენ მის ჩაბნელებულ ცხოვრებას, მაგრამ რა, თურმე ამ კაცს ისეთი ძლიერი სანთელი უნთია სულში სილამაზის ტრფილისა, რომ საცოდავ მოჯამაგირეს, ბოგანოს, ცაც და ქვეყანაც თავისი ჰგონია, აკი ამბობენ სოფლელები მასზე – ცის მეცნიერიაო; იმას შეჰხარის მეწისქვილე, სიცოცხლეს ამით იადვილებს და არა მარტო შესაძლებელს ხდის, არამედ ღამაზსაც, თორემ მართლაც ვერ გაძლებდა, იმდენი ჭირი და ვაგლახი უჩვენა ცხოვრებამ. მარტო იაპონიის ომში ყოფნა რად უღირდა, ორჯერ დაუჭრიათ – ღია ონთან და პორტ-არტურთან. მეწისქვილე პატარა გიორგის უამბობს:

„– რა ყოფილა ომი. ნულარ მკითხავ. მე რომ იქ გაუჟუჟული ხალხი ვნახე, გახრული მკლავები. თავის კენჩხო ქვიშაზე მეტი ეყარა. ნეტა რა სამართალმა უნდა უშველოს ჩვენს ხელმწიფეს – ჩუმად იტყოდა, თან სიფრთხილით აქეთ-იქით გაიხედავდა:

– რას სჩადიან ეს ხელმწიფეები... რომ ნახო მათი ნამხეცავი, ნაქნარი, ნადირიც კი არ იკადრებს. ზოგი სალდათი შავად, ქონივით დამდნარიყო მიწაზე... ძნელია საამბობლად.“

რუსეთ-იაპონიის ომიდან შინ მობრუნებულ რაჟდენას სახლის მაგიერ – პარტახი დახვედრია, დედა გარდაცვლია, მერე უკედება ცოლიც, ხეტიალში თვითონაც უპატრონოს ჭლექი შეჰყურია. მის უბედურებას ისიც ემატება, რომ წისკვილის ჩარხში ხელს მოაყოლებს და სიკედილს კი გადარჩება, მაგრამ ხელს დაჰკარგავს. ცალხელა მეწისქვილე ვიდას რად უნდა – გარსევანი დაითხოვს. და აი, მეგობრების – მეწისქვილისა და შვიდი თუ რვა წლის გიორგი ლეონიძის უკანასკნელი შეხვედრა. რაჟდენა დაჩაგრა გარსევანმა, სასამართლოში საქმე მოიგო და ხეიბარ მოჯამაგირეს სულ სამათხოვროდ გაუხადა საქმე.

ერთხელ ვაშლის ხის ქვეშ სხედან გარსევანი და პატარა გიორგი. გზაზე რაჟდენა მეწისქვილე ჩაივლის. გარსევანი დაინახავს და პატარა ბიჭს ეტყვის: მაინც მეცოდება, დაეწიე, დაუძახე, ტკბილ სიტყვას ვეტყვიო.

და მწერალი განაგრძობს:

„მეც გამეხარდა, დავეწიე, გეძახის-მეთქი. აჩქარებული რაჟდენა წამით მობრუნდა, შედგა და ერთი ისეთი შემომხედა იმ გნოლა ხარივით, გული კინაღამ გადამიქანდა. მას მერე აღარ მინახავს...“

ამიტომ ჰქვია ამ მოთხრობას „ორი შემოხედვა“. არ შემიძლია, მოთხრობის ბოლო სტრიქონებიც არ მოვიტანო: „დავინახავ თუ არა ლოჭინის წყალს, მაშინვე საწყალი რაჟდენა მომაგონდება. თითქოს ლოჭინის წყლის წყნარი ზვირთებიდან რაჟდენას სევდიანი ხმა მეძახისო. ამ ზვირთებიდან ჩემი ყრმობა მეციმციმება. ვერა, ვერასოდეს დაევიწყებ რაჟდენას შემოხედვას ისევე, როგორც დღემდე არ მასვენებს გნოლა ხარის თვალის ღრუბელი.“

როცა ეს მოთხრობა პირველად წავეკითხე, მაშინ მიეხედი, თუ რამ წაიყვანა კიდევ ერთხელ გიორგი ლეონიძე ლოჭინის ხეზე და ახალსოფელში. ჩვენ მისი თანამგზავრები ეიყავით, მაგრამ თურმე ის იმ წუთებში ჩვენთან არ იყო, ნაცნობმა ადგილებმა მას საყვარელი აჩრდილები გაუცოცხლეს და თვალწინ დაუყენეს, რომ კიდევ ერთხელ გაეგონა მათი ხმა და ასე სიმართლით, ასე ფაქიზად და სიყვარულით აღებეჭდა ეს ხმები და სახეები ქალაქის ფურცლებზე.

ასე დაიწერა გიორგი ლეონიძის მოთხრობა „ორი შემოხედვა“.

.....
გოგლა გადასარევი იყო. გოგლა გადასარევი იყო.

ერთხელ დამიძახა თავისთან, თავის კაბინეტში. რედაქციიდან გამოვედი და შევედი მასთან.

– ეს მწერალთა კავშირში ხდება?

– კი, მწერალთა კავშირში. არ წახვიდე სახლში; მინდა, სადღაც

წავიყვანო. გამოვედით, ჩავსხედით მანქანაში და წავედით. „სამგორი“ რომ არის რესტორანი; რესტორანში კი არა, რესტორანს იქით სარდაფი იყო ღვინისა, კახელების. „სამგორი“ იყო ვორონცოვის მოედნის იქიდან. არ გახსოვს, არა?

– არა, – ვეუბნები კვლავ ღიმილით.

– კარგი. შესახვევი იყო. კარგი კახური ღვინო ჰქონდათ. იყიდა გოგლამ ღვინო, 50 ბოთლი.

– და რამდენი იყავით?

– ორნი. არა, განა სარდაფში, შინ წასაღებად. ჩააწყვეს მანქანაში. უცებ გოგლა მომიბრუნდა და მეუბნება:

– ახლა მე სხვაგან მივდივარ, ჩემი შოფერი მიგიყვანს და მერე მიიტანს ამას. სახლში რომ მიხვალ, დაურეკე ფეფუცასო და უთხარი, რომ შენ ღვინო მიიღე კახეთიდანო და თქვი, რად მინდა ამდენი მე და გოგლას გადაეცითო.

– ძალიან კარგი, კი-მეთქი.

მივედი სახლში. დაურეკე ფეფუცა შემხვდა.

– ქალბატონო ეფემია-მეთქი, – მე ვუთხარი. ღვინო ჩამომივიდა კახეთიდან, რად მინდა კაცო, მე ამდენი...

– უიმე, რაზე შეწუხდიო. უკვე იცოდა. შოფერს ეთქვა, ესო, გიორგიმ აჩუქაო.

– გიხადათ მადლობები?

– მიხადა მადლობები.

(კვლავ ვიციინით)

მეორე თუ მესამე დღეა და გოგლაც უცნაური იყო, კაცო. მეორე თუ მესამე დღეა და ის ღვინო უნდა დაეღიოთო. გოგლას სახლში ვართ. გამოიტანა ეს წითელი ღვინო. ხო, ახლა ფართი-ფურთა კაცი იყო და წაექცა ისა და დაუსვარა ახალთ-ახალი სუფრა. რა ვიცი, ეშინოდა თუ ხათრი ჰქონდა ფეფუცასი, კაცო, მე არ დამაბრალა? მე რას ვეტყვოდი, გამოვიდა ფეფუცა... მეორე დღეს კი ვუთხარი... და შენ არაფერს გეტყვოდა, მე ამიკლებდაო.

– იმ წლებზე ხომ არაფერს იხსენებდა? ოჯახზე ან კმაზე, რომელიც დახვრებილი ჰყავდა, ხომ არ მოიგონებდა რაიმეს?

– არა. არა, ნაკლებად. რა ვიცი ახლა. ლექსში კი ახსენა, მაგრამ ის სხვა ღვეანია. ფაქტიურად, ის სახელს ეალერსება. გოგლა იყო ბრწყინვალე, არ გაჩნდება მაგნაირი კაცი... წავიდა ნამდვილი მწერლობა, რუსუდან, ხომ იცი. აი, ასეთი გოგლა რომ იყო, გალაკტიონი, ხომ აღარ განმეორდება...

– იცით, ისინი იმითაც იყვნენ ბედნიერნი... გალაკტიონი აკაკის გზადალტციელი კაცი იყო, გოგლას რომ აქვს: „როგორც დამლტვა ვაჟა ფშაველამ, დამსკდარი ხელი თავზე დამადო“. მიხეილ

ჯაგახიშვილი ილია ჭავჭავაძისგან გზის დაღოცვას იგონებს ანუ, მათ პქონდათ ის ათევის წერტილი, ვისაც მხარს უსწორებდნენ, ვისთვისაც ცდილობდნენ...

— რა კარგად თქვი ახლა ევა, შესანიშნავია. ეგ უნდა დაწერო! რა კარგად თქვი! გახსნილია მაგათი საიდუმლო... შესანიშნავია, რა კარგად თქვი...

რუსუდან, ჩემი წიგნი არა გაქვთ არა, „ბარათაშვილის უკანასკნელი ღამე?“ დგება, იღებს ორ წიგნს: „ბარათაშვილის უკანასკნელი ღამე“ და „თეთრხალათიანი კაცი“. ორივეს წააწერს: „რუსუდან ნიშნიანიძეს — პატივისცემითა და სიყვარულით ავტორისაგან“ და ღიმილით მაწვდის. ფეხზე ვდგები და დიდ მადლობას ვუხედი.

.....

საუბარს ვაგრძელებთ.

სადღაც წავიკითხე. არ მახსოვს, სად წავიკითხე ვაჟას ამბავი, ვაჟა ფშაველას ამბავი. რედაქციაში სხედან და ყვებიან... ათასი ლაპარაკია აქეთ და იქით. თანაც, ერთი მუშაკია რედაქციისა, მგონი ილია აღლაძე. ვაჟას ლექსები რომ მიუტანია, ათვალეირებს იმ ლექსებსა და ამზადებს გასაგზავნად სტამბაში. ვაჟა ჰყვება რაღაცას აქეთ-იქით და დაინახა, რომ აიღო იმან კალამი, კალამი აიღო, რაღაც უნდა, ჩაასწოროს.

— ხელიო, — უყვირა ამან ე. ი. როგორი დარწმუნებული იყო, დააგდეთ; როგორი დარწმუნებული იყო ვაჟა თავის თავში და სავსებით სამართლიანად. არა? სავსებით! ზოგიერთი კი ოღონდ დაიბუჭდოს და...

— ბატონო გიორგი, როგორ ფიქრობთ, იქაც „ჩემს მოამბავს“, „ბმას“, რატომ დაიკარგა ქართული სიტყვები, რატომ აღარ მივმართავთ ასე?

— საოცრება ხდება. რა ვიცი ახლა. ოჯახივით იყო მწერალთა კავშირი. რაღაც ისე იყვნენ — უფროსი, უმცროსი. ეფერებოდნენ უფროსები უმცროსებს. ახლა აღარაფერი აღარ არის, კაცო. რა ვიცი. დაიკარგა იმათთან ერთად.

— და შესაბამისად, სიტყვებიც დაიკარგა?

— სიტყვებიც დაიკარგა.

ერთ დღეს გრიშა აბაშიძემ შეკრიბა მთელი პრეზიდიუმი და წაიყვანა ინაურთან. წაგვიყვანა ინაურთან და ვეხვეწეთ... ყველა დადიოდა.

— მართლა?

— აბა როგორ, აბა რა? რამდენჯერმე ვიყავით ზვიადის (გამსახურდიას გულისხმ. — რ. ნ.) გამო.

— ეს მაშინ, სკოლის მოსწავლე რამ იყო?

– არა, სკოლის მოსწავლე არა, უფრო გვიან. მთელი პრეზიდენტი იყო. ვინ იტყოდა უარს.

– ხომ არ გახსოვთ, ვინ იყო?

– ეხლა აღარ მახსოვს, ვინ იყო, მე ვიყავი, მთელი პრეზიდენტი იყო, მაგრამ გრიშა იყო მაგის ინიციატორი.

– რა ექნაო, – ინაურმა თქვა, განა მე კი არ მინდა, გაეუშვაო, მაგრამ ეს ოხერი, ვალდებული ვარო.

– ბატონი კონსტანტინეც გახლდათ?

– არა, კონსტანტინე არა. არა, ეს ინაურმა თქვა, მე თვითონ მეცოდება, როგორ შეიძლებაო. ვის არ ენანებოდა?! ყველას!

– კიდევ ვის გაინსენებდით დიდი მწერლური ოჯახიდან?

– საოცრად კარგი პიროვნება იყო ლეო ქიაჩელი. საოცრად ტკბილი კაცი.

– როგორ ფიქრობთ, სად უფრო გამოვლინდა მისი მწერლური ნიჭი – ნოველებსა თუ რომანებში?

– ნოველების ავტორი სჯობს. განსაკუთრებით სამეგრელოზე წარმართული დროის თემაზე დაწერილი მომწონს. მეგრული – უძველესი ქართულის გადმონაშთი. „თავადის ქალი მაია“ შესანიშნავი ნოველაა, „ალმასგირ კიბულან“ იმდენად არა, რამდენადაც ეს „თავადის ქალი...“ „ჰაკი აძბაც“ კარგია, მაგრამ რაა, ამ აფხაზებმა სულ წაახდინეს ყველაფერი, ამან გამიტეხა გული. ისე, გულიამ ხომ დაწერა: ნამეტანს გვანებიერებდითო.

რა ამის პასუხია და კარლო კალაძემ იხუმრა ერთხელ კარგად: მოდიოდა თურმე დიმიტრი გულია და გიორგი გულია. დიმიტრი იყო ფუძემდებელი აფხაზური ლიტერატურისა. ეს კი, გიორგი – მისი შვილი იყო, მაგრამ რუსულად დაიწყო წერა. რუსულად, აფხაზურად არ წერდა. კარლომ შეხედა და თქვა:

„Вот идут начало и конец Абхазской литературы“ (გულიანად ვიცინით).

კარლო გასაოცარი ხუმარა იყო.

– უამრავ კუროფს იგონებენ ბატონი კარლოს სახელთან დაკავშირებით...

– კი. ახლა, რომ იხუმრებს კაცი ცოლის კუბოსთან. გულიყო რომ გარდაიცვალა, ცოტა ადრე მივედით და ვსხედვართ: მე, თამარა ანდლულაძე და კიდევ სხვები... ჩუმად ვართ. შემოვიდა ამ დროს გუგულა, კარლოს მძღოლი. შემოვიდა და ქალაღდები უჭირავს.

– რაია, ბიჭო, მაგიო, – იკითხა კარლომ.

– დეკეშებია, ბატონო კარლო.

– ვისი დეკეშააო.

– ერთია აგერ, შინკუბასიო.

– შინკუბა მინდა ახლა მე, შინ კუბო მიდგას, სახლშიო.

ვართანი რომ ვახსენე, ატრიანი. ვართანი საკმაოდ გულუბრყვილო კაცი იყო და თანაც, გულმაფიწყვი. ერთხელ მწერალთა კაეშირის სასახლეში, მაჩაბლის ქუჩაზე ვართანი ისე მოვიდა პარტიულ კრებაზე, იქვე ახლოს ცხოვრობდა, საშინაო ხალათი ეცვა. საოცარი იყო, კაცო. ისე ჩაგრძელებული მოვიდა პარტიულ კრებაზე. ხალათი ზონრით ჰქონდა შეკრული და ფეხებში ებლანდებოდა. დაინახა ეს განთქმულმა ენამახვილმა კარლო კალაძემ და რატომღაც რუსულად თქვა:

“Что за халатное отношение к такому важному событию”.

სხვათაშორის, რუსმა პოეტმა ზაბოლოცკიმ კარლო კალაძეზე ასე თქვა:

– პირველად ვხედავ ჩემ სიცოცხლეში, რომ კაცი ასე გონება მახვილურად ხუმრობდეს იმ ენაზე, რომელიც მან არ იცისო.

მართლა საოცრება იყო.

– ბატონო გიორგი, ცოტა უფრო შორეულიც გაიხსენოთ ეგებ. თქვენ თავად როგორ დაიწყეთ. სად და როდის დაბეჭდეთ პირველი წერილი?

– პირველი წერილი? რაიონში გაზეთი კი გამოდიოდა, მაგრამ თბილისში, გაზეთში „ახალგაზრდა კომუნისტი“ დაგებჭდე. პირველი მოთხრობა კი ომისშემდგომ გამოქვეყნდა „ლიტერატურულ გაზეთში“. ჭრილობის გამო ადრე დაებრუნდი. მძიმე ჭრილობა მივიდე. ფეხზე წამომდგარს მთელი ჯერი მომხვდა ტყვიამფრქვევისა, დამიმტვრია ორივე ფეხი.

– ხედავდით მტერს?

– არა, ვერ ვხედავდი. ღამე იყო, შუალამე. სოფელი უნდა გაგვეთავისუფლებინა, სმოლენსკის ოლქში.

– თქვენ მოხალისედ იყავით თუ გაწვეული?

– გაწვეული. მოხალისედ რა მინდოდა? (იცინის)

– ბრონი არ გქონდათ?

– არა, ბრონი არ მქონდა. ბრონი მწერლებს კი ჰქონდათ. მე არა მქონდა, ალექსი გომიაშვილს, არა ჰქონდა საშა სულავას... არც მიცდია, რა ეიცო, ალბათ, ახალგაზრდა ვიყავი, ხომ იცი. უნივერსიტეტიდანე... ზაფხულში სტუდენტები მიჰყავდათ ხან გორში, ხან აეჭალაში. შემდეგში აღარ იყო ეს. სპეციალური სტუდენტთა რაზმეულეები იყო; რაკილა ჩინი მომანიჭეს, მერე ველარ დაეუსხლტი.

– როგორი იყო პირველი რეაქცია, როცა თქვენი მოთხრობა გამოქვეყნდა, მოულოდნელი იყო?

– მოულოდნელი იყო იმიტომ, რომ მე კრიტიკულ წერილებს ვწერდი და მხატვრული პირველად ვცადე. დაიმსახურა მოწონება.

ჩემი პირველი წიგნის განხილვა მწერალთა კავშირში მოეწყო, მოხსენება ლევან ასათიანმა წაიკითხა. უეჭველად მოვნახავ ამ მოხსენებას და გაჩვენებ, მაქვს შენახული სადღაც. პირველი რედაქტორი შალვა რადიანი იყო. წასვლამდე რედაქტორის მოადგილე ვიყავი. მთელი ომის განმავლობაში, რაც მე არ ვიყავი აქ, დაბრუნებამდე მაინც ეწერა რედაქოლეგიაში ჩემი გვარი. ჩემთვის ახლა ისე იყო, შინ რომ მიხვიდე, სახლში. ჩამოვედი თუ არა, დამნიშნეს რედაქტორად.

– ბატონო გიორგი, თქვენ იმხელა გზა გაქვთ გავლილი არა მხოლოდ ლიტერატურული, საომარიც– გჯერათ თუ არა ბედისწერის?

– ხან არის წუთები, რომ გჯერა, როცა გჯერა, ხომ იცი, ახლა მაინცადამაინც ფეხებში რომ მომხვდა, ცოტა მაღლა რომ დაეჭირა იმას (იციანის) გათავდებოდა ჩემი ტანჯვა-წვალება. მორჩებოდა. მე ოცეულის მეთაური ვიყავი, ოცეული მებარა – განჯიდან.

– და რამდენი ხანი იყავით ფრონტზე?

– 1941 წლის ოქტომბრიდან 42-ის აპრილის ბოლომდე.

– საიდან დაიწყეთ და სად დაასრულეთ?

– პირველად პოდმოსკოვიე, მოსკოვის ოლქში, მალე გადავედით სმოლენსკის ოლქში. უმთავრესად მაინც სმოლენსკის ოლქში.

– როცა მწერალი მიდიხდით, როგორი განცდა გქონდათ?

– ომში ხო, მართალია. ახლა რაშია საქმე, იცი? საოცარი ამბები ხდება. დაეწერე ერთხელ კიდევ, ხომ იცი, მაგრამ კი ვერ გავხედე. როგორ იყო, იცი? საოცრება იყო. სმოლენსკის ოლქში, ერთ სოფელში ალყაში მოგვიმწყვდიეს. ერთ ქოხში ვართ მე და ჩემი მებრძოლები. ჩემი ოცეულიდან ვინც გადაარჩა. ოცეულის მეთაური ვიყავი, აქედან წავიყვანე, განჯიდან. ერთ გასასვლელ მხარეს ქუჩაა, მეორე, უკანა მხრიდან – ტყე. ამ ტყის იმედი გვაქვს. არ დავიძარით ადგილიდან, ვიდრე არ გამოჩნდნენ გერმანელი ჯარისკაცები.

– რატომ, რას ელოდებოდით? (ესვამ, ალბათ, ომისათვის ძალზე გულუბრყვილო შეკითხვას).

– ელოდებოდით საერთო განკარგულებას, უშეველეთ თავსაო.

– ეს განკარგულება საიდან შემოადგვედა ამ ალყაში?

– ალყაში მთელი სოფელი იყო მოქცეული და ბოლოს, მე და ჩემი ოცეული რომ გავედით ქოხის უკანა მხრიდან, ისინი წინიდან შემოვიდნენ. ასე, ამ მანძილზე.

– და არ უსვრიათ?

– არა. არც ჩვენ, არც იმათ! არ ვიცი, რამდენად მართალი იყო, მაგრამ ამბად გაერცვლდა, მოხდა ასეთი ამბავი. ერთი ღამე ერთ ქოხში გაათიეს საბჭოთა და გერმანელმა ჯარისკაცებმა. დაღლი-

ლებმა და დაქანცულებმა. ისინი შევიდნენ და დაეყარნენ. ოღონდ დილით რომ გაიღვიძეს, მეორე მხარე აღარ იყო. არ ვიცი, რამდენად მართალია, მაგრამ ეს ამბავი ძალზე გაერცელებული იყო მაშინ. დაწერა მინდოდა მაგისი.

– მთავარია, რომ ქოხში გვამი არ იყო.

– არა. არცერთის.

– ომმა ბევრი რამ დაგიტოვათ?

– ხო, არა, რა თქმა უნდა.

– რთვობა ფიქრობთ, შეიცვალეთ? სხვანაირი იქნებოდით?

– არა, არა მგონია... მერე დიდხანს მომიხდა პოსპიტალში წოლა.

ძალიან ძნელად გამოვეკეთდი. ძალიან დიდხანს ვმკურნალობდი. სმოლენსკის ოლქიდან თვითმფრინავით გადმოგვიყვანეს ჯერ მოსკოვში, მერე პოდოლსკში, მერე ვლადიმირში, მერე უფაში. უფაში მოვრჩი... წამოვედი აქეთ, კასპიის ზღვისაკენ... და ჩამოვედი თბილისში. აი, გოგლამ დაწერა ის ლექსი მაშინ, სწორედ იმ პერიოდისაა. აღარ აკონკრეტებს ბატონი გიორგი; ლექსს კი „შინმოსულისა“ ჰქვია.

„ათჯერ ვემთხვიე შენს მიწას,

ასჯერ სიცოცხლე მანატრე,

თბილისო,

შენმა ლამპრებმა

როდესაც შემომანათესა“...

– მართლა იყო ის აღტყინება, რომ მწერლები ითხოვდნენ ომში წასვლას. უნდოდათ, თუ ეს მხოლოდ აგიტაცია იყო?

– არა, აგიტაცია, აგიტაცია იყო... არა, როცა მდგომარეობაში ჩადგები არა. იქ, მაშინ უკვე თავს აეაღებულებ; ეაღებულად ხდი თავს მოიქცე ისე, როგორც შეჰფერის... თავისთავად, სხვაგვარად აღარ შეიძლება...

– ბატონო გიორგი, მახსენდება მირზა გელაგანის მიერ რაჟდენ გვეტაპისადმი გაგზავნილი წერილი, ტკივილიანი წერილი, რომელიც პოეტს ხარკოვიდან გამგზავრების უკანასკნელ დღეს, 8 მარტს დაუწერია: „გამამწესეს“ ანუ ნომერი დამაკრეს და წამართვეს საკუთარი გვარი და სახელი, რომ თუ გინიცობაა... ნომრით გამომიცნონ“.

ურჩეულ დაბაბულებით და რასაკვირველია, სარკაზმით თქმული: „მოკლე ხანში შემასწავლეს საომარი მანქანა და ხელფენება რთვობა უფრო ადვილად შეიძლება მოკვლა მტრის-კაცის. ეს კი ბევრად ადვილია, ვიდრე ფიქრი სინტაქსზე – და მე ამაში უთუოდ მექნება წარმატება. საინტერესოცაა იბრძოლო იქ, სადაც შენს მამა-პაპას არ უბრძოლია არასოდეს.“ თავად სრულიად ახალგაზრდა კაცისგან თითქოს მოულოდნელიც კია სხვათა გაფრთხილების ამხელა ნიჭი და ბალა: „მე მათზე ფიქრობ – მჭადით დაზრდილ შაფ-

ტუხა ბიჭებზე და მენანება მათი უვაჟკაცოდ დატოვებული ოჯახები (ჩვენი ოჯახიც ისე ღარჩა ჩემი ძმის წამოყვანის შემდეგ) და მინდა მთელი ძალით ვიყვირო, რომ დაუბრუნონ ისინი საქართველოს ერსა და მიწას. დააბრუნონ ისინი და დაე, პირველმა ტყვიამვე მიმსხვერპლოს მე“. წერილი მთავრდება სიტყვებით: „...შეცდომით დამკიდეს ნომერი და წამართვეს საკუთარი გვარი!“

– მართალია. მეც ასე არ ვიყავი? რა მინდოდა ახლა იქ. რა ჭირი მინდოდა, მაგრამ როცა...

– თურმე ერთხელ უილიამ ფოლკენერს ჰკითხეს: ვინ არის თქვენი საყვარელი ავტორი? და მან უპასუხა: ეს შეკითხვა მწერლისათვის უსარგებლოა, რადგან მწერლისთვის მთავარი ის კი არ არის, თუ ვინ დაწერა, არამედ ის, თუ რა დაწერა. ჩემთვის... წიგნში გმირი არის მთავარი და სულაც არ მალეულებს, ვინააო ავტორი და შემდეგ ჩამოთვლის გმირებს...

თქვენთვის როგორაა?

– არა, რათა კაცო, არა. მერე ეგ ძაან ინდივიდუალურია. საყვარელი ავტორი, საყვარელი მწერალი, ერთი კი არაა. თქვენ ახლა, მაგალითად, რუსუდან, ერთი მწერალი ხომ არ მოგწონთ, ალბათ, ბეკრი...

– იცით, როგორ ვგულისხმობ, რომელი ავტორი მოგნატრებიათ ხოლმე, რომელი გმირი.

– გმირი არა, ავტორი, უფრო ავტორი. რუსი თუ ქართველი?

– თუ გნებაგთ, მსოფლიო მასშტაბით.

– მსოფლიო მასშტაბით... ახლა ჩემი მდგომარეობა სხვა არის, იმიტომ, რომ რედაქტორი ვიყავი და ბოლოს და ბოლოს, უფლებაც არა მქონდა, უფლებაც არა მქონდა რომ სხვანაირად... უნდა ყველა მყვარებოდა.

– როგორც მკითხველს?

– როგორც მკითხველს? გამსახურდია, გერონტი... რა ვიცი კიდევ... აი, გერონტი ქიქოძის ნაწარმოებია შესანიშნავი, ის მის ტომებში არ შეიტანეს: „არიფიონი ჰერეთში“, ჟურნალ „არიფიონში“ დაიბეჭდა. ჩვენი კოლეგიის წევრი იყო, პირდაპირი და პრინციპული კაცი.

– ბატონო გიორგი, ამას წინათ გკითხულობდი ქეთევან ნუცუბიძის მოგონებათა საინტერესო წიგნს. ერთხელ ბატონ შალვასთან სტუმრად მისულთ დიმილით გაუხსენებიათ თავს გადახდენილი არაერთი ეპიზოდი და მათ შორის – საგამოცდლოც. „ერთ გამოცდას გიორგი ნატროშვილიც ესწრებოდაო, – გკითხულობთ იქვე. როცა თქვენ (იგულ. ბ.ნი შალვა – რ.ნ.) ერთს შეეკითხეთ: „რა ერქვა ბოშარშეს საყვარელს? სტუდენტმა გაიკვირვა: „რა მნიშვნელობა აქვს ბოშარშეს შემოქმედებისათვის მის საყვარელსო“. შენ თუ ეგ არ

გესმის, — უპასუხეთ თქვენ, — არც მისი შემოქმედებისა გაგვეგება რამე. ამას ის მნიშვნელობა აქვს, რომ ბოზარშემ თაგისი პიესა მასზე დაწერა“.

— კი, იყო ასეთი (იღიმის). შალვა ძალიან საინტერესო და განათლებული პიროვნება იყო.

— ბატონო გიორგი, დღიურებს წერთ?

— არა. არა კაცო. ჩემი ნაწერები, საქალაქო დღიურები მინდა დაეაღებო, მაგრამ ვერა ვარ კარგად. სულ ეუცდი, რომ კარგად გაეხდები.

— ჯვარდაწერილი ბრძანდებით?

— არა (ამასაც ღიმილით ამბობს). არაეინ იწერდა მაშინ ჯვარს.

— როგორ გაიცანით?

— „ახალგაზრდა კომუნისტის“ რედაქციაში ვმუშაობდი, რომლის რედაქტორი იყო ელადიმერ დევაძე. ჰოდა, იმისი ცოლის და იყო ეს ჩემი ცოლი. იმის სახლში გავიცანი.

— რომანტიკული შეყვარებული იყავით?

— ალბათ, რა ვიცი (იცინის გულანად)

— ბატონო გიორგი, თუ გქონიათ სურვილი, რომელიმე ცხოველი გაგეზარდათ?

— ცხოველი?

— ჰო! ან რომელიმე თუ გაგიზრდიათ?

— როგორ არა. ძალღი გეყავდა ჩვენ. ძალღი გეყავდა. იმასთან მეძინა სულ შირაქში.

— და რა ერქვა იმ ძალღს, ხომ აღარ გახსოვთ?

მცირე ხნით დაფიქრდა და... ტივრანა.

— რა ერქვა? — გეკითხები ხელახლა და ვიცინი, ჩავწერო?

— არა, უხერხულია, უხერხული. შეწუხებული სიცილს გერ იკაგებს და ხელახლა იმეორებს: — უხერხული არ არის? სომხებს ეწყინებათ...

— რომ არქმევდით, მაშინ არ გიფიქრიათ სომხებზე, ვაგრძელებ სიცილს. რა უშავს, რა მოხდა, თუკი ასე ერქვა, — გეუბნები გულწრფელად. რა ჯიშის ძალღი იყო ბატონო გიორგი?

— ქოფაკი იყო ჩვეულებრივი, მაგრამ ძალიან მგრძობიარე ძალღი იყო. სომხებს რომ ეწყინებათ, ძალიან... არ ვიცი, რატომ აეურჩიე ეგ სახელი, არ ვიცი... (კვდება სიცილით...).

— რომელი ფერი გიყვართ?

— ლურჯი და მწვანე.

— თამაღობა გიყვართ?

— არა, არა მიძნელდება.

ისევ მწერლობას მივუბრუნდეთ. ცოტა უფრო გვიანდელი პერიოდის ქართული მწერლობა? როგორ ფიქრობთ, მათზე როგორც—

მოგვიანო პერიოდის? შოთა კარგია (ნიშნინიძეს გულისხმობს – რ. ნ.) სხვებიც... (დაფიქრდება) მაგრამ ანას არცერთი არ შეეძრება. ანა (კალანდაძეს გულისხმობს – რ. ნ.) ძალიან კარგია. მახსოვს, „ლიტერატურული“ რედაქციაში ვსხედვართ; ბევრნი იყვნენ. არის ერთი ლაპარაკი. ლაზღანდარობა. მითხრეს:

- ერთი ქალიშვილია მოსული, ლექსები აქვს მოტანილიო.
- თხოვეთ-მეთქი, – ვუთხარი.

შემოვიდა. მომცა სქელი, შავყდიანი, ასფურცლიანი რვეული და დამიტოვა. წავიდა. ეს ლაზღანდარობა ირგვლივ გრძელდება. ვფურცლავ... წავიკითხე ერთი, მეორე... არაჩვეულებრივია, კაცო.

– არიქა, დაეწიეთ, მოაბრუნეთ. თქვენ არ იცით, აქ ვინ იყო-მეთქი, – ვთქვი ხმამაღლა.

თეიმურაზ ჯანგულაშვილი და ნოდარ გურეშიძე გაცვივდნენ გარეთ, მაგრამ ვეღარ მიუსწრეს...

– პროზაიკოსებზე რას იტყობით?

– მიძნელდება თქმა, რა ვიცი... იქნება კი ვცდები, მაგრამ ნოდარ დუმბაძეზე არა ვარ მაღალი შეხედულების... სხვები კიდევ... რა ვიცი... ერთხელ ვართ „მნათობის“ რედაქციაში: მე, რევაზ ჯაფარიძე, ოტია იოსელიანი და სხვები. იბუჭდება ოტიას რომანი „ცისფერი და შავი მდინარე“ გაგრძელებებით. მე ვუთხარი:

– კაცო, რა არის ეს დაღვლარჯნილი გრძელი წინადადებები, გაასწორე, შეცვალე-მეთქი.

– როგორო, – თავი ასწია გაკვირებულმა და სრულიად სერიოზულად მეუბნება:

– მე კი არ ვწერ, ის მკარნახობსო და ზევით მიუთითა.

– ის კი გკარნახობს, მარა ეტყობა, შენ არ უგდებ კარგად ყურსო, – იქვე „განუმარტა“ რევაზ ჯაფარიძემ.

ოთარ ჩხეიძე ეალერსება სიტყვას, აღარ მოეშვება, ატრიალებს. რა ტანჯვა-წვალებით ვბუჭდავდით. ზოგი კი უწუნებს, მაგრამ მე ისე შევეჩვიე, მე მომწონს როგორც წერს, მისი სტილი.

– ბატონო გიორგი, ამ ბოლო ხანებში გამოცემული მისი რომანი „არტისტული გადატრიალება“ ხომ არ წავიკითხავთ?

– კი, კი წავიკითხე. მართალია ყველაფერი...

ახლა რა უნდა გიამბო: ერთხელ კონსტანტინე გამსახურდიამ დამირეკა რედაქციაში; მოგვიანებით, გამომიარა და წავედით რუსთავის გზაზე „ლურჯი რესტორანი“ ერქვა, იქ. ხომ იცით, გზისპირზე რომ იყო.

– არც ეს არ გახსოვთ? – მეკითხება და სათვალეს უხერხულად შეისწორებს...

– რაა, ბატონო გიორგი, ამ „до революционныи“ ამბებს რომ მეკითხებით. საინტერესოა, საიდან უნდა მახსოვდეს. გაგონილი მაქვს

მსოფლოდ... იმ „უბრალო“ მიზეზით არ „მახსოვს“, რომ არ მოვსწრებოვარ! – ვეუბნები სიცილით.

– უი, კაცო, უი (დიდხანს იცინის გულიანად) ეს რა დამემართა, კაცო, რა მომივიდა... (იცინის) მაგრამ იმდენ ადამიანზე და ნაწარმოებზე ვლაპარაკობთ, ასე მგონია, არადა იმდროინდელი თბილისის საიდან, კაცო... უკაცრავად, უკაცრავად... (სიცილი აღარ ასრულე ბინებს)

– ჰოდა, ორნი ვართ, – აგრძელებს მერე. დავსხედით. მეორე მაგიდასთან შოფრები და ვილაცხები სხედან. ქეიფობენ. ხმაურობენ. მოკლედ, არიან ერთ ამბავში. მერე ჩვენკენ დაიწყეს ყურება და ხმასაც დაუწიეს. ასე, 6-7 კაცი იქნებოდა. ჩვენც გაწყობილი გვაქვს მაგიდა, ვლაპარაკობთ. როგორც ჩანს, იმათ დაამთავრეს ქეიფი და წამოიშალნენ. წამოვიდნენ აქეთკენ და რომ მოგვიახლოვდნენ, კონსტანტინესთან მივიდნენ, დაიხარნენ და სათითაოდ ცალ-ცალკე ყველამ მარჯვენა ხელზე აკოცა. ასე გაბრუნდნენ და წავიდნენ. საოცარია არა? მოულოდნელობისაგან კონსტანტინეც შეცბა, ისე უცნაურად მოხდა ყველაფერი, უცებ მეკითხება:

– გიორგი, რა იქნება საქართველოში მეფე რომ ავირჩიოთო... ცოტა ხნის დუმილის შემდეგ – ან კათალიკოსიო?...

უცნაური ხალხი იყო, უცნაური.

უცნაურია, სწორედ დღეს კეითხულობდი „Литературная газета“-ში ვასილი სუბოტინი ამბობს... მოიცა, მოვიტან ამ გაზეთს. გადის, შემოაქვს გაზეთი და არ ვიცი, ვინ არის ეს კაცი, იმისი ჩანაწერებიდან ნაწყვეტებს ბეჭდავენ; ეტყობა, აღარ არის. მაშასადამე, ეს ნაწყვეტი ასეთია (ხმამაღლა კითხულობს): „когда такая огромная страна разучилась работать, последствия могут быть самыми непредставимыми. აბა, ეს ნახეთ – მაწვდის გაზეთს და მე თავად მაკითხებს ნაწყვეტს. – არ დაეთანხმები ამას? ძნელია მაგ თემაზე ლაპარაკი...

რაზეც გინდა ლაპარაკობდე, ფიქრობდე, იგონებდე, არ გცილდება კაცს აზრი: – რა ეშველება ამ საქართველოს და ჩამოვივარდება ხელები... გული არა მაქვს აღარაფრის, დაკარგა ინტერესი ყველაფერმა... „მოვიკლათ წარსულ დროებზე დარდი“ – გახსოვს, ილიას ნათქვამი: „ჩვენ უნდა ჩვენი ეშვათ მყოობადი“... სწორედ ილია მოკლეს... რა გვეშველება, არ ვიცი...

– ბატონო გიორგი, როგორ ფიქრობთ, რას ეტყოდა 85 წლის გიორგი ნატროშვილი 25 წლის გიორგი ნატროშვილს?

– (იცინის) რას ეტყოდა? რთული კითხვაა ეგ... მაგაზე მერე... მოვიფიქრებ და მერე...

მისი საგარბლის უკან, კედელზე სურათი ჰკიდია: სამუშაო მაგიდასთან ბატონი გიორგი ნატროშვილი ზის. წინ უამრავი ქაღალდი

და წიგნები უწყვია. ხელები გულზე აქვს გადაჯვარედინებული, სათვალე შუბლზე აუწყვია, ზეაწეული წარბებით თითქოს რაღაცას ამბობს ან პირიქით, კითხვას სვამს. მართლაც, უცნაური წუთი დაუფიქსირებია ფოტოაპარატს. ეს სიტყვა „უცნაური“ ხომ, ვგონებ, თავადაც გამორჩეულად უყვარს.

გემშიდობები; როგორც ყოველთვის, მადლობას გუხდი, კარამდე მაცილებს... მოვდივარ... არაერთი ნაამბობი გზაშივე მახსენდება და მეღიმება... ჩვენ კიდევ ბევრ რამეზე ვისაუბრეთ...

1995 – 1996 წ.წ.



Handwritten text in Armenian script, likely a letter or document, with some lines underlined.



Ետահ. Կնյոմբլ



რის ამახვილებს მოხდა ევლას

ქართველი მწერლები...

გალაკტიონი, კონსტანტინე გამსახურდია, ლეო ქიაჩელი, იოსებ გრიშაშვილი, გიორგი ლეონიძე, მიხეილ ჯავახიშვილი, სიმონ ჩიქოვანი... ასე განსხვავებულნი და მაინც, საოცრად მსგავსნი...

მოგონება — ის გუშინდელის თუ გუშინდელის უცნაურ ხიბლს ატარებს და ნამბობობით ასე ახლობელი ხდება თითოეული მათგანი — ასე ლეგენდურად შორეულიც. თუმცა, ნამბობობაც ხომ გააჩნია?

ერთ დღეს გიორგი ლეონიძეს თურმე სრულიად შემთხვევით შეხვედრილი ოთარ ჩხეიძე შეუჩერებია; მანქანის კარი გამოუღია და „სადმე ქალაქგარეთ პური ვჭამოთ“, შეუთავაზებია. დიდხანს უვლიათ... ქალაქგარეთიც რომ აღარ ეთქმოდა... მცხეთა... კასპი... და... ახალქალაქი დიდ პოეტს საზეიმოდ ეგებებოდა. როგორც ამგვარ შემთხვევებში სრულიად ბუნებრივია (თუმცა, ბატონი ოთარისათვის ასეთივე მოულოდნელი... მაგრამ მოულოდნელობა ჯერ კიდევ წინ ელოდა), იყო სცენა, ყვავილები, ტაში... საღამოს წამყვანმა მწერლისგან დასტური ყოველ შემთხვევაში მაინც ითხოვა: სიტყვით ხომ გამოხვალთ? კატეგორიული უარი ცოტა უხერხული იქნებოდა, მაგრამ ზოგადი პასუხი მაინც უარყოფითი გახლდათ. ზრდილობიანად იუარა, მაგრამ... ოთარ ჩხეიძის გამოსვლა ზეიმის დასასრულისთვის შემოინახეს... და ასე გაცოცხლებული სურათი, აღდგენილი დღე და ცხადად აღწერილი განცდაც... „ბოლოც დადგა და ვერაფერი ვერ მოვიფიქრე, სიტყვა ვერ ავაგე ისე, იმგვარადა, მევე ცოტათი რო მომწონებოდა. ვერ მოვიფიქრე და ისე წავედი ტრიბუნისკენა, ნათქვამი როა, დანა კბილს რო არ უხსნიდაო. ისე წავედი და უცბად გამახსენდა მიძღვნად წანაწერი მიხეილისა (იგულისხმ. ჯავახიშვილი — რ.წ.) თავის წიგნზედა გიორგისადმი: ქართულ მინაში ყელამდე ჩაფლულ პოეტსაო.

გამახსენდა და აიგო სიტყვაცა, ანთურაღა აგება უნდოდა, აგებულიყო და ჩამოსხმულიყო: ქართულ მინაში ყელამდე ჩაფლული პოეტიო. და მერე სუფრაზე, თავის საზეიმო სუფრაზე, თვითონვე რო თამადობდა გიორგი, შემომძახებდა დროდადრო ხალისითა, ალალი არის ახლა შენზე პურიჭამაო, შემომძახებდა ყელამდე ჩაფლული, ქართულ მინაში ყელამდე ჩაფლული“.

ქართული მინა, ქართული სიტყვა, ქართული აზრი — რწმენა, ფიქრი, განსჯა, შემართება, სასონარკვეთა... ეს ისეთი გასაგები და ხელშე-

სახები იყო... ერთი მაინც უეჭველი: აღმერთებდნენ, ეფოფინებოდნენ, იჭვითა და მორიდეებით მზერდნენ, სიამაყითაც და საკუთარი ნიჭიერებით (ესეც ითქვას) უკვდავებასაც ანიჭებდნენ... ერთხელ ბატონმა გიორგი ნატროშვილმა რალაცნაირი დანანებით მითხრა: ნავიდა ნამდვილი მწერლობა, რუსუდან, ხომ იცი... ის კიდევ სხვას გულისხმობდა, თორემ ნამდვილი მწერლები თავის გვერდითაც ეგულვებოდა; ამადაც საუბრობდა მათზე, ბოლო ხანს გამოქვეყნებულ ნაწარმოებებზეც... აკი სწორედ იმ დღეებში გამოვიდა „არტისტული გადატრიალება“... ალაპარაკდა თბილისი. არა მხოლოდ ლიტერატურული თბილისი... არც კი ვიცი, მაგრამ რატომღაც მეგონა, ასე სახელდახელოდ ეგებ, არ ჰქონოდა ნაკითხული (ალბათ, ასაკის გამოც), მაგრამ (შთაბეჭდილება იმდენად დიდი იყო) მაინც ვკითხე, ხომ არ ნავიკითხავთ რომანი-მეთქი.

— კი, კი ნავიკითხე. მართალიაო ყველაფერი... (კიდევ ერთი ნიმუში იმისა, მწერლები ყველაზე აქტიური და კარგი მკითხველები რომ არიან).

ყოველ ეპოქას თუ ათწლეულს თავისი სირთულეები მოაქვს; თავისი საფიქრალი — ტკივილი თუ სიხარული. მწერალს თანადროულობის და იმავდროულად, წარსულ-მომავლის წინაშე სხვა სულიერი, ესთეტიური პასუხისმგებლობა აკისრია. ნამდვილ მწერლობას ვგულისხმობ, რასაკვირველია. ამადაც მინდა, ბატონ ოთარ ჩხეიძეს ვესაუბრო.

— ნავიდა ნამდვილი მწერლობაო. ჩემთვისაც უთქვამს გიორგი ნატროშვილსა. დავთანხმებოვარ. დიდი სირეგვენიც ნავიდა-მეთქი. დამიტანებია. დახანების მერელა დამთანხმებია. ისიც სიცოცხლე იყო, ისიც ნავიდა. მთლად არა. ცხადია. განმეორდებოდა. სხვა სახითა თუ სხვა სახეებში. ოღონდ ის მაინც აღარ იქნებოდა. ის სიცოცხლე აღარ იქნებოდა. სირეგვენი-მეთქი — ანუ ის თუ რაშიც მოქცეულიყვნენ ის საცოდავი ნამდვილი მწერლები, რა გარემოში, რა ვითარებაში, რა დაპირისპირებაში, წმინდა სალიტერატურო თვალსაზრისითა, სხვა ყველაფერს რო თავი დავანებოთ. გიორგისაც თავისი დრამა ჰქონდა. იპყრობდა ჭიდილი შინაგანი. ნამდვილი მწერლობა სწამდა, სჯეროდა, თანაუგრძნობდა და დაკვეთებზედაც ვერ ეთქვა უარი. ვერა. ვერა. უკვეთავდნენ და ასრულებდა. ასრულებდა და კარგადაც ასრულებდა. არ დაგაეჭვებდა არც ნაკითხობაი იმისი, არც გემოვნებაი. ეჭვს შეიტანდი გამოსვლებში ბესარიონ ჟღენტისა, ნანერებშიცა. დაუნუნებდი განათლებასა, გემოვნებასაც დაუნუნებდი. მაგრამ სხვა გახლდა ცალკე საუბრებში, სრულიად სხვაი. განათლებითაც გაგაკვირვებდა, მოგხიბლავდა გემოვნებითაცა და წარმოიდგინე, ლიტერატურული სინდისიერებითაცა. დიახ, დიახ, ლიტერატურულ სინდისიერებითაცა. ის ამბავი, ანეკდოტურად რო გაფრცელდა თავის დროზედა, სრული სიმართლე გახლდა. დრომ მოიტანა და აქებდა ერთ პოეტსა, აქებდა და აქებდა, ტრიბუნა იყო, საგაზეთო ნე-

რილები იყო, აქებდა და აქებდა. ჩუმჩუმად დასცინოდა. იმეორებდა თავისივე ნაქებ სტრიქონებსა, იცინოდა და აცინებდა ხალხსა. ერთხელაც სტუმრები, თავისივე სტუმრები ლამის დაეხოცა სიცილითა. პოეტმა გაიგო. უსაყვედურა, შემოსწყრა. ეს როგორაო. გაუბრაზდა ბესარიონიცა: „კომუნისტში“ გაქე, კრებაზე გაქე, პლენუმზე გაქე, ყრილობაზე გაქე, ჩემს სახლშიაც აღარ მათქმევინებ სიმართლესაო. მოსწრებული სიტყვაცა ჰქონდა ბესარიონსა, მოგერიებაც შეეძლო, გულის მოოხებაც მოუხერხდებოდა. გიორგის ასე არ გამოსდიოდა. დაკვეთასაც ასრულებდა მთელის მონდომებითა და თავდაცვასაც ალევდა ძალღონესა. გაგებით ყველაფერი გაეგებოდა. დავანებოთ თავი ადრეულ წლებსა. ნათლად გაეგებოდა. მეორე მსოფლიო ომი მოიარა ბოლოს და ბოლოსა, ჭრილობებით დაბრუნდა, განვლო სატანჯველი თავისი, სული მოიტანა შინა.

ბოლო დროს ჩვენ ხშირად ვეხმიანებოდით ერთიმეორესა. მწერალთა კავშირს მოიკითხავდა უთუოდა. მე არ ვიცოდი იმისი არაფერი, ანთუ ხსენებაც არ მინდოდა მწერალთა კავშირისა. გიორგის ცოტა ეხამუშებოდა, მთელი ცხოვრება გაეტარებინა იქა, გასძნელებოდა უიმისობაი. ისედაც მოიწყინა. ცოტა ხელჩაქნეულიც გახდა თითქოსა, ცოტა თუ ეგებ უფრო მეტადაცა, ნამდვილი მწერლობა რო წავიდა, შემოეცალნენ რო მეგობრებიცა. ჩამოსხდებოდნენ ხოლმე ისა და ერემია ქარელიშვილი მრგვალ ბაღში რაფიელ ერისთავის ძეგლთანა. ჩამოსხდებოდნენ. უბნობდნენ თუ დუმდნენ, წარსულს გასცქეროდნენ, 20-იანი წლებიდან ბოლო დრომდისა. აღარც ერემია, აღარც გიორგი, ერთხანს მეგონა — რაფიელიც აღარა მეთქი. ვარსკვლავებიჭუნა ჩამოტეხეს კვარცხლბეკიდანა, ეგება რაფიელიც თან გააყოლეს მეთქი. არა. არ შეჰხებია. ის უფრო შორს გაიცქირება. და მაგონდება იოსებ ნონეშვილი. მიტინგი რაფიელის ძეგლის გახსნისა. იოსები ტრიბუნაზე, ლამის რო აფრინდეს, ლამის რო აჰყვეს მგზნებარე სიტყვასა თავისასა და ლექსსა მგზნებარესა მომეტებულადა. მახსენდება, მიტინგის მერე რო მეუბნებოდა: შეამჩნევდი ტრიბუნაზე რო გვერდულად ვიდექი. თუ იცი, რატომაო. შევარდნაძე დამპირდა, ძეგლის გახსნას დავესწრებო. აქ არ მობრძანებულა, შინ მივიდოდა. ფანჯრიდან გვიცქეროდა უთუოდაო. რალა თქმა უნდა. არ მინდოდა ზურგი შემექცია იმისთვისაო. როგორი სიტყვა ვთქვიო. „ლექსი?.. ძეგლი?.. ჰო მოეწონებოდა?..“ მოეწონებოდამეთქი. გადმოჰყოლოდა მგზნებარებაი ტრიბუნისა. მომდევდა და უკან -უკან იცქირებოდა. დრონი მეფობენ და არა მეფენიო, უკეთ როგორღა დადასტურდება — გადმოდგება რო მერაბიშვილი ვარო, თუ გოგიტიძე ვარო, თუ სააკაშვილი ვარო, თუ ნათელაშვილი ვარო, გადმოდგება და რო მოიხსენიებს იმავე, იგივე შევარდნაძესა, ან პრეზიდენტსა, ისეთი სიტყვებით მოიხსენიებს, კაი ყურით არ გაიგონება!..

ჰო.

ხშირად ვეხმაურებოდით-მეთქი მე და გიორგი ერთიმეორესა. ბო-

ლო დროსა. მანამდე ჩვენი ურთიერთობა უფრო ზიგზაგობრივი გახლდა. ერთხელ ძალიან გამინანყენდა. ალარც მეგონა, თუ შემირიგდებოდა. „ბურუსის“ გამო სხვაც ბევრი ვინმე გამინანყენდა. გიორგიცა იმათ შორისა. სხვებს არც ვიცნობდი. გიორგისთან დაახლოვებული გახლდი. რას ვიზამთ — მოვლენები ზოგჯერ ისე ვითარდება, გოჩამ რო შვილიც გაიმეტა, ერთადერთი შვილი. საბაბი გიორგისაგან მოდიოდა. ის ჩვეულებრივ დაკვეთას ასრულებდა და არც არსაიდან შენიშვნას არ ელოდა. ცხადია. და რალა თქმა უნდა. წერილი „კომუნისტში“ დაიბეჭდა. ეს იყო გამოხმაურება იმ დიდი მოძრაობისა, აკადემიკოს ლისენკოს მოხსენებას რო მოჰყვა და რო დაიწყო ულმობელი რბევა იდეალიზმის გადმონაშთებისა საბჭოთა მეცნიერებაში. წერილი გიორგისა ანუ „კომუნისტისა“ ანუ ცეკასი აკრიტიკებდა ქართველ ხელოვნებათმცოდნეებსა, აბუჩად იგდებდა ჩუბინაშვილის სკოლასა, კვლევის მეთოდებსა ამ სკოლისა, გამოცემებსა; ფეოდალური აზროვნებით შებოჭილობასა სწამებდა, უიდეობასა და წარსულის იდეალიზაციას უკიჟინებდა, ფორმალიზმით გატაცებას მიუთითებდა, განსაკუთრებით ველფლინიზმით გატაცებასა. მე ეს დავიხვიე ხელზე: ველფლინიზმი დავიხვიე ხელზე და რამდენადაც შეიძლებოდა, გავაბიაბრუე წერილიცა და კრიტიკოსიცა. წერილს სხვაც აწერდა ხელსა. ალბათ, წაახმარეს გიორგისა, როგორც რო გამოჩენილი ხელოვნებათმცოდნეი ანუ დიდად იდეურად მიჩნეული ქართულ საბჭოთა ხელოვნებათმცოდნეობაში. მაგრამ მე იმას არც შევხებივარ, არც ახლა მიმაჩნია საჭიროდა დასახელებაი იმისი, რადგან წერილი რო გიორგისაა: გიორგის ხელი, ენა, სტილი და სიმძაფრეი მაშინდელი აშკარად ეტყობა. ხელოვნებაც იმაზე უკეთესად იცოდა გიორგიმა, ვეისმან-მორგანის გენეტიკაცა, პავლოვური რეფლექსებიცა, მიჩურინის შეჯვარებაცა, ისიცა აგრეთვე, თუ რა დაესახა მიზნადა მთელს იმა აურზაურსა, ხოლო ლისენკოს ავანტიურიზმი თუ ბოლომდის ვერ გაეთვალისწინებინა მაინცდამაინცა, ეს არა ნიშნავდა არაფერსა ამ შემთხვევაშია. ჩემთვის ველფლინიზმიც საკმარისი გახლდა — ცალმხრივი გაგებაი იმისი და მიკერებაი ხელოვნური ქართულ ხუროთმოძღვრებასთანა. ირონია კრიტიკოსიდან რედაქტორს გადასწვდა, თვითვე გიორგისა, როგორც რედაქტორსაცა. მაშინ გიორგი „ლიტერატურულ საქართველოსა“ რედაქტორობდა. ეს ჯერ გიორგის არც უნდა სცოდნოდა. ხელნაწერი უფრნალ „მნათობის“ რედაქციას ჩავაბარე და რო მეგონა, ჯერ ალბათ, არც გადაუშლიათ-მეთქი, ერემია ქარელიშვილი მენვია ყელქცეულში. გიორგი ლამის გაგიჟდესო. ერემიამა. ეს რა გიქნია, რა დაგინერია, რამ დაგანერინაო. მაშინ ერემია გიორგის მოადგილედ ითვლებოდა ლიტერატურულ გაზეთშია. გამცემობა არ გამკვირვებია. არც ის გამკვირვებია, გაზვიადებულად რო მიეტანათ ამბავი, ჩემთვის გაუგებარი და წარმოუდგენელიც რო მიემატებინათ. არა. არა. რა თქმა უნდა. არა. მე დავპირდი რო: ამოვშლიდი ყველაფერსა, პიროვნებას

რაც შეეხებოდა, ხოლო დანარჩენს არ ვაკითხებდი არავის არაფერსა. და დარჩა დანარჩენი, ირონია გახლდა თუ ეგებ რო სარკაზმიცა „კომუნისტში“ გამოქვეყნებული წერილის გარშემო. ამასობაში სიმონ ჩიქოვანი დაინიშნა „მნათობის“ რედაქტორადა და არც შეჭხებია არც იმ დანარჩენსა, არც სხვა დანარჩენსა. სიმონის გარეშე არც დაიბეჭდებოდა „ბურუსი“.

რაც თუ რა იყო, ასე წაგვიკიდა დრომა, ვითარებამა, გარემოებამა. მტრობამდის მაინც არ მივსულვართ მე და გიორგი, ერთმანეთისადმი მტრობამდისა. რალა თქმა უნდა. კეთილმოსურნეობა არ მოგვშლია ერთმანეთისადმი. და ბოლოს ჰო ჩემთანაცა სწუხდა და ამასაცა სწუხდამეთქი: ნამდვილი მწერლობა წავიდაო. წავიდა. წავიდა და მართლაც რო წავიდა. შემორჩება შემოსარჩენი. სამაგალითოც შემორჩება. მაგრამ ეს მაინც სხვა იქნება. რაც რო წავიდა, ის სულ სხვა არის, სხვა იყო და დარჩება სხვადა. ნამდვილი. ნამდვილი. რალა თქმა უნდა. ნამდვილი მაშინაც მცირედი გახლდა. ისიც ჩაშლილი თუ ჩალავებული უკეთურთა შორისა, უამრავ უკეთურთა შორისა. ეს უკეთურობა იყო უარესი, ცენზურაზე უარესი, პარტიაზე უარესი, ჩეკაზე უარესი. რომელი ერთს გასწორებოდი!.. მაინც თავისი შესძლო ნამდვილმა მწერლობამა. გადაარჩინა ენაი ქართული: ენაი, ენაი, ენაი ქართული — გადაარჩინა!.. უფრო მეტი ღმერთსაც არ შეეძლო იმ ვითარებაში.

— „მე მხოლოდ სიტყვებს მივჰყვები. სიტყვებია ჩემი ფერები. მელოდიებიც ჩემი სიტყვებია. აზრიც სიტყვებია, რალა თქმა უნდა. ყველაფერს თავისი ფერი უნდა, ხმოვანებაც თავისი უნდა. მთხრობელს ესა მართებს, მეტი არაფერი, ამისი შეწყობა მართებს, სხვა დანარჩენი მსმენელმა იცოდეს“, — ეს 1999 წელს (რომანი „თეთრი დათვი“) დაინერება. ახლა-ლა ითქმება, თორემ ალბათ, დიდი ხანია ასეა. მინდა გკითხოთ, ბატონო ოთარ, ის პირველი ამბავი, პირველი სიუჟეტი, რომელიც ქალაქზე გადავიდა, როდის გაგიჩნდათ სურვილი, სხვათათვის გეამბნათ იგი? პირველად როდის „გაგიტაცათ“ სიტყვამ?

— პირველივე განცდაი ჩემი ეს იყო უარჰყოფაი ყოველივე იმისა, რაც რო ჰხდებოდა ჩემს გარშემო, უარჰყოფაი და წყურვილი გაქცევისა. სიტყვებსა სცილდებოდა. სიტყვები ამისათვის არა კმაროდა. წარმოდგინე ემაგ გასული წყეული საუკუნის 20 და 30-იანი წლები. დარბეული, გაჩანაგებული ოჯახი, ადგილ-მამულიდან აყრილი, დევნილი საკუთარ სამშობლოში. ადვილი წარმოსადგენია, დღესაც რო ბევრია დევნილი ჩვენში და სწორედაც საკუთარ სამშობლოში. უსამართლობა არასოდეს არ მოგვეკლებია. უსამართლობა უსამართლობაა, ოღონდ სხვაობა არის რო აქაცა?! დევნილებზე ზრუნავენ ახლა. დევნილს დევნილი ეწოდება და ზრუნავენ: ხელისუფლება, ახლობლები, ნათესაები, კერძო დაწესებულებანი, საერთაშორისო ორგანიზაციები. მაშინ დამწამავე ერქვა დევნილსა, დარბეულსა, გაძარცვულსა, დახვრეტილსა,

დამნაშავე ერქვა და გრძელდებოდა, დევნა გრძელდებოდა, ხელსაც რო ვერავინ გამოგინოვებდა, ათვალისწინება ელოდა იმასაცა, სასჯელი ელოდა. არა. არ უჩანდა დასასრული დევნა-შევიწროებასა, არც სანუგეშო არაფერი ილანდებოდა, გაქცევაც რო არ შეიძლებოდა არსაითა!.. თავშესაფარი მაინც გინდოდა. შენ მაინც გინდოდა თავშესაფარი, შენ უნდოდი თუ არა ვინმესა. და აი მაშინა, სწორედაც მაშინა სიტყვა აღმოჩნდა თავშესაფარიცა, ნუგეშიცა, იმედიცა და საშუალებაცა. სიტყვა აღმოჩნდა. ისევ სიტყვაი. მაინც სიტყვაი. მაგრამ რა აღმოჩნდა — ისიც დევნილი, დაკნინებული, გაპარტახებული, უარეს გაპარტახებას რო მოითხოვდნენ, მოითხოვდნენ და გადალებდნენ. ვაის გავექეცი, უის შევეყარეო. ან რას გავექეცი ან რას შევეყარე — ეს ჰო ერთი იყო: მოშალეს საყრდენები ერისა და უნდა მოეშალათ ბურჯიცა ერისა — ენაი. სხვა რამ მიზანი არც რო არ გააჩნდა რუსულ მარქსიზმსა. და აქ გაჩაღებულიყო ბრძოლაი უმთავრესი, უკანასკნელი და გადამწყვეტი. რის თავშესაფარიო. თვით ის იყო გადასარჩენი. ოღონდ ისე რო: გადასჯაჭვოდით ერთიმეორესა — გადაარჩენდი — გადაგარჩენდა, ვერ გადაარჩენდი და გადაჰყვებოდი თანა. ეს ის მწვერვალია, მთასვლელები რო ლამობენ, ერთიმეორე რო იხსნან უფსკრულებში გადაჩეხვისაგანა, მაგრამ ეგებ რო ერთმანეთიც თან ჩაიყოლონ. მაინც სიტყვა გახლდა ის ჯაჭვი თუ ის თოკი ხსნისა. სხვა არც რა იარაღი აღარ არსებობდა თვინიერ სიტყვისა. თქვენთვის გასაგებია. რა თქმა უნდა. სხვა შემთხვევაში დაეურთავდი: აქ თვინიერ რო — თვინიერებას არა ნიშნავს. რას იზამ!.. ჰო. ჰოდა-რაც უნდა იყოს, სიტყვა გამოიჩინდა, თავშესაფრადაცა, მოქმედების საშუალებადაცა. ტკივილად სიტყვა იქცა, სიტყვა იქცა შინაარსადაცა ჩემი ცხოვრებისა. სიტყვა პერსონაჟადაც შემოვიდა ჩემს შემოქმედებაში. სიტყვა წარმართავს სიუჟეტსა. რალა თქმა უნდა, ოღონდ თვითონაც იქვე ტრიალებს მოქმედ პირთა შორისა პერსონაჟივითა, სწორედაც რო პერსონაჟივითა. ტკივილიც ის არის, ნუგეშიც ის არის. განცდა ის არის. ერთი სიტყვივითა. სხვა დანარჩენი ცხოვრებაა.

— ერთი ასეთი შემთხვევა: აუდიტორიაში ვაჟი წამოდგა. სემინარია, პროზის სემინარი. კითხვა უნდა დასვას და სვამს კიდევ: „თუ როგორ უნდა ვწეროთ, უკვე ვისწავლეთო. ვიცით, როგორ დავინწყოთ, როგორ მოვჰყვეთ, როგორ დავამთავროთ. მაგრამ რა დავინწყოთ, რა მოვჰყვეთ, რა დავამთავროთ?.. რა დავწეროთ, ეს არ ვიცითო“ („პროზის სემინარი“). დღევანდელი საქართველოს ტრადიცი-კომიკური ამბავი. უცნაურ გეოგრაფიულ სივრცეში გაშლილი სიუჟეტი, გადამთიელის გვარ-სახელით მოქმედი პერსონაჟი და რაც მთავარია — უცხო სათქმელი, რომელიც რა საჭიროებამ მოიტანა, ხანდახან მკითხველი კი არა, პროფესიონალიც ვერ იგებს. ბევრს ვგულისხმობ. მხოლოდ ცალკეულებს — არა. ხშირ შემთხვევაში არც აზრის მეტაფორა და არც სიმბოლური გააზრება. როგორ ფიქრობთ, მათ „მწერალი“ ამგვარ შემთხვევებშიც ჰქვიათ?

— გასაგებია, საითაც უქნევთ. ცოტა საჩოთირო ნათქვამია. ჟარგონია ხალხური ჟარგონი, უფრო ქართლური დიალექტის ჟარგონი. დიალექტსაცა აქვს თავისი ჟარგონი, როგორც რო სალიტერატურო ენასა. რასაც რო გულისხმობთ — გასაგებია, ასე უნდა თქმულიყო. პროზის ჟანრების გათავისებურებასა გულისხმობთ, არცთუ მაინცდამაინც მიმზიდველი ხერხებითა და შინაარსითა. ცალ-ცალკე ეგებ ასატანიც იყოს, ორივე ერთად ჩამაფიქრებელია თუ რო შემადრწუნებელი არა. რაც რო ახლა პროზას დამართნია, იგივე მოიცავს ხელოვნების ყველა დარგსაცა. ვერცერთს ვერ გამოჰყოფ, მეტ-ნაკლებობას ვერ გამოარჩევ. ახლა ყველაფერი სიდუხჭირესა ბრალდება ჩვენი ქვეყნისა, ეკონომიკურ სიდუხჭირესა. და პოლიტიკურ ცხოვრებაშიც რო არ გვიდგას კარგი დარი, ესეც იქვეა. რალა თქმა უნდა. რაც უნდა იყოს, არ იგრძნობა ნაკლებობაი არც წიგნების გამოცემისა, არც ახალი სპექტაკლებისა, არც რო ახალახალი საესტრადო შემსრულებლებისა. არა. არა. რის ნაკლებობაო. ამდენი დასახელებისა და ამდენი საგულისხმო წიგნი არც გამოდიოდა იმ არსახსენებელ დროსა. არა. რა სათქმელია. ამდენი თეატრი არც ახსოვს თბილისსა ერთდროულადა. რალა თქმა უნდა. არც სხვა ქალაქები რო არა სჯერდებიან თითო თეატრსა. მალე ოპერის თეატრი რო გაჰხსნან მაჩხაანშიცა, არა მგონია, რო ვინმეს გაუკვირდება. რა ჰანგები აღარ გაისმის — რა ჯურისა და სადაურობის აღარა, რა ხელოვნებას არ დაუფლებიან ჩვენი მხატვრები, რა წარმატებას აღარა იქადიან თავანთი დასავლური გამოფენებითა და ასეთ დროსა, ამ გაქანებაში ერთი სახელმწიფო დროშა ვერ დაუხატიათ, ერთი, ერთადერთი, ქართული, ქართული. რალა თქმა უნდა. ერთი სახელმწიფო ჰიმნი ვერ შეუქმნიათ, ერთი, ერთადერთი, ქართული, ქართული. რალა თქმა უნდა. და რო იკითხო ჩვენი ერთი კომპოზიტორი მსოფლიოს აოცებს თურმე. სხვა დანარჩენებსაც ვითომ რა უჭირთ!.. ერთი სახელმწიფო ჰიმნი რა არის?! ერთი სახელმწიფო დროშა რა არის ამ უუუუუუუუქველესი სახელმწიფოსათვისა. კარგი რამას გერბი მაინც შემოგვრჩენია. ღმერთიმც უშველის წმიდა გიორგისა!.. გაჭირვებაო. სიდუხჭირეო. პოლიტიკური აღრეულობაო. იგივე სჭირდა საქართველოსა ამ წინა საუკუნეშიაც, პირველად რო გამოცხადდა დამოუკიდებლობაი. იგივეი. ოღონდ ის მაინც არ გასჭირვებიათ: ჰიმნი რო შეექმნათ, დროშა რო დაეხატათ. წმიდა გიორგი ჰო მაშინაც თავს ადგა. მაშინ მოვევლინათ „აბესალომ და ეთერიცა“. უნივერსიტეტიც მაშინ მოვევლინათ თავისი უბინაო და მშიერ-ტიტველი პროფესორებითა. შემოიკრიფა გაფანტული ძალები, გადმოვიდა ენერჯიაი დაგუბებული, ენერჯიაი სახელმწიფოებრიობის განცდისა. გადმოვიდა და აიტაცა ხალხი. სახელმწიფო უპირველეს ყოვლისა!.. — იქცა ერთადერთ მონოდებადა. ხალხისა, ხალხისა. და საუბედუროდ ხალხი ცალკე დარჩა. პარტიულმა თვითმარქვიობამ დაჰლუპა ყველაფერი მაშინაცა და თუ

სიკეთე არ გვინერია ისევ ეს პარტიული თვითმარქვიობა და აღრეულობა გამოგვიყვანს წირვასა. ისევ ესა ანუ ისა, იგივეი. იგივე თავკერძობა, თვითმარქვიობაი იგივეი, კუდაბზიკობაი იგივეი. თავქარიანობაი.

მტიციცება იმისა, რო: სახელმწიფოს იდეოლოგია არ გააჩნია საქართველოში, სხვა არაფერია თუ არა უარჰყოფა ქვეყნის მისწრაფებისა დამოუკიდებლობისადმი. სხვა არაფერია. და ეს თავსმოხვეულია გარედანა. რალა თქმა უნდა. და შინაგანი ოპოზიციის დასაყრდენიც ეს არის. არა?! პარლამენტისაცა, პარლამენტისაცა!. და რა გამოდის: სახელმწიფო ცალ ფეხზე დგას. ასკინკილა მიდის, ასკინკილასა თამაშობს ამა უმძლავრესი სამხედრო შეიარაღებითა და სამხედრო პოლიტიკით დამძიმებულ დედამინის ზურგზედა. ვითარება რთულია. ძნელია გარკვევა ამა უღმობელ გარეგან ხრიკებში და შინაგან მზაკვრულ გამოხდომებში. ძნელია. ძნელი. და დაიბნენ აღიარებული მოღვაწენიცა, აგერ ჩვენს თვალწინ აღიარებულნი — მოცადობისგან რალა გაგვიკვირდეს ანუ ახალთაობისაგანა, მწერლობის ახალთაობისაგანა, წარსული სიბნელედ რო გამოსცხადებითა და არცთუ მონმენდილა ცაი დღევანდელი?! თქვენ იმათს მწერლობას ბრჭყალებში მოაქცევთ: უცხოურ გარემოს, საიდლანლაც მოთრეულ სიუჟეტებს, უცნაურ სახელებსა და სახელწოდებებს, გარეგან სიტყვანყობას, უწმანურსა და სამარცხვინო ყოფით სურათებს რო გვთავაზობენ: მოაქციეთ, ჩასვით ბრჭყალებში, ჩაჰყარეთ გოდორში, ჩაამწყვდიეთ ქვევრში, ილონეთ რაც გენებოთ, მოდიან და ვერ შეაჩერებთ ასე ნაუცბათევადა, სახელდახელოდა ასე; მოდიან და შიშვლადაც არ მოდიან, თან ახლავთ ტელემაუნყებლობაი თავაანთი, პრესაი თავაანთი, გამოცემები და ეგრეთწოდებული პრეზენტაციები თავაანთი, თავშესაყრელი ადგილებიცა თავაანთი. გაიჩინეს თაყვანისმცემლებიცა. აბა!.. ვახუშტი კოტეტიშვილიც აიყოლიეს, მიხილ ქვლივიძეცა. იტყვი: ეგებ, რო ამათ რაიმ ზეგავლენა მოახდინონო! (ახლა ჰო ზენოლა დაგვიკანონეს ზეგავლენის სანაცვლოდა პოლიტიკოსებმა, პარლამენტმა, ტელემაუნყებლობამა. აი, თუ ენა სად იყიდება, ჯავახიშვილო და ინგოროყვა), მაგრამ პირიქითაც ჰო შეიძლება?.. შეიძლება და შეიძლებოდეს. უცხოური მაინც უცხოურია ქართულისათვისა, ქართული ლიტერატურისათვისა. უცხოური შემოდის და გადის. გადის. ხან უკვალოდა. ხან კვალსა სტოვებს, მერე და მერე შეუმჩნეველსა, გამოურჩეველსა, შეზელილსა, შეხორცებულსა. ქართული მინა, წყალი ქართული, ქართული ჰაერი მაინცა სჩადის თავისასა. ეს მაინცა, თაობაი ესე, დახაციცებული თაობაა. მოულოდნელად გაცვივდნენ დასავლეთში, სახელდახელოდ წამოისხეს მხრებზედა იქაური გამონაცვალისამოსელი და თავმომწონებენ შინმობრუნებულნი. თავმომწონებენ, უკან რო არ იხედებიან, თორემ თუ ცოტას მიიხედავენ, დაინახავენ, რო აქაც უკვე გადაუვლია იმა მოდასა. არც გასაკვირია საყმაწვილო სენი. ეს არის, დიდხანს რო არ უნდა გაგრძელდეს. არც სახელმწიფოებრიო-

ბის შეუგნებლობა არ უნდა გაგრძელდეს დიდხანსა. ქართული მწერლობის შემდგომი აღმავლობა იმასთან არის დაკავშირებული — საქართველოს სახელმწიფოებრიობის შეგნებასთანა, სისხლხორცეულად არის დაკავშირებული.

— 1956 წლის 18 იანვარი. ვასილ მჟავანაძის გამოსვლიდან:

„ზოგიერთი ჩვენი მწერალი, რომლებმაც სწორად ვერ გაიგეს პარტიის მოთხოვნა, ნაცვლად იმისა, რომ გაბედულად გამოააშკარავოს ცხოვრების წინააღმდეგობანი და კონფლიქტები, მეორე უკიდურესობაში მოექცა. ისინი აზვიადებენ ჩვენი ცხოვრების უარყოფითს, არატიპიურ მხარეებს. სწორედ ამგვარი ნაკლოვანებანი ახასიათებს ოთარ ჩხეიძის ნაწარმოებს „ბურუსს“.

კონკრეტული ნაწარმოები... და კონკრეტული ბრალდება არცთუ „დაბალი“ ტრიბუნიდან. რას გაიხსენებდით იმ დღეებიდან?

— ბევრ რაიმესა. ამაზე მითქვამს, ოღონდ მაინც დამრჩა სათქმელი. ყველაფერს ახლაც ვერ მოგახსენებთ. ალბათ კითხვები კიდევ გექნებათ და მხოლოდ ამაზე ვერ შეეჩერდები. „ბურუსი“ 1955 წლის ნომრებში დაიბეჭდა. „მნათობისა“. დასაწყისიდანვე მოწონებით განიმსჭვალა მკითხველი, შეიძლება ითქვას, უჩვეულო მოწონებითაცა. თავმდაბლობა კარგი რამ თვისებაა, მაგრამ სიმართლეს მაინც არაფერი სჯობს. მკითხველს მონატრებოდა ლიტერატურაი ამგვარი, მართალი ლიტერატურა მონატრებოდა. მაგრამ მკითხველი მაინც მკითხველია და არც არავინ არაფერს არ აკითხებდა მკითხველსა. ჯერ მაინც მწერალთა კავშირი აბუზღუნდა. მწერლები გაგულისდნენ, აბუზღუნდნენ, აურზაური ჯერ იმათ ასტეხეს. მე ვკითხე ირაკლი აბაშიძესა, რა ჰხდება-მეთქი. მაშინ ისა ხელმძღვანელობდა მწერალთა კავშირსა. რა გითხრაო. ირაკლიმა. აგერ დამადგა ოცი მწერალი და მომთხოვა ოცივემა: ან ეგ ალკვეთეთ ან ჩვენც ეგრევე დავიწყებთ წერასაო. დაიწყონ-მეთქი. ჩემი ირონია არ მოეწონა ირაკლი აბაშიძესა. აქედან პირდაპირ ცეკაში წავიდნენ, ეგ იქ გაუმეორეო. მომიგო ისე, ირონიის ირონიაც რო გამოდიოდა და მუქარაცა. რალა თქმა უნდა. პარტიული კრებაც დანიშნეს მწერალთა კავშირში. ცეკას პირველი მდივანი ვასილ მჟავანაძე მოიწვიეს და პირველად იქ წარმოსთქვა ეგ სიტყვები, მერე პარტიულ ყრილობაზე. მანამდე იმეორებდნენ სხვადასხვა პლენუმებზე თუ დიდ საწარმოთა პარტიულ კრებებზე. იმეორებდნენ და იმეორებდნენ. რაც უნდა იყოს, ვასილ მჟავანაძის იმ გამოსვლაში შემწყნარებლობაც იგრძნობოდა: ზოგიერთმა ჩვენმა მწერალმა ვერ გაიგო პარტიის მოთხოვნაო — ვერ გაიგოო. ამისი ნიმუშია „ბურუსიო“. ყრილობაზე ესეც დაუმატა: რედაქცია ვერ დაეხმარა სათანადოდ. ეს მთლად განწირვას არა ნიშნავდა და არცთუ დიდად საწუგეშოდ გამოდგა მაშინდელი მწერალთა კავშირის აქტივისათვისა. უკვირდათ, რატომ არ დააპატიმრესო. ზოგი სალამსაც აღარ მადღევდა. ერთი გამომიტყდა კიდევაცა. მერე, მერე. რალა თქმა უნდა.

არ გვეგონა თუ გადარჩებოდით. ვასილ მჭავანაძე ლმობიერი კაცი იყო ისედაცა. შავი ღრუბელი გროვდებოდა ცაზე საქართველოსი ისედაცა. დიდი შურისგება იწყებოდა. მძვინვარებდა რუსი. სტალინისა და ბერი-ას გამო მძვინვარებდა უმადური რუსი. არა კმაროდა?. მეტიც გახლდა. ახალახალი საბაბი საჭირო აღარ იყო კრემლისათვისა. იხვეწებოდა ცეკას მდივანი: დამშვიდდით, ნუ სჭამთ ერთიმეორესა. თუ რამ გვანუ-ხებს, აქვე მოვაგვაროთ, მოსკოვს ნუ გარბიხართ, ჩვენი სიავე იქ ნუ გაგაქვთო. ვინ შეეპოებოდა? ყარაყორუმს არ ერიდებოდნენ, იქამდის სიარულს არ ერიდებოდნენ იმ პირობებში, ძირითადი ტრანსპორტი აქ-ლემი რო იყო, ოღონდ ერთმანეთი დაებეზლებინათ, გაენირათ ოღონდ ერთმანეთი, მოსკოვს გაფრენას ვინ დაიშლიდა, დღეში სამჯერ რო დაჰქროდა თვითმფრინავი. თუ ორჯერა?.. ორი იყოს. ცოტაა რო?!. საბაბ-მაც რო არ დაახანა!.. 1956 წლის იანვარიო. თქვენვე ბრძანეთ. მარტიც იქავე გახლდა, ის წყეული მარტი, ორბელიანების კუნძულზე სტალინის ძეგლთან რო დაცხრილეს სტალინური ახალგაზრდობაი, სტალინური, სტალინური, სტალინის სიყვარულით აღზრდილნი თვით კრემლის თაღ-ლითებისა და გაიძვერების მიერა.

და მაინც მაშინვე მინდოდა, თანამეგრძნო. იმ ჩემი მახეზღარებისა თუ თვითმარქვია მრჩველთათვისა პარტიის ცენტრალური კომიტე-ტისა. ეს ის მწერლობა ბრძანდებოდა, ვინც ჩემგან და კიდევ ორიოდ შემრქმედისაგან განსხვავებით, სწორად გაიგო პარტიის მოწოდება: გაბედულად გამოეპყარავებინა სოციალისტური საზოგადოების არსე-ბითი წინააღმდეგობანი ანუ ის წინააღმდეგობანი, რაც რო ბრძენი პარ-ტიის მითითებით დაკავშირებულიყო წვრილბურჟუაზიულ ვენებებთანა და გადმონაშთებთანა: მესაკუთრეობის სურვილთანა, მომხვეჭელო-ბასთანა, ნათესაობა-ნათელმირონობასთანა, პირადი კეთილდღეობის მოსურნეობასთანა და სხვა ამგვარ ადამიანურ მოთხოვნილებებთანა. პარტია თვითონვე ამხელდა ასეთ ხელმძღვანელ ამხანაგებს, თანამდე-ბობიდანა ჰხსნიდა, სჯიდა, აციმბირებდა. საამისოდ მომართულიყო ად-მინისტრაციული ორგანოი ყოველი, მთლად ხელისუფლება საამისოდ მომართულიყო და არა კმაროდა, იგივე მოვალეობა უნდა ეკისრა მწერ-ლობასაცა, ხელოვნებასაცა, უპირველესად მწერლობასა, აბა მაშ რაო, ტყუილად ჰო არ უნოდა ხრუშჩოვმა მწერლობას თანაშემწეი პარტიი-სა!.. და თანაშემწეობდა აქტივი მწერლობისა, თანამდებობას ასრულებ-და პირნათლად. და შეუტიეს ეგრეთწოდებულ საქმოსნებსა თვით უნა-ზესმა ლირიკოსებმაცა. გაემტყუნებოდათ?.. ალბათ, ეჭვი არ ეპარებო-და სრულყოფილებაში კრემლის თეორეტიკოსთა, ვითომც რო სწორად მიეგნოთ სოციალისტური სისტემის რყევის ნიშნები, ვითომც რო გან-მტკიცების სწორი მეთოდებიც შეემუშავებინათ. გაემტყუნებოდა თუ არ გაემტყუნებოდა, მწერლობამ შეიფერა თავისი როლი, სოცრეალიზ-მის მწერლობამა, შეიფერა და ადამიანს დაუპირისპირდა, პიროვნებას 50

დაუპირისპირდა, დაუპირისპირდა ადამიანსა ადამიანში, პიროვნებას პიროვნებაში. ხალხი აქცია კოლექტივად, კოლექტივი პარტიადა. ხალხმა დაჰკარგა პიროვნება და პიროვნებამ დაჰკარგა ხალხი. არა. ეს უკვე იმათ არ გაეგებოდათ, თუ როგორ დაიკარგა პიროვნება, თუ როგორ დაღავედა ხალხი. ისინი იქ იდგნენ, ვითომ თუ რაც ინვევედა პიროვნების განდგომასა კოლექტივისაგანა — წვრილბურჟუაზიული გადმონაშთებიო. და აი, გამოჩნდა ნაწარმოები, ნაკარნახევი რო არც მოესმინა, სხვას ჩასძახობდნენ, სხვას ამოიძახობდა, სხვას უჩვენებდნენ, სხვას იხატავდა: მართალ მოძვლებს იხატავდა, ცრუს არა, არა, ვერც რო ამჩნევდა. და მინდოდა, თანამეგრძნო იმათთვის არა, ვინც ბრმად აპყლოდნენ, არა, რა თქმა უნდა, მხოლოდ იმათთვისა, ძალით ვინც რო ათრევივებოდა, ვინც რო მოითხოვდა, ჩვენც ეგრე დავწერთო და რო იცოდა რო: არავინ არ დაანერინებდა ისე არავისა. იცოდა. გაეგებოდა. და მოითხოვდა, ეგეც აჰკვეთეთ, ანთუ მოკვეთეთო.

ეს არ იყო უბრალო რამ მოვლენა ჩვენს ლიტერატურაში. ანთუ გამორჩენიათ, ანთუ ბევრს ვერც გაუგია დღევანდლამდისა. ალსდგა თითქოსა განწყვეტილი ჯაჭვი ჯავახიშვილ-რობაქიძის სახითა, მიუახლოვდნენ თითქოსა გალაკტიონსაცა, ცისფერყანწელების უკეთ გაგებასაცა ცდილობდნენ, მაგრამ ეს მხოლოდ ნაწილია იმისა, რაც რო გამოიარა XX საუკუნის ლიტერატურაში, დანარჩენი ჯერ კიდევ გამოსახსნელია ულენტ-ჭილაია-მერკვილაძის მიმდევართა და იმათთან, თითქოს თუ ვითომ დაპირისპირებულთა ბრჭყალებისაგანა. ჯერ ბევრი რამ შესაძნავლია. ბევრი რამ არის გაბუნდოვანებული მიკერძობითა, უცოდინარობითა თუ სხვადასხვაგვარი ტენდენციურობითა. მეოცე მეოცეო და საერთოდაც. ჩვენ კარგადაც არა გვაქვს გააზრებული ჩვენი ლიტერატურის ისტორია თავით ბოლომდისა. არც მხატვრული მიმართულებანია ნათლად ჩამოყალიბებული, არც იდეური კანონზომიერებანია მკვეთრად განსაზღვრული. ჩვენ არ გაგვაჩნია ჩვენი ლიტერატურის ისტორიის ფილოსოფია ერთი სიტყვითა. აქ არ იგულისხმება ცალკეული ფილოსოფიური გააზრებანი მხატვრულ ლიტერატურაში. არა. რა თქმა უნდა. იმათი დალაგებაც არ იგულისხმება. ქართული ლიტერატურის განვითარების შინაგანი კანონზომიერების დადგენა იგულისხმება, ისტორიისა და ლიტერატურის თანხვედრამა და თანადგომამ იგულისხმება ერის ხასიათის ჩამოყალიბებაში, ცივილიზაციისა და ეროვნულის შეპირისპირება და ერთიანი, სრული, სრულყოფილი გააზრება იგულისხმება თავით ბოლომდისა, ხალხის სულიერი ამალღება იგულისხმება სახელმწიფოებრიობის შეგნებითა და სახელმწიფოსათვის თავდადების რწმენითა, არც რო არაფერი არ არსებობს თავისუფალი, დამოუკიდებელი სახელმწიფოებრიობის გარეშე, არც ლიტერატურა, არც ხელოვნება, არავითარი თავისებურება არ არსებობს საკუთარი სახელმწიფოს გარეშე. სიამაყე რო სიამაყეა, თავმოყვარეობა რო თავმოყვარეობაა,

ულირალია ისიცა უსახელმწიფოო პიროვნებისათვისა. ველარც სიმღერა, ველარც ცეკვა ველარ გვიშველის ბევრს ველარაფერსა. ქართულმა სიმღერამ, ქართულმა ცეკვამ შეასრულა თავისი როლი ძველი ცივილიზაციების პირობებში. ახლა ის მხოლოდ ფოლკლორია, ქართული კულტურის მონაპოვარი შედეგია დიდ ხელოვანთა სკოლებისა. რაღა თქმა უნდა. მოგონებაა ძველი სახელმწიფოსი ძველ სახელმწიფოთა შორისა და თუ არ გვინდა, რო დარჩეს მხოლოდ მოგონებადა, მხოლოდ და მხოლოდ საესტრადო გასართობადა, უნდა მოიკრიბოს ძალაი, ღონეი უკიდურესი ხალხმა და აღმართოს სახელმწიფოი თავისი თავისი კულტურითა ამა ახალ ცივილიზაციათა შორისა. სათქმელად ადვილია. საქმედ არ არის ისე ადვილი. და არც დაბნეულობა არ უნდა გაგვიკვირდეს ჩვენი ახალგაზრდობისა. ყველასი არა. რაღა თქმა უნდა. ზოგისა და თუნდაც უმეტესობისა. ისინი დაბნეულნი გამოდიან უნივერსიტეტებიდანა. დააცეცებენ ხელებს სიბნელეში. მოეჭიდებიან რაც რო ხელთ მოჰხვდებათ. დაიბნევიან კიდევაცა. წინააღმდეგობათა გადალახვაც დასჭირდებათ. გადამლახავნი გადალახავენ. უმწონი ჩაიჭრებიან. რა ვუყოთ. ურთულესი კანონები აქვს ლიტერატურასა. ბევრი რამის ცოდნაა საჭირო. ნიჭიო. იტყვი. დიდი რამ არის ნიჭი. ცხადია. რო არა კმარა?! ნიჭი ის არის, რო მოიცავს აუცილებელსა, სძლევს რო ლამის რო უძლეველსა, თორემ ის რაო, თინეიჯერების ტაში რო დაიპყრობს და ვერც გასცილდება. ბაირონის ასაკს გადააბიჯებენ, თინეიჯერებში რჩებიან ისევა. გოგო-ბიჭობაშიო, ქართულად ითქმის. ბიჭბუჭებიო, ასეც გამოითქმის. ბიჭბიჭებიც მოიხსენიება. ოლონდ ესაო — ბიჭბიჭები — ცელქი გოგონებისათვის შეურქმევიათ. არ მოვისაკლისებთ საჭირო სიტყვასა. რაღა თქმა უნდა. მაინც გვაჩერებენ თინეიჯერებსა და ჯერ რო ირონიულად ვათამაშებთ, მალე ჩაგვისახლდება, გაგვიბატონდება. ოლონდ ის მაინცა: ჩვენი სალიტერატურო ახალგაზრდობა მხოლოდ ის ჰო არ არის, რაც რო საჩოთიროა, შემანუხებელი რაც არის?! არა. რა თქმა უნდა. სალი ახალგაზრდობაც მოდის. სალი. საიმედო. მანუგეშებელი. ზოგჯერა მხვდება საგულისხმო ნანარმოებიცა, დამაფიქვრელიც როა და სიამოვნებითაც რო იკითხება. მცირედიც რო იყოს, თითო ოროლაც რო იყოს, იყოს, ეპოქას მცირედნი წარმოადგენენ. სხვა დანარჩენი მხოლოდ ფონია, ჭრელი ფონი, ოლონდ ესაა, რო არ უნდა იყოს ფონი იგი დამაბრმავები. არა. არა. რაღა თქმა უნდა. გეთანხმებით. რაღა თქმა უნდა.

— ერთი ეპიზოდი, რომელიც (სხვა მრავალთან ერთად) დახატულია ისეთ საინტერესო და გამორჩეულ წიგნში, როგორიცაა „რკალი“. თქვენც თანამონაწილე ბრძანდებით და არცთუ გასაკვირია ის ექსპრესია, ასე რომ გასდევს ნაამბობს. მკითხველსაც მინდა, შევახსენო. 1946 წლის 26 იანვარია. უნივერსიტეტის 36-ე გაყინული აუდიტორია მსმენელებს (პალტოში ჩაცმულთ, გათოშილთ, მაგრამ მაინც იქ მყოფთ) ვერ იტყვს. ვახტანგ ჭელიძე „ვენეციელი ვაჭრის“ თარგმანს კითხულობს.

არის ერთი პოლემიკა... კამათი... და უცვებ:

„— მართალი არის, რა თქმა უნდა...“ — მკვეთრი ხმა გაისმა, მტკიცე, უეჭველი; ის ხმა გაისმა და დუმილმაც ჩამოიარა...

— და... ვახტანგი მართალია.. — დაამთავრა იმა დუმილში იმავე ხმამა“.

ეს კაცი ერეკლე ტატიშვილია. არაერთი კითხვა შეიძლება გაჩნდეს:

— როგორ გაიხსენებთ სტუდენტობას?

— თქვენი მასწავლებლები?

— და ამჟამად ჩემთვის მაინც ყველაზე საინტერესო, ეს ყოფინაწლებს რომ გაპყვება და არა მხოლოდ ერთ ახალგაზრდას გაამხნევენ. „მართალია“ — როგორ ფიქრობთ, რატომ გაიშვიათდა ამგვარი, სხვათა გასაგონად ხმამაღლა თქმული, არშემდრკალი ამაყი თანადგომა?

— ჯერ 1956, ახლა 1946 წელი. 10 წელიწადი განრთხმულა ამ ორი თარიღის შუა, ისედაც არეული 10 წელიწადი. ანთუ განა რომელი სხვა 10 წელიწადი გახლდა ანყობილი თუ დალაგებული?! ოლონდ ჯერ მაინც თვით 10-ზე მოგახსენებ ამ საბედისწერო რიცხვზე, საკრალურ რიცხვზე, კომუნისტებმა საქართველოს რო დაუნესეს. ვერ ვიტყვი ადგილობრივი თაოსნობითა თუ კარნახითა მოსკოვისა. თუმცა დიდად გასარჩევიც არ უნდა იყოს, მაშინ რო აქაურნივენი ბრძანდებოდნენ მოკარნახენი იქაურნი. დაუნესეს ერთი სიტყვითა: 10 წელიწადში ერთხელ უნდა გაიცხრილოს საქართველოი უსათუოდაო. და ცხრილავდნენ და ცხრილავდნენ, 10 წელიწადსაც რო არ აცდიდნენ, ცხრილავდნენ და ცხრილავდნენ, 4-5 წელიწადში ერთხელა ცხრილავდნენ... და ის 1956 წლის მარტის ამბავიც ჰო, აგერ გავიხსენეთ. ხოლო 46-ს რაც შეეხება, ეს არ იყო ჩვენი სტუდენტობის წლები. არა. ასპირანტობის წელიწადი გახლდა. ცივი. ბნელი. მშვიერი. შიშველტიტველი. რა გასახსენებელია, რა მოსაგონარი? ამჟამინდელი ვითარება — რა შედარებაა!.. ცა და დედამიწაო — რო იტყვიან. ახლა მცირედს არ უჭირს არაფერიო. გაგვაგულისებენ. მცირედს მაშინაც არ უჭირდა არაფერი. სახელისუფლო ზედაფენასა. შავი ბაზრის მფლობელობასა. მე საერთო ვითარებაზე ვლაპარაკობ, ყოვლად გაუსაძლისზე, ყოვლად აუტანელზე, სრული უუფლებობაც რო თან ახლდა. ცხადია. ახლა პური მაინც ჰო არ არის საძებარი. შუქიო. აყვირდები. გაზიო. აგანგამდები. ხალხს აიყოლიებ. პარლამენტს შემოერთყვი გარშემო. მიეჭრები პრეზიდენტის კანცელარიასა. მინისტრებს გადააყენებ. რალას არ ჩაიდენ, ვიდრე არ გაიტან შენსასა. ვინ რას გაგატანინებდა?! მახლობელთანაც ვერ დაიჩივლებდი ვერაფერსა. ცხრილავდნენ და ცხრილავდნენ. სტუდენტობისას ჰო... აქეთ ის 42 წლის შეთქმულნიო, იქით ჯგუფები ახალგაზრდებისა — ჩუმად უსმენდნენ გერმანულ რადიოსაო, ეს ისაო, ის ისაო, საბაბს რა დალევდა. მიაყოლეს მიხიელ ზანდუკელი, შალვა ნუცუბიძე, სიმონ ყაუხჩიშვი-

ლი, ერეკლე ტატიშვილი, გიორგი გოზალიშვილი. ყოველდღე ვილაციის გაქრობას შეიტყობდი. ვინ შემოდოდა აუდიტორიაში, ვინ გადიოდა, ველარას გაიგებდი. ვინ რასა კითხულობდა, ვინ რას ეკითხებოდა, ველარ გაარკვევდი. ვინ თუ სად იყო ან შენ სად იქნებოდი, ტყუილად დაინყებდი მარჩიელობასა. არა. არა ჰღირს. მოსაგონრდაც არ არის ადვილი. მოვიკლათ წარსულ დროებზე დარდიო, ილია რო გვირჩევედა, ალბათ, ამდაგვარ დროისას გვირჩევედა. მოვიკლათ. ჩამოვეხსნათ.

— სარკაზმი. ეს ერთი დამახასიათებელი თავისებურება თუ თვისება თქვენი პროზისა (ასე მგონია). „სახიფათო ეპიზოდებშიაც“ შეგიძლიათ „გარისკოთ“. ასე მაგალითად: „თავს იმართლებდა თუ თავს ისანყლებდა სახელმწიფოს მეთაური. „ჩვენ გარეთ გავიჭერით: მე, ყარყარაშვილი, ბათიაშვილი, ხელით ვაჩერებდით გამოქცეულ მებრძოლებსა“... თავს იმართლებდა... ძნელი წარმოსადგენია მაინცა, გაშლილი მკლავებით რო შეეჩერებინოთ მორღვეული ფრონტი თუნდაც რო სარდლებსა... როგორ არ გადაქელეს, როგორ არ გადაუარეს ზედა. უწვრთნელი ჯარი. უწვრთნელი სარდლები. ეს ჰო მაინც ადვილი წარმოსადგენია... რა ადვილი ყოფილა დავითის დროსა: დიდგორს გასული ლაშქარი რო უკან მიახედა: შეჰხედეთ, ჩახერგილია უკან დასახევი გზაო, წინ მტერია, მომყევითო. ადვილი ყოფილა. მიჰყვენ და გადააქელეს ურდოები მრისხანე მტრისა. აქ დასახევი ჰქონდათ და ომიც არ იცოდნენ, ისიც არ იცოდნენ, თუ ვის ეომებოდნენ ცარიელი ხელებითა“ (რომანი „თეთრი დათვი“).

და მაინც, ყველაზე მნიშვნელოვანი ეპოქა საქართველოს გრძელი ისტორიის მანძილზე, რომელიც თქვენთვის (არა ქრონოლოგიურად, რასაკვირველია) ახლობელია?

— რომელშიცა ვარსებობ. რასაკვირველია. წარსული მხოლოდ მაგალითია იმისა, თუ როგორ ვიცხოვროთ. უკეთეს შემთხვევაში. ანთუ როგორ არ უნდა ვიცხოვროთ. უარეს შემთხვევაში. ბევრი მოგვეპოვება საამისო მაგალითი ჩვენი ხანგრძლივი ისტორიის მანძილზე. დიდგორისომისწარმატებამაშინდელმა საერთაშორისო ვითარებამაც განსაზღვრა, ოღონდ ამ ტაქტიკურ ჩანაფიქრსაც დიდი მნიშვნელობა ჰქონდა, თითქმის სტრატეგიული დანიშნულება შეასრულა უშუალოდ ბრძოლის ველზედა: „უკან გზა ჩახერგილია. წინ მტერია. მომყევით!“ უკან დასახევი გზა თვითონვე ჩახერგა მეფე დავითმა, მთავარსარდალმა, ჩახერგა და ვერც ვერავინ ვერსაით ვერ გაეპარებოდა, ვერცერთი მებრძოლი თავისიანი, წინ ჰო მტერი იყო. და ასედაც წარმოგვიდგება ისტორიი ჩვენი, აქედანაც რო გადავიხედოთ: წინ მტერი, ირგვლივ მტერი, გზაი მოჭრილი უკანდასახევი. გადარჩენაც ალბათ, ამან განაპირობა — უნდა გებრძოლა თავდადებითა, გამეტებითა, თავგანწირვითა, გზა რო წინაიდო, უკან აღარა. წინსწრაფვის გარდა ხსნა აღარ იყო. აი მაგალითი, საუკეთესო მაგალითი მარად სამახსოვრო მაგალითი. მაგრამ რატომ-54

ლაც რო გვავეინყდება?! ზეპირად გვახსოვს. ვიმეორებთ კაჭკაჭივითა. ვინ ვის ნააჭარბებს, რომელი რომელსა!.. ზეპირად გვახსოვს. საქმობაში — აღარა. ძნელია?.. ჰო!.. ალბათ, იმიტომა. წინათაც არ იყო ადვილი. არა. არა. რა თქმა უნდა. ცუდი მაგალითიც რო ვერ დაგვიხსომებია?! აგერ ეს უბოროტესი მაგალითი: საბჭოური ანუ რუსობის უსაშინელესი მაგალითი. ბევრს რო კვლავაც იქით გაუბრბის თვალი?! უმეტეს უგზურობას ველარც წარმოიდგენ. ვერა. ველარა. ესწრაფვოდეს გადაგვარებასა — რალა უნდა იყოს ამაზე უარესი?! ესწრაფვოდეს, ესწრაფვოდეს, თვითონვე ესწრაფვოდეს, დამთვრალიყოს ამა ჟინითა. ეს თვითმარქვია პარტიებიც რო მხოლოდ აბნევენ ადამიანებსა?! აბნევენ ვისაც აბრიყვებენ. რალა თქმა უნდა. ყველას რო ვერც გააბრიყვებენ. ხალხი ხალხია, ბრბოდ თუ არ აქციე, ვერც გააბრიყვებ. რო ახერხებენ, ბრბოდაც რო აქციონ?! თანდათან ალბათ, გაუჭირდებათ. ხალხს დაუბრუნდა უფლებები შრომისა, საკუთრების უფლება დაუბრუნდა, თავისი კარ-მიდამოს, თავისი საზღვრების, თავისი სახელმწიფოს უფლება დაუბრუნდა, ეს დიდი ძალაა შინაგანი სიმტკიცისათვისა, პროვოკატორებს აღარ აჰყვება, აღარ აჰყვება დემაგოგებსა. აღარ უნდა აჰყვეს, აღარ უნდა დაიბნეს. იქაქანონ დემაგოგებმა. აიკლონ პრესა, ტელევიზია, გამოიდონ თავი ჟურნალისტებმა, ველარ მოიცლის ხალხი მოსასმენადა. ვერ უნდა მოიცალოს. არ უნდა მოიცალოს. შრომის თავისუფლება სიკეთეა უაღრესი. საკუთრება საფუძველია თავისუფლებისა. არ დაითმობა. არა. რა თქმა უნდა. ხშირად მაგონდება ფლობერის ერთი ჩანანერი. აქაც უადგილო არ უნდა იყოს. დღეს აღმოვაჩინეო. ფლობერი წერს. ამ ჩემს მსახურსაო, არც ისა სცოდნია, თუ ვინა გვყავს პრემიერი, არც ისაო თუ — მინისტრები ვინა, არც პარლამენტში თუ რა ინტრიგები დახლართულა, თუ ვის დაამხოებენ თუ ვინ აღზევდება, არცა სცოდნია და არც არად ანალვლებს. თავისი საქმე იცის. თავის საქმეს უძღვებაო. რა სულელი ვყოფილვარ მეო. დაასკვნის ფლობერი. რითი მაქვს თავი გამოტენილი, რისთვის ვიჭყლეტ ტვინსაო...

ისევ ამ კითხვის თავურ ნაწილს მივუბრუნდები: სარკაზმიო. ბრძანეთ. კეთილი და პატიოსანი. მხატვრულ ქმნილებაში სტილური ხერხია სარკაზმი. ცხადია. ოლონდ ის ჩემთვის შინაგანი ტრაგიზმის ნაწილიც არის. სარკაზმი მწვავე ირონიასა გულისხმობს, ოლონდ უნდა შეიცავდეს აგრეთვე ტრაგიზმსაცა გამწვავებულსა, ხოლო ზღვარი თუ მაინც დაიდება, ბენვისოდენა თუ იქნება ზღვარი იგი. შეიძლებოდა მხოლოდ ტრაგედები მენერა და პროზას არცკი მოვკიდებოდი, მაგრამ რო არ იყო განწყობილი საამისოდა ქართული თეატრი?.. ტრაგედია დასავლეთშიც მოძველებულიყო, საბჭოეთში ჰო ნიადაგი არც მოეპოებოდა. და როგორც კი გაიჭრა სარკმელი დასავლეთისკენა, მოდერნი შემოვარდა იქიდანა და პირველყოვლისა, თეატრს დაეძგერა. შექსპირი რო შექსპირია, შექსპირიც იქცა მოდერნადა. ხოლო ტრაგედია ჩემი ანტიკუ-

რი ტრაგედიის მოდელზე მოჭრილიყო: ირონიისა და მასხარების გარე-
შე, გუნდითა, განსაზღვრული მოქმედი პირებითა, მკაცრად დადებული
ერთიანობის კანონებითა, ჩვენი წარსულის უმწვავეს ვითარებას რო
გამოჰხატავდა და არც მოდერნისა და არც პოსტმოდერნისა თუ სხვა
აღრეულობათა საშუალებას არ იძლეოდა. თეატრი მე ასპარეზს არ მი-
ქადდა. ვწერდი მაინცა. ტრაგედიებსა ვწერდი და ჩემს შინაგან განწყო-
ბილებას რომანტიკისა თუ ტრაგიზმისადმი ამაში ვნთქავდი. გარეთ
სიცხადე გახლდა მთელის თავისი სიშიშვლითა და სიმკაცრითა თავისი,
არნახული სიმკაცრითა, გადაულახავი სიმკაცრითა და რატომღაც სი-
ცილს იწვევდა ტრაგიკულისაგან დაქანცულსა თუ გაცლილ არსებაში.
ვერც დაუფიქრდებოდი მაშინ ამასა. თავისთავადა ვითარდებოდა ეს
ყველაფერი, თავისთავად მოიწვევდა თუ შეენაცვლებოდა ერთიმეორე-
სა დრამატურგიული თუ პროზაული ჟანრები, ტრაგიზმი თუ სარკაზ-
მი, ენობრივი თუ სტილური მიმოქცევანი, ზოგჯერ მკაცრი განსჯის
საგანიც რო გამხდარა, ზოგჯერ ირონიისა თუ სხვა ამგვარისა. ჩემს
მიმართა. რალა თქმა უნდა. და უნდა ითქვას, ერთ ტრაგედიაში მაინც
გამეპარა სარკაზმი. ეს „ქეთევანი“ — ტრაგედია ქეთევან დედოფლი-
სა. თავიდანვე „ქეთევანი“ არც დარქმევია ამ ნაწარმოებსა. „საჭურის-
ნი“ ერქვა. და მართლაც საჭურისნი ბრძანდებოდნენ მთავარი მოქმედი
პირნი: საჭურისნი — ქორო, კორიფეესი — შაჰის კარზე აღზევებული
ქართველი. საჭურისებიც ქართველები. რალა თქმა უნდა. არსად შაჰი.
არსად შაჰის კარი. მხოლოდ დამახინჯებული ქართველები და ქართუ-
ლივე მშვენიერებაი სიმახინჯის ბრჭყალებშია. სადღაც შორსა საქარ-
თველოდანა. ტრაგედიააო. იტყვიო. სარკაზმი არ არის?! „საჭურისნი“
მესხეთის თეატრში დაიდგა, „ქეთევანის“ სახელით დაიდგა. სახელწო-
დების შეცვლა დამდგმელმა რეჟისორმა ნანა დემეტრაშვილმა მთხოვა.
არ ავხიერებოვარ. ქეთევანის სახეც ამაღლდა სპექტაკლში არტისტული
და სცენიური საშუალებებითა და მაინც ქეთევანის ტრაგედიად იქცა.
სხვა არაფერი არ შეცვლილა, ნაბეჭდ გამოცემაშიც არა. სახელად იქაც
ქეთევანი ჰქვიან. ქეთევანი იქაც თუ მოქმედებს, თორემ დავუბრუნოთ
ნამდვილი სახელი და სარკაზმიც თავისი დროისა — როცა დაინერა,
როცა დაიდგა... ეს ყველაფერი დიდებულად გაეგებოდა სათანადო მეს-
ვეურთა მაშინდელ კულტურის სამინისტროში, ვისაც რო სარეჟერტუ-
არო საქმე ეკითხებოდა: ვახტანგ ჭელიძესა, ვასილ კიკნაძესა, ნოდარ
გურაბანიძესა, ალექსანდრე შალუტაშვილსა. მე არ გამომიტყებოდ-
ნენ. რა თქმა უნდა. არა მგონია, ერთმანეთშიც რო გამოტყებილიყვნენ.
მხოლოდ ქეთევანის ისტორიული სახე ხიბლავდათ და იმისი გამოცოც-
ხლება ენადათ, ისე მონდომებულიყვნენ ამ პიესის დადგმითა. საჭური-
სები ჰო ქორო გახლდა. მოიწონებდნენ ანტიკური ქოროს აღდგენასა-
ცა. თქმით ამას ამბობდნენ... შორს გამიყოლია თქვენმა წამოჭრილმა
კითხვამა: სარკაზმიო. და მაინც ასე დავამთავრებ: მცირე რამ ზღვარი

უნდა იყოს ტრაგიზმიდან სარკაზმამდისა, ანთუ პირუკუ — სარკაზმიდან ტრაგიზმამდისა. გახიე — გაფხრინე. იგივეაო.

— **იგავები. რატომ მიმართავთ რომანებში ასე ხშირად?**

— ცოტა სულს მოვითქვამ და მოკლედ გიპასუხებთ: იგავები, ამბავნი მცირენი მატინანურია. მატინანეში გამოიყენებოდა. ხერხიც იყო მატინანისა და მტკიცების საშუალებაცა. ერთხანს მონოგრაფიის დანერასაც ვაპირებდი ქართულ ნოველაზე. რალაც გამოვაქვეყნე კიდევაცა. რალაც გამიღავდა. თავი ველარ მოვაბი ერთი სიტყვითა.

— **„არტისტული გადატრიალება“.** 90-იანი წლების არაჩვეულებრივი დოკუმენტური რომანი. არაჩვეულებრივი რამდენიმე განზომილებით: არა-ჩვეულებრივი სიმართლით, არა-ჩვეულებრივი პერსონაჟებით, არა-ჩვეულებრივი სათქმელით, არა-ჩვეულებრივი პატიოსნებით დანერვილი ნაწარმოები.

„ერი ერია თუ ერთიანია. გახლეჩილი ერთი ერთი აღარ არის. გახლეჩილი ერიცა აღარ არის ერიო. ამოვარდება. აღმოჰხდება: ერი იდეაა და ხორციელდებაცაა ერი. განხორციელდა იდეაი ახლა ამ ერთში და უნდა ვინამოთ სწორედ ეს ერთი, როგორც რო კაცი, როგორც რო იდეა და როგორც რო ერიო ანუ ერთი და განუყოფელი“.

ორიოდ სიტყვა იმ წლების იდეაზე, ერზე და იმ ერთ კაცზეც, თუ შეიძლება.

— რამ გაჰყო ის წლები ამ წლებისაგანა?.. ჩვენ ისევე იქა ვართ, იმავე ადგილსა ვტკეპნით. ვერ იქმნა და ჩვენი თავი ჩვენად ვერ ვიყუდნეთ. არ იქმნა და არა, ჩვენი სახელმწიფო ჩვენად ვერ დავიმკვიდრეთ. ვერ იქმნა და ვერა, ერთად ვერ შემოკრბა ერი ჩვენი. ვერ იქმნა და ვერა, ერთ მოქალაქეობრიობად ვერ იქცა ხალხი, კარგახანია რო შემოგვეკედლებია და შემოგვეთვისებია. სახელმწიფო ისე ვერ იგვარებს, ვერა, ერთიანი მოქალაქეობის, ერთიანი ქვეშევრდომობის, ერთიანი ხალხობის გარეშე. კონსტიტუციაში ეს სათანადოდ გამოხატულა. ვილაცანი დაბნეულან და პარლამენტის დაბნევასაცა ლამობენ. ერიც დაბნეულა. ის აღარ არის, ერთბაშად რო შედგა. თითქოს აღარ იყო და შედგა ერი. შემოკრბა. შედგა. სულმოუთქმელად შედგა და დაღავდა ისევე სულმოუთქმელადა. და ვტკეპნით იქვე, იმავე ადგილსა... ის ერთი კაცი — არ ითქმის რო მოულოდნელად მოექცა სათავეში მოვლენებისაო. არა. ცხადია. თან მოჰყვებოდა მოვლენებსა. შუაგულშიცა ტრიალებდა, წინაც აღმოჩნდა და ააჩქარა კიდევაცა მოვლენები და დროშაც აღმართა საქართველოს დამოუკიდებლობისა. სიმბოლურად ვამბობ. თვით იმ დროშას არცა ვგულისხმობ, დღესაც რო დაგვფრიალებს — იმა უდღეური და უთავბოლო ხელისუფლების დროშასა. არა. რა თქმა უნდა. არც იმასა, თბილისის თავს რო ჩამოაფხატეს. დიახ. უწინამძღვრა დამოუკიდებლობის აღდგენასა საქართველოსი, უწინამძღვრა და დააფუძნა. დიად განზრახვას უწინამძღვრა. დაავიღვივინა ბრძოლები ორსაუკუნოვანი. ეს არ იყო პა-

ტარა საქმეი. რალა თქმა უნდა. თავგანწირვასაც მოითხოვდა, თვითშეწირვასაცა. და შეენირა კიდევაცა. და ეტყობა ეს იყო მონოდება იმისი, აქა თავდებოდა როლი იმისი. ეტყობა. ასპარეზი აღარ დარჩენოდა. არ ჩანერილიყო ტოტალურ პროექტებში გლობალიზაციისა. არც ჩანერილიყო. არც აღიარებდა. რუსული პროექტები არა სცნობდა იმასა. არც ამერიკული პროექტები არა სცნობდა. ეტყობა და ასედაც უნდა ვიფიქროთ. იმიტომაც იყო, დიდად რო ეუცხოა მამა-ბუშსა: ეს ვილა არის, დინების აღმა რო მისცურავსო. მიუგე, რაოდენი სიმახვილეც არ უნდა შეგწევდეს, როცა არც განსაზღვრულა შენი ადგილი ამა საპლანეტო თუ საპლანეტათაშორისო მოძრაობაში. ყველაფერი სადღაც გადანყვეტილა. გადაუნყვეტიათ უძლიერესთა ამა ქვეყნისათა. გადაუნყვეტიათ ბევრად ადრე, ვიდრე ჩვენში მოაფიქრდებოდათ. ჩვენ ვითომ რაო, რა გვინდა ისეთი?.. მხოლოდლა ჩვენი დამოუკიდებლობა გვინდა ჩვენს მიწანყალზე, ერთ ბოხჩა ადგილზე. მცირე რამ სურვილია უკიდევანო გაქანებისათვისა, მცირეა, უმნიშვნელო, უკიდევანოსა და უსაზღვროსათვისა რო ვერ ჩაბეულა ველარცა სივრცეში, ველარცა დროში — კაცი რა არის, ხალხსაც შეინირავს, თვალისდაუხამხამებლად შეინირავს. კაცი შეინირა. „ხალხი თუ გადარჩა?“ ეს თულა იკითხა სულის ამოსვლისასა. სამშობლო ეგ არის: მსხვერპლს მსხვერპლზე მოითხოვს, უკეთესსა და უკეთესს მოითხოვს. ისიც უკეთესთაგანი იყო. მართალია, ჩვენ პირველებმა მივიღეთ ქრისტიანული ცივილიზაცია, მაგრამ კერპთაყვანისცემა მაინც არ დაგვიგდია. სამშობლოა ჩვენი კერპი იგი, ბედისწერას რო დაუდგენია და ვენირებით უყოყმანოდა და ვენირებით და რო გავძელით აქამდე ამითი, კიდევაც გავძლებთ შესანიირი თუ არ დაგველევა.

— დოკუმენტური პროზა თავისი არსით — თამამია. მხატვრულ ნაწარმოებში მეტი თავისუფლებაა, აქ — კიდევ უფრო მეტი, პასუხისმგებლობა. სათქმელს რეალური (და არა გამოგონილი გვარ-სახელის) პერსონაჟების კონტექსტში გაცილებით მეტი სიმძაფრეც ენიჭება. მაინტერესებს თავად წერის პროცესი, როცა მოქმედ გმირებად პრეზიდენტი, პატრიარქი, ცნობილი ადამიანები: იქნება ეს პოეტი, მსახიობი, რეჟისორი თუ სხვა ვინმე იხატება. ჩნდება თუ არა ე.წ. „მოქალაქეობრივი უხერხულობის“ განცდა?

— ვისი ვის მიმართა?.. უთუოდ ავტორისა პერსონაჟების მიმართა. რა თქმა უნდა. უხერხულობა უთუოდ შეიქმნება, სინამდვილეს თუ ასცდება, სიმართლეს თუ ასცდება ავტორი. ავტორის სიმტკიცე სიმართლე გახლავს. მოვალეობაც სიმართლეა ავტორისა. იქვე ტრიალებს პასუხისმგებლობაცა მოქალაქეობრივი, სიმართლის ფარგლებში, სინამდვილის ფარგლებშია. სიმართლეც ის არის, როგორიც რო მოსჩანს სინამდვილეში პერსონაჟად ქცეული ცოცხალი პიროვნება, გამოჩენილი ადამიანი იქნება ისა თუ ობიექტივში მოხვედრილი ვინმე გამვლელი. არ შეიძლება შეურაცყო, რაიმე დასწამო, აბუჩად აიგდო, არ შეიძლება,

სხვა მხრით ავტორი თავისუფალია. თავისუფალია დაჰხატოს ისეთა-
და, როგორც წამომდგარა — არცრა მიუმატოს, არცრა მოაკლოს. ეგებ,
სწორედ ეს რო არც მოეწონოს ამ ეგრეთწოდებულ ცოცხალ პერსონაჟ-
სა, ეგებ, თვითონ რო სხვაგვარად განსაზღვრავს მოქმედებასა თავისა-
სა, სიტყვა-პასუხსა თავისასა, დამოკიდებულებას სხვათა მიმართა. ეს
იმისი საქმეა. ეს ავტორს არ ენება. პერსონაჟმა თვითონ იფრთხილოს
— ყველამ იცოდეს — სხვა სხვის თვალში პერსონაჟია — არ ჩაიდინოს
ისეთი არაფერი, რაც თვითონვე არ დაამშვენებს, არ წამოსცდეს ისე-
თი არაფერი, რისი გამეორებაც ეუხერხულება. ჩხუბშიც არაფერი არ
უნდა აკადრო მოდავესა ისეთი, შერიგების დროს რო შეგრცხვესო. და
არც საჩხუბარი არ უნდა ჰქონდეს ავტორსა ცოცხალ პერსონაჟთანა,
სადაოც არა, სააღერსოც არა, ასე არც უნდა გამოიჩინოს თავი — დაჰ-
ხატოს ისე, როგორიც არის, როგორც რო მოსჩანს იმნუთში, იმ წამში.
იქ უნდა შეჩერდეს წამი. გოეთესი არა. რა თქმა უნდა. იმისი — პერსონა-
ჟისა ავტორისათვისა. ეგ „სამოქალაქო უხერხულობა“ აღარც არ უნდა
განიცდებოდეს. ასე ვიტყვი, მაგრამ გააჩნია იმა ცოცხალ პერსონაჟ-
საცა — არა?! ეს ბოლო ამბები მოგეხსენება. რალა თქმა უნდა. მაშინა-
ცა, იმ წყეულ დროსა, მუქარას მუქარაზე მითვლიდა ერთი პერსონაჟი,
„ბურუსის“ პერსონაჟი — თბილისის ქალაქკომის პირველი მდივანი.
„ბურუსის“ გამოქვეყნებისას უკვე განთავისუფლებულიყო თანამდე-
ბობიდანა. მაინც გამირისხდა. უფრო გამირისხდა. მუქარა მუქარაზე
მოდიოდა-მეთქი. რას ჩაიდენდა, რა მოგახსენო. მაგრამ დამშვილდა,
დაცხრა, ნიშნს მიგებდა და მითვლიდა იმასაცა: ეგეც შენაო, აბა, რა გე-
გონაო. ეს მერე, მაშინდელი ქარ-ცეცხლი რო გაიარა „ბურუსმა“. გამი-
ნაწყენდება ამაზედაცა „მწერალთა კავშირი“ — რალა დროსია, რეებს
იგონებსო. ჯერ ერთი რო: საუბარს მოსდევს. და მეორეცა: თვითონაც
მოიგონონ თუ რა პატივში იყვნენ, რა აღმატებაში, ცა ქუდად რო არ მი-
აჩნდათ, დედამინა ქალამნადა — მოიგონონ. მე ტაშს დაფუქრავ.

და აქვე, ისიც უნდა მოგახსენო: დოკუმენტური პროზაო, დოკუმენ-
ტური რომანიო — გაისმის ისე თავისუფლადა, თითქოს ყველაფერი გა-
დანყვეტილიყოს. ვისთვის როგორაო, მაგრამ მე მაინც სადავოდ მიმაჩ-
ნია. არა. დოკუმენტური პროზა არ მიმაჩნია სადავოდა. დოკუმენტური
პროზა არსებობს და გამოიყოფა კიდევაცა დამოუკიდებელ ჟანრადა,
მაგრამ აი, დოკუმენტური რომანი?! აქ ცოტა დაფიქრება არას გვან-
ყენდა. ვთქვათ, აი, თუნდაცა: ეგ თვითმარქვია „ეროვნული მწერალთა
კავშირის“ თეორეტიკოსები რო მედავებოდნენ: თანადროულ მოვლე-
ნებს არ უნდა შეეხოს მწერალიო. ჯერ უნდა შეისწავლონ. ჯერ უნდა
დადგინდეს. მერელა შეიძლება მოჰკიდოს ხელიო. მწერალმაო ესე
იგი. შეისწავლონ ისტორიკოსებმაო, სოციოლოგებმაო, ეკონომისტებ-
მაო და სხვებმა და სხვებმაო, მეცნიერებმაო ერთი სიტყვითა. ანუ მე
უნდა მომეცადა 100 წელიწადი. აწინდელ არქივებს რო გაჰხსნიდნენ,

იქამდის უნდა მომეცადა. რო გამოაქვეყნებდნენ დოკუმენტებსა თუ: როგორ მომზადდა ოკუპაციის ცხინვალისა და სოხუმისა, მოსკოვში, რა თანხები გამოიყო, რა დაიხარჯა, რა ამონაგებსა ვარაუდობდნენ, ვის დაევალა განხორციელებაი პირველადა, მერე თუ ვისა, როგორ შეამზადეს შინაგანი ლალატი, რა მოულოდნელი წინააღმდეგობები გამოუჩნდათ, რა მზაკვრობით გადალახეს, რა მუხანათობითა. გამოექვეყნებინათ და გამოექვეყნებინათ. დამარწმუნებნი. დამაბეჯითებელნი. და მართლაც რო მომეთმინა იქამდისა, შემესწავლა რო ყველა ის დოკუმენტი, გამოსაყენებელი გამომეყენებინა, დასამონმებელი დამემონმებინა აქვე წიგნში, წარმომესახა თანამედროვენი, როგორც რო პირნი ისტორიულნი იმავე ჩანაწერებისა თუ ოქმების მიხედვითა, მომეშველებინა ანალიზი მეცნიერებისა, სადაო რაღა — ეს იქნებოდა პროზაი დოკუმენტური. რაღა თქმა უნდა. ხოლო „არტისტული გადატრიალება“, თუ „თეთრი დათვი“, თუ „ბერმუდის სამკუთხედი“, თუ „2001 წელი“, თუ ადრინდელი რომანები ჰო, მოვლენების კვალდაკვალ შეიქმნა, ავტორს ჰო ხელთ არა სჭერია არავითარი გამოკვლევანი, არავითარი ანალიზი ისტორიკოსთა, არავითარი დოკუმენტი, არავითარი მოგონება თუ ჩანაწერი, მონაწილეთა, მომსწრეთა თუ მომსწრეთა მომსწრეთა?.. თვითეულ ამათგანს ჰო, საკუთარი სიუჟეტი გააჩნია, დამოუკიდებელი, ავტორისეული და ძირისძირეული ჰო, სწორედ ეს არის. ესა სიუჟეტი — სხვა დანარჩენი ჰო, მხოლოდ ფონია ანუ გარემოი იგი, სადაც რო სიუჟეტი ვითარდება, მოვლენები დროისა, როცა რო იშლება სიუჟეტი რომანისა?! სხვანაირად როგორ აიგება რომანი?! ან რომელი რომანი შექმნილა სხვაგვარადა?! რა შუაშია აქ დოკუმენტები, ანთუ განა რა დოკუმენტები სჭირდება მწერალსა იმის დასახატადა, რასაც რო შეჰყურებს საკუთარი თვალითა?! მწერალზე უკეთ ან ვინ დაინახავს ან რა დოკუმენტი იქნება უფრო უტყუარი. ჰო არა ჰგონია ვინმესა, მოსკოვში ოდესმე ისეთი დოკუმენტიც აღმოჩნდება, ოქროს ასოებით რო ეწერება: როგორ შევიწარმუნოთ საქართველო, თუ არა და, ბათუმი; სოხუმი და ცხინვალი როგორ გამოვგლიჯოთ ხელიდანაო. ჰგონია?.. უცადოს. და რო ვამბობ, რომანი მაინც ძირეული ამბავით, ძირეული სიუჟეტით განისაზღვრება-მეთქი, არც ახალს ვამბობ რაიმესა და არც უცნაურს ვამბობ. რა თქმა უნდა. ოღონდაქა — „არტისტული გადატრიალებისა“ თუ „თეთრი დათვის“ შემთხვევაში ყურადღება უფრო ფონმა მიიქცია და ეს იმიტომა, იქ რო სიმართლე გაშიშვლებულიყო, ხოლო გმირები დროისა ცრუობდნენ, იტყუებოდნენ, თვალს უხვევდნენ ხალხსა და გულმოდგინედა ჩქმაღავდნენ, რო რაც გვჭირდა, მოსკოვისაგანა გვჭირდა და თვითონაც შიგ ერიათ ხელი. სულ სხვაგვარად დაიმშვენებდნენ თავსა დროის გმირები, სულ სხვაგვარადა, რომანში სხვაგვარნი გამოსულიყვნენ — როგორნიცა ბრძანდებოდნენ ისეთნი, ისეთნი, ზედმეტი არცრა მიწერებოდა არც რო წამოქმედარსა იმათსადა. მზიური

შუქითა და ღვთიური სიმართლით მიჰყვებოდა ავტორი. და შეუძლიან პირისპირ წარუდგეს, ვისაც რო ნებავეს. თუ რამ შესცოდა, მონანიებაც შეუძლიან. ამასთან დავძენ: რომანს ზედსართავი არა სჭირდება, რომანი რომანია, თანამედროვეა. თანამედროვეი. ყოველთვისა. და ყოველ შემთხვევაში. ამ თვალსაზრისით დაინერა მონოგრაფია ჩემი „რომანი და ისტორია“. — ისტორიული რომანი არ არსებობს-მეთქი, არც დოკუმენტური რომანი არ არსებობს, დოკუმენტური პროზა?.. დიდტანიანი, პატარატანიანი, ინებეთ, რამდენიცა გნებავთ!.. რომანს ცოდნა უნდა. რალა თქმა უნდა. საფუძვლიანი განათლება სჭირდება რომანის ავტორსა, მაგრამ სხვა არის დოკუმენტირება და შემოქმედებითი გარდასახვა სხვა არის. შუა უდევს დიდი მზღვარიო. ურიგო მასწავლებელი არ უნდა გვყავდეს.

— წერილში „პროზის ბილიკებზე“ იუმორით ერთ ამბავს ჰყვებით და იქვე განმარტავთ: „ეს პერიფრაზია. ჩემი პერიფრაზი. თავის დროზე ნაპოლეონის ცხოვრებას რო ვსწავლობდი, იქიდან გადმოვიღე. უცხო ქალაქში რო მოჰხვდები, — უჩინებდა ნაპოლეონი თავის გერსა, — დრო არ დაჰკარგო, ყველაფერი კარგად დაიხსომე, შეიძლება ოდესმე მისი აღება დაგჭირდესო“. თქვენს ბოლოდროინდელ რომანებში ხანდახან ისეთი სიზუსტითაა აღწერილი არა მხოლოდ სერიოზული მოვლენები, არამედ მიტინგებზე მომხდარი ინციდენტებიც კი, რომ ეჭვიც შემპარვია, თუ არ საკუთარი თვალთ ნანახი, სხვისი ნაამბობით ასე ვერ დახატავდით... პერიფრაზით და იმავე იუმორით, როგორ ფიქრობთ, თბილისი აიღეთ?

— ვერა, ვერ ავიღე. თბილისიც ვერ ავიღე, უცხო ქალაქების აღება ჰო არც მიცდია. სულ სხვა იყო ჩემი ბავშვობის დროინდელი თბილისი. სხვა თუ არაფერი, პატარა გახლდა, ბევრად პატარაი და კონტრასტულიცა საკმაოდა. ძველი იერი მოეტანა იქამდისა. აღმოსავლურიც შემორჩენოდა, მოსჭიდებოდა დასავლურიცა. ქართულიც მძლავრად შემოჭრილიყო. მე რო მიკიჟინებდნენ ა-ნსა და ი-სა, ქართულ დიალექტს რო მიკიჟინებდნენ, მართალნიც იყვნენ და ბოლომდისაც ვერ გარკეულიყვნენ. ეს მაშინდელი თბილისური ხმოვანების გავლენისაგანაც უნდა იყოს, ანთუ არის და რალა უნდა იყოსო, ჰა?! ისევე მძლავრობდა თბილისური კილოკავი ჩემს ბავშვობაშია, სხვა კილოკავებიც რო შემოჭრილიყო, მომძლავრებულყო რო ჩრდილოურიცა, ის მაინც მკვეთრად გამოირჩეოდა — თბილისური: გაგრძელებული ხმოვნები სიტყვათაშუა თუ არ მოსდევდა ბოლოში ხმოვანი, ხოლო თუ მოსდევდა — ჰანგად იქცეოდა თუ მელოდიადაცა. შორეული ბუბუნი ისმოდა, შორეული გზებისა, შორეული ცივილიზაციებისა, ქრისტიანობისა და უფრო ადრინდელიცა, უამრავი წარმართობისა, აქ რო შეჭიდებულყო მაშინაცა, აქა — თბილისში და თავისებური ხმოვანება შეეძინა. იოსებ გრიშაშვილსლა შემორჩა სულ ბოლოსა. იმასაც ხანდახან თუ წამოჰ-

კრავდა. ბავშვობაში რო მომისმენია თქვენი ლექსები, ისე აღარა კითხულობთ-მეთქი, ვუთხარი ერთხელა. „მოდაში რო აღარ არი?“ მომიგო ცოტა ირონიულადა, ცოტა სინანულითაცა, უფრო სევდითა, გამოუთქმელი სევდითა, თვალეშილა რო ჩარჩენოდა. ჰო. დიახ. პატარა გახლდა თბილისი-მეთქი, ჩემს ბავშვობაში. ერთი სიტყვითა. ერთი თვალის გადავლება თუ იქნებოდა. მე ახლაც ისევე წარმომიდგენია თბილისი, ერთი თვალის გადავლება თბილისი. იმ თბილისის აღებაცა ჭირდა. თუმცა, რო ბევრჯერაც აუღიათ თბილისი ადრინდელ გამოჩენილ სარდლებსა, მაგრამ მწერლობას ვერც აუღია და არც უცდია მაინცდამაინც დიდი გულმოდგინებითა. ამისი ახსნა ადვილიც უნდა იყოს თითქოსა და ძნელიცა იმავე დროსა: დიდი საქარავნო გზების ჯვარედინზე რო იდო თბილისი, გზაჯვარედინზე აღმოსავლეთ-დასავლეთის აღებ-მიცემობისა, თავისი დღენი გაერთიანებისათვის რო იბრძოდა საქართველო და ეს ფეხქვეშამოდებული ადგილი — თბილისი დაესახა ერთიანობის ცენტრადაცა და სიმბოლოდაცა. ჰო, თუ რაც იყო, ამის გარჩევას არ შევუდგები, როცა ასე პირდაპირია შეკითხვაი თქვენი: აიღეთ თუ არა თბილისიო. „ვერა, ვერ ავიღე“. გიპასუხებთ სინანულითა. ვერც ავიღებდი ერთი. მარტოდა. არც თბილისის მწერლებს არ ვივინყებ, არც მხოლოდ მწერლობას არა ვგულისხმობ ამ შემთხვევაში. რალა თქმა უნდა. ფიქრი ყოველთვის უფრო შორს გამიბრის — შეკითხვა ჩემთვის არ შემოიფარგლება ერთი მნიშვნელობითა, პასუხიც ამიტომ ცოტა განს იწევს. ვერ ავიღე ანუ ვერ ავიღეთ, ჯერაც რო ვერა. თბილისის აღება საქართველოს სახელმწიფოებრიობის დადგინებასა გულისხმობს ახლაც; ბოლოს და ბოლოს იმ ფარგლებში მაინცა, საბჭოურმა კანონებმა რო დაგვიდგინა. იმ ფარგლებში მაინცა. მანამდე მწერალიც ბრძოლის ველზეა... ვერ ავიღე-მეთქი. ბევრი რამ გამომრჩა იმ თბილისიდან — ერთი თვალის გადავლებითაც რო გასწვდებოდი, ამ თბილისამდისა, ერთ უბანსაც რო ველარ შემოავლებ თვალსა. ვერ მოვასწარი. რამდენი ხანიც არ უნდა იცოცხლოს მწერალმა, რამდენ ხანსაც არ უნდა შერჩეს შრომის უნარი, სინანული მაინც გაჰყვება. ვის უცხოვრია უსინანულოდა?! არც მიტინგები რო არ დამრჩეს უპასუხოდა: ტრიბუნებიდანაც გამოუგზავნიათ ჩემთანა კაცი: მანდ რას გამდგარხარ, აქეთ მობრძანდიო. კეთილი, მაგრამ: ტრიბუნებიდან მოედნები მოსჩანს, დარბაზები მოსჩანს, ხოლო კალთებიდან დარბაზებისა და მოედნებისა ტრიბუნებიც მოსჩანს. ყველაფერი დანახვა უნდა. ერთიანადა. ერთბაშადა. მწერალმა იცის თავისი ადგილი. ყოველ შემთხვევაში: უნდა იცოდეს.

— მეომარი მწერლები. არა ჯარისკაცები (სამშობლოს ჯარისკაცები), არამედ გენერალი მწერლები (შეთავსებით, რასაკვირველია). ერთი ეპიზოდი რომანიდან „თეთრი დათვი“. რომანის პრეზენტაციაზე სიტყვით ერთი „პოეტი“ გამოდის: „ჩვენ არა ვდუმვართ. ჩვენ ავიტაცეთ ავტომატები... ჩვენ იქაცა ვართ, სადაც ქუხილია ზარბაზნებისა და სან-62

თლის ალთანაც ვათევთ ღამესა. და ვქმნით, ვქმნით: ახალ-ახალ ფოლი-
ანტებსა. ეს ყველას არ ძალუძს. ეს შენ ძალგიძს ჩემო მეგობარო, ეს მე
ძალმიძს და ამიტომაც მე შენ გესალმები...⁸

ბატონო ოთარ, როდის დებენ მწერლები კალამს და იღებენ...

— შეკითხვა ისეთია, ვრცელსა და განზოგადებულ მსჯელობას რო
მოითხოვს, მაგრამ ამას ახლა ასე ვერ გამოვეკიდები. ის ეპიზოდი ერთ
გარკვეულ მოვლენას გამოჰხატავს და ახლაც იმავეს შეეხები. ის არის
სერობა იმა მწერალთა კავშირელებისა, ვისაც რო ევალეობდა ალბათ
მწერალთა კავშირის შენობისაცა და ხელმძღვანელობისაცა პუტჩის
დღეებში; ევალეობდათ და აიღეს, ნარმატებითაც აიღეს შენობაცა და
უფროსობაცა. მე არც წინა ხელმძღვანელობის მადლობელი გახლდი.
არც იმათ არ ვეხატებოდი გულზედა. როგორც იტყვიან. დამხობილნი
თუ დამამხობელნი სამწერლებო ასპარეზზე ერთ ბარაში გადიოდნენ
ჩემთვისა. არც ისინი მისულან ნაკლები აურზაურითა მწერალთა კავ-
შირის სათავეში. არა. არა. ესაა რო: ავტომატებით არ დაუცხრილავთ
სარაჯიშვილისეული სახლი, თორემ ისე, ნაკლები აშლილობა არ მოუ-
ტანიათ მწერლობაში, ცოტა სისხლი არ ურწყევინებიათ ერთმანეთი-
სათვისა. ესენი ეს ავაზაკები, დამამხობელნი, ჯიბიდან გაეარდნილი
ავაზაკები, განსხვავდებოდნენ იმითიცა რო: თვითონ რო დაცხრილეს
მწერალთა კავშირი, აიღეს და უტიფრად გადააბრალეს განდევნილ
პრეზიდენტსა, უტიფრადა, უნამუსოდა, უსინდისოდა: დერეფანი რო
გაუშხსნესო, სასახლე რო დასცალა და ქალაქიდან გადიოდაო, შემობ-
რუნდაო, მწერალთა კავშირი დაცხრილა და მერეღა განაგრძო გზაიო.
გადააბრალეს და იმეორებდნენ. თვითონვე დაიჯერეს ტყუილი თავაან-
თი, დაიჯერეს, რაც უნდა ეცადო, ველარ გადაათქმევინებ. ამაზე მეტი
ცრუმონმეობა და ამაზე უჭკუო ფანტაზია არა მგონია, რო ვინმეს გაე-
გონოს: კაცი გარბის, მდევარი მისდევს, ის შებრუნდება მაჩაბლის ქუჩა-
ზე და ტყვიებს დაუშენს ცარიელ შენობებსა. დაე, დიდი ჭკუის ნაყოფად
ითქვას. ითქვას. რადაც არ უნდა ითქვას, სერობაი იგი ანუ პრეზენტაცი-
აი ეგრეთწოდებული წარმოდგენილა იმგვარ ფანტაზიორთა თავშეყრა-
და. რაც შეეხება შეკითხვასა, თუ როდის იღებს მწერალი კალამსა ხელ-
ში, ანთუ როდისა დებს, მე ასე მგონია: მწერალი შეწირული ადამიანია.
ნამდვილი მწერალი. რალა თქმა უნდა. ნამდვილი და ნამდვილზე ნამდვი-
ლი. კალამს ბედისწერა აწვდის. როდისა თუ როგორა, ეს ბედისწერის
საქმეა, ხოლო თუ როდისა დებს — ესეც ბედისწერის საქმეა, ოლონდ
შეიძლება, რო მეც მოგახსენო — მოკვდება როცა. შეიძლება კალამი
სულაც სიმბოლოდლა იქცეს, ისე ვითარდება ბგერწერაი. მაგრამ ესეც
ჰო წერაა?.. ამასაც მწერალი უნდა.

— **ბატონო ოთარ, ხომ არ მიგაჩნიათ, რომ ისეთი რომანისათვის,**
როგორიც „თეთრი დათვია“, სადაც თითქმის ყოველი პასაჟი რეალურ
და მხატვრულ ლოგიკას ემორჩილება, მეტისმეტად ოპტიმისტური ფი-

ნალი გამოვიდა?

— მიმარჩნია.

მართალსა ბრძანებთ. „თეთრი დათვის“ მხატვრული ლოგიკა ოპტი-მიზმისაკენ არ მიემართება. თავიდანვე ასე არც წარმოდგინებოდა. პირველივე სტრიქონებიდან მომეხსენებოდა ტრაგიკული დასასრული ნაწარმოებისა. მომეხსენებოდა და მივეშურებოდი. მივეშურებოდი და მეშინოდა თანაც, ტრაგიკული დასასრულისა მეშინოდა. წარმოდგენელი რამ უნდა იყოს განცდაი ტრაგიკულისა. წარმოდგენელი. ვერ გაუძლებენ თვით ტრაგიკული ნებისყოფის ადამიანებიცა. აღესრულე-ბიან ისე, რო ვერც განიცდიან. წარმოდგენელს ვერც განიცდიან. და სძლია შიშმა, შიშმა ტრაგიკულის განცდისა. განა ისე გვაკლია ტრაგი-კული, განა ცოტა რამ გველის კიდევა?! კაი ბიჭობაა გულმედგრობაცა. რალა თქმა უნდა. ისე თუ მოგვაკლდა, რატომღა დავიშუროთ ნაწარმო-ებში?.. რაო — არ მოიძებნოს გაძლებათ გაუსაძლისისა?.. საშველი თუ გამწყდარა — საშველი არ არის, არ არის, არ არისო — რად არ მოვიძი-ოთ მაინცა, რატომ ჩავიქნით ხელი?.. იმედი რალა ქმნილა — იმედი ჰო შემორჩენილა, რად არ მოვებლაუჭოთ იმედსა?.. წყალნაღებული ხავსს ეჭიდებო. ხავსსაო. ხავსი. და რაოდენ უსაშველობასაც არ უნდა გამოჰხატავდეს, რაოდენ უფრო უბედური იქნება ადამიანი, ხავსიც რო არსაით არ ეგულებოდეს. ჰო, მიმარჩნია-მეთქი. მეტისმეტ ოპტიმისტუ-რად მაინც არ მიმარჩნია. იმედია — მეტი ჰო არაფერი — გადარჩენის იმედი, გვარის გადარჩენისა, ოჯახის გადარჩენისა!.. რანილა ვიქნებით უამისოდა: უოჯახოდა, უგვაროდა, რანილა, რანი?! რომანს თავისი მხატვრული ლოგიკა აქვს. რალა თქმა უნდა. მაგრამ თავისი ლოგიკა რო დაუნესოს აღრეულ ცხოვრებასა, ყალიბი რო დაუდოს სიმტკიცისა და გადარჩენისა, ესეც მოვალეობაა რომანისა. აი, თუნდაც „2001 წელი“. ტრაგიკულ ფინალს აქაც დავალწიე თავი. ცოტა ავუჩქარე და დავალწიე თავი. ჯვრისწერის შარჟული სურათით გამოვეხსენი. იმედი იმედად გა-დამირჩა. არა. არ შეიძლება, იმედი რო წაართვა მკითხველსა, ხალხსა ესე იგი, არა, არ შეიძლება, რო არცა განმდეს, ისევე, რო იმეორებდე შენ-თვისა: არ არის საშველი, არ არის, არ არისო. ახლა ის ჰო ბავშვმაც კი იცის: სოფელს ერთხელ რო ბოლო უნდა მოეღოს!.. ამას ახლა მეცნიერე-ბა ამტკიცებს. და უკეთესადაც ამტკიცებს. ეს მოვალეობა ჩამოშორდა მწერალსა. მანამდის თუ როგორ ვიცხოვროთ, როგორ გავუძლოთ, რო-გორ გადავრჩეთ, ვის მივბაძოთ და უარვჰყოთ ვინა თუ რაი, ესელა რჩე-ბა ვალდებულებადა. ცოტაა განა?!. ცოტა არ არისო — თავს მიქნევთ და ახალი შეკითხვისათვის ემზადებით?.. ბრძანეთ. ბრძანეთ. სხვებს რო ვურჩევ, მე თვითონაც გაძლება მმართებს. ბრძანეთ.

— რომანის პერსონაჟები, ფილოსოფოსები: ვახტანგ გოგუაძე, მი-ხეილ ნანეიშვილი, ნოდარ ნათაძე, გერმანე, თედო, ივლიანე... თქვენი კომენტარიც არ დააყოვნებს: „აჰა ბატონო, პლატონის პარლამენტი!“

(„თეთრი დათვი“) იქ — არტისტების და რეჟისორების გადატრიალება, აქ — პლატონის პარლამენტი (პაროდია). გავიხსენებდი გამოთქმას: „კოლექტიური პორტრეტი“. რამდენად რთული ან იოლი ამ პერსონაჟთა ხატვა? მათ მიმართ მკითხველს არცთუ იშვიათად ენ. „გამზადებული“ ემოცია თუ შთაბეჭდილება უკვე აქვს. რამდენად გიქმნით ეს სირთულეს წერისას?

— სირთულეს წერისას არც ეს გარემოება და ეგება, რო არც არაფერი არ მიქმნის. პირველივე სტრიქონიდან ვიცი, თუ რა უნდა დაწერო: დასაწყისი ვიცი, შუაწელი ვიცი, დასასრული ვიცი და აღარც აღარაფერი აღარ მაყოვნებს. ერთხელ ერთი გამოცემლობის თანამშრომელი მეუბნებოდა: აქედან — „ჯებირსა“ გულისხმობდა — ათი რომანი გამოვიდოდაო. რა გეჩქარებოდაო. მეჩქარებოდა. დიდხანს ვერ ვიტრიალებდი „ჯებირთან“. თუმცა მესმოდა მსჯელობანი სხვადასხვაგვარნი. ვთქვათ — დემნა შენგელაია ამტკიცებდა: მწერლობას მაშინ იწყებ, როცა დახევის ისწავლიო. წერ და ჰხე, წერ და ჰხე, მწერლობაც იქ არის, მწერალი მაშინა ხარო. მე ვერ დავჰხევი. არ მემეტებოდა არცერთი ფურცელი. აკაკი ბელიაშვილი ირწმუნებოდა: მწერალმა 50 წლამდის ხელი არ უნდა მოჰკიდოს რომანსაო. მანამდისაო წერილ წერილ ჟანრებში უნდა ამეცადინოს კალამიო. ვის ეგონა რო სული შერჩებოდა 50 წლამდისა!!! კონსტანტინე ლორთქიფანიძე აცხადებდა: ერთი წიგნი უნდა დაწეროს მწერალმა. ერთიო. ერთადერთიო. და მერე ის ასწოროს მთელი ცხოვრების მანძილზეო. ასწორე თუ წყალია. წყალი ნაყე, ნაყე, ისეე წყალიაო. უბრალოდ იტყოდა მიხეილ ჯავახიშვილი: ერთხელ, როდისღაც ერთი ბანჯგვლიანი კაცი შემეფეთა ლიახვის ხეობაშიო. ერთხელაც გამახსენდა, დავჯექი და „ჯაყოს ხიზნები“ შემრჩა ხელთაო. კონსტანტინე გამსახურდიას თუ დავუჯერებდი: სიტყვებთან ბრძოლაში ვათენებ ღამეებსაო. ჩემი ღამეები სიტყვებთან ომიანო. ღამეებს ეგება ათენებდა, იმდენსა წერდა, მაგრამ გასაკვირი მაინც ის იყო, თუ რა უნდა ჰქონოდა სიტყვებთან საომარი. ალბათ, ცოტა აზვიადებდა. ხოტბას ასხამდა, უგალობდა ქართულ სიტყვასა და ღამის თევას მეტაფორად გამოიყენებდა. მე სიტყვას არ ვებრძვი, არც სიტყვებთან არ მიომია. სიტყვები თითქოს ყვავილობაა, აფერადებული ველ-მინდორი აბიბინებული ნიავის ფრთებზე, თანაც ფუტკარი ზედ რო დაჰბზუის. თითქოსაო. სხვა სხვაგვარად იტყვის. სხვა დანარჩენი ცხოვრებაა, სინამდვილეა. ჩაანყე ყვავილებში, ფერებში ჩაანყე ცხოვრების ნაგლეჯები, აადევნე ბზუილს ფუტკრისა. ეს არის და ესა. მწერლობაი. ოსკარ უაილდი ჰო დასცინოდა ემილ ზოლასა: ტრამბახობსო, რაც დამიწერია, ცხოვრებისეულია ყველაფერიო — ცხოვრებას რა უნდა ხელოვნებაშიო. უკვირდა. დასცინოდა. არადა, რაც რო დაუნერია ოსკარს უაილდსა თვითონვე, საკუთარ ცხოვრებაზე, საკუთარ განცდილზე უკეთ რა დაუნერია?! აღარას ვამბობ ბოლოდროინდელ მოდერნისტებსა თუ სხვა ისტებზე ლიტერატურაში,

ვერ რო გაჰქცევიან სინამდვილესა, ცხოვრების სინათლესა, რა ჯამბა-ზობასაც არ უნდა მიმართონ, რა ხერხიც არ უნდა მოიხმონ, უცნაური და უცნაურზე უცნაური ხერხი. რომანი შინაარსია. შინაარსი ცხოვრებაა. ხელოვნებაც არის რომანი. ხელოვნება სიტყვებია. რაღა თქმა უნდა. ცხოვრება არის ერთგვაროვანი, ანუ შინაარსი ერთგვაროვანია. ვერაფერს მოვიძიებთ თანამედროვეობაში, წარსულის მსგავსი რო არ გამოგვეცხადოს. წარსულს ცოდნა უნდა. რომანი ცოდნაც არის. და აი, მოიყარეს თავი ფილოსოფოსებმა პარლამენტში, ჩვენს პარლამენტში. დიდი ხნის წინათ პლატონი ამტკიცებდა: სახელმწიფო უნდა მართონ ფილოსოფოსებმაო. ეს არის ყველაზე უკეთესი მმართველობაო. სხვა დანარჩენი მმართველობა რო არ მოსწონდა, განსაკუთრებით პოეტები რო არ მოსწონდა მმართველთა შორისა. ჰოდა, შეგროვდნენ ფილოსოფოსნი, ჰოდა, მართავენ, ჰოდა, განაგებენ. როგორ თუ მართავენ საკმარისია დრამატიზმისათვისაცა, სარკაზმისათვისაცა, თუნდაც რო პლატონიც რო მოჰყვეს შიგვე, ანთუ ის აქა და ესენი იქა ამ თავაანთი მარქსისტულ-ლენინური ფილოსოფიითა. რა უნდა ჰქმნიდეს სირთულესა ავტორისათვისა?.. მკითხველის გამზადებული ემოციაო. ელოდა განა მკითხველი პლატონსა ჩვენს პარლამენტში?.. არა მგონია. თუ ელოდა და ინებოს, ბატონო. მოლოდინი თუ გაუმართლა, არც ეს არის ცოტაი ავტორისათვისა.

— გამსახურდია მთლად აკადემიას განახევრებას უპირებდაო. ნეტავი მოესწრო!.. მწერალთა კავშირსაც უპირებდა გაცხრილვასაო. ნეტავი მოესწრო!.. თეატრებსაც, მხატვრებსაც, მოქანდაკეებსაც არ უცქეროდა კარგი თვალითაო" (რომანი „თეთრი დათვი“).

ფრაზა: „ნეტავი მოესწრო!“ ავტორისეულია. მაშინ, იმ დღეებში როგორ იღებდით ამ განზრახვას, თუ ეს დროის გადასახედიდან განჭვრეტილი სურვილია?

— არც დროის გადასახედია დასაძრახისი, ქალბატონო რუსუდან და არც ისე ადვილია ეს ვითარებაი, რაშიც რო მოექცეულვართ. ეს ის ხალხია, ვინც რო არ მოსწონდა ზვიად გამსახურდიასა, ვისაც უფრთხოდა და ვინც რო მაინც თავისი გაიტანა და ვისთა თანადგომითაც დაამხო იგი რუსთა ხელისუფლებამა. მაგრამ მთავარი მაინც ეს არ არის და ერთი გადასახედიდანაც არ გამოჩნდება ყველაფერი. არა. არა. არ გამოჩნდება. ეს რუსობაც რო ავიცილოთ და ჩვენი თავი მართლაც ჩვენად რო გვეყუდნოდეს, ჩვენი სოფლის მეურნეობა, ჩვენი ვაჭრობა-მრეწველობა ძალისხმევას მოითხოვს იმდენსა თუ ისეთსა, გავართმევთ თუ არა თავსა დღევანდელ საერთაშორისო ვითარებაში ჩვენი მოშლილი სულიერებითა — საკითხავი ესეც რო არის?.. ეკონომიკა რო საყრდენია სახელმწიფოებრიობისა, ჩემი მოძღვრება არ არის, ცხადია და ახლა არც არავისა სჭირდება განმარტებანი ამისი დაწვრილებითა, ოღონდ ერთი წუთითაც რო არ გვავეინყდებოდეს, ეს მაინც დიდად აუცილებელია. აუცილებელია

ბელია. აუცილებელი. მითუმეტეს რო გაისმის აზრი და ლამის რწმენად იქცეს, თითქოს რო ჩვენივე ინტელექტშია ძლევამოსილება ჩვენი და ამაზეა დამოკიდებული შემდგომი აღმავლობა ჩვენი. ზედაფენაში რო გამტკიცებულა აზრი ესე, ღმერთმა ნუ ჰქმნას, რო ჩააღწიოს ქვედაფენამდისა, მშრომელ ფენამდისა, ვისაც რო სწამს ღვთიური განაწესი, ერთადერთი სამართლიანი განაწესი: ოფლითა შენითა მოიპოვე პური შენიო. კეთილი ბატონო — ინტელექტო, იყოს ინტელექტი, ნურც მაგას მივაგდებთ უყურადღებოდა. მაგრამ ვითომ რა ინტელექტი გაგაჩნიათ, ბატონებო, ისეთი, ქვეყნიერებას რო გააოცებთ და საქართველოს სახელს გაუხდით საფიცრადა?! სადღაც გააღწევს ჩვენი მომღერალი ოპერის სცენაზე და ტაშს დაუკრავენ, სადღაც ცეკვას მოგვიწონებენ და ტაშს დაუკრავენ, სადღაც გააკვირვებთ მრავალბმოვანება ჩვენი სიმღერისა და ტაშს დაგვიკრავენ, სადღაც თეატრს მოგვიწონებენ, ერთსა, მეორესა, მესამესაცა თუნდაცა — ეს ყველაფერი ჰო გასართობია და ერთობიან, რალა თქმა უნდა. სხვებითაც ერთობიან. ერთმანეთითაც ერთობიან. როცა ერთობიან. როცა საქმე გასართობადა აქვთ. ვთქვათ, საქმე რო აღარა აქვთ გასართობადა — ან ტაშს ვინ დაგიკრავთ ან ვილა მოგანვდით ლუკმაპურსა ან რალას გვიშველის ეს ინტელექტი — გართობის ინტელექტი?! როცა ჩვენ ეს ჰანგები შევექმენით, როცა ჩვენ ეს ცეკვები შევექმენით, დიდი და მძლავრი ეკონომიკაცა გვექონდა იმა დროის კვალობაზედა. ხალხურიო — ადვილად ვამბობთ. მრავალბმოვანება ადვილად არ ჩამოყალიბდებოდა, არც მოძრაობანი მრავალგვარი ქართული ცეკვისა თავისთავად არ მოებმოდა სულ ადრინდელ ხელების ქნევასა, სულ ადრინდელსა, ვიდრე ენას რო ამოიდგამდა ქართველი კაცი. არა. არა. არ დავიჯეროთ. რასაც რო ახლა ხალხური გვირქმევია, ჩვენც რო გვიკვირს და სხვასაც რო ვაოცებთ, ჩამოქნილია უსათუოდ გამოჩენილი ქორეოგრაფებისა თავის დროისა და აწყობილია გამოჩენილი კომპოზიტორების მიერა, როცა რო დიდნი ვიყავით, ძლიერნი ვიყავით, დიდი სახელმწიფო რო გვექონდა, რო გვემღერებოდა, რო გვეცეკვებოდა, რო გველხინებოდა; გველხინებოდა და ვლხინობდით ისე და იმგვარადა რო: სუფრის ფილოსოფია ჩვენ რო გაგაჩნია, არც არავის ისეთი არ მოეპოვება დედამიწის ზურგზედა, ამ დედამიწისა, ხოლო თუ კიდევ სადმეც არის დედამიწაი, იმისი რა გითხრა. ახლა სხვა მძლავრობს, სხვები მძლავრობენ, სხვები ღვინობენ და იმათს ღვინობი გამართობებად თუ მიგვიწვიეს, ეს არის ჩვენი ინტელექტი, სატრაბახოდ ეს გაგვიხდია?! იყოს თუნდაცა. რო არ იკმარებს?! ვისაც რო თავს ვანონებთ, ძლევამოსილება რო იმათია — ეკონომიკურიცა, პოლიტიკურიცა, სამხედროცა, ინტელექტუალურიცა მთელის თავისი სისავსითა, სამეცნიერო თუ სახელოვნო, მთელის თავისი სისავსითა!.. თავს ნუ მოვიტყუებთ ჩვენ ჩვენივე განთქმული თავქარიანობითა. და კულაბი-კობითა. არ მოგწონათ ეს ნათქვამი?! ბოდიშიც რო მიჭირს?! აბა, მაშ

რა არის კლდიაშვილის სოფელი — ასი აზნაური და ორიოდე გლეხი?! ამასაც რუსებს ნუ დავაბრალებთ. თვითონ რუსებმაც ვერ გაუგეს ამას ვერაფერი, ვერა, დაიბნენ, პირველივე აღწერა რო ჩაატარეს. ან ვითომ დაიბნენ თუ რაც იყო, ვერც ჩვენი თეატრით გავაკვირვებთ ვერავისა და ვერც ჩვენი რეფლექტორითა, ლიტერატურითაც ჰო ვერა. რა თქმა უნდა. რაზედაც ახლა აქ ტვინს იჭყლეტენ, იქ გაიარეს დიდი ხანია. დიდი ხანია!.. მოვებლაუჭოთ ინტელექტსა, მოვებლაუჭოთ, რო აღარც ინტელექტია უცხოური და აღარც რო ჭკუაი ქართული მიბაძვით თუ გადამღერებაიო კარგახანია გარდასულისა. ჭკუა შრომაა და არა ოთურმაი ამ ჩვენი ვითომ ძალიანაც დაქოქილი პოლიტიკოსებისა. ის არის ჩვენი უბედურება, შრომის უნარი რო დაგვაკარგვინეს, განათლების უნარიცა ანუ იმგვარად მომართეს გონებაი ჩვენი, უკულმართობისაკენ რო გაგვირბის თვალი. იმდენი შეგვეძლო თვით იმ უბადრუკი მენშევიკების დროსაცა — საექსპორტო ხორბალიც მოგვეყავდა, აბრეშუმიცა. ახლა ნიორიც ვერ მოგვიყვანია ჩვენი სამყოფი, ყველაფერი შემოგვაქვს, ყველაფერი, წინმატისა და ბოლოკის გარდა. ეს დღევანდელი მოვლენა არ არის. არა. თვალშისაცემი იყო მაშინაცა — იმ გადასახედიდანაცა, იმაზე ადრინდელი გადასახედიდანაცა — და უკვე „ჯებირში“ ცხარობდა თავმჯდომარეი კოლმეურნეობისა: შეამცირეთ კანცელარიები და მაგიდები კანცელარიებშიო.. მეურნეობას დაუბრუნეთ ხელმოცარული ხალხი ქალაქშიო. „ჯებირი“ კრებულში დაიბეჭდა. იმ კრებულს ერქვა „პროზა 1953 წელი“. დიახ. დიახ. ნათელი გახლდა იმ გადასახედიდანაცა რო: ინგრეოდა ჩვენი ტრადიციული დასაყრდენი, ნაცადი წესრიგი ირღვეოდა ჩვენს სოფელში, ირყეოდა ჩვენი ეკონომიკის საფუძვლები, ინგრეოდა და ირყეოდა მცირე რამ იმედი თუნდაც კულტურული ავტონომიისა, მიმდინარეობდა რო სრული გლობალიზაცია სოფლის მეურნეობისა სრულიად საბჭოეთში, ისაა მიკერებული ეგრეთწოდებული დემოკრატიული ქვეყნების ჩათვლითა. არ ვიცი, თუ რამდენად სრულად გავეცი პასუხი ამ თქვენს შეკითხვასა. იმდენი მაინც თუ მომიხერხდა, ჩემი გადასახედი თუ მიგანიშნეთ — ესეც ნაწილია თქვენი შეკითხვისა.

აქვე მოგახსენებთ ერთ ასეთ შემთხვევასა... თუ შეიძლება?.. დიახ. ერთ უდროოდ დაღუპულ მწერალს იგონებდნენ ამასწინათ ტელემაუნ-ყებლობაში. მოიხსენიებდნენ ქებითა. მართებულადა. რალა თქმა უნდა. მეც ქების გარდა სხვა არაფრის თქმა არ შემიძლიან. ოღონდ და მაინც ცოტა არ იყოს გამაკვირვა იმათი ქების ერთმა მუხლმა. ის იმათ არა ჰგავდა, კოლმეურნეობის თავმჯდომარეებზე რო წერდნენო. ვერ ვიტყვი, ვის თუ რა დაუშავა ან ჯავახიშვილმა, ან გამსახურდიამა, ან ქიაჩელმა, ან კაკაბაძემა, ან „ჯებირის“ თავმჯდომარემ რა დაუშავა, ოჯახი რო ენგრევა, კოლმეურნეობა რო ემლება, ყველა რო ქალაქს გარბის ინტელექტუალური პოტენციალის საძებრადა?! ან ვიქტორ გაბესკირი-

ას თავმჯდომარემ რა შესცოდა ისეთი, პარტკომის მდივანს რო ეუბნება: მინდა, შენსავით ვიცოდე „კაპიტალი“. მაგრამ იმდენი დრო რო არა მაქვს, იმხელა წიგნი რო ვიკითხო?! ჩამომინერე რა, გეხვენები, რვეულის ერთ გვერდზე ჩამომინერე „კაპიტალის“ შინაარსი. იმას დავისწავლი. პირობას გაძლევო. მარჯანიშვილის თეატრი დგამდა იმ პიესასა. მე ახლაც ჩამესმის, თუ როგორ იწყებოდა ქირქილი დარბაზშია: ჯერ ქირქილი, მერე ფხუკუნი, პირღია სიცილი მერე. ის გადასახედიც იგივე გახლდა. და არა მგონია, ვისიმე გასაკილავნი იყვნენ მწერლები იმ დროისა, როცა რო ირონიი მცირედიცა თავგანწირვას უდრიდა. არა მგონია. ესეც არ იყოს: ცხოვრებას ისინი წარმართავდნენ: კოლმეურნეობის თავმჯდომარეები, პარტკომის მდივნები, რაიკომის მდივნები, ცეკას მდივნები, პატარა ადამიანებსაც ისინი წარმართავდნენ და დიდ ადამიანებსაც, რას იზამ, ცხოვრება ისეთი იყო. მწერალი ვერავის ვერ აუქცევდა გვერდსა. ვერა. ვერა. რალა თქმა უნდა. გაუგონიათ: მოძველებული შეხედულებების გადაფასება დაიწყო ლიტერატურაშიო, გაუგონიათ, გაგებით მაინც ვერ გაუგიათ ისა და იმდენი, თუ რა ძველდება, თუ რა არის დროებითი, მუდმივი რა არის, რა არის შინაარსი, ხელოვნება რა არის, ჭკუა რა არის და უჭკუობა რა არის. რას იზამ!..

— საოცარ სიტბოს იტევს თქვენი მოგონება „უკანასკნელი თარი“. გიორგი შატბერაშვილის ლილინი, თარს აყოლილი ლილინი თაობებს გადასწვდება. მელოდიას აჰყვა და „ალბათ, თუ მე მანუგეშებდა, რო ამბობდა, რო ყველაფერი გადაივლისო, დაბნეულობაც გადაივლისო, ავთა სიავეც გადაივლისო, მოეძებნება ყველაფერს ადგილი, კეთილს თავისიო, ბოროტს თავისიო, მხოლოდ ესაა, გაძლება უნდაო...“ და შეკითხვა: კიდევ ვისი გამხნევება გაძლებინებდათ?

— ჩვენ ერთმანეთის გაძლება თუ გვაძლებინებდა. გამძლები უძლებდა. ამყოლი ასდევდა. ვინც ვერ უძლებდა, ასდევდა ისიცა. ასდევდა და შურდა — გამძლებისა შურდა ამყოლსა. რა შურდა, ძნელი სათქმელია. ნუთისოფელია ჰო, ეს ჩვენი ცხოვრებაი, ტკებოდნენ ჰო ნუთისოფლითა?! თუ ტკებოდნენ. რალა თქმა უნდა. გიორგი მაინც ერთი იმათგანი გახლდა, ვინც რო განიცდიდა ჩემს ისე უღვთო გამეტებასა, ვისაც უკვე გამოეცადა მარწუხები უკულმართობისა და სხვა არავინ არ ემეტებოდა საიმისოდა. არც მე ვემეტებოდი. რალა თქმა უნდა. იმასაცა ჰხედავდა, თუ როგორ იზრდებოდა სახელი დევნილისა, პარტიისა და ხელისუფლების მიერ დევნილისა; თუ როგორ თანაუგრძობდა მკითხველი მწერალსა, ოდნავადაც რო გაეკრიტიკებინათ. და ერთხელ სუფრას რო თამადობდა გიორგი და რო დამლოცა, ასეც დამლოცა: მადლობელი უნდა იყვე შენი კრიტიკოსებისაო. მტერსა და ავსაო, ოღონდაო ახლა რო სიკვდილმა გინიოსო, უყოყმანოდ ჩაენერები უკვდავი მწერლების სიაშიო. კარგი თამადაც იყო. მოხდენილი იუმორიცა ჰქონდა. ჰოდა მაინც — ვაძლებინებდით ერთმანეთსა-მეთქი. და ყველას მაინც ერეკ-

ლე ტატიშვილი გვაძლებინებდა. მე და პედაგოგი?! იკითხავდა ხოლმე დანაღვლიანებული, საერთაშორისო სამართლის კურსიდან რო ჩამოართვეს უნივერსიტეტში და ენის მასწავლებლობა როლა შერჩა ხელთა. ჩვენთვის ის მასწავლებელი გახლდა და მადლობა ღმერთსა, ის რო შეგვირჩია მასწავლებლად. მაგრამ იმას ჰო სხვა რამ სამოღვაწეო დაესახა მიზნადა?.. ბუნებით ანარქისტი და ანარქისტული პარტიის წევრი ჯერ იმან დაჩაგრა, უხეირო მთავრობის საგარეო საქმეთა სამინისტროში რო მოჰხვდა, მაგრამ და მაინც მოესწრო ჰო დამოუკიდებლობასა სამშობლოსი, დამოუკიდებლობას ემსახურებოდა და თვალსა და ხელს შუა გამოაცალეს ის დამოუკიდებლობაცა, მერე ჰო ეს ბოლშევიკებო...

— ლიტერატურის ისტორია...

„ისტორია ის შენობაა, რომელსაც ვერანაირი ჩალით ვერ დახურავ,“ — ბრძანებდა გალაკტიონი. არაერთი გადაფასების მოწმენი ვხდებით. იმ ადამიანების შემოქმედების მიმართაც, რომლებიც არცთუ დიდი ხნის წინ „კურსს განსაზღვრავდნენ“ მწერლობაში. მკითხველი უცვლელია (და მგონია, ბრძენიც). როგორ ფიქრობთ, როგორი მკითხველი გაყავდათ და გაყავთ?

— როგორი?..

თქვენვე ბრძანებთ: მკითხველი უცვლელია და ბრძენიც არისო. და მართალსა ბრძანებთ. არსებობს ნომენკლატურული თუ კონიუნქტურული მკითხველიცა. სნობებიც არსებობენ. რალა თქმა უნდა. საყურადღებონი არც არიან ისინი ნამდვილი მწერლობისათვისა, ვინც რო დარჩა არც იმისთვისა, ვინც რო წავიდა, იმისთვისაც არ იყო ანგარიშგასაწევი, თუმცა სიცოცხლე გამწარებული ჰქონდათ სწორედ რო იმათგანა. რას იზამ — ხალხი უცნაურიც არის. ყველა ხელს ურევს ლიტერატურაში. ეადვილება. ყველას ლიტერატურა არ გაეგება. მკითხველი ისაა, ვისაც ლიტერატურა გაეგება. მე მხოლოდ ასეთ მკითხველს ვისურვებდი და ასეთი მკითხველიც მეგულება ჩემს მხარესა. განმქიქებელიც ბევრი მყოლია. ცოტა რამ მაინც რო გაეგებოდეს — იყოს, ჯანდაბას!.. რო არც გაეგება, წაკითხვაც რო არ შეუძლიან?! არც ის შეუძლიან რო არ გამოსთქვას საკუთარი აზრი: ჩხეიძე!.. ახ — ემფატიკური ა!.. — ასეთი მკითხველიცა მყოლია. და ხშირად ასეთ მკითხველსაც ვიხსენებ, პირადად რო უთქვამს ჩემთვისა: იმდენი დრო არა მაქვს, ყველაფერი თავიდან ბოლომდის რო ვიკითხო, არც მინდა რო ჩამოვრჩე ლიტერატურასა, ზოგჯერ გვერდებსაც გამოვტოვებ ხოლმე და მაინც ვახერხებ წარმოდგენა რო მქონდეს ნაწარმოების შესახებო. შენთან ასე აღარ გამომდის, სტრიქონიც რო გამოვტოვო, ველარაფერს ველარ ვიგებო; და ასეთსაცა: გაივლის დრო, რალაც შეიცვლება და შენს ნაწერებს თუ წაიკითხვენ, ვერავინ ვერავის ველარ დააჯერებს, თუ რა სასტიკი იყო ცენზურაი ჩვენს ეპოქაშიო. ხალხი ჭრელია და მკითხველიც ჭრელია. მე მხოლოდ ჭკვიან მკითხველს ვისურვებდი. ჭკვიანთან სიკვდილი ჯობიან, სულელ-

თან სიცოცხლესაო.

— ახსოვთ თქვენი აღშფოთება მოთხრობის „შემოზამთრება“ თარგმანის გამო: როცა შეიცვალა პერსონაჟები: ქალი — კაცით, ყოფილი მონაფეები — იატაკქვეშელი ბოლშევიკებით, ხოლო სიმარტოვის სევდა — წითელი დროშითა და მკვდარი მასწავლებლით, „არა მგონია, რომ თარგმანი აუცილებელი იყოს. არა მგონია“, — თქვით მაშინ. მე კი მგონია, ეს სიტყვები თავდაცვის ერთგვარი საშუალებაა, როცა მწერალს არ სურს, ისეთ ნაწარმოებს მოაწეროს ხელი, რომელიც არ დაუწერია. ეს ადრინდელი ფაქტია. ბატონო ოთარ, ახლა როგორაა თქვენი ნაწარმოებების თარგმნის საქმე?

— იმ ვითარებიდან ერთ მაგალითსაც გავიხსენებ თუ შეიძლება. ეს ისევე ჩემი ნაწარმოების თარგმანს შეეხება, უფრო — გამოცემასა. ოლონდ სულერთი უნდა იყოს ამ შემთხვევაშია. „ლანდების“ გამოცემასა ვგულისხმობ. ითარგმნა. წარედგინა მოსკოვის გამომცემლობასა, საბჭოთა კავშირის მწერალთა გამომცემლობასა. მე ეჭვით ვუყურებდი. მთარგმნელსაც ვაფრთხილებდი, ნუ ეწვალები-მეთქი. ლილი ბააზოვამა თარგმნა. თავიდან უკვირდა ჩემი სიფრთხილეი, მერე გააოცა გამომცემლობამა. ყოვლად გაუთვალისწინებელი წინადადება ნაუყენეს. რომანი ხელოვნებას შეეხება. მოქანდაკეთა ცხოვრებას ასახავს. ეს თქვენი საქმე არ არის. თქვენ უნდა კოლმეურნეობაზე წეროთ, ფაბრიკა-ქარხნებზე წეროთო. მოდით და ასე მოვიქცეთო: ამბავი გადავიტანოთ რომელიმე ფაბრიკაში, თუნდაც აბრეშუმის საქსოვ ფაბრიკაში, უსათუოდ თბილისი თუ გინდათ, თუ არა და სადმე ჩაის ფაბრიკაშიო. არაფერს არ ვაჭარბებ. მე ეს მთარგმნელისაგან ვიცი. მისი აღშფოთება მარწმუნებდა. ბესარიონ ჟღენტისაგანაც ვიცოდი. აქ კრინტი არ დაუძრავს ამ რომანის შესახება, იქ იცავდა განრისხებულნი: როგორ თუ ჩვენ მხოლოდ კოლმეურნეობასა და ფაბრიკა-ქარხნებზე უნდა ვწეროთო. თარგმანი გამოიცა. მე მაინც არ მომბრუნებია გული თარგმანის მიმართა. უჩემოდ ითარგმნა რამდენიმე ნოველაი „ჩემი სოფლის ეტიუდებიდანა“ — რამდენიმე ენაზე დასაველეთისა. ამას მე ოთარ ნოდის ვუმაღლი და იმის მთარგმნელობით კოლეგიასა. საერთოდაცა: უფრო გონივრულად მიჰხედეს თანადროულ ქართულ ლიტერატურასა. ამ წინა წლებში ნაირა გელაშვილმა გერმანიაში გამოსცა ქართული მოთხრობების კრებული. ერთი ჩემი ნოველა იქაც მოთავსდა. მოგონებით იმასაც მოვიგონებ: ჩემი „ბორიაცი“ რო უნდა გამოცემულიყო მოსკოვში, თავს იკლავდნენ და არა თანხმდებოდნენ გამოცემასა, ანოტაციაში თუ არ აღნიშნავთ: ეს ამბავი 1905-ს მომდევნო რეაქციის წლებში მოჰხდაო. ალექსანდრე ებანოიძე მეურვეობდა „ბორიაცი“ გამოცემასა. გამომცემლობის თანამშრომელი გახლდა. იმისი განყოფილების განხრით გამოდიოდა. მთხოვა: უნდა დავთანხმდეთ, თუ არა და მე ველარაფერს ველარ გავანყობო. არა. აღარ მინდა მოგონებანი. ვის თუ რა მოსწონს,

რა მოგახსენო, მე ყოველთვის ცუდ გუნებასა მგვრის. ახლა როგორ არის თქვენი თარგმანის საქმეო. მეკითხებით. მე ეგ არც მაფიქრებდა და არც მაფიქრებს. წიგნი თავისი ქვეყნისათვის იწერება. მწერალი მწერალია თავისი ენისა და თავისი ქვეყნისა. სხვა ქვეყნისათვის ის თარგმანია ანუ სხვა არის, უცხოა, გამგელელია. თქვენ რაო, გნებავთ რომ მომაგონოთ ივანე მაჩაბელი?! ჰოოოო... შექსპირს რო არ დაენერა, თვითონვე დაწერდა იმ ტრაგედიებსა ივანე მაჩაბელი.

— ადამიანებს ერთმანეთისაგან ძალიან განასხვავებს გემოვნება. ეს ფაქტორი ბევრ რამეში მჟღავნდება და შესაბამისად, უამრავ პრობლემას ქმნის. დღევანდელ დღეს ვფიქრობ, ეს ძალიან თვალშისაცემია. თითქოს გეგმაზომიერად ხდება უკულტურო და უგემოვნო მასის ჩამოყალიბება. მხოლოდ რამდენიმე მათგანს დავასახელებ (მკითხველს შევახსენებ), სადაც საგანგებოდ, საზგასმით აღნიშნავთ ამას: „პროზის ბილიკებზე“, „არტისტული გადატრიალება“, „თეთრი დათვი“... როგორ ფიქრობთ, კიდევ რამდენ ხანს შეიძლება ამგვარი პროცესები გაგრძელდეს (ტილევიზიით, ესტრადაზე, თეატრშიც კი... ეს უკვე თვალსაჩინოა) სამომავლოდ (თუნდ, ანმყოშიც) როგორ იჩენს თავს იმავე მწერლობაში?

— თავს როგორ იჩენს მწერლობაშიო. მეკითხებით. მე მახსოვს თქვენი წერილი „ლამარა“ შესახებ რუსთაველის თეატრში. „კლდეკარში“ დაიბეჭდა. სწორედ ისევე იჩენს თავსა მწერლობაშიცა. მწერლობა და თეატრი რას გაუყვია. „ლამარა“ მწერლობაა და თეატრი აღარ მიჰყვება მწერლობასა, ანთუ ემყარება და აღარც ემყარება მწერლობასა ანუ გამოიყენებს და გარდაჰქმნის, სრულიად გარდაჰქმნის, სრულ ტრანსფორმირებას ახდენს დედანისა. ოღონდ ვგონებ, რო არცთუ უკეთესობის ნიშნეულობითა. ნუ ვიქნებით კონსერვატორები, უკეთესი თვალთ შევჰხედოთ. მაინც უკეთესად არ მეჩვენება. მე არ მეჩვენება. სხვამ თავისი თვითონ იცოდეს. ალბათ, მიისწრაფიან უკეთესისაკენა. ალბათა და რალა თქმა უნდა, მაგრამ უარესში რო იხლართებიან, ამასაც უნდა დანახვაი. რალა თქმა უნდა. თაობები იცვლება. ველარ ივლიან გატკეპნილი გზითა ახალი თაობანი. თუ რატომაო. ვთქვით და დავეხსნათ ამ მსჯელობასა. ბოლშევიკებმაც ჰო აიხირეს: მოვშალოთ რკინიგზები ნიკოლოზისა, ყველაფერი უნდა მოვშალოთ, ძველი არ გვინდა აღარაფერიო. დროზე შეიკავეს თავი. უარესია ბოლშევიზმი ხელოვნებაში. ლიტერატურაში უარესია. მასკულტურა ბოლშევიზმია და თავშეკავება მართებს დროზედა. მით უფრო — მცირე ერს, პატარა ქვეყანასა მართებს. ევროპის ქვეყნებიც შეშფოთებულან, დიდი ქვეყნები. ჩვენ არ გვინდა არავის ჩამოვრჩეთ. ვინელებით და ვინელებით, ვიჭიმებით და ვიჭიმებით, ვიბერებით და ვიბერებით, ინტელექტი მოგვჭარბებია, ჰო, გვჯერა ჩვენი ინტელექტისა, გვჯერა და გვწამს!.. და გაგვაქვს და გაგვაქვს ახალი ბილიკები ლიტერატურაში, თეატრში, ფერწერაში, ეს-

ტრადაზე ჰო — ჰო და ჰოოოო!!!.. ეს მაინც მოგვეკლავს, ესტრადა მაინც მოგვიღებს ბოლოსა, თუნდაც ყველაფერს რო გადავურჩეთ. ესტრადა სიმღერაა, სიმღერა სიტყვაა, მელოდიაა, ჰანგია, ჰანგიც სიტყვაა და მელოდიაცა და რო მოჰკლავ ჰანგსა, მელოდიას რო მოჰკლავ, სიტყვას მოჰკლავ. რალა თქმა უნდა. მერე რილათი გინდა იარსებო, რილათი, რილათი, რილათი უნდა გეყუდნოდეს თავი შენი შენადა, რილათი და რა უნდა იყვე?! თუ სულერთია, რაცთუ იქნები — მაშინ რალა გვალა-პარაკებს?! გლობალიზაციამ მოიცვა მსოფლიო და გლობალიზაცია აღშფოთებს მსოფლიოსა. ჩვენ რა ვართ ისეთი, მართლაც ისეთი რა ინტელექტი ჩაბუდებულა ჩვენს თავში, რო გაუძლოთ თუ ავჰყვეთ, რო გაუძლოთ ამ უკიდევანო და უმძაფრეს შემოტევასა?! მე მახსოვს ერთი ამერიკელი, ჩვენი სიმღერის გემო რო გაიგო: გაუფრთხილდით, ამას გაუფრთხილდითო. იხვენებოდა. მე მესმის შიში, სიამაყეცა და შიშიცა, ანზორ ერქომაიშვილისა: აი, რა გაგვანჩია, აი, სად გვიდგას გასაჭირიო. იგივე გვიდგას, იგივე გასაჭირი ლიტერატურაშიცა. თეატრშიცა. ცოტა ნუ გვგონია, დიალოგი რო დაიკარგა თეატრში, დიქცია რო დაიკარგა; ცოტა ნუ გვგონია, უცხოური სტილური კონსტრუქციები რო გაგვიმრავლდა მხატვრულ ლიტერატურაში, ჟარგონი რო მოგვეძალა, ჟურნალისტიკაზე არაფერს ვამბობ, ტელევიზიასა და პარლამენტზე აღარას ვამბობ, ლიტერატურაში-მეთქი, მხატვრულ ლიტერატურაში, სიუჟეტებიც რო უცხოური შემოგვერია, პერსონაჟები, გარემოი უცხოური, ბუნდოვანებანი იქაურივენი, ცოტა ნუ გვგონია. დიდი ქვეყნებიც ჰო შეანუხა აღრეულობამა ესევეთარმა, შენუხება იმდენი არაფერი, უბედურობაა, რაც არის, უბედურობაა და ჩვენთვის ეს სწორედაც რო უბედურობაა. და უბედურობაა კიდევ უფრო იმიტომაცა, ყველაფერი ეს რო პირდაპირ კი არ შემოდის დასავლეთიდანა — არა, ისევ ისევე, ისევე იმგვარადვე — ისევე ჩრდილოეთის გზით რო შემოდის. დასავლეთს დაენაფა დახაციცებული ახალგაზრდობაი ჩვენი, დასავლეთში გაცვივდა და გავლენებს მაინც იქიდანვე ჰკრებს, იქიდანვე, მიჩვეული და გამრუდებული გზებიდანვე. ვერ იქნა, ესეც ვერ მოიშალეს. ეს მაინც საერთო თუ ზოგადი მსჯელობაა, სჯობს რო სათითაოდ ველაპარაკებოდეთ ამ ჩვენს მოდერნ და პოსტმოდერნ ახალგაზრდებსა, თითო თითოსა, ანთუ რამდენიმესა, ოლონდ ისე რო: ავუხსნათ ჩვენი თუ რისა გვეშინიან და გაუფგოთ იმათაცა, თუ რისი იმედი აქვთ, თუ რას უქადიან ამ ჩვენს უბედურ ქვეყანასა — ლიტერატურა რო მხოლოდ ლიტერატურა არ არის, თეატრიც არ არის მხოლოდ თეატრი, სიმღერა რო მხოლოდ სიმღერა არ არის და ცეკვაც არ არის მხოლოდ რო ცეკვაი ბოლოს და ბოლოსა. დროა. დაგვიანებული თუ არ არის. რალა თქმა უნდა.

— „... ნამოიმართა, ნამოიმართა და ავარდა ცაში, უეცრად ავარდა, ვიცოდით, ასე რო ატყორცნილიყო, რო განასახებდა დიად ზესწრაფვასა“... ემოციაც იმ სიმაღლეებისკენ მიიწევს, მაგრამ მწერლისეული

(თუ რეალური) მოულოდნელობა და... ერთი მზიარული, ბედნიერი გასეირნების ნაცვლად უსაშველო უპასუხისმგებლობის, უსულგულობის, ნგრევის წინაშე აღმოვჩნდებით. ეს არა მგონია, „მოგონება“ იყოს ამ სიტყვის ტრადიციული გააზრებით. მკითხველს შევახსენებ სათაურს: „კუმურდო“. სიმონ ჩიქოვანი, აკაკი ბელიაშვილი, სერგო ზაქარიასძე, ლევან ასათიანი და ავტორი — ოთარ ჩხეიძე ერთ დღეს კუმურდოს დასათვალიერებლად გასწევენ... ტკბებიან კიდევ მისი მშვენიერებით, მაგრამ მოულოდნელად თავსხმა წვიმა დასცხებს და თავის შესაფარებლად ეკლესიაში შეცვივდებიან, მაგრამ „... შიგნით შევცვივდით და რაღას შევცვივდით, შიგნითაც რო ისევე ასხამდა, ისევე ისე უბედურადა, როგორც რო გარეთა, მორღვეულიყო თითქოს ყველაფერი, მორღვეულიყო ცაი თითქოსა, მორღვეულიყო და როგორც გვეგონა, მაშინა, ცხადია, არც გამთელდებოდა თითქოს აღარასდროსა; ანთუ ცა რაო, ჯანდაბას ცაი, გუმბათი რო მორღვეულიყო, ჩამოქცეულიყო ერთპირიანადა...“

ძეგლი — არა წარსულის გაყინული ცნება და ეპოქის ნიშანი;

ძეგლი — რას ნიშნავს (რა არის) ის თქვენთვის?

— ძეგლი სალოცავია. რაღა თქმა უნდა. კერპებიც სალოცავი გახლდა. ტაძრებიცა. დრონი რო შეცვლილან, დაუნგრევიათ კერპებიცა. ტაძრებიცა. ტაძრებს მაინც გაუძლია. პირამიდებს ჰო გაუძლია და გაუძლია. ჩვენში ისევე ტაძრებს აგებენ, კერპომანიამ რო გადაიარა. სალოცავადა ისევე ისევე. დაბრუნებული დამოუკიდებლობის სალოცავადაცა. თითქოს რო შეჭირვებულა ხალხი, თითქოს რო აღარც აღარაფერი აღარ აფიქრებს საკუთარი თავის გადარჩენის გარდაო, მაგრამ ფეთქავს მაინცა რწმენაი შინაგანი, ღრმადა ფეთქავს, ძალუმადა ფეთქავს და ძეგლიც ის არის, გამოხატულება იმისა. წარსულის ძეგლები თვალნათელი ისტორიაა, აბმული ჯაჭვია ჩვენი ცხოვრებისა. სხვაგვარადაც ითქმის. ბევრგვარად ითქმის. აქ ერთი ძეგლის ამბავიც მაგონდება — ქართლის დედისა — შუაგულ თბილისს რო დასცქერის წარსულას ქედიდანა: ამაყი, ძლიერი, მახვილით ხელში. ღვინის თასითაცა. შთამბეჭდავია — არა?! ახლაც ისევე შთამბეჭდავია. მაშინ აღტაცება გამოიწვია. როცა აღიმართა. რაღა თქმა უნდა. აღტაცებაც გამოიწვია, შურიც მძაფრი. აღტაცებაი — ხალხში, შური — ხელოვანთა შორისა, მოქანდაკეებში პირველყოვლისა, მერე დანარჩენთა შორისაცა, დანარჩენ ხელოვანთა, მწერალთა ნაწილიც რო არ გამოიტოვება. ეს ის ნაწილია, ყველასი ერთადა, მწერალთა თუ ხელოვანთა, ვინც დაიჯერა სოციალისტური რეალიზმი, დაიჯერა და შეაღია რო ძალ-ღონეცა. შურმა დრო იხელთა, ლენინის ძეგლი რო წამოჭიმეს თავისუფლების მოედანზედა, დრო იხელთა და გამძვინვარდა: აი, შეჰხედეთ, როგორ შემართულა მახვილი, ლენინს რო თავი წააცალოსო. გელიმებათ. რაღა თქმა უნდა. ახლა ეს კომიზმის კატეგორიას მიეკუთვნება, მაშინ დრამატიზმი გახლდა, ტრაგიზმი თუ არა. ქართლის დედა მაინც გადარჩა. თუ რო-

გორ გადარჩა, მოგვითხრობს ავტორი ძეგლისა — ელგუჯა ამაშუკელი წიგნში „დრო და შემოქმედი“, 2000 წელს რო გამოიცა. წიგნი კრებულია წერილებისა. ეს მონათხრობი დათარიღებულია 1984 წლითა. მანამდე საიდუმლოდ უტარებია ან განსვენებულ ჩინებულ ხელოვანსა. აღარც რო საიდუმლო აღარ გახლდა, გამოხატულიყო რო უკვე „ლანდებში“, ჩემს რომანში, როგორც კომიზმიცა და როგორც ტრაგიზმიცა დროისა, კომიზმი სოცრეალიზმისა, ტრაგიზმი — სიახლის მაძიებელთა ხელოვნებაში. „ლანდები“ დაიბეჭდა ჟურნალ „მნათობში“ 1968 წელსა. ისე ჩაიარა, სოცრეალიზმის თეორეტიკოსებიც რო არ გამოჰკიდებიან. აქ ყური მოუყრუა ბესარიონ ჟღენტიცა. აქ ყური მოუყრუა, მოსკოვში იცავდა და თავგამოდებითაც იცავდა, მთარგმნელი როგორც რო მატყობინებდა.

— თქვენ, როგორც იტყვიან, იმდენად „უხვხელიანი“ მწერალი ბრძანდებით, მაინტერესებს, რამდენიმე ტექსტზე ერთდროულად მუშაობთ, თუ ერთს ამონურავთ და მერე-ღა იწყებთ მეორეს?

— ისევე ბესარიონ ჟღენტი მომაგონეთ.

მოხდა ისე, რო: 1968 წელს ჩემი ორი რომანი დაიბეჭდა ერთდროულადა. „აღმართ-დაღმართი“ — „ცისკარში“, „ლანდები“ — „მნათობში“. ყოველი წლის შემდგომ „კომუნისტი“ ბეჭდავდა ვრცელ მიმოხილვას ბესარიონ ჟღენტისა. იმართებოდა პლენუმი მწერალთა კავშირისა გასული ლიტერატურული პროდუქციის შესაჯამებლად. რიგი იდგა ტრიბუნასთანა ალესილი მწერლებისა. გაჰქონდათ და გამოჰქონდათ. გამოჰქონდათ. გამოჰქონდათ თუ რამ გამორჩენოდა ცენზურასა, კრიტიკოსებსაც თუ რამ გამორჩენოდათ. იმხანად პლენუმი არ გამართულა. ბესარიონ ჟღენტს მაინც არ უღალატნია თავისი ჩვეულებისა თუ მოვალეობისათვისა, მიმოიხილა რო ყველაფერი თავის „საკომუნისტო“ წერილშია, ორიოდე სიტყვა გაიმეტა ამ ორივე რომანისთვისაცა. და აი, თუ რა გაიმეტა: ერთი და იმავე ავტორის ორი რომანი დაიბეჭდა ერთდროულად შარშანდელ ჟურნალებშიო. ოღონდაო, ეს იმას როდი ნიშნავს, თითქოს რო ერთდროულადა წერდა ავტორი ორივე რომანსაო. არაო. სხვადასხვა დროს დანერდა, მხოლოდ დაბეჭდვით დაიბეჭდებოდა ერთდროულადაო. ეს იყო და ესა. რამდენი სიმკაცრე — თუ არ ვიტყვი, სიავე, მომაგონდებოდა ბესარიონ ჟღენტისაგანა პირადად ჩემდამი, სხვებისადმი, საერთოდ, ქართული ლიტერატურისადმი, ოღონდ იმჯერად მადლობელი ვიყავი იმისი, იმისი ტაქტისა, თავდაჭერილობისა იმისი, მეტი რო არაფერი არა თქვა. ცოტა მეტი ან თუნდაც პლენუმი რო გამართულიყო?! ვინ სად გაექცეოდა სოცრეალიზმის მწერლობასა ან რაღა შეაკავებდა თვით ბესარიონ ჟღენტსა?! არა. ზედმეტი ზედმეტი. რაცთუ შენიშნა, მართალი ბრძანდებოდა: დაინერა სხვადასხვა დროსა. რაღა თქმა უნდა. დაიბეჭდა ერთდროულადა. თვითეულს თავისი ისტორია გადახდა, თავისი და თავისებური. უჭირდათ ბეჭდვაი

ჩემი ნაწერებისა. სხვებს ოღონდ მიეტანათ, მელან შეუშრობელს უბუ-
ცებდნენ თავსა სტამბაშია. შორს წაგვიყვანს. ისედაც შორს მოვუარე.
შეკითხვას ავწყვევი. პირდაპირი პასუხი არ უნდა იყოს არც ისე ვრცელი:
არა. ერთდროულად არა ვნერ სხვადასხვა ნაწარმოებსა. მოკითხვის ბა-
რათისათვის არ გავწევ ხელსა, რომანს თუ ვუზივარ. ფიქრით კი ვფიქ-
რობ, რამდენიმე სიუჟეტზედაცა ვფიქრობ ერთდროულადა. ზოგს თუ
არ გაუშვებ ხელიდანა, ზოგი დამშორდება და ველარც დავენევი, ზოგი
არც მეშვება და ვერც მომიკიდია ხელი.

— ვფიქრობ, სათაურს დიდ, სერიოზულ მნიშვნელობას ანიჭებთ.
შესაბამისად, ისინი ფრიად მეტყველია: „უსრეტი თვალი“, „მოზარე
გმირთა ვარამისა“, „ბურუსი“, „რა გადაარჩენს საქართველოს“, „არ-
ტისტული გადატრიალება“, „ბერმუდის სამკუთხედი“...

აი, ეს „ბერმუდის სამკუთხედი“ — ერთ ვარაუდად შეიძლება დავუშ-
ვათ: საიდუმლო, რომლის ახსნა კაცობრიობამ ვერ შეძლო.

„ბერმუდის სამკუთხედი“ — სადაც უჩინარდება (თუ ნადგურდება)
ყველაფერი, რაც მის არეალში მოხვდება. ეს მეორე.

„ბერმუდის სამკუთხედი“ — რომელიც გეოგრაფიულად ერთ კონ-
კრეტულ სივრცეში არსებობს, მაგრამ რას მოიცავს თავად, ყოვლად გა-
ურკვეველია. ესეც მესამე.

თქვენ როგორ ახსნიდით? საინტერესოა თქვენეული დამოკიდებუ-
ლება: ბერმუდის სამკუთხედში მოქცეული XX საუკუნის მიწურულის
საქართველო.

— XX საუკუნის მიწურულს ჰო გადავურჩით?.. დაიწყო მესამე ათას-
წლეული. განსაკუთრებით საშიში იარაღის აღკვეთისათვის ბრძოლით
დაიწყო. ბალდადო. ფხენიანიო. პირველი ცდებია. და თუ განაიარაღეს
მოსკოვიცა, მსოფლიოს ეშველება. მსოფლიოსა. კავკასიასა. საქარ-
თველოსაცა. რალა თქმა უნდა. ჯერ კიდევ რომანოვების რუსეთმა რო
მოინდომა დაშლად საქართველოსი, შეეცადა განკერძოებასა სამეგრე-
ლოსი სოხუმის ირგვლივა. არ გამოუვიდა. კომუნისტურმა რუსეთმა
სამი ავტონომია ჩადო საქართველოში საქართველოს დასანგრევადა:
სოხუმი-ბათუმი-ცხინვალი. სამი კუთხე. ისევ იმას ებლაუჭება. იმიტო-
მაც მოშალა ავტონომიები გამსახურდიამა... ისევ აღადგინეს და ებლა-
უჭება ისევ ისევე. რაც უნდა გვეშველოს, ეს მაინც გასტანს, კარგახანს
გასტანს და კაი გვარიანი ღონისძიებანიც დასჭირდება. სათაურიო. სა-
თაურია გასაღები ნაწარმოებისა. გულმოდგინე შერჩევა უნდა. შერჩეუ-
ლი გასაღები უნდა უბოძო მკითხველსა, რომანში ისე ვერ შეაბიჯებს,
რასაც ჩამოთვლით, ვითვალისწინებდი მაგ პირობებსა. რალა თქმა უნ-
და. ვითვალისწინებდი რაც რამა თქმულა თუ დაწერილა. მომიხერხდა
მენახა ამერიკული დოკუმენტური ფილმიცა ბერმუდის სამკუთხედის
შესახება. ჩავუგეჭი სამკუთხედის თეორიასაცა ისე, რო: ვინც რო სა-
თანადო ლიტერატურით მამარაგებდა, მეხუმრებოდა ხოლმე — ემანდ
76

კათედრაც არ ჩამომართვაო. რომანი მაინც დავამთავრე ისე, ერთი ციტატაც რო არ გამომიყენებია. ოლონდ და მაინც ევკლიდეს ზემოქმედებას მაინც განვიცდიდი, სულ ის მახსოვდა თუ მელანდებოდა — იმისი სამკუთხედები, მართკუთხედები... აქსიომები... ნერტილები. ნრფეები. სიბრტყეები... ევკლიდეს სივრცე... და რაც უნდა იყოს: ჩვენი ისტორია, სრული ისტორია დაწყობადებიდან აგერ, აქამომდე ბერმუდული ბედისწერაა — ვილრჩობით და ვილრჩობით და ვილრჩობით და... მაინც სულს ვითქვამთ.

— ერთ წერილში („სამშობლო ჯეიმზ ჯოისისა“) მწერლის ადრინდელი რომანიდან „პორტრეტი ხელოვანის სიჭაბუკისა“ ამ დიალოგს იხსენებთ — დევინი სტივ დედალუსს ეუბნება: „ადამიანისათვის სამშობლოა უპირველესი სალოცავი. ჯერ ირლანდია, სტივი, მერე შეგიძლიან იყვე, რაც გინდა, გინდა პოეტი და გინდა მისტიკოსი“. „მერე და, იცი რა არის ეგ შენი ირლანდია? — ჰკითხავს სტივენი ცივადა, მძაფრადა, — ირლანდიაა ბებერი დედალორი, თავისივე გოჭებს რო თქვლევავს“. ამ სიტყვებს თქვენი განმარტება მოჰყვება: „ესაა პასუხი განრისხებული ჭაბუკისა...“ ამ დიალოგს რომ ვკითხულობდი, ტიცციანის სტრიქონები გამახსენდა: „მუხრანის ხიდზე დასახრჩობათ კიდევ დავდგებით. საქართველოში ცხოვრება ხომ — თვითმკვლელობაა. ამიტომ გვიყვარს საქართველო ჩვენ თავდადებით, ამიტომ მოგვწოვს და შეგვინდობს ჩვენ ეს ობობა“.

ეს სასონარკვეთილის ნათქვამი მგონია.

არც კი ვიცი, რატომ შემოვიწინახე ეს ამბავი ბოლოს. მართალი გითხრათ, არ მინდა, ჩვენი საუბარი არც „იმ“ და არც „ამ“ ემოციით თუ განწყობით დავასრულოთ.


მინდა, ქართველმა მწერალმა მიმართოთ ქვეყანას, ერს, ბერს... რის თქმას ისურვებდით ახლა, ამ წუთს, ასე სახელდახელოდ?

— დიდი რამ სხვაობაც არ ითქმის ამათ შორისა — ჯეიმზ ჯოისისა და ტიცციან ტაბიძის შედარებათა შორისა. შინაარსობრივად არა, ესთეტიკურად შეიძლება. ისიც იმიტომ: ერთი რო ეპიკოსია, მეორე ლირიკოსი. აზრი არ იცვლება მაინცა. ესთეტიზმი მკრთალდება სინამდვილის წინაშე. ორივე სიმკაცრეს გვიხატავს სამშობლოსი, სიმკაცრესა და უღმობელობასა — საუკეთესო შვილები რო უნდა შეინიროს, უსათუოდ საუკეთესო შვილები. შესაძლოა, ვინმემ იფიქროს კიდევაცა ერთიმეორისაგან გადაუღლიათო. არადა, სხვაგვარად ვერ გამოჰხატავდა ვერც რო რომანისტი ირლანდიისა, პოეტიც ვერა საქართველოსი, ერთგვარი უღელი რო დაედგა ბედისწერასა ორივესათვისა — ირლანდიისათვისაცა, საქართველოსათვისაცა. ერთგვარი უღელი, იგივე უღელი, ოლონდ ცოტა განსხვავებულიცა: ცივილიზებული მეხრე რო მიერეკებოდა ირლანდიასა, ხოლო საქართველოს — მოკლებული ცივილიზაციასა. რაც უნდა იყოს, წარსულად ჩავთვალთ. ილიაც ჰო გვიჩვენდა: მოვიკლათ

ნარსულ დროებზე დარდიო. მოვიკლათი.. დროა!.. და თუ კიდეც რაიმე გვაეჭვებს, შიში თუ გვიპყრობს გაუნელებელი: თუ საქართველოს არ უნერია აღდგომი მკვდრეთითა, დაე, დაინთქას ყოველივე და ყველაფერი თუნდაც ახლავე, ჰო — ახლავე, მაინც, ვითომ რა ბედენაა კიდეც რამდენ ხანს თუ იარსებებს პლანეტაი ესე — დედამინა რო დარქმევია, მაინც ოდესმე ჰო უნდა დაინთქას ამა წარმოუდგენელ უკიდეგანობაში, უსივრცეო სივრცეში, უდროო დროში, მარადისობაში ამ გასაოცარში, მარადისობა რო არ უნერია არც არაფერსა. სადლა თუ როდის ვილა შევედროს ვილასა: გვიამბე ელიზბარაო, რა ამბავ მოჰხდა ელოსა... ან ელიზბარა სადლა?!

2003 წელი





კობე გუჩუაძე



ჩოკვა ძწის ზაჩებს ჩეკუენ

მზე შუბისტარზე დგას. თბილისური ზაფხულია. ბაბანაქება. როგორც ასეთ შემთხვევაში იტყვიან, იწვის ქვეყნიერება. აღმური ასდის სახლის სახურაგებს, ასფალტს. მოღვენთილია მიდამო. ადამიანებსაც მორღვეული გამოხედვა აქვთ. დუნედ მოძრაობენ. ერთი შეხედვით, სრულიად გულგრილიად. ჯერ კიდევ რამდენიმე საათის წინ ასახლისებული სამყარო, ესლა გარინდებულა. სიცოცხლის ხხივი არ კრთის. დროც გაჩერებულა თითქოს.

ზარი დაგრეკე. ჭიშკართან გგანცა გამოშვება. მიმიბატიფა. ის იყო, მამასთან შესმიანებას აბირებდა და...

— მობრძანდით, ბატონო, — თავისი ჩვეული ღმილით მომეგება მხატვარი. მიგვიწვია.

სამიფენი სახელოსნოში შეგედით. საოცრად გრილა. ირგვლივ კედლებზე უმშვენიერესი ჭედური ნამუშევრებია: ძარღვმაგარი, ძლიერი, ქართული. შემოგვცქერაიან მათთვის ნიშნული კეთილი ღმილითა და გრძელი, ნუშისოდენა თვალებით. ასევე, ყოველ კუთხესთან ერთმანეთთან მიჯრით მიწყობილი არაერთი სურათია მიყუდებული. დიდა მათი რიცხვი. აღარ ეტყვა სახელოსნოში. ზომითაც სხვადასხვაგვარია: ზოგი დიდრთნი, ზოგიც შედარებით მცირე, მაგრამ უზარმაზარი მნიშვნელობის დამტეგნელი. შრომატეგადი საქმე — ჭედურთა — იშვიათი, უზომო ღაზათით. ერთი მათგანი ჯერ კიდევ დაუმთავრებელია. სწორედ მასთან ტრიალებდა ჩემს მოსვლაძედე ოსტატი. ეს ქაშუეთის ეკლესიის მომაგალი კარებია: სამ—სამი წმინდა გიორგი — თერთი და შაგი, გვირგვინში — მაცხოვარი. თითოეულ მათგანს მიხსნის, მის რელიგიურ და სამბოლურ დანიშნულებას. ელოლიაგება ყოველ ზაზს, რომელიც ნაკეთად ჩამოქნილა.

სამუშაო მაგიდასთან ვბრუნდებით. ასე უფრო თავისუფლად გრძნობს თავს. არც უამისობაა. ირგვლივ ხელსაწყობი. ათასჯერ ხელშენაგლები, სულ ახლახანსაც ხომ მათით ასრულებდა ნახატს. გიწყებთ საუბარს. რასაკვირველია, ის რამდენიმე კითხვა წინასწარ მაქვს შერჩეული, მაგრამ

ამ შემთხვევაში უკვე ხელოვნურია. მტკრიანი ქალაქიდან აქ შემოსულმა შეუძლებელია, წინასწარ გამზადებული კითხვარი მთიამარჯვთ. არაბუნებრივია იქნება. ეს კი სრულიად არ მინდა. მეც ამ ნამუშევრის შობაზე ვიფიქრებთ ეგრე მოცული. სხვები არაერთხელ მინახავს, მაგრამ დღეს სრულიად სხვაა და ამადაც ვამბობ: დავემორჩილოთ იმ განწყობას, რაც დაგეგმულია.

— სიტუაციას, სიტუაციას...

— და მაშინ აი, ამას უკითხავდით პირველადი კონსტანტინე გამსახურდიას ტექტრალოგიაში „დავით აღმაშენებელი“ ერთი ასეთი ეპიზოდია ნიანია ბაკურიანი და მარიამ დედოფალი უახლოვდება შანგანის სასახლეს. დიას, ქურაში სახიობაა გამართული დიას, ერთ-ერთი მსახიობი, რომელიც გირის როლს ასრულებს, ყრთყინს ამოუშვებს ხორხიდან. ნიანია ბეგრი იცინათ ამ ყრთყინის გაგონებაზე. მარიამმა თუნავ გაიღიმა და ესლა უთხრა რაინდს: ღვთის მიბაძვაა, გეთაყვანე, ძნელი, თორემ სახედრის წაბაძვას ყოველთვის მოახერხებთ კაცა. იცით, მერე წაგიკითხე, ბატონი ზვიადის დაკვირვების შესახებ — სახება და მსგავსება, და ეს განსვგავება წმინდა თეოლოგიურია. დიას, სახე არის ის, რაც ღმერთმა თავად მისცა კაცს, „სახიდ თვისა“ შექმნა. მსგავსება კი მან თავად უნდა დაამსახუროს დიას ქართულ მწერლობაში ეს ძალიან გლობალური და დიდია; ბათას ათქმევენებს დემნა შენგელაია ამას რაფერ გირწმუნებდი, ამ შეჩვენებულის სახე რომ აქვს მაგ ღმერთს, ამის რწმუნება რაფერ შემძლია, ამას რომ ჰგავს, საბაღიასო. როგორაა ეს თქვენთვის, უფრო სწორად, რას ნიშნავს თქვენთვის რელიგია... შემოქმედი სამყაროსა თქვენთვის?

— ჰო, ეს...

— ჰო, მართალია, ეს ძალიან ფართოა.

— არა, ძალიან ლოგიკური და ძალიან კონკრეტულიც არის.

— მინდა, ამით დავეწყობ...

— თუ ჩვენ ავხსნით იმ დიდი საუბრიდან, მარიამის და დიდი ოსტატის პატრონისაგან მოტანილი იმ სცენიდან, ეს სხვაა, ეს დეტალურად თავის ამბავში ხსნის თავის თავს, მოაქვს თავის თავი, პრობლემა და გამძლეა მარადისობისა; და ჩვენ — უბრალოდ რელიგია, როგორც ასეთი. რა არის თვითონ რელიგია? თქვენ მეკითხებით: ჩემთვის რა არის რელიგია. მე ვიპასუხებთ: როგორც ყველასთვის, ჩვენთავანისთვის სწავლებით მო-

ტანილი რაღაც კომპლექსი სარწმუნოებრივ, რწმენითი პოზიცია რაღაც ეს ერთი, მაგრამ რადგან ჩვენ ხელთა გვაქვს განგებით თვითონ სიტყვა „რელიგიის“ კონსტრუქცია, სიტყვა „რელიგიის“ ტვირთი. რა მოაქვს მას მილიონ წლებში? იქიდან პასუხი ჩემთვის უმარტივესია. რე-ლი-გი-ა, რე-ლი-გან-ია, რაე, ენ, ლას, გან, ია იტყვს. ეს ტვირთი იმ მოდელით, რა მოდელითაც ქართულმა იცის თავისი ანბანთწყობა, ანბანის ხმარების წესი, ა – თავის ადგილზე გამოთქმად, ბგერა ა, ბე – თავის ადგილზე ბ გამოთქმა და ასე შემდეგ. მაგრამ იქავე იცის: ა-ს უკვია ანი, ბ-ს უკვია ბანი, გ-ს განი და ასე შემდეგ. მე თუ სიტყვის საიდუმლო ვიცი, რომ სიტყვაში ჩაჭირხნილი არის საგნის იდუმალი კოდი და ბგერები არის აღწერა იმ საგნისა, რაც სიტყვაშია ჩადებული, მაშინ მე ვიცი გასაღები ენათ დიდი საუბრისა, მეტყველება პირდაპირ ღვთიურ კავშირში, ღვთიურ კონტაქტში. მაშინ მე შემიძლია თავისუფლად ამოვხსნა: რ-ს მაგვირად ჩავსვა რაე, ე-ს მაგვირად ჩავსვა ენ, ლ-ს მაგვირად ჩავსვა ლას და მივიღებთ პირდაპირ მოთხრობას. სიტყვა არის ღვთიური მადლით მოთხრობა საგანზე, ნოველა საგანზე, პოემა საგანზე, რომანი საგანზე და რაც გნებათ, რაც, მთელი ტომები რომ დასჭირდება, დიდ მწერალსაც კი სქელტანიანი ტომი დასჭირდება აღწერისათვის. სიტყვას ის მოაქვს ძალიან მოკვართული, ჩოხასავით შემოსხებილი უხედმეტ-ნაკლებო ღონიერებით. ამიტომ რელიგია ჩემთვის არის ის, რაც მზე-რა, ცეცხლოვანი რა-მზე, რომ თავისთავში დაირღვა თავის მოპირისპირე მამ-რი სიგრილესთან. ეს ცეცხლია, ის ყინული ურთიერთობაში და რგო დედამიწის ზედაპირზე, განზე განიერებაზე, ია სიცოცხლე. აი, იმის თავ-მოყრა ერთად იხვის ჭუჭულეებით, ჩახუტება გულში და მის მიმართ ლტოლვილი შეცნებული, შემეცნეული მართალი სიყვარული არის ჩემი რელიგია. სიცოცხლის კრებითობის სათავიდან, მის განშლის წერტილამდე და დედამიწაზე გაშლილი ეს სიცოცხლე აღებული მთლიანობაში. არა ცალ-ცალკე, არამედ მთლიანობაში როგორც რე-ლი-პგია. პგია დედამიწაზე მზის ნაშალი სიცოცხლე. ის ყოველი ერთეული, რაც მზის წილია არის მამალ-დედალი წილი, ინ-ური წილი და ან-ური წილი და არის ენა სიცოცხლისა. ორივე იქნება ენა. ე-ში ჩატეულია ი და ა. ი და ა –ს მთლიანობა არის ო. ო-ში ჩატეულია ყველა მოცულობა უ-წიალი. უ-წიალში არის ინ-ი და ან-ი. ინის და ანის უღლებით იშვება ენი და ენ არის სიცოცხლე, რომელიც რელიგიაში, ენაში, ერთარსებაში, სამების

შექმნილ ერთარსებაში ტევს გასაგისს გონისმიერ აღქმადს და სულის-
მიერ ფოფინს, რომ მიუახლოვდეს დამბადებელს და მისგან მოტანილი
ბგერით ახსნას სამყარო და ელაპარაკოს მას პირდაპირ კონტაქტში. მა-
გრამ თუ ეს არ იცის, იგი მოიხმარს ენას, როგორც ყოველდღიურ, საყ-
ველბურო სახმარისს და ამ საყველბურო სახმარისში არ იცის მან, რომ
მაინც ელაპარაკება ღმერთს, დამბადებელს. ოღონდ თვითონ შეუშეშნე-
ბელი. თვითონ გაუაზრებელი, მაგრამ თუ ის რჯულის წესს აასრულებს,
მაინც იდგება კანონიკურ დოგმაში ღმერთთან, დამბადებელთან და მაინც
მართალი იქნება. ის არ იქნება გაწირული. თუ მოინდომებს, ცოდნით შე-
ვიდეს უფალთან და იყოს მართალი ცოდნით, მაშინ მას ეს გარანტიები
აქვს, უწყვია და დღეს, ათასწლეულის ბოლოს ეს გარანტიები ყოველი
მოკვდავისათვის საუკვდავოდ იარაღად, საუკვდავო ძალად ხელგახსნი-
ლია. რადგან უფალი უმდიდრესი და უგულუხვესია. და გვამღვეს ყო-
ველთა მათ ჩვენთა, რაც მისცა ერთ კაცს. აი, ეს არის ჩემთვის რელიგია
და არა ის, რომელიმე უდიადეს ქვის თუ ხის ტაძარში ჩასახლებული
ცხოველური ნების ადამიანთა ჯოგი, რომელიც გამოწოვს ყოველგვარ
ღონიერებას თავის ეროვნულს თუ სხვის ეროვნულს და მერე თავს და-
ისაკუთრებს სახელად, რომ მე ვარ რელიგიის მსახური, მე ვარ რელიგია,
მე ვარ კანონიკა. არ არსებობს სხვა კანონიკა, გარდა უდიადესი შემოქ-
მედის კანონიკისა. მასთან, გინც ჭეშმარიტში ვერ გადის, ის ბლეფია, XX
საუკუნის ენით რომ ვთქვათ. ის მატყუარა ცრუბენტელაა, გასკდომამდე
მაძლარი თავისიანის სისხლით. მას მოკლედ, ტკიბა პქვია, ან წურბელა.

ეს არის ჩემთვის რელიგია და თუ ჩვენ დაგვუშვებთ, რომ სულისმიერი
ხილვა, ანუ სულისმიერი ყობადი სიცოცხლე არის მარადისობა, ზორცის-
მიერი — წუთისოფლური, მაშინ გამოკვეთილად იქნება ჩემთვის რელი-
გია, როგორც მარადიულისკენ მილტოლვის, მარადიულის ამოცნობის,
მარადიულის გაგების უდიადესი აქტი არის ერთ ენა სიცოცხლეში. და ის
არის დიადი კარები იყოს წუთიერებაში, მატერიაში იდგეს და მარადისო-
ბის კავშირში იყოს. მარადისობის იქით შემოქმედი წუთისა და მარადი-
სობისა თქვენთან იყოს თანააღმობაში. ეს არის ჩემთვის რელიგია. დანა-
რჩენი რელიგიები, რომელიც ვილაცას პოლიტიკური მრწამსით, ვილაცას
ცხოველური დაპყრობითი ნებით თუ რაღაც სხვანაირი სექსუალურ თუ
უქსუალური აგზნებობის შესატყვის ფორმებში შეფარულად ეგულვება,
ჩემთვის ის რელიგია ვერ იქნება, თუმცა აუცილებელი იქნება როგორც

ასაკობრივი ნიშანი ამა თუ იმ საზოგადოებისა, ამა თუ იმ გენეტიკური ერთეულისა და ჩემთვის ისიც მისაღები და საყვარელი იქნება; ოღონდ ჩემ თავზე მოხვეულობისათვის კი არა, არამედ როგორც ასეთი, ბუნების ღვთიური დაშვებულობის ასაკი. აი, ასე იქნება. ამიტომ ჩვენ გაგებაში რელიგია, სხვის რელიგიას არ ეწინააღმდეგება, ანუ არც უარპოფს და არც შეურაცხყოფს, აღიარებს მას, როგორც ისეთს, როგორც ის არის. როგორც ასეთს კი არა, როგორც ისეთს. და თუ ის ისეთი ეცდება, რომ ჩემზე ასეთად გახდომის... მაშინ ეს იმას ნიშნავს, რომ არა დაისვა ტილი ფხვთა ზედა, რამეთუ აი, დასვამ ტილს და აგალოღდება თავზე. კეთილი ინებოს და აილოღოს, მაგრამ ცოტა ძნელია. თუ ჩვენ მოდელი გვაქვს, რომ არა დაუყარო მარგალიტი ღორთა ფერხთა ქვეშე, არა დაისვა ტილი ფხვზე — ესეც მივამატოთ. და იქვე მივამატოთ: არა კაც ჰკლა, მაგრამ არაკაც ჰკლა.

— როგორ ფიქრობთ, აქვს თუ არა ცხოვრებისეულ შემთხვევებს მნიშვნელოვანი გავლენა პიროვნების შემდგომ ბედზე. შემოქმედიდან, მოდით, თქვენ შემოქმედებაზე გადავიდეთ. თქვენ როგორ დაიწყეთ?

— ღმერთო ძლიერო, რაც მკითხეთ — შემთხვევითი მოვლენები. ჯერ იმას გუპასუხოთ! მაშა, შემთხვევითი მოვლენები არ არსებობს! მე და თქვენ 70 წელიწადი გავაწამეს ურწმუნოების, ანუ ღმერთთან დაშორებულობის, სივრცეში და დროში და აი, იქ გვასწავლეს, რომ შემთხვევითია ყველაფერი, თორემ კანონზომიერება მხოლოდ კომუნისტებს შეუძლიათ დაამყარონ და ჩვენ არ დავგელოდებით ბუნების წყალობას, ჩვენ მას წაგართმევთ ძალით მას და რასაც მივიღებთ, ცოტა ხანს მოიცდი და მერე ვნახავ შედეგს და ვნახეთ ეს შედეგი. მაგრამ თუ დაგუბრუნდებით თავის თავში, ანუ ღმერთში, თუ დაგუბრუნდებით თავის ლოკოკინაში ანუ რუსულად *скарупа* რომ ჰქვია, თავის ტაძარში. არ მინდა, ტაძარი რომ ვახსენო. ეს ყველა გზა, სულყველა ტაძრისკენ რომ მიდისო, ვილაცყებს რომ გაუჩნდათ ტვინში ისეთი ავადმყოფური ფორმა. ნაჭუჭში, თავის ნაჭუჭში, თავის ტაძარში კიდევ ისე. არა, თავის სახლში, თავის კანში თუ დაგუბრუნდებით უკიდურესად და გამოკვეთილად იქიდან იწყება ჩვენი პიროვნული მდგრადობა შეგროვებული. თქვენ იცით, დედა რომ ყველს ამოყვანას დაუპირებს — იყო რძის დიდებული მასა, სითხე თხიერი. მას არაფერი ეტყობოდა სიმკვრივის და რაღაც წვეთი ჩააგდეს დამკვეთი მაჭიკისა და ცოტა ხანში დაიწყება შედეგება და თქვენ ნახავთ

სიცოცხლის სასწაულს. ერთი მდგომარეობა გარდაიქმნება მეორე მდგომარეობაში და იწყება ყველის ამოყვანა. აი, ის პლაზმა, რაც ამოდის ყველად, წარმოიდგინეთ, ის არის სამყაროს სიცოცხლის პლაზმა. ისეთია ზუსტად უხილაფში, რაც მოექლევა მერე ადამიანს და ის, რომ შემთხვევითობები თუ გარდუვალობები ღვთიური მადლი და ნება არის. სამყარო ღვთისთვის მთლიანია და იქ, მისთვის შემთხვევითი არაფერი არ არის. როგორც ყველის იმ ქსოვილში ყოველი ერთეული სეგმენტი არის შემადგენელი ყველისა და თუ გამოაკლებთ, ის ხარისხი არ იქნება ყველის. ასევე, ყოველი ჩვენგანის ერთეულყოფნა სამყაროს მთლიანობაში, ყოველი მოვლენის მერე ამ ერთეულთა შესების, არშესების და ამგვარი, ეს არის ისეთივე ზუსტი და მარადული გამოთვლილი და კონკრეტულ-კანონზომიერი, როგორც ყოველი მე და თქვენი კომკავშირის კრებაზე წასვლა ან არწასვლა იყო თავის დროზე. მიგებთ? უხეშად რომ ვთქვათ: ბუნებაში გარდუვალობის დიდი კანონი მუშაობს. არავითარი ალბათობის კანონი არ მუშაობს, მუშაობს უთუობის კანონი. უთუოდ არის ის, როგორც მოხდა. მზამზარეული მატერია, კოტორა მატერიაა. კოტორა მატერია მატერიალისტების დიდი სასურველი საგანია. მათ სჭირდებათ კარადა — უნდა გააკეთონ. კარადა არა, „შკაფი“. მატერიალისტმა „შკაფი“ უნდა გააკეთოს, „ტაბურეტკა“ უნდა გააკეთოს. მას სჭირდება ეს და საგანი, ფიცარი სჭირდება. ხედავს, ათასწლიანი მუხა დგას, კარგი ტანი აქვს. შოიტანს „დრუჟა“ ხერხს და გამოხერხავს ამ ტანს და დაარღვევს სამყარო დიად კავშირს. აი, ზევით, კორომი ცაში რომ იყო, „აღაგო ტანი თვისი“, იმას ჩამოაქცევს ძირს და ასეთივე კორომი, შებრუნებული, მიწაში რომ იყო წასული, იმას მოუსბობს ციდან მიღების გარანტიას და დაარღვია უდიადესი პარმონია და არ იცის, რომ ცოდვილია. აი, იქ რომელ შემთხვევითობაზეა ლაპარაკი. ეს შემთხვევითობა არის სწორედ ის აქტი, რომელიც აღიარებს შემთხვევითობებს, თვითონაა ის. აი, ეს თავისთავ აზღიარებელი შემთხვევითობა, მერე მოგვასვენებს მე და თქვენ თავის გაკეთებულ კარადას, როგორც ღვთიურ საგანს, „შკაფს“, როგორც „ღვთიურ შკაფს“ და არა კიდობანს. გამიგებთ? და მათგან მოტანილი სწავლება დიდხანს ვერ გაძლებს. აი, ეს დიდხანს ვერ გაძლებაც არის არაშემთხვევითი.

სამოცდაათი წელი ვიცხოვრეთ ჩვენ ამ აუხსნელ შემთხვევითობების ლაბირინთში და ღვთის განგებით გასრულდება ექვს წელიწადში ის

დრო. უკვე ნიშანი იქიდან, მარადისობის ნიშანი შემოსულია და ნათელი ფოფინებს ჩვენში და ის გვალაპარაკებს მე და თქვენ აქ. თორემ ათიოდე წლის წინ ჩემ ოჯახში ამაზე სიტყვის ხმაამაღლა გაღება არ შეიძლებოდა და რასაც მოგვიტანდა ის, შენმა მეგობარმა გვანცამაც კარგად გამოსცადა, დედამისმაც, მისმა დამ, მე და სუყველამ... მაგრამ ხო, ეს სხვა თემაა.

ჩვენ შეგჩერდით კითხვაზე, რომ შემთხვევით იყო ის, თუ არა შემთხვევით, რომ მე მივედი საგანთან, რასაც პქვია ჩემი ხელოვნება. მე ვითხარით, შემთხვევით არაფერი არ ხდება.

დაბადებიდან მოვდიოდი, როგორც თბოლი სული. თბოლი. ამას განაპირობებდა ჩემი და-ძმებიდან ჩემი გამოყვანა. მე გამზარდა მამის უფროსმა ძმამ და მისმა მეუღლემ — ამბროსი გიორგის ძე გურულმა და ნინა (ნენია) ალექსანდრეს ასულმა ჩარკვიანმა. ისინი, მე მაშინ, სანამ შევიდოდი ღვთის გაგებაში, ჩემი ბედისწერა მეგონა, რომ აი, ეს ბედისწერა იყო ჩემი. მერე მივხვდი, რომ ეს ბედისწერა კი არა, ეს იყო გარდუვალი ის დიდი აქტი, რომელიც აუცილებელი იყო ჩემთან შეხებაში. ჩემი მამა — ელგუჯა გიორგის ძე გურული და ჩემი დედა მარიამ (მარუსა) ვასილის ასული კირკიტაძე ე. ი. უსაყვარლესნი ჩემნი, ჩემგან იყვნენ გამანძილებულნი, არც ისეთი — ერთი კედლის ტიხარით. ერთი სახლი გქმნდა ჩვენ ყველას და მე ვიწქეი ჩემ აბულასთან და ნენიკოსთან და იქით, ჩემი დედამამიშვილები. მერე რომ წამოვიდნენ; ბავშვობიდანვე მე მომეცა ეს გახლეჩილი მდგომარეობა, მარადიული ლტოლვა იქითა. მე აქეთა ვარ. და კიდევ უსაყვარლესი ადამიანები, ვერც ამას დავტოვებ, ვერც იმას დავტოვებ. ეს გაორებულია. მე მაშინ არც ჰოროსკოპები ვიცოდი, არც ტყუუბის: ივნისის თუ ივლისის თვეობები ვიცოდი და რამე, მაგრამ ეს მარადული ტანჯვაა. მე მეგონა, რომ ამ კონკრეტულ სიტუაციაში იყო მიზეზი ამის. ჩემი დედამამიშვილებიდან ყველაზე უფროსი ვარ და ჩემმა დედამ რაღაც იძულებით თუ მიზეზით, მე გამაშვილა. როცა ეს შევიგნე, მერე ეს გახდა საფიქრალი. მაგრამ მანამდე ეს ანალიზდებოდა მონატრების სურვილით ე. ი. დედულში წამიყვანდნენ და მართო თუ დავრჩებოდით იქ მე და ჩემი ძმა, ჩემზე უმცროსი, მკვრივი და ამტანი, მე უნდა მებატრონა და ის მებატრონობდა... ჩავეშობოდი ბალახებში, სამყურა არის ჩვენთან, იცით თქვენ, მინდვრის და ვტიროდი. ვის ვტიროდი? ჩემს ნენიკოს და აბულა რომ დავტოვე იქ. სოფელში რომ ავიდოდი, ჩემი დედა იქ დამხვდებოდა,

მაგრამ აი, იმათ ვტიროდი. მერე და მერე დროდადრო ვნახე, რომ მართლ ისინი არაა ჩემი ზრუნვა. რაღაცა დიადი, დაკარგული მე მაწვალებდა და როცა წამოვიზარდე და შევედი ყმაწვილობაში ვნახე: დედა ზრუნავს, გამზრდელი ზრუნავს – რომ შენ გაჩუკაცი უნდა იქვე და მათ არ გამოჩეთ რაღაცა... მაშინ სუფრასთან რომ დავსხდებოდით ჩვენ, დიდი ოჯახის სუფრა რომ იყო, სხვები, ჩემი ტოლები ქეიფობდნენ, მხიარულობდნენ და მე არ მქონდა ამის არაფერით სურვილი. გამოვდიოდი და ბუნებაში ვიხედებოდი და ვხედავდი, რაღაცა დიადი დაკარგული მაქვს. მე მაშინ არ ვიცოდი, რა იყო ის დიადი დაკარგული. ეს დიადი დაკარგული მერე თანდათან გადავიდა ხელოვნების ობიექტში. მოიწრიტა ეს. მოიწურა. მე არ ვიცი ეს, როცა პირველად გამოვთალე ქვა, მესამე კლასის მოწაფე ვიყავი. რამ მიმიზიდა მასზე ისე, რომ აღარც ჭამა მინდოდა, აღარც სმა მინდოდა. დღე და ღამე, ორი დღე, სამი დღე... ჩემი გამზრდელი რომ დირექტორთან წავიდა მერე... და ჩვენი იმერული ქვეები, რბილი ქვეები გახდა საგანი. მე გავაკეთე პირველად თურმე, ახლა ვიცი, რაც გავაკეთე, სამყაროს შემოქმედი კვერცხი გავაკეთე და გავაკეთე მთა... ორზურგა მთა და მზე შიგ.

– გაცნობიერებულად?

– გაცნობიერებაზე ლაპარაკი სად იყო. მე მინდოდა, კვერცხი გამეკეთებია და შევდავებოდი ბუნებას, რომ მეც შემიძლია გავაკეთო ეს ზუსტად. ასე და მერე მთა. მთა იყო. მიზეზი მთის აღძვრის იყო რომანტიული. აი, ციხე-სიმაგრე რომ დგას მთაში. ეს იყო რაღაც ჩემთვის... ჩემი გორის შვილობა, შენი გორის შვილობა, ყოველი ჩვენგანის გორის შვილობა, გვარიშვილობაში რაც კანონდება მერე. ის ბუნება ჩემში იყო. მე მაშინ ეს, რა თქმა უნდა, არ ვიცოდი. და ასე და ასე წამოვიდა ჩემში და კურიოზი ის იყო და შემთხვევითობა ისიც არ იყო, რომ ქიმიის და ბიოლოგიის მასწავლებელმა სკოლაში, რადგან იცოდა, რომ მე ქვაზე ვთლიდი (ხატვა არ ვიცოდი), დამავალა დამუხატა ლისენკოს პორტრეტი. დედა, ეს იყო სასწაული. წავედი სახლში. ფიქრობ, რაფერ დავხატო. (გიცინით). ავიღე და კი არ დაუხატე? ზუსტად, დავხატე ის, რაც მომცეს გადასახატავად. მერე... არა, გადახატვა არ არის ჩემი საქმე, მე უნდა ამოვიცნო და გაეკეთო! მერე მიჩურინი დამახატვიეს და ა. შ. და ჩემი მხატვრობა დაიწყო ლისენკოსა და მიჩურინის დახატვით და ესეც, თქვენ მეტყვით, ესეც შემთხვევითია? არა, ის კანონზომიერება, რაც იყო ჩემს

ირგვლივ, რაც მუშაობდა, იმისი მონა და მორჩილი გახლდით და ისე, რომ შემთხვევით არაფერი არ ხდებოდა. ყველაფერი არის დაკანონებული, ყველაფერი არის გათვლილი კოდშივე. თქვენ კოდშივე არის ჩადებული: თქვენი ილბალი, რა ფერის იყოს, რამდენი წამწაში ამოგდიოდეთ, რამდენი ხანი ვიცოცხლოთ, რამდენი... და ა. შ. დანარჩენი. ოღონდ ეს ლავიაცას გაურბენს ტვინში:

— არა, ბიჭო, დაჯდება ეს ლა ღმერთი და სულ შენთვის ანგარიშობსო. დიას, ჩემთვის ანგარიშობს, თქვენთვის ანგარიშობს... ღმერთს არ სჭირდება ანგარი, მას თავის იდეაში აქვს ჩადებული „უთვალავის ფერთა“ სამყაროს შემოქმედება. და ეს „უთვალავის ფერთა“ მხოლოდ კაცისთვისაა უთვალავი, თორემ ღმერთისთვის დათვლილია, აბსოლუტურად საზღვრული და კანონზომიერი. აი, ამ კანონზომიერებამ მე მქნა, დამბადა. მე ვამბობ ამას უკვე მთელის მერწმენობით, მთელის გულოვანობით, რომ დედის სიყვარულიც, გამზრდელის სიყვარულიც, მამის სიყვარულიც და მამა-გამზრდელისაც თურმე იყო ის დაკონკრეტებული მარადული დიდი სამშობლოს სიყვარული, რომელიც ჩემგან განსხვავებული იყო და ჩემი ენის დიადის მარადული გენია, რომელიც ჩემთვის მკვებავი იყო, მაგრამ ძალზე პრიმიტიულ მდგომარეობაში მოხმარებული. მისი უფუნქციობის ანუ სამყაროსთან მთლიანობის დახშული კარი რომ იყო, ისევე ღვთიური ვალდებულებით თუ კანონზომიერებით, იმ დროისათვის ჩაკეტილი. ეს მაწამებდა მე და როცა მე ვნახე გასაღები, მის შემდეგ ჩემი შემწეობები კაცი მიწაზე აღარ დადის. ღმერთი კიდევ მაშინ შემწეობებს, როცა მას ჩემთან მოენატრება (იცინის) ე. ი. ჩემთან ურთიერთობა თავისთან კავშირში.

— და ეს ხშირად ხდება ხოლმე? (ახლა ორივე გულაინად ვიცინით)

— ეს ისე, ხუმრობისათვის. დანარჩენ შემთხვევაში სათქმელი ბევრია...

განგებამ მე დამაჯილდოვა და მერე მივხვდი ამას, რომ დაჯილდოვებული ვიყავი. მანამდე არ ვიცოდი, მაგრამ მანამდე მოდიოდა ეს მდგომარეობები. მე შემხვდა უკეთილშობილესი ქართულის მასწავლებლები, არა თბილისელები, არა დედაქალაქისანი, არამედ უბრალო პროვინციისა; ეგერ, ზესტაფონის, ქვედა საქარას და ფეროს მეტალურგიული განყოფილების სფეროში. შემხვდა იქ მე თინა გეწაძე — პირველი კლასის მასწავლებელი, რომელმაც ია, აი ია მასწავლა და იმ სწავლების სურ-

ნელი, იმ სწავლების ფერი, იმ სწავლების ბგერა მე დღესაც და სანამ ცოცხალი ვიქნები; მიდგას ყურში. ის დღე, იხვი რომ მოიტანა, თავის ქალიშვილს დაახატინა ნათელას და მერგო, გაშეტანა და დაფაზე შეჩვენებინა და სილურჯე რომ ჰქონდა ყელზე, იისფერი რომ იყო ის და ი-თი რომ იწყებოდა ი-ხვი. პირველი ბგერა რომ ჩაიბეჭდა ტვინში, სახლში ნასწავლი მქონდა ეს, მაგრამ ის აკადემიური, ერთად რომ ვსხედვართ ყველა პატარა ჭუჭულელებივით სუყველა და პირველად გვეცხადება ბგერა ი. ია და პირველი ია რომ მოაქვს... მერე აი ია. და ეს არგუმენტი რომ ხაზგასმულია. ჯერ არის რეალური ია, მერე არის აი ია. მე მაშინ სად ვიცოდი, რომ არის იბერია — აბერია ანუ ია ქვეყანა ჩემი მთლიანი და აია ქვეყანა, ა-იბერია, პირველი იბერია. ნულ იბერია და პირველ იბერია. ნულ იბერია იყო ჩემი იღბალი. მე მაშინ არ ვიცოდი, რომ პირველ იბერიას თანხვედრილი იქნებოდა მეორე იღბალი, რადგან ტყუში ვიყავი ჰოროსკოპით, ანუ იღბლით, ბედითა, ტყუპობა ივნისის თვისა. განგებამ ისე გააკეთა, რომ ტყუში ქმნა ჩემი მეუღლეც და ჩემი უღლების შედეგიც — ჩემი შვილიც. ტყუპების თვეში ვართ სამივე. ჩვენი თამრიკო (გულიან-მობს უფროს ქალიშვილს — რ. ნ.) მარტში გაიყვანა, დამიპირისპირა მე, როგორც ჩემი ანტიპოდი ვ. ი. აბსოლუტური, ჩემი სასურველი იქით რომ მიწადა ვიყო იმის ხათრით, ეს ღირიული გადახვევა. რაც შეეხება იმას, რომ შემთხვევითი არ იყო ის, რომ მასწავლიდა მე ნათელა იმნაიშვილი და შემთხვევითი სრულებითაც არ იყო.

— რა საგანს გასწავლიდათ?

— ქართულს — ენას და ლიტერატურას მასწავლიდა ფატი დადიანი. მე XX საუკუნეში ვიკითხე ასე თუ ისე, როგორც სხვებმა იკითხეს, მეც ვიკითხე. გავიცანი და შევესწარი დიდ კლასიკოსებს, მასწავლებლებს, ლიტერატურის ამავდარებს, დიდ კაცებს და ქალებს, მაგრამ ჩემი წილი დიდები თურმე განგებას ჰქონდა შენახული და ესენი იყვნენ: ფატი დადიანი, შუშანა ქუტიძე, ნათელა იმნაიშვილი, თინა დოგრაშვილი, ვენერა ოტიაშვილი და თინა გეწაქე — ეს სასწაული ადამიანები. თუ გამომჩნება ვინმე, განგებ გამომჩნება, შემთხვევით არაფერი მჩნება (იცინის). პოდა, ამ ხალხის მადლით დახშულ, დაცობილ საქართველოში მაინც ბოგინობდა, მაინც ბოჟირობდა, მაინც სუნთქავდა ღონიერად ქართული. იმერულ გარემოში, სადაც ყოველი გლეხის ოჯახიდან გამოდის გრაცია სულის და სიტყვას რომ მოაკეარახჭინებს ისე ელევანტურად,

ტაქტიანად დაგრესს, მას არც აკადემია სჭირდება ისწავლოს და არც კონსერვატორია, არც ობსერვატორია, თუ გნებავთ. რომ მოდის იქიდან ბუნებრიული ღვთის წყალობა: „ისი, აქანა იმან ჩამეიარა?“ და ყველა სხვა კუთხისათვის გაუგებარ შეკითხვაში ზის, რომ ღმერთო, მამრო, მოქმედო, აქტიურო, სახიეროვო— იმ მანმაო, შენმა მემკვიდრემ ჩამოიარაო აქანა, თუ არა ჩამოიარაო. ღმერთს ეკითხება, ღმერთო, შენმა ძემ თუ ასულმა ჩამოიარა თუ არაო. პასუხიც რომ იმდაგვარია, შესაბამისი: რომ ეტყვის, იმანო, ამანო, ემანო, თმანო და უმანო რომ ეუბნება და სამყაროა ათვლილი, უჭირავს ხელში ღვთის პასუხი და ამ ხალხის გარემოცვაში რომ აღმოჩნდები, ეს მით უმეტეს, არაა შემთხვევითი. გვარად რომ გე-ქნება გურული. მერე როცა მიხვდები, რომ იმერლებში გურული კიდევ სხვას ნიშნავს. ესეც რომ გექნება და მერე რომ მოხვდები გურიაში, რომ დაამთავრებ უმაღლესს, მხატვარიც რომ ხარ და გურულები გაიგებენ, რომ აუბ, იქ ვიღაცა გურული ყოფილა გვარად და სასწაული, მიგიწვევენ გურიაში 23-24 წლის ბიჭს და ჩახვალ იქ და ნახავ ზღაპარივით ქვეყანას, გურიას. შენი იმერული მარაგი გკიდია მხრებზე და სულში გიზის და რომ ნახავ, რომ აგერ იბოვე ის დაკარგული, ის რაღაც ნაწილი და მერე რომ შეხვდები ქართლელს, რომ ჩამოდი და იქ კრებითობა იყო ყველა: იმერელი, გურული, კახელი, ქართლელი, მეგრელი, სვანი, მესხი, რომელიც გნებავს ყველა და მთლიანობაში მანც არ გაკმაყოფილებს ეს. რაღაც ხელოვნური მთლიანობაა. ის დიდი მთლიანობა არ არის და ეს რომ მოგყვება, როგორც დიდი წუხილი და მერე გახვალ უდაბნოში აგერ, დელისის ფერდზე, ვეძისის ფერდზე, უფრო სწორად და ერთ კაცად დარჩები შენი ფიქრის და შენი დაკარგულის წუხილში. აი, მაშინ იგრძნობ, რა არის სიცოცხლე. რაფერ უნდა გიყვარდეს მამა და დედაც რაფერ უნდა გიყვარდეს ცარიელი, უფულო, ყველაფრის გარეშე და უკვე იცი, რომ იმ დაკარგულის ძებნის და პოვნის გზაზე დგეხარ და მაშინ აღარც შეილი გახსოვს, აღარც თავი გახსოვს, აღარც დედა გახსოვს, აღარც მამა გახსოვს, არაფერ აღარ გახსოვს და გახსოვს ის, რაც დიადია. მაშინ თქვენ განგებამ შემთხვევით კი არ გაგაგდოთ ამ გზაზე, იმ გზის აუცილებელ კვალზე გატარათ და მერე ყველა ტკივილს შეგაგუათ, ყველა ტკივილი გადაგატანიათ, განგაცდევიათ და მაშინ თქვენ იცით, რომ თქვენ უკვე კაცი ხართ, ჩამოყალიბდით და პირველ ფორმას, პირველ ხაზს თქვენ საკუთარს რომ იბოვით, მთელი ღამეები აღარ გეძინებათ, რომ ვაიმე, ეს

შემთხვევითი ხომ არ იყო, რომ დაგეარგო, მერე ხომ სიცოცხლე აღარ მინდაო. ეს იქნება დაბრუნება თავის თავში და დაბრუნება თავისუფალ საქართველოში; შენ წილ თავისუფალ საქართველოში, რომელსაც ვერც რომელიმე მიტინგი მოგცემს, ვერც რომელიმე ცეკას მდივანი, ვერც რომელიმე რუსი, თუ თათარი, თუ ბერძენი თუ რომელიც გნებავთ. აი, ის არ არის შემთხვევითი კიდევ. ამ უშემთხვევითობის კანონზომიერების გვირგვინად მე ვეცადე შეკეთებინა ჩემი მოპოვებული დაკარგულის აღდგენითობა და აღვადგინე მე და ყრია აგერ ახლა, აწვიმს და ათოვს ზედ, წყალი ჩამოდის. ჯერ მას პატრონი არ ჰყავს, რადგან საქართველო არა აქვს, რადგან ჯერ კიდევ ფიზიკურად მოგებული არ არის, რაც სულიერად უკვე მოგებულია და განგებით, რაზედაც მე და თქვენ ვსაუბრობთ ეხლა, ენის იდუმალებაზე მეტის მოპოვება, მარტო ჩემთვის კი არა, ჩემო შვილო, ჩემი საქართველოს და მარტო საქართველოს კი არა, კავკასიის და მხოლოდ კავკასიის კი არა, მთელი კაცობრიობისთვის მეტის მოპოვება აღარ შეიძლება, რომ დაიბრუნო ღმერთი და დაიბრუნო მისი ენა, თურმე რით ელაპარაკება ის კაცობრიობას დედამიწაზე. ამ ენის იდუმალი არგუმენტი და გასაღებები მოგეცეს ხელთ როგორც კარგ მემნეს, რომ გახსნა, ჩვენს დროში რომ იშვიათია. მეჭურჭლეთუხუცესს, რომელსაც შეუძლია ყველა სიმდიდრე გააღოს, მაგრამ არ წაცდება ცდუნება გასაღებად, რადგან მან გასაღებები ჩაიბარა დიდი მეუფისაგან და ეს გასაღებები ერის არის, კაცობრიობის არის. უნდა მოვიდეს, ოღონდ ეს მოლოდინი უნდა გეყოს. შენ ხომ იპოვე დაკარგული და მე ამ მოლოდინში ვზივარ; ყოვლად შეურაცხყოფილი გარემოსაგან: უახლოესისაგან და უშორესისაგან, მაგრამ მე ვიცი, რაც მოვიტანე, რაც მომაქვს ამას პატრონი ეყოლება და ის პატრონი მოდის. დგას, წირთხლზეა შემომდგარი, წირთხლზე და რამდენიმე წელი კიდევ სჭირდება. ექვსი წლის შემდეგ შემოვა ის დიადი ღონი და ჩვენს ფიზიკურ ყოფნა-არყოფნას დიდი მნიშვნელობა არა აქვს იმ საგანში, რაზედაც ჩვენ ვსაუბრობთ. ეს მე ვიცი. ამიტომ როცა შემთხვევითობების მთელი სამოცდაათწლიანი მასა ამოიწურა და დაემატა 130 წლიანი და 200 წელი გახადა. ჩვენზე გითომ შემთხვევითობების მოსვლა, არ იყო ის შემთხვევითობა. რუსული იმპერიის ღონი ჩვენზე სრულიად კანონზომიერად მოვიდა და თუ ჩვენ დღეს ხელს გერავთ მას, როგორც ღვთის რისხვას, ე, მაშინ მივიღებთ ჩვენ უარეს რისხვას, რადგან ის კი არ მოვიდა ჩვენზე, არამედ ჩვენ მი-

ვედით მასზე, როგორც ღვთის სიტყვა. ის ვერ მიიღებს ღვთის სიტყვას. მას თავისი აღზრდის წესი აქვს ჯერ, ასაკი აქვს. იმ ასაკში არ ეტყევა გახსნილი ღმერთის საიდუმლო და ჩვენ, მწვრთნელს, უნდა გვეყოს ღონე, რომ ის ვწვრთნათ ბოლომდე, თორემ თუ დავაგდეთ შუა გზაზე, ჩვენ ღმერთისაგან მივიღებთ შებრუნებით, რაც ჩვენ გვეკუთვნის და მივიღეთ კიდევ ეს ბარი. ჩვენ კი ვეუბნებით: გამიშვიო. ვინ არის ის, ვინც უნდა გაგვიშვას ჩვენ? თქვენ როცა გეცოდინებათ, რომ ჩვენ უნდა გავუშვათ და არა ვინმემ გაგვიშვას ან მივიღოთ... გაშვებით გავუშვებთ მაშინ, როცა დამწიფდება და ვეტყვიოთ:

– იარე ესლა, შვილო, გზაზე შენ, დამწიფდი უკვე ყოფითი კაცობისათვის. აი, იქ იწყება გაშვება. დანარჩენ შემთხვევაში ვინ ვინ უნდა გაუშვას, ეს თუ გეცოდინება გამოკვეთილად, მაშინ მე და თქვენი საუბარიც იოლად შედგება, ჩემი გარემოსთან საუბარიც იოლად შედგება და საქართველო არ იქნება მონა. არც არასოდეს ყოფილა. ჩვენ მირაყებში მერე იოლად გამოვერკვევით. გამოვერკვევით და გავუწყრებით ჩვენ თავს. არა, არაფერი შემთხვევითი არ არის. ყველაფერი კანონზომიერია. ამ კანონზომიერებამ ვი წელი მაშიმშილა მე და ვზივარ დღესაც მშვიდმწყურვალად.

– და ეს კანონზომიერაა?!

– ეს არის კანონზომიერი. აბა, ამხელა გასაღებს რომ მოგცემენ შენ, თუ კაი პურიც გაჭამეს, კარგი კონცერტებიც ჩაგიტარეს, ყველაფერი... ასე არ არის. იწონება. იხარჯები შენ, იღებ შენ. არ იხარჯები შენ, არ იღებ შენ. ხარჯვის შესაბამისი არის. ჩემი ხარჯვის, ბავშვობიდან მოყოლებული შიმშილიანი ხარჯვის შესაბამისი მივიღე და ვიღებ ესლა მე იმ სიცარიელეს, რაც ჩემს ბავშვობაში ამოვწურე და მერე რა, რომ ჩემი გენეტიკური მემკვიდრე განიცდის ცალკეულ შემთხვევაში ამ სინაკლულეს. სამაგიეროდ, ის იღებს უდიადესს, რომელიც არაფრით არ ანაზღაურდება. ჩემს შვილებს უნდათ თუ არ უნდათ, ამაზე არ არის საქმე. ახლა მე გავერთე პასუხში, მაგრამ ეს საუბარი... **კანონზომიერია, – ვერთვება მე, კანონზომიერია, დიახ, მომცველია, შეთანხმება, რადგან რუსუდანი, ნიშნიანის ძე მელაპარაკება. რადგან ჩემთან მოდის ნიშანდებული კაცი, მე ვალდებული ვარ, რომ გესაუბროთ და ნიშანი ხუმრობა არაა ჩემთვის და როცა თქვენც გეცოდინებათ ნიშის საიდუმლო და გეცოდინებათ ანის ნიში, ნიშანი ცუცხლის, დიდი მზის ნიში და ნიშ-ანი და მისი ძე, ეს არის**

ქრისტე და სხვა არაგინ არ არის, ოღონდ დედურ ფორმაში, ოღონდ ესლა ქათინაურები ჩვენთან არაა, მაშინ უფრო სერიოზული იქნება და იქნება ჩვენი მიმართება. სახელმწიფოში პატარა შეილიშვილი შემთბაჯბაჯდა და ბაბუასაკენ წამოვიდა. მოვიდა მარიამ. ხომ ვახსენეთ ჩვენ ქრისტეს საპირისპირო მდგომარე. ე, მოვიდა მარიამ. ჩემი სიხარული მოვიდა...

ცოტა ხნის შემდეგ ჩვენ კვლავ ვაგრძელებთ საუბარს...

— თუმცა ერთიან კი ვისაუბრეთ, აღარც კი ვიცა, ჯკითხოთ თუ არა, რა შეგძინათ, რა დაგიტოვათ ყრმობის შთაბეჭდილებებმა. როგორ გაიხსენებთ, როგორი ბიჭი იყავით? მთელი თავისი კურიოზებით...

ღიმილი ეშლება სახეზე და ბასუსიც: ლამაზი ბიჭი ვიყავი. გამორჩეული ვიყავი ჩემს ტოლებში. ცხრა ვიყავით და უჩემოდ, ახლა ვგრძნობ, რაში იყო საქმე. სიყმაწვილის დღეები მარტო ჩემთვის კი არა, ვინც კი დაბადებულია მიწაზე, მათთვის ყველასთვის არის ის შემოქმედება, რაც მერე იხარჯება. დროში იხარჯება, გააჩნია, ვინ როგორ დახარჯავს. მე უდიდესი მადლობელი ვარ ჩემი დროის, რომ ის სიყმაწვილე მომცა, რაშიდაც ვიყავი. რომ შეიძლებოდა, ანდა მოითხოვოს განგებამ, ისევე იმ სიყმაწვილეში დავბრუნდები. იმ პირველ შეხებებში ბუნების წიაღთან, წყლის სიღრმესთან, ჯილეებთან, თევზებთან, ვენახთან, ჩიტებთან, ბარტყებთან, სულ ყველაფერთან... ე. ი. დაწყებული მიწის გულიდან ცის სიღრმემდე, რაც სიყმაწვილეში შეძლოდა მე, ჩემდა საუბედუროდ, თქვენდა საუბედუროდ, ჩემს შვილებს, თქვენს თაობას, ის აღარა გაქვთ. მე ის განგებამ მომცა შენახული: მუხის ტყე, გადარჩენილი ხელშეუხებელი მდგომარეობით თავის ყველა ბუნებით, ნიყვით დაწყებული, გვიმრით, დიდი ბურდებით და ბაძაძგნარით, გაუვალს რომ ეძახდნენ. ის ბუნება მარჯა დედულეთში და მარჯა ჭეჭუნარის წყარო, სასწაული, მღვდლის-სოულის წყარო, სასწაულები... იმის მნახველი არ შეიძლება რომ ცუდი კაცი დაფიქსირდეს მერე და ის გარემო, რაც ჩვენს ირგვლივ გვაკრავს, ის გვაყალიბებს ჩვენ.

— ამას გეცილებიან და ნუ დაანებებთ, — გვასწავლის დიდი ალექსანდრე, გახსოვდეს ვისი გორისა ხარ. აი, ეს ხსომება რჩება მარადიულ-წაუშლელ ამბად. უღამაზესი იყო...

ვიყავი ცოტა მშინარა და მერე შევამოწმე: თურმე მშინარა არ გყოფილვარ, არ შემეძლო სხვისი ცემა. თუ ის სხვა გამიმეტებდა, მე მაინც არ შემეძლო. ახლობელი სახე, თუნდაც უცხო ყოფილიყო, ადამიანი იღვა

ჩემ წინ და იმას ვერ გაგარტყამდი. უკიდურესი მომენტი ბიჭობაში იყო ხოლმე ის, რომ დაგაყენებენ გამოცდაზე — აი, დედალი ხარ, შენო, დედალიო. მაშინ უნდა გახვიდე, უნდა იჩხუბო და დაამტკიცო: — არ ხარ დედალი! ჩემმა განგებამ მე მომცა სამი მომენტი ამ დამტკიცების. ორ მომენტში მე გამლახეს სასტიკად; არა, ბოდიში, ერთ მომენტში. არ ვტრაბახობ. ერთ მომენტში გამლახეს, მაგრამ ორ მომენტში მე უნდა დამერწმუნებია, რომ კარგად გავლახე და ამიტომ გავლახე. და ეს ისეთი ლამაზი იყო, თუ თქვენთვის საინტერესო იქნება, გეტყვიო.

— დიას, ძალიან საინტერესოა.

— პატარა ბავშვობიდან აი, ვითომ ამოიჩემებს თვალი ვილატას, გოგონას, შენს საპირისპიროს და მერე ფიქრობ შენ, რომ აი, ის ვიყვარს და... მაგრამ ეს გაუმხელელი რაღაცაა. მოხდა ისე, რომ ჩვენ უსასტიკესი ომის დროს ვსწავლობდით სკოლაში. დაჩეხილი ბავშვობა გვექონდა. მიუხედავად იმისა, რაც მე ვითხარით, რომ უღამაზესი იყო, ეს იყო დაჩეხილ ბავშვობაში გადარჩენილი მაინც რაღაც სიკარგეები და ამ ომის დროს სახელმწიფო ასერხებდა, უფრო სწორად, კანონზომიერად ფიქრობდა, რომ ომი გაგრძელდება დიდხანს და ახალი თაობები უნდა დაიზარდონ. შიშშიღმა არ უნდა შეაჩეროს ნამატი. ამიტომ სკოლებში იყო გაცემული მჭადის ულუფა.

— გამოცხობილი?

— გამოცხობილი. გამოცხობილი. აი, ხელის (შიჩვენებს) აი, ამხელა სისქის მჭადს გვაძლევდნენ. თუ ოჯახიდანაც მშვიერი იყავი, იქ მიიღებდით და ზრდა არ შეჩერდებოდა, ე. ი. ზრდის რაციონი გეძლეოდათ. ოთხკუთხედი იყო ტაფა და იმაზე ეტეოდა ნნ ნაჭერი. ზუსტად ნნ ვიყავით ჯგუფში. ორგანიზატორი მე ვიყავი და შემომქონდა ჯგუფში.

— დამჭრელი? დაჭრა თქვენ გვსებოდათ?

— დაჭრილი იყო ის. იქ, ბუფეტიდან მოგვემდნენ დაჭრილს. თითო ულუფა ზუსტი იყო.

— მე ვიფიქრე, ორგანიზატორი ჭრიდა, — ვიცინი შე.

— არა, არ ჭრიდა ორგანიზატორი (იცინის), უკვე დაჭრილი მოდიოდა. ესეც კანონზომიერი იყო, მაგრამ ისიც კანონზომიერი იყო, თქვენ რომ ახლა ვიკვირთ, კომბინატების მმართველები რომ ქაფავენ და „ლევი-ლევის“ ააცურებენ გვერდზე. მაშინაც იყო ასეთი რამეები. ჩემთან სწავლობდა ბურ-ვაჭრობის, ბურ-მომარაგების და საერთოდ, მომარაგების და

დირექტორების შეილება. ქვეყანას რომ შიოდა, აი, იმ პურთან კავშირში გასულ რამოდენიმეს, ექვსჯერ ჩარჩენილებს მოჰქონდათ ყოველ დილას ორ-ორი ბუხანკა, სამი მანეთი ღირდა მაშინ პური. ხელს რომ დააჭერდით, აგაგდებდათ სახლის სახურავზე, ისეთი ფუმფულა და ქათქათა იყო. შემოვიდოდნენ ამ შშიერ სკოლაში, დიდი მერხების უკან დასხდებოდნენ. მთელი კლასი, დიდი კლასები იყო, ავსებული იყო ამ სურნელით... მაგრამ ესენი იყვნენ უსასტიკესნი, უცოდინარნი და შემშურენი იმათი, ვინც რაშე იცოდა. მე პირველ მერხზე ვიჯექი, შუაგულში, მასწავლებელთან ასე ვიჯექი (მირჩენებს). ხომ წარმოგიდგენიათ, როგორ იყო. დიას. პოდა, ამათ მოახერხეს, მაიძულებდნენ, რომ მათთან დავმჯდარიყავი იმ საბაბით, რომ მეკარნახა.

— **სამაგიეროდ, მერე პურს მოგცემდნენ?** — ვიცინი მე.

— **სამაგიეროდ, პურს მომცემდნენ (იცინის თვითონაც).** მაგრამ მე არ ვიყავი ის, ვინც მათ პურის გამო ვუკარნახებდი. ვუკარნახებდი ისეთ რამეს, რომ გასკდებოდა სიცილით ჯგუფი (ახლა თრიფე ვიცინით). ეს დებილი იყო და ვერ მიხვდებოდა.

— **პურს წინასწარ ართმევდით თუ მერე, ნაცინებზე?**

— არა. მერე, რომ მომინდომებდნენ გალახვას, მერე გამიშვეს. მიხვდნენ, არ ჭრიდა ჩემზე პური. აი, ეს გამოვიდა. მათ იხმარეს ეს ხერხი, მაგრამ მე პურში არ ჩავიჭერი. მერე ეს უფრო ბინძურ ცხოვრებაში მართო ერთეულებმა კი არა, სისტემამ იხმარა ეს ხერხი ვილაც-ვილაცებზე, მაგრამ იქ ჩაჭრა, რადგან ბავშვობაში არ ჩაიჭერი, გამორიცხულია... მერე არ ჩაიჭრები. იქ თუ ჩავიჭრებით, მერე სხვაგანაც ჩავიჭრებით.

პოდა, ეს ხომ იყო ჩვენთან.

ზაფხულში სახელმწიფოს გავყავდით რაღაც ბანაკში. მესამე კლასიდან ვილაც გოგო გადმოიყვანეს და მომხვდა ის მე გუნებაში. უკვე ჩემი კლასი იყო აშლილი: ბავშვობაში ცხოველური გამოვლინებები რომ მქონდა ქალისა და გოგოს მიმართ. მე ეს არ მქონდა. მე მქონდა რაღაც შეკავებული. წნ კაცის წინააღმდეგ მე ვთვლიდი, რომ ვიყავი ის, რომელიც ვტიროდი იმათი მოქმედებისა გამო, გოგოებს რა ყოფაში აყენებდნენ. იმ გოგონებსაც მოსწონდათ ეს ურთიერთობა. ჩემთვის ეს გაუგებელი კი არა, მიუღებელი იყო. მიგებთ? ეს უცნაურად ჩანდა, საერთოდ, ჩემს ყოფაში, მერე. ჩემი დონ-კისოტური, რაინდული დამოკიდებულება. პოდა, ამ მომენტშიც ე. ი. დილას რომ მივდიოდი სკოლაში,

უნდა გამეყლო რუსული საცხოვრებელი უბანი, ბარაკები, ქარხნის მშრომელების. იქ ომიდან დაჭრილი ბარტიზან-ნამყოფის ჩამოსულის შვილი იყო, ორმეტრიანი ბიჭი, ჩარჩენილების ერთი. სხვა გზა არ იყო, იქ უნდა გამეყლო. ბოლოს, ვატყობ, რომ ვეგუები, რომ უნდა მცემოს და მაინც უნდა გავიარო. ვნახე, მე მივდივარ. ბოლოს მოხდა ისე, არდადეგები დადგა და აღმოვჩნდით ბანაკში. ახლა უკვე წამოყვინჩილებული ბიჭები ვართ. ეს ბიჭიც აქ არის. ეს ბიჭიც და ის გოგოც აქ არის. ვისზედაც მე უკვე არ შეიძლება სხვანაირად თვალი არ მეჭიროს და რაღაც... ვზივართ ბიჭები, ვთამაშობთ რაღაცას. ეს ბიჭი მოვა, წამომარტყამს თავში, უნდა ამაგდოს, რადგან მისი გალახული ვარ და აქ გოგოები სხედან და ფანჯრიდან იყურებიან. ამის დაშვება უკვე აღარ შეიძლება. მე ვაჯობე ჩემს თავს და რომ მოვიდა, წამოვდექი და ესევე, თავი ავართყვი სახეში და დავცხე. დავცხე მარა, რას დავცხე. მე რომ არ მეგონა, ისე დავცხე. მე ვნახე, რომ მე გავიმარჯვე. ჩემს თავს ვაჯობე, იმას კი არა. იმან მიიღო ჩემს ღონიერებად ეს და მერე მე ვნახე, რას ნიშნავს გალახული და მოთვინიერებული რუსი. ჩემს ბავშვობაშივე ვნახე ეს, მაგრამ ისიც ვნახე, რომ თუ მოგერიან, რას გიზამს და რომ არ არსებობს უღირსი ისეთი რამე, რომ არ იკადროს და არ გაგაკეთებინოს, თუ შენ დანებდი მას. ეს იყო ჩემი, ყმაწვილობაში მოგებული ერთი ჩხუბი. ერთიც – ჩემს ბიძაშვილთან, ჩემ სისხლსა და ხორცთან, ზურიკოსთან მაჩხუბეს. ზურიკო იყო უსწრაფესი მამის შვილი. აი, შიანოზური. მამამისი გველს გააჩერებდა. მივიდოდა, აიღებდა, როგორც უნდოდა, ისე მოექცეოდა. ხანჯლიან კაცებს, რომ ჩხუბობდა ორი, ეს ჩაუდგებოდა უიარაღოდ და ახსნიდა ხანჯლებს, გატყეპავდა მერე და გაუშვებდა. ასე იყო. ეს ბიჭი იყო უსწრაფესი. ცუხს ეძახდნენ. პავლე ცუხის ბიჭი იყო, ჩემი ტოლი, როგორ გავიმეტებდი დასარტყმელად. მეგონა, ისიც არ გამიმეტებდა. ბიჭებმა წაგვაქეზეს და მაიძულეს გასვლა. დავდექით პირისპირ. ვერ გავიმეტე, იმან გამარტყა. გამარტყა, თვალში ჩამარტყა და ჩავთვალა მას გამარჯვება. ეს იყო ჩემი ორი ჩხუბი. მესამე ჩხუბიც მქონდა, სადაც მე გავლახე პატარა, ჩემი ტოლი, რომელიც წააქეზეს... რადგან მე ვიყავი გამზრდელების შვილი და ამიტომ ვიყავი გამორჩეული იმათგან და ამდენად, „დედას ბიჭი“ შეიძლება ვყოფილიყავი. იმათ არ გაუმართლათ ჩემთან. სამჯერ მივიღე ბავშვობის უწრფელესი, მაგრამ ჩემთვის არასასურველი პოზიცია; მაგრამ მერე განგებამ ნამდვილი ომი რომ მაჩვენა,

მე შევენატრე იმ უღამაზეს ჩხუბებს, რადგან აქ მანძილიდან დაგიგებენ მახეს. არც ჩანს, ვინ მეჩხუბება **იქ ბირისბირ ხედები** და უვერაგესი ხერხით, უსასტიკესი ბოროტებით რომ მოდის და უწმინდურს აკეთებს, ე, მაშვინ მოგენატრებათ თქვენ ბავშვობის ის ღამაზი ჩხუბები, სადაც მერე მისვალთ და გადაეხვევით ერთმანეთს და ეტყვიით:

— არა, ჩვენ გამოვცადეთ ერთმანეთი. აი, ეს ყმაწვილობა მუდამ ეხლება გაუფუჭებელ თაობებს. გაუფუჭებული თაობებიც არიან, ჰოდა, ღმერთმა მისცეს მათ მომავალი უკეთესი, ვინემ ეკუთვნით.

— **ბავშვობაში უფრო მეტს კითხულობდით, თუ რამ მოიზარდეთ, სიყრბეში?**

— ბავშვობაშიც ბევრს ვკითხულობდი და სიყრბეშიც. ბავშვობაში გაკვეთილს ვერ ვკითხულობდი ისე, ვინემ გადახვევით წიგნებს და მერე ჩემი გამზრდელი ამაზე რომ წუხდა, ამოვიღებდი ქვევით საკითხავ წიგნს, ჩამოწეული მქონდა, ზევიდან გაკვეთილს დავადებდი და იმას ვკითხულობდი. ეს ეშმაკობა მქონდა. საბოლოო ჯამში ბევრი ვიკითხე, მართალია, ბევრი ვიკითხე. მაგრამ ეხლა რომ ვუკვირდები, არც ისე ბევრი არ მიკითხია, როგორც ჩანს.

— **ამორჩევით კითხულობდით თუ რაც ხელთ მოგხდებოდათ?**

— რაც მომხდებოდა. ვინც ამორჩევით კითხულობს, იმისი გარდუვალობა ის არის. ჩემთვის იყო ყველაფერი საინტერესო, რაც ჩემ თვალწინ არ მომხდარა, რაც მე არ გამიკეთებია და სხვას გაუკეთებია, ეს ყველაფერი ჩემთვის საინტერესო იყო. სხვა რას ფიქრობდა, როგორ განიცდიდა. ეს ჩემთვის საინტერესო იყო. მე ახალ-ახალ სამყაროებს ვეხებოდი.

— **ეს ძირითადად სკოლის ბიბლიოთეკიდან თუ თჯახური?..**

— ძირითადად სკოლის ბიბლიოთეკა, რაიონის ბიბლიოთეკის წევრიც ვიყავი. მერე სამხატვრო აკადემია. გითხრა სიმართლე, საჯაროში არ ვყოფილვარ, ის აკადემიური ტაქტიები არ ჩამიტარებია: უნდა მისვიდე, გატარდე და ასე და ისე. არა. ეს არ მქონია, მაგრამ მქონდა უღამაზესი თბილისური ყმაწვილობა. დავამთავრე საშუალო სკოლა, ჩამოვედი. პირველ წელს ვერ მოხვდი აკადემიაში და მოსამზადებელზე შევედი. ჩემთან რომ აბარებდნენ, პროფესორები მეგონა მე ისინი, ასაკითაც და ისეც. ჩემი ამხანაგები რომ გახდნენ მერე. ჰოდა, ერთი წელი ვემზადებოდი. რადგან პოეტური ვიყავი სულით და ბავშვობაში ლექსებს და მოთხრო-

ბებს ვწერდი, ამიტომ მე ვერ მოვისვენებდი, მარტო ხატვაზე ვაგრძელებულიყავი. აკადემიის მოწაფე ჯერ არ ვიყავი. აღმოვაჩინე, რომ პლესანოვის კლუბთან, ნაძალადევში, სტალინის ყოფილი ქარხნის კლუბში იყო მუშათა წირე — პოეტების წირე და პოეტი ვახტანგ გორგანელი იყო მისი ხელმძღვანელი. რაფიელ მამულაშვილი დამამახსოვრდა ერთი იქედან, ბიჭებიდან, ნაზი წერს კიდევ მთხრობებს, გვარი კი დამავიწყდა. და იყვნენ იქ. ყოველ შაბათ-კვირას მივდიოდით იქ ლექსებით...

— მარტო კითხულობდით თუ აკრიტიკებდით კიდევ?

— კრიტიკაც. ყველაფერი იყო. ყველა სექცია ერთად იყო. რაფიელს მოქონდა კრიტიკული ნარკვევები, მეორეს პოეზია, მეც ჩემი ლექსები მიმქონდა და ასე. გაზეთიც იყო, მუშათა გაზეთი და ვინც გამოირჩეოდა, იმაში დაბეჭდავდნენ. პირველად ჩემი ლექსი რომ დაბეჭდეს, იყო უძილო ღამეები... ახლა მეცინება, რაები მქონდა დაწერილი, არჩევნები რომ იყო და მარტივად... (გულიანად იცინის) რა კარგია...

— ერთი წაგვიკითხეთ, ეგებ მოძებნოთ რომელიმე.

— აუუ, აიბურძღვლები თუ გინდა, მაშინ...

— არა, რომელიც გნებავთ, თქვენ ამთარჩიეთ, თუნდაც ბუნების პეიზაჟი, თღონდ იმდროინდელი იყოს, — გიცნით და ვცდილობ, როგორმე წაგაკითხოთ რომელიმე...

— ჰოდა, მე ვერ ვიმახსოვრებ ჩემს ლექსებს. ზეპირად არასოდეს მითქვამს.

— რვეულში გეწერებათ! — არ გეზუები, თან არ გამჩნევ.

— დაწერილი შეიძლება მქონდეს.

ახლა ხმაბაღლა იცინის.

— თქვენ წაკითხულს სხვა ხიბლი ექნება... არაფერი გამომივიდა...

— ისე, რომ ბავშვობაშივე მქონდა სულიერი ტაძრის ძებნა და ერთხელაც...

— ე. ი. თქვენი, როგორც შემოქმედის ნათლობა, პირველად პოეტისა მოხდა და შერეულა მხატვრისა.

— დიას, ბატონო. მხატვარი თურმე რომ შემზადდეს, უნდა იყო პოეტი, უნდა იყო მუსიკოსი...

— პოეტობა საფეხურია? — გიკვირებს და ნათქვამს გუსგამ ხაზს.

— აბა, აუცილებელი საფეხურია. უნდა გაამკვირივო ის მატერიაში, მასალაში, რაც სიტყვაში მოდის, როგორც ფენომენი ღვთიური. იქ დაა-

ფიქსირო უკვე. თქვენ ეს თუ არა გაქვთ, ტყუილად ნუ მოკიდებთ ხელს ქვას, თიხას, ან რკინას. იმის გარეშე არ არსებობს მხატვრობა, დანარჩენ შემთხვევაში თქვენ იქნებით ხელოსანი და გადმომხატავი, გადმომღეჭავი სხვისი ნაღეჭისა. ეს რეალობა გვაქვს დღეს. ესაა ჩემი შემზარავი ყოფის ყველაზე მომაკვდინებელი შემზარაობა, რაც ესლა ხდება გარემოში: მხატვრობაში, მუსიკაში, პოეზიაში, ყველაფერში. შენ ღმერთმა დაგზადა განუმეორებელ ფენომენად. მისი კავშირის შენი ხაზი გაქვს, შენი სიმი გაქვს, შენი მიბმული ჭიბლარი გაქვს... შენ მიდიხარ და ვილაცა მაიმუნის ნაწოვარაზე მიებმები და ცდილობ... ვერ მიხვალ ღმერთთან, ტყუილი ამბავია. აი, ეს რეალობა მოგვიწყო ჩვენ გარემომ, ისევე, ღვთის უფლების დაშვებით, რადგან სიბერეში, ანუ როცა ამოიწურება შექცავებლები, მერე მოფამფალებული ვინ სად წავა, ღმერთმა იცის. სიმკაცრეა ყოფის.

— **თქვენ თავისუფალ არჩევანს სულ არ იღებთ?**

— არა, მე ვიღებ მას, როგორც თავისუფალ არჩევანს და მერე ვაკონტროლებ მას, თურმე ბედისწერა იყო. რა ვქნა მაშინ მე?

— **არა, ეს ორი ძალიან განსხვავდება: ან ბედისწერა, ან თავისუფალი არჩევანი, „თავის-უფალი“.**

— არ განსხვავდება. თავისუფალი — არჩევანია ის ჩემი, როცა ვაკეთებ.

— **თუკი ეს ბედისწერით განსაზღვრულია, მაშინ თავისუფლება აღარ არის.**

— თუ ჩემი შინაგანი მე მეძახის, რომ ეს უნდა ვაკეთო, მე სხვა ხომ არ ვარ, ვიდრე ჩემი შინაგანი მე.

— **კი, მაგრამ ეს თუკი განსაზღვრულად, კოდირებულად დევს თქვენში?**

— მე თქვენ ხომ არ გკითხავთ იმ მომენტში და იმ პროცესში, რას აკეთებთ თქვენ, რომ ვილაცამ განსაზღვრა? მთლიანობაში განსაზღვრული გახლავთ, ჩემო ბატონო. მე კი არ განვსაზღვრავ, არც თქვენ განსაზღვრავთ, არც ვინმე... და თუ ვინმე იკითხავს: — აბა, ღმერთი რაღას გვიტოვებს? იმას გიტოვებს, რომ განცვიფრდე მერე, რომ აღმოაჩენ, შენ რომ აკეთებდი ყველაფერს და შენ მაშინ ინდივიდი იყავი, პერსონა იყავი და აღმოჩნდება თურმე შენ იყავი ყველაზე ახლოს მისული დიდ შემოქმედთან... იმის მაღლით იყავი. ამაზე დიდ ჯილდოს ვეღარ მიიღებთ ვერასოდეს. თუ არ მიგიღიათ, ვერ მიიღებთ. აი, ეს არის ის დიდი ჯილდო! მე

გეუბნებით თქვენ ყველაზე ჯიუტი, ყველაზე უხეში, ყველაზე ტლანქი თავის თავის „მეს“ მოპოვებაში, მე გეუბნებით ამას თქვენ და ამის კი არ მრცხენია, მე მესახელება უდიადესად. რომელიმე „მეს“ მომპოვებელი ესლა თუ დგას, დგას და უნდა იდგეს პროცესში, ოღონდ მისთვის არ შეიძლება ამ მაგალითების დაყენა. იმან უნდა ეპიოს თავის „მე“, მეტ-ნაკლებად უნდა იცოდინოს ის, რაზედაც ჩვენ ესლა ვსაუბრობთ. ეს არის მოპოვებული, ათასი წლის ბოლოს ერთხელ იხსნება. დანარჩენ შემთხვევაში მან უნდა ეპიოს, ეპიებდეს და პპოვებდეს. ის პროცესი არის მისი ზრდის პროცესი და ეს თავისდაუნებურად აახლოებს მას ღმერთთან. მერე გამოიხედავს თვალში და ნახავს: – დიდუუ, რა ლამაზი იყო ეს ყველაფერი. მერე რა, შეურაცხყოფელი იქნება ეს თუ ღვთის ნებით სრულდებოდა?! არა. პირიქით, იქნება დაჯილდოებული. აი, ეს თუ არ შედგა, დანარჩენ შემთხვევაში ჩვენ ადრე მოკრეფილი ხილის მდგომარეობაში აღმოვჩნდებით და არც ის გვეცოდინება და არც ეს და თვით-კმაყოფილებით დალუქული ვინმეები ვიქნებით. ერთი მომენტი, როცა თქვენ იწყებთ „მეს“ მოპოვებას, თუ ის „მე“ თავიდანვე გაწუხებთ, ვერ მოისვენებთ. ღმერთი არ გეცხადებათ თქვენ, ის, რაც ვერ გასვენებთ, არის თქვენში მოქმედი ღმერთი, ის გაბორგებთ, რადგან ისაა სიცოცხლის სათავეც, უსასრულობაც და ყველაფერი. და როცა თქვენ იპოვით „მეს“, მაშინ ხლებით ყველაზე დიდი ეგოისტი, რადგან სანამ თქვენ „მე“ არა გაქვთ, არც ავტორიტეტი გაქვთ, არც დასაკარგი, არც მოსატოვებელი, პიროვნება არა ხართ. მაგრამ როცა „მე“ გამოკვეთილი გაქვთ და თქვენ რაღაცაში დაოსტატებულმა, რაღაცაში გამოჩენილმა, რაღაცაში გამორჩეულმა მოიპოვეთ თქვენი თავი, ე, იქ იწყება მერე ნამდვილი ომი თავის თავთან. როცა თქვენ მოერევით მოპოვებულ ეგოს, „მეს“ მერე იწყება ღმერთთან გახედვის გარანტია.

– თავის ინდივიდუალობას როდისღა გამოავლენს?

– სანამ თავის ეგოს – „მეს“ არ მოიპოვებს... „მეს“ რომ მოიპოვებს, ინდივიდუალობა მოპოვებულია; მერე იწყება მისი დაკარგვა, ანუ დაზარალება, ანუ თავ-და-ვიწყებ-ბა. თავის თავის „მეს“ ანუ ეგოს მორევა და გამარჯვება. და მე არაფერიც არა ვარ. მე ვარ ფიორი, რომელმაც შავად ვიარე თუ თეთრად ვიარე, გავედი, ღვთის ნება გაეასრულე. მე ვარ ვალ-მოსდილი, ვალდებულება ვალმოსდილი, ეგოზე გამარჯვებული.

– თუ შეიძლება, რომ „მე“ ვერ იპოვოს კაცმა?

— როგორ არა. მთელი, მაბატიე, შვილო, ახლა ჯოგები რომ დაძრ-
წიან, ავტომატები რომ აქვთ მიცემული, ეს არის „უშეო“ ხალხი. სატანამ
აუშვა ეს, რადგან ამოღებულია შემკაგებელი „მეების“ სისტემა. მიუხე-
დავად იმისა, რომ რუსულმა იმპერიულმა ძალამ დაგვადო ხელი, ჩვენ
ჩვენი ღვთიური განგებით „მეები“ მოვიბოგეთ, ჩემო კეთილო. გვინდოდა,
უნდოდა ვინმეს თუ არ უნდოდა, „მეებად“ ვიქეცით და ამან თავზარი
დასცა იმ მშონებელს... ის „მე“ ვერასოდეს ვერ იქნება, ჯერ მას „მეს“
ასაკი არა აქვს. „მეები“ რომ ჰყავს, ისინი სულ იმათი „შმილკები“ არიან
გადმოღებული, ევროპულიდან გადმოღეჭილი. მათში არაა დიდი, ნაღდი
რაცაა. როცა ის მიხვდა, რომ ჩვენი მოპოვებული მეობა მონობას კი
არ გვაძლევს, არამედ აბსოლუტურ თავისუფლებაში გვაყენებს, მაშინ
დაძრა ჩვენ შორის არსებული „უშეო“ მასა. მას მისცა პრივილეგია. ამით
დაახშო ეროვნული, რაც იყო მოპოვებული. ამაზე იყო გათვლილი ეს.
ახლა უყურე, 6 თაობა, 7 თაობა საშუალო სკოლებში გამოუშვეს აბსო-
ლუტური უცოდინარი და მათ მისცეს მერე ხელში იარაღი. ამან არც და
იცის, არც ძმა იცის, არც ისტორია, არც გვარი, არაფერი არ იცის, არც
საქართველო იცის და არც ყოფა. იცის მხოლოდ თავის თავი. აღგზნებუ-
ლი არის ინსტინქტით. ეს ყველა ყმაწვილს აქვს: თოფის სურვილი, მეც
მქონდა ეს უსასტიკეს მორეული და იმ დროს თუ მისცემთ ამას ხელში,
როცა მას სურვილი აქვს და არ იცის მისამართი, სად ისროლოს, მტერი
დარჩება გვერდზე. მტერი აძლევს იარაღს, მტერი ასროლიებს... ის „მე“
მოუპოვებელი ჩავა სამარეში. ის ბრიყვია და დაიხარჯა აუცილებლობი-
სათვის... მე არ ვაგვალ იმ შუაში, არ ჩავდგები იქ და გავიტანე ეს ომი
მთლიანად და თუ აქ მოვა ჩემთან „უშეო“, ჩემი ღონე ეყოფა მას, რომ
მან ჩემზე ვერ ასწიოს ხელი. თუ ასწევს ხელს, ეს მისი იღბალი იქნება,
ღმერთმა გაუმარჯოს.

— **არ უნდა გაუმარჯვდეს...**

— არა, თუ ის ღმერთმა იცის, რომ ჩემზე მან უნდა ასწიოს ხელი, უნდა
გაუმარჯვდეს, აბა... მარა, სასწაული რა იყო, იცით? ის ამბები რომ იყო,
მოდითდნენ ჭიშკარზე სამი კაცი, ოთხი კაცი და სინათლე გამორთულია
ყველგან. სიბნელე, სიციფე. ქაჩაგენ, აბა, მოსწიე ქანი ერთი, ორი... და
ანგრევენ ჭიშკარს, მაგრამ შიგნით არ გადმოდიან. უფალო, დიდ არს
ძალი შენი! დილას გამოვდივარ, სისხლითაა მოთხვრილი იქაურობა. ჭიშ-
კარი მიგრეხილ-მოგრეხილი, მაგრამ შიგნით არ გადმოდიან. რა არის ეს

ღონე?

– უღონობა?

– დიახ, ბატონო, მაგრამ ღონე დიადისა. იქიდან აკეთებს ყველა თავის უკაცურს. მას ჩაეთვალა უკაცურის კეთება. მაგრამ შიგნით არ გადმოდის. აქ უკვე სხვა ენერჯია მუშაობს. ღმერთო ძლიერო, დიდ არს შენი ღონი (ბირჯეარს იწერს).

ის, რაც მე და თქვენ მივიღეთ ბოლო პერიოდში. თქვენ გახსოვთ, საგანათლებო სისტემა ისაზღვრება ცენტრიდან ახლაც და მაშინ ხომ ისაზღვრებოდა. იყო მოსკოვის დიდი შეკრებები. ნათელა ვასაძე რომ მიჰყავდათ, მინისტრი და იმის მეთოდი რომ უნდა შემოეღოთ, სკოლაში ჰუმანურად უნდა ვასწავლოთ, ის უნდა ვასწავლოთ, ბავშვს რაც უნდაო. ამაზე მიდიოდა რუსეთის სწავლება და ჰუმანიზმს აცხადებდა. ვიკითხოთ ერთი ბატარა მომენტი: ვინ ამბობს ამას, ვინ ხალხი, რა ავტორიტეტის ხალხი, რა ტრადიციის ხალხი ამბობს, რომ ბავშვს ეყრდნობა. ბავშვს, როგორც გაუფუჭებელ საგანს. თუ გაეჩხრიკავთ, როგორც ამოსავალ არგუმენტს, მაშინ ძალიან ბინძურ რაღაცას წავადგებით: ოჯახი, სადაც არც მამას აქვს ავტორიტეტი, არც დედას, მხოლოდ ბავშვსა აქვს ავტორიტეტი იმის გამო, რომ ის ჯერ გაურყვნელია, მაშინ უფიცობას მივადექით. განა მინდვრის სარეველა ბალახს ნაკლები სიწმინდე აქვს, სანამ ის ყანას მოერეოდეს? არა. აბა, მაშინ ბავშვმა რა იცის, რა უნდა ასწავლო მას. თუ ეროვნებებში ტრადიცია არ არის, სწავლების მეთოდი არ არის, წესი არ არის და არგუმენტი, საით წარიმართოს სწავლება და რა უნდა გამოვიყვანოთ ამ საზრდელი ერთეულიდან. თუ ეს არ არის, მაშინ იქ ლაპარაკი სწავლაზე სრულიად ზედმეტი. გაუშვით თქვენ სარეველა ბალახი და მიიღებთ ქვეყნის გადამთხრელ მომსპობ ღონიერებას. და ამას ითხოვდა პატივცემული ბოლო პერიოდის რუსეთი, რომელსაც დედა გაუბოზდა, მამა გაულოთდა და დარჩა ბავშვი ოჯახში. ეთიკა ხომაა გადარჩენილი და ის, რასაც მოითხოვს, ის ვასწავლოთ. ის კი მოითხოვს ექვსი წლიდან სექსუალურ ურთიერთობებზე გადასულ გარყვნილ მდგომარეობას. შეიძლება ეს ვასწავლოთ? და ნუ აუწევთ თქვენ მას ყურს, ნუ შეაყენებთ წკებლით ნორმალურ გზაზე, მაგრამ ვინ უნდა შეაყენოს? თუ გაფუჭებულია გამზრდელიც, მასწავლებელიც, პროფესორიც, სუყველა. ვიღამ შეაყენოს იმ წესრიგზე? და ჩნდება მაშინ ცრუ თავისუფლების მოდელი. მივცეთ ცხოველს, მივცეთ მხეცს თავისუფლება და კაცობრიუ-

ლი მოვკლათ, ე. ი. წესრიგი, რომელსაც მივყავართ ღმერთისაკენ ის შეყოვნდეს და ის უწესრიგობა, რომელიც მხოლოდ ცხოველს გვაძლევს, ის აიშვას. ამ აქტის წინაშე ვიდექით ჩვენ და მერე ეს აქტი ჩვენზე გადმოვიდა, გადმოიტანეს და ამ აქტის შედეგი ის იყო, რაც ჩვენს ქუჩებში ხდებოდა მერე: აიძულებული ბიჭები ავტომატებით რომ გამოდიოდნენ და ერთმანეთს ესროდნენ. აი, ამას უნდა დაგვიკვირებოდით. მაგრამ რუსმა თავისი საქმე გააკეთა, თავისი უცოდინარობა მოგვახვია თავზე, თავისი ბავშვის მორალით ჩვენზე გადმოვიდა. ამის მიხვედრას დრო უნდა და ხომ იხარჯება ღვთიური სისხლი, ეროვნებები დაიხარჯა და ყველაფერი. ეს იმ უგუნურების შედეგი იყო, სადაც გაულახავი და უწერთნელი, დაუსჯელი დარჩა რუსი; თორემ, სადაც იყო გეგმაზომიერად გასული იბერიული მოძღვარი წინ, კარგი მკაცრი მათრახით და წესრიგით, იმან შექმნა დიდი რუსეთის იმპერია. მსოფლიოსაგან მოურეველი შექმნა. ქართულმა გენიამ შექმნა. ამას თუ თქვენ დაიფიქვებთ, მაშინ არ იქნებით ღირსეული მემკვიდრეები ქართული გენეტიკის...

— **ვიცით თქვენი ბირველი ნამუშევარი, ბირველი ლექსი. ბირველი ჭედური ნახატი რომელი იყო და რას იტყვოდით?**

— შენახული გვაქვს რაღაცეები, ერთ-ერთი აგერ არის: გოგონა რომ ზის, დამწიფებული მტევანი. მე მაშინ არ ვიცოდი, რომ იქ სამება-ერთარსების საიდუმლოს ვაკეთებდი მტევანში. და ისიც არ ვიცოდი, რომ აქ ვაკეთებდი სიცოცხლის მოდელს. მატერია რომ შექმნა ღმერთმა და პალმის რტო რომ მისცა ხელში, ანუ მშვიდობა ქვეყანასა ზედა.

ერთ-ერთი ბირველი იმათგან დაჩანგულა უკვე, — ერთგება საუბარში გგანცა, იმ მხარისაკენ მიბრუნებული, საითაც ნამუშევარი ეგულება და თითქოს არბილებს თავისსავე ნათქვამს:

— **მოუხდა, სხვათაშორის, მამა.**

— **თქვენი ბირველი პერსონალური გამოფენა.**

— პერსონალური გამოფენა 1971 წელს მოეწყო გამომცემლობა „მერანში“. ესლა თქვენ გაიკვირვოთ შეიძლება, რამეთუ მხატვართა კავშირს პქონდა თავისი საგამოფენო ვალერება. მე იქ არ გამოვიფინე. არ გამოვიფინე ჩემი ნამუშევრები. მე ბირველივე პროტესტი გამოკვეთილად ვუთხარი მხატვართა კავშირს 1971 წელს, როცა გამომცემლობა „მერანში“ გააქეთე გამოფენა. ის ადგილი ვაქციე საგამოფენო დარბაზად. მინიმალური საცხოვრისი ოჯახს დაგაკელი, ვიყიდე ტილოები და გამოვაკარი იმ შენობაში. კარლო კალაძემ დამიშვა მე იქ.

– ბატონი კარლო „მერანის“ დირექტორი იყო, ზომ?

– დიას. კარლო კალაძე ის ღონიერი კომუნისტი იყო, რომელსაც შეეძლო თავის კოლეგა მხატვართა კავშირის კომუნისტებთან ეთქვა: – ჩემი ცოლი მოქანდაკე იყო, მე ლექსებს ვწერ და ახლა ვაკეთებ გამოფენასო. ის ამას მოიხდევდა და მე კიდევ ვინ გამიშვებდა, მხატვართა კავშირის წინააღმდეგ წავსულიყავი. მე ის კაცი ვარ, ვინც მხატვართა კავშირმა მოსკოვის პარალელურად, იქ რომ სოლჟენიცინის ასამართლებდნენ, აქ მხატვართა კავშირში მე გამასამართლეს, რადგან მწერლებში არ უკავდათ გასასამართლებელი პარალელი. იმ მიზეზებით, სოლჟენიცინს რომ იქ ასამართლებდნენ, აქ გამასამართლეს მე. ოღონდ მერე გაირკვა, რომ ის ფუნქციას ასრულებდა და მე მართლა გამასამართლეს, დედა მითირეს. პოდა, ამ ფონზე მე არ მქონდა არავითარი გარანტიები. გაზეთები წერდა ჩემზე, რომ ვიყავი ჩაგარდნილი პესიმიზმში, რადგან ქვეყანა არის უძრავობაში და ეს მანაც ფართხალებს. მიგებთ? ცოცხალი რომ ვიყავი, ეს მეთვლებოდა დანაშაულად. მე დამქონდა გამოფენები მსოფლიოს ირგვლივ, მოვდიოდი სახლში და ჩემს სახლში იყო მკვდარი დუმილი და ამ მკვდარ დუმილში თუ გაინძრეოდით თქვენ... მე ვნატრობდი თურმე გარდაცვლილ სულებზე და სულების გადასახლება და... მოკლედ, მათი სიტყვით, პესიმიზმი შემოვიდა ჩემში... და ამ ფონზე მე მასამართლებდა ყოველი გამგლეული ვიგინდარა, რომელსაც მხატვართა კავშირის წინააღმდეგ ედო ჯიბეში. ეს იყო.

– იმ დღეებში მხატვრებიდან ვინ იყო თქვენთან?

– ჩემთან იყო ერთადერთი კაცი მხატვრებიდან ლადო გუდიაშვილი. პოდა, რომ არ ყოფილიყო ლადო გუდიაშვილი... როცა ვნახეთ, რომ გაგვწირა სუყველამ, ჩვენ – მე და ჩემი ლილი (მეუღლეს გულისხმობს – რ. ნ.) ჯერ წავედით იმ კაცთან, რომელიც გამწირავებს მეთაურობდა. არ ვასახელებ. იმან თავი მოიხადმყოფა, ვითომ ავად იყო. ჩვენ ვკითხეთ:

– თქვენც გვწირავთ?

– არა, ჩვენ რა შუაში ვართო.

– აბა, მაშინ ლილის გუთხარი, უფრო სწორად, ლილიმ მითხრა, ლადოსთან წავიდეთ, ლადოსთანო. გავიგოთ, ლადო როგორ თვლის, როგორ ფიქრობსო. წავედით ლადოსთან. მე მქონდა გუნებაში, რომ თუ ლადოც იმას თვლის, რომ მე ზედმეტი ვარ ქართულ მხატვრობაში და გუშლი ხელს, მაშინ მე სიცოცხლე არ მინდა, მხატვრობა კი არა, მარტო. მი-

ვედით ლადოსთან. დაგვხვდა ნინო და ლადო. ჩემმა ლილიმ მოუთხრო ყველაფერი. ლადო უსმენს აქედან, მისი ეშმაკური ღიმილი ახლაც მახსენდება.

— აბა, ბიჭო, მე რომ სარდაფში მამყოფებდნენ 1936 წელს, 37-ში რომ ხვრეტდნენ ირგვლივ ყველას და გამოხედვის უფლება არ მქონდა, მე რა უნდა მექნა მაშინ? და გაეცინა.

— ბატონო ლადო, თუ თქვენც ასე თვლით... — და გაეცინა. ჩემს სახლში გვანცას აქვს ზევით სურათი დაკიდებული, ჩამოსხნა თავისი გრაფიკა, გამოიტანა და დააწერა ზედ. რაღაცეები წერა, წერა და წადი ახლა შენ სახლში, მითხრა.

წამოვედით ჩვენ რეაბილიტირებული, დაბრუნებული მხატვრობაში. სიცოცხლეში კი არა მართო, მხატვრობაში. და მოხდა ისე, რომ იქ წერია რაღაცეები... მერე მე ჩემი ომი წარემართე უკვე გამიზნულობაზე...

იყო ჩემს ცხოვრებაში სამი-ოთხი შემთხვევა, როცა ლადო ველარ აუდიოდა თავისი სტუმრების შემოტევას და კობა გურულს უთვლიდა, ერთი ნამუშევარი გაუკეთე ამათო. მე მქონდა ოთხი რეკომენდაცია, წერილებიც არის ჩემს არქივში, ნინო რომ მწერს, ლადო გთხოვს, ერთი ნამუშევარი აჩუქე ამასო, ერთი ნამუშევარი იმასო და...

— ზო, ეს უკვე გასაგებია.

— აი, ამ დღონზე ვიყავით ჩვენ და მე მაქვს ფოტოების მთელი კოლექცია, კინოფირებივით, საუბრის მთელი თემა...

ყველას მოეკითხება, ვინც ჩემი ნამუშევრები, ნატყვიარი ნამუშევრები როგორც ისტორია, ლიტერატურის მუზეუმამდე მიიყვანა განგებამ და მერე იქიდან გადაყარა შეგნებულად ვინმემ... დედა ეტირება, საფლავში ამოუტრიალდება ყველაფერი, ეს უნდა ჩაწერილი დარჩეს. რადგან რა ნამუშევარიც გაჩვენეთ ქაშუეთის კარებისა, გამიზნული იყო იმავე გამიზნულობით, უნდა გაკეთებულიყო იმ დროს, სანამ დაიწყებოდა ეს ამბები და უნდა დაცხრილულიყო ტყვიებით. მე რომ ეს ვიცოდი, არ ვაგაკეთე! აი, რაშია საქმე, მაგრამ რაც იყო ჩემი უპირველესი გაკეთებული ჭედურობა იქ, ის რომ დაცხრილეს, იმაზე ამოიყარეს გულისჯავრი.

— როგორ წარმოგიდგენიათ თქვენი და ლადო გუდიაშვილის შესვედრა ნათმარ ტაძარში?

— აი, ჩვენ უკვე მივედით იმასთან, მე წინასწარ ვისაუბრე იმაზე.

— თითქმის.

– მე განგებამ უდიადესი ჯილდოები მომცა. ჩემიანი თუ მიხვდება ამას, ამას რა სჯობს. თუ არ მიხვდება და... მაინც მომცა. ლადო გუდიაშვილთან მე უფაქიზესი შესვედრები მქონდა. მოხდა ისე, რომ მოვიდა ცკ-ს მდივნად ის კაცი, ვინც ესლა არის (გულისხმობს გ. შევარდნაძეს – რ. ნ.). ყველგან მივიდა, ჩვენთან არ მოვიდა, მხატვრებთან. მე მოვითხოვედი, რომ მოსულიყო ჩვენთან. გლეხებს შეხვდა, მუშებს შეხვდა, ინჟინრებს შეხვდა, ექიმებს შეხვდა, პოეტებს შეხვდა; ყველას, ყველას და მხატვრებთან არ მოდიოდა, რადგან მხატვრობა ითვლებოდა როგორც რალაც ბალასტი, რადგან სიტყვა არ იყო იქ. და არავის შეეშალოს რამე არც არასოდეს; სადაც მხატვრობა არ არის, იქ არც სიტყვაა და არც მუსიკა. სადაც მხატვრობაა, იქაა სიტყვაც, მუსიკაც, ფერიც, გრაციაც და სუყველაფერი ერთად. აი, ეს რომ ეცოდინებოდეს ცკ-ს მდივნებს და ქვეყას მდივნებს და ზეკას მდივნებს – ყველას, ვისაც ავალია კულტურის საგნები, მაშინ იმათ არ შეეშლებოდათ; მაგრამ შეშლილ დროში და შეშლილ დავალებულ ქვეყანაში შეშლილი იყო განგებით ყველაფერი. უკულმა გადატრიალებული. ცკ-ს ბიუროზე, როცა ას რალაცა მხატვარი და ფუნქციონერი შეხვდა ერთმანეთს, გამოვიდა თქვენი კობა ბიძია და გააშიშვლა მთლიანად ქართული ვაი მხატვრობის არსი და უკანსვლის, დეგრადაციის ყველა მიზეზი, საგანი წარუდგინა ახალმოსულ კაცს, რომელიც ქართული ტკივილის შევლას იჩემებდა. ა, თუ შენ უნდა უშველო ქართულ ტკივილს მედიცინაში, სხვაგან და სხვაგან, მხატვრობაში თუ ვერ უშველი, იქ, მაშინ ვერ იქნები შენ სრული კაცი. ამიტომ მე რომ ვარ ვალდებული მხატვრობისა, შენ უნდა გაცოდინო ყველა ტკივილი თუ შენ იღებ. თუ შენ თამაშობ, მერე მოგხვდება... და აი, იქ, იმ ყრილობაზე თუ ბიუროზე იყო ნათქვამი ყველაფერი. მაშინ მე ავწიე მოდელი, რომ ეს გაცხოველებული ვაი-მხატვრობა რომ ჭამდა ლადო გუდიაშვილს, ჭამდა დავით კაკაბაძეს, ელენა ახვლედიანს, ქიქოძეს და სხვებს და სხვებს და ფიროსმანს მით უმეტეს ჭამდა და იმ გზაზე შემდგარ ახალგაზრდობას. მაშინ გამოვიდა ისე, რომ მე გავწირე მთელი ჩემი ყოფითი, მოპოვებული ყველაფერი და მე ავიღე ხელში მფარველობა, პატრონობა და ტკივილი იმის იმედით, რომ აგერ მპირდება კაცი, რომ სერგო ზაქარიასძის მკვლელს და სხვებს არ დაიყენებს გვერდში. ამ დროს გვერდში უყენია. მე რომ ვამხილე ესეც, მაშ, როგორ დავიჯეროთ ჩვენ თქვენ რომ გვეშველებით-მეთქი, იქიდან რაც იყო ნათქვამი, ალბათ, ოდესმე, სხვა დროს

ვილაპარაკებთ... მთავარი იყო, რომ მე გამოვედი და ლადომ მოისმინა ის, რომ პირველად გაჩნდა ვილაცა, აშკარად რომ ამბობს თაობების გულის-ნადებს. მაშინ ვეღარ დამალა მოხუცებულმა კაცმა და რომ მოვბრუნდი მე იქიდან, აიღო ფურცელი, აკადემიური ფურცელი, დადო მარჯვენა ხელი და შემოხაზა ესე (შიწვენებს) ნერვიულად, ფანქრით და დააწერა: ჩემო კობა, მეტი ჯილდო მე არაფერი მაქვს, ჩემს მარჯვენას გჩუქნი შენ. ეს ქალაქი შენახული მაქვს მე აქ. არის. მეტი ჯილდო და ლაურეატობები არ მჭირდება მე... ეს იყო უდიადესი შეხებები ჩემი...

— და აი, როცა ასე შემოქმედებითად ხვდებით თქვენ და ბატონი ლადო ერთმანეთს ქაშუეთში?

— შემოქმედებითად რომ ვხვდებით ქაშუეთში, ესეც კანონზომიერი აქტია.

— დიას, რასაკვირველია. მაგრამ განწყობა?

— არც გადაპრანჭულად და არაფრით. დიდი მოკრძალების გრძობა მაქვს და თან შიში იმისი, რომ ჩემი იღება კარები და მე ვუშვებ. იქაც მე ვუდგები ლადოს დარაჯად კი არა, გუშაგად. ეს მე უუფაქიხე-სი და უთავმდაბლესი განცდით მავსებს... პატარა ბავშვი რომ მიუშვას უსაყვარლესმა ბაბუამ თავის თავთან სიასლოვეს. აი, ასე. ფიროსმანის სახლ-მუზეუმი რომ არსებობს, სასახლე. კაცს, რომელსაც არ ჰქონდა სახლი კი არა, თთახი არ ჰქონდა, ბინა არ ჰქონდა და რომ შეგძელით ეს გაგვეკეთებია, ხუმრობა საქმე არ არის ეს. მე დავით კაკაბაძესთან არ შემახვედრა განგებამ. ვილაცეები ჩაეჩხირნენ, ვითომ ევროპეიზმის აპოლოგები, ებრაიშეებიდან გადმოსრილ-გადახრილები. მაგრამ დავით კაკაბაძესთან მე დიდი სულიერი ნათესაობა მაქვს. არ იყო საჭირო მე და ის ფიზიკურად შევხვედროდით. იმერელი ვარ მეც და ისიც იმერელი იყო. იმერული დიდი სიყვარული მოფოფინებს მის ფერში, ხაზში, ინტელექტში და აი, ის, რაც მას აქვს დასატული წერტილებად, ბიოლოგიაში რომ შეიჭრა ის, მე შევეხე მას უკვე ენის სტრუქტურით. დავით კაკაბაძე მისული იყო იმ მიჯნებთან, საიდანაც იხსნება ის, რაზედაც მე და თქვენ ენაზე ვსაუბრობდით. მიგებთ? აი, იქ მემკვიდრე მე ვარ, ოღონდ ის ენა-ში კი არ ხსნის, ფერით მოაქვს. ჩემთვის ის ფერიც გახსნილია უკვე და მთლიანობაში მეძლევა.

ჩემი მემკვიდრეობა უზუბირდაპირესი მიბმით არის ჩემი ეროვნული გენის მემკვიდრეობაზე. ეს არის ყველაზე დიდი ღონიერება ჩემში და აი,

მე რომ ვიცი, რომ ჩემი ეროვნული გენეტიკის მემკვიდრეობა კი არის დედამიწის ეროვნული გენეტიკის მემკვიდრეობა და პატივი და ღირსება და კიდევ ციურის მემკვიდრეობა, აი, მაშინ მთლიანად იქმნება ბაწარი და ჯაჭვი გაუწყვეტელი, რომელიც ათქმევინებს ქართველ მეზღაპრეს, უფრო ზუსტად, ნაცარქექიას: მე იმიტომ ვარ მსუბუქი, რომ ცაში მივიღია ხელით.

— რა არის ქაშუეთი თქვენთვის მანამდე, სანამ თქვენი სულის ნაწილის გარკვეული თანაზიარი გახდება?

— ამ კითხვაზე ცოტა შორს მოვლით მოგვიწევს პასუხის გაცემა. და ცოტა ის გავხდები... რა პქვია... არა ინტიმური მომთხრობი, არამედ ცოტა მკაცრი და ცოტა მკვეთრი. ჯერ უნდა გამოვკვეთო ჩემ თავშივე, რა არის ქაშუეთი, საერთოდ, და მერე ჩემთვის, რა არის. გახდება თუ არა ის, თუ მე თუ შევძლებ გავხდე თანაზიარი მისი, თუ ვერა — ეს არის პრობლემა. ჩემი პრობლემა კი არა, მთელი საქართველოს პრობლემა. თუ ქაშუეთი არ იცის საქართველომ, ის არც დასვამს საკითხს: გახდეს თუ არა მისი სულიერი ნაწილი. ამიტომ ჯერ მაინც გამოიკვეთოს უნდა და ჩემ თავში გამოკვეთილიყო ქაშუეთის რაობა. რქა-რქა. ორი რქა ხარისა და მას შორის ჩადგმული მზე. ეს არის ქაშუეთი. მზის ქაშვეთი. მაგრამ ორი რქა მთვარისა, მთვარის ორი დალეული ფაზა და მთლიანი მთვარე. ეს არის ქაშუეთი მთვარისა — თუთაშხო. თუთაშხო, თუთაშხუ, თუთაშხი, თუთაშხა, თუთაშხე, თუთაშხია — ეს არის სიცოცხლის მოდელი, მთვარული სიცოცხლის მოდელი და წინ ხარზე რომ გითხარით, მზიური სიცოცხლის მოდელი. მზიური დიდი ენერჯიაა, მოძღვარი ენერჯიაა, მთვარე დაქვემდებარებულია, მაგრამ მისი საპირისპირო მამრული ენერჯიაა და მამრული ენერჯია არის დიდი თუთაშხია ანუ დიდი გიორგი. თუ გვეცოდინება იმ რქათა ოდენობა და ხარისხი, ერთი ფაზა მთვარისა ე. ი. მთვარედან მარჯვენა მხარე არის თეთრი გიორგის, თუთაშხის არგუმენტი. ის ფაზა ი-ს წერს, თეთრი რაცაა, მეორე ფაზა ა-ს წერს, ეს არის თუთაშხას ი-ნიც რაც იწერება, ის არის თუთაშხი თეთრი გიორგი, თუთაშხა — შავი გიორგი. ორივე ერთად აღებული კი არის წმინდა აბსოლუტი ანუ სრული გიორგი — გორგო. აი, ეს მოდელი არის ის, რაც განსახებული არის ქაშვეთის ეკლესიაში. შუათანაობა, ზომიერება არის ორი დაპირისპირებულობის შუა. ყველაზე ზომიერი მატერიაში ყოფა ღვთიური ყოფაა. ღმერთი არის ზომიერი, ღმერთი არის წონასწორი, ღმერთი არის

შემომქმედი ყოველთა კეთილთა, ბოროტთა, ყოველთა მაშუანებელი და მაწონასწორებელი. საქართველოს ღმერთმა დაანათლა დედამიწის ზომიერ შუა სარტყელზე ყობადობა. ყინულის პოლუსიდან და ეკვატორის ცეცხლიდან შუა ზომიერზე და დედამიწის შუა ზომიერ სარტყელზე ბეჭდის თვალისგან კავკასიაში გული-გულში, უშგულობა, ჩასმა და მისი იღბალი არის ქაშუეთობა ანუ შუალედობა, შუათანობა. შუანი, შუანეთი დევს როგორც ნიშნული დედამიწაზე სვანეთში — შუანეთში. ქაშუეთობა დედაქალაქ თბილისში არის შუანობა, წონასწორობა, რქათა შუაობა ანუ გიორგის, შავი და თეთრი გიორგის თანასწორობა; და ამათი გვირგვინი ე. ი. წმინდა გიორგობა. ყველაფერ ამას თუ დავიტანთ ქვა-შვეტამდე ანუ ქვასვეტი. თუ ის ყველაფერი, რაც ვთქვით, გამკერვიდება, გამოიკვეთება ქვაშვეთში — ქვასვეტში ეს იქნება ნიშანი, ზოდი, სვეტი ქაშვეთისა. ამ ქაშვეთის სვეტის მოდელზე არის შექმნილი ხალხური ქაშვეთის სვეტის ლეგენდა; ქვა შვაო. არა, პატარა, ბავშვური უსაყვარლესი განცდით გაკეთებული ლეგენდაა, მაგრამ ქვაშვეტია იქ, სვეტი ცხოველის გაქვავებული, გახევებული, გაადგილებული. აი, ეს არის ჩემთვის ქაშვეთი — წონასწორობა ღვთიური. თუ ჩემს ცხოვრებაში მე ვერ შეექმნინდი, ვერ მივალწვედი ჩემ ღვთიურ წონასწორობამდე, ვერ გავწვდებოდი მას, უფლება არ მქონდა შევხებოდი ქაშუეთს. ქვაშვეტს არ შევხებოდი და ქვათა შუას არ შევხებოდი, თორემ შობდა დედაკაცი ქვას. ეს აქტი მოხდებოდა. ეს ჩავთვალთ, რომ დარჩება ისევე მყარ არგუმენტად უწონასწოროდ შობილი ქვადნაშობი იქნება; მაგრამ მოხდა ისე, რომ განგებამ გახსნა ჩვენთან სულიწმინდის კარი და ამ დიადი მადლის ქვეშ ჩვენ მოგვეცა ის, რაც გითხარი. და გიორგის მოდელი. დღეის ამას იქით მე გიცო, რომ არის ქართულ სულიერებაში, ქართულ ირეალურში გიორგი, რაც არის წმინდა გიორგი; მას აქვს ორი ბუნება: თეთრი და შავი ბუნება და მთლიანობაში არის წმინდა, მთლიანი, აბსოლუტი და მისი რეალუზებული სახე არის ქართველი კაცი — თეთრი და შავი გიორგი და მერე ზეკაცე მისი ბუნებისა შუანი და წონასწორი კაცი, სრული კაცი, წმინდა გიორგი რეალური კაც — ღმერთი. ეს რომ გეცოდინებათ ყველაფერი, მაშინ დედამიწაზე ცხოვრება იოლია. როცა თქვენ იცით, რომ შავლეგო არის შავი გიორგის, ყველაზე მკაცრი გიორგის, ყველაზე დახარჯული გიორგის, რადგან ყველაზე მხურვალ დროში უხდება შავ გიორგის მოღვაწეობა, მხურვალე დრო ცხოველი მატერიის მხურვალეობის დროა.

ამ მატერიის მხურვალ დროში შეკავება ცხოველმოქმედებისა ყველაზე მძიმეა, როცა გრილი დროა თეთრი გიორგის, ნაკლები ხარჯი უხდება მატერიის მიმართ ბრძოლაში. მას თავის მატერია თავისი ბუნებისა გამო და კოსმიური დროისა გამო, სიცვივისა გამო შეკავებული აქვს. მას არ აუხდება მატერია. ის მხედარია თავისი მატერიისა. ის კარგი მხედარით მართავს თავის მატერიას, მაგრამ შეემა გიორგიმ უნდა ყველა ღონე მარადული სიფხიზლე უნდა ატაროს, რომ ამ მატერიის ცხოველმოქმედ აქტიურობის დროს იდგეს შუანში, იდგეს წონასწორობში და მოიგერიოს შემოტევა მატერიის — სატანისა. მიგებთ, რა სასტიკია შავი გიორგის ხვედრი?

— დიას.

— აი, როცა თქვენ იდექით აპრილის ამბებში, ქაშუეთის წინ (1989 წლის 9 აპრილის დღეებს გულისხმობს — რ. ნ.), შავი გიორგი იგერიებდა უთავზარდამცემეს მატერიულ შემოტევას და უთავზარდამცემეს ნებას აცხადებდა საქართველოს აბსოლუტური სიხარბით მოფლობისა. ვინ დაგანებებს, გიორგი შვილო, შავო გიორგი თუ თეთრო გიორგი; ვინ დაგანებებს იმას, რაც მარადული და ღვთიურია და შენ განგიკარგავს შენი თავიდან შენი უწონასწორობისა გამო. აღარ ხარ შუანი, აღარ ხარ წონასწორი, მაშინ მოდის რაღაც ღონიერება ქაშუეთის ძალისა და შენ გდებს ბრალს იმ უწონასწორობაში, რაც შენი ბრალი არ არის.

— მაშინ ყველაზე ბოძულარული სიმღერა სწორედ ეს იყო:

„შავლეგ, შენი შავი ჩოხა“...

— დიას, ბატონო, დიას. ისე არ ხდება არაფერი, შვილო, ისე, მე როცა ეს ვიცი...

— მთელი საქართველო მღეროდა მაშინ, სწორედ ამ წლებში ამოტივტივდა.

— დიას. ეს იყო შავი გიორგის.

„შავლეგ, შენი შავი ჩოხა, შავლეგო,

სისხლში გაგინამებია, შავლეგო.

ყაწიმები გიხდებოდა,

მტერთან ბრძოლა გიხდებოდა...“

ყველაფერი: უთოფო, უიარაღო ხელით სიკვდილთან მისვლა ესაა. გიორგი იყო იქ, ის შავი გიორგი — უშკატრესი და უსასტიკესი განცდილი შავი გიორგი. ეს რომ გეცოდინებათ ერსა და ბერს, ჩემო კეთილებო, მა-

შინ ქაშუეთის მღვდელი იქნება, მოძღვარი იქნება თუ ფოფოღია, თუ რო-
მელიც გენბავთ, არ მოვა და არ ატლიკინებს ენას: — რას აკეთებ, კაცო,
შენ, დაგვიჩქარე, ჩვენ ღონისძიება გვაქვს პარტიული ჩასატარებელი და
დაგვეტოთ უნდა კარები. ასე არაა; ფესხადგილის კარები არაა ქაშუეთის
კარები. ქაშუეთის კარები არის უღიადესის კარები და უღიადესი უნდა
დაბრუნდეს საქართველოში, როგორც გიგანტური სიმართლე, როგორც
გიგანტური თეთრი. ესლა მე ვხედავ მას უკვე, ღმერთო ძლიერო... და
ვაი მას, ვინც ვერ მოიმხრო შავი გიორგის იმხელა სისხლდათხეულობა,
თავდადებულობა და მის სისხლზე დღეს ფერხულს მართავს და მოსაგე-
ბელი ჰგონია შავი გიორგის სისხლი. არა, შავი გიორგის სისხლი მოსაგე-
ბელი არ არის. შავი გიორგიც და თეთრი გიორგიც წმინდა გიორგის ორი
ნახევარ-ნაწილია და მათი მთლიანობის დრო მოდის ესლა. იმას უნდა
შეეგებოს ქაშუეთის კარები და მე როგორ გავებდავ ჩემი უღირსი თა-
ვით თუ განგებამ დამასრულებია ეს და მე ვიცი, რომ დამასრულებიებს;
როგორ ჩავთვლი, რომ მე მივწვდი და თანაზიარი გავხდი, მე ხოხვით
მივალ, ღოცვით მივალ ქაშუეთის კარებთან, სადაც შეებმევა ის ჩემი ხე-
ლით გაკეთებული კი არა, ღვთის ნებით გაკეთებული კარები. გიორგების
ის ორი სისტემა, სამ-სამი გიორგი თეთრი გიორგი და შავი გიორგი და
გვირგვინში კიდევ მაცხოვარი, როგორც წმინდა გიორგი აბსოლუტი. მი-
ვალ ფორთხვით და ე, მე მაშვინ მე არ გავშინაურდები და მითუმეტეს,
ვერ გავებდავ და კადნიერი ვერ ვიქნები, ვიყო შინაური. ვეცდები კი, რომ
ღირსი ვიყო.

— ბატონო კობა, განწყობათ იწყებთ სამუშაო მაგიდასთან მისვლას
თუ განწყობა მუშაობის პროცესში მოდის?

— ესლა, როგორც ყველა გონიერ არსებას აქვს რაღაც გამიზნულობა.
ეს გამიზნულობა ამ მომენტში ჩამოყალიბებული იყო. ჩემი უსასტიკესი
ცხოვრების ფონზე მოსულიყო ვიღაც კაცი და ეთქვა, რომ ბატონო, ჩვენ
ვიწყებთ ქაშუეთზე მიშენებას და იქ გვინდა, გაკეთდეს კარები და ეს
კარები ჩვენ გადავწყვიტეთ, რომ თქვენ უნდა გააკეთოთ.

— უკაცრავად, ეს „ჩვენ“ ვინ იყო, საეკლესიო სინოდი ანუ...

— არა, საეკლესიო სინოდი არა, ეკლესიასთან არსებობდა მშენებლო-
ბის რაღაც ორგანიზაცია და ქალაქის...

— ე.ი. საერო?

— საეროც არის და საეკლესიოც, ორივე. მე არ ვამბობ ესლა გამოკვე-

თილად, სანამდე არ ჩამოყალიბდება ყველაფერი. მთავარი, გადამწყვეტი ვინ იყო ამ საქმეში, კაცია, არქიტექტორი ირაკლი მოსულიშვილი. ჩვენ ერთად დაგვითავრეთ თბილისის სამხატვრო აკადემია. მან არქიტექტურა დაამთავრა. ჩვენ გაგვყარა განგებამ მერე. ის წავიდა. ბევრ საქმეში მიიღო მონაწილეობა და ბოლოს, როცა მე გამოვიარე სიმწრით ჩემი სიცოცხლე, დამიბრუნდა ის კაცია და მოდის, რომ მე მაქვს დავალებული, გითხრა, რომ შენ ქაშუეთის კარები... ეს იყო ამ თავსარდამცემი არეულობების წინ. მის წინ იყო ჩემი ასპინძაში წაყვანა და მოსაკვდინებელი შხამის გაგლა და მთელი ამბავი... და მე სახლიდან აღარ გამოვდიოდი. ამ დროს მოდის ჩემთან ასეთი ამბავი. მე ვიფიქრე, ვიფიქრე და ჩავოვალე, რომ ეს განგებით ხდება. მათ არ იცოდნენ, რომ განგებით ხდება. ესეც მე მივხვდი... მაგრამ მოხდა ისე, რომ თრი წელი მაწვალეს, არ მოიტანეს მასალა. მათ იცოდნენ. მე ვუთხარი მათ:

– მე გაგაკეთებ!

– ხელშეკრულებას დაგიდებთო.

– არა, – მე ვუთხარი, მე რამდენი ხელშეკრულებაც დამიდეს, სუყველა ხელშეკრულება შევასრულე პირმართლად და ბოლოს, ჩამიშალეს. და მე ეხლა მოკლეული კაცია ვარ და აღარ მინდა, კიდევ მოვიტყუო თავი ვისმეს ხელშეკრულებით. ოჯახსაც არ უნდა პქონდეს იმედი, რომ მე ხელშეკრულება მაქვს. მე ვიცი, თქვენ მოხვედით, აკეთებთ, ქაშუეთის კარები გინდათ. მე ამას გაგაკეთებ. ოღონდ ფული არა მაქვს, საჭმელი არა მაქვს, სასმელი არა მაქვს, ჩასაცმელი... წყალი ჩამომდის და თქვენ ამას არ გთხოვთ, ოღონდ მასალა მომიტანეთ, რაც სჭირდება მას და მე კიდევ თუ მომატყუებთ, მე გააკეთებული დამჩნება და შთამომავალს დარჩება ჩემი გაკეთებული. ეს არის პირობა დღესაც. ეს პირობა არ გადავა. მოხდა ისე, რომ მე სად დავაყენო ეხლა ჩემი თავი, როდის მაქვს განწყობილება. მე განწყობილება სულ მაქვს ღმერთის სამსახურში ვიყო, ჩემი ერის სამსახურში ვიყო. მისგან არ მივიღო მინიმალური საცხოვრებელი სახსარი და რაც მაქვს, მივცე ყველაფერი. არ გქაძილობ მე და არც მჭირდება, რომ ვიქაძილო... მაგრამ თუ ლუკმა-მურიც აღარ არის, მაშინ განწყობილება ვეღარ მოვა, იმიტომ... ფიზიკა წყვეტს სულიერების საკითხს რაობაში. ხო. და მოხდა ისე, რომ მე არ მომიტანეს, წლები მაწვალეს მასალის მოტანაზე. მაშინ მოხდა სასწაული. ეხლა შეკითხვას არ ეხებოდა ეს, მაგრამ მე მაინც...

– არა, ეს ძალიან ხანტერესია...

– უძლიერესი რაღაც მოხდა და მე შინაგანად გაგნაწყენდი... რომ კიდევ მომატყუეს. ამ განაწყენების ფონზე გამოჩნდა კაცია. ვინმე კაცია ენუქიძე და მითხრა:

– აი, ბატონო, ჩვენ მოვიტანეთ ქაშუეთის კარებების მასალა. მოვიტანეთ თვით კარებების საყრდენი რაცაა და შემოვიტანოთ. ეხლა გამოგვხედე.

გავედი და 4-6 მუშა ახლდათ. შემოიტანეს ეს ყველაფერი და უუღიადესად გამიხარდა გუნებაში, მაგრამ გული დამწყდა, რომ აქამდე, თავის დროზე მოტანილი ყოფილიყო, ეს კარები უკვე გაკეთებული იქნებოდა. ეხლა მოიტანეს. ეხლა მოიტანეს და რაღამც მოიტანეს, მე უკვე აღარაფერს აღარ ვეკარგავ. მასალა მაქვს, მე დავჯდება და ვიმუშავებ... მაგრამ მე მაინც ვერ შევქელი, რომ რისხვა არ გამომეთქვა მათდამი, ვინც შეაყოვნა ჩემამდე არმოტანა კარებებისა. როცა დავაღაგეთ ესენი და მუშები დავლოცე, თითო ჭიქა ღვინო მაინც მოვახერხე, რომ დავგველია, დავგველოცა ქაშუეთის კარების მობრძანება აქა. წავიდნენ ისინი. ნახევარ საათში მოვიდა ორი ქალი, რომელთაც აინტერესებდათ ჩემი ემოციური მდგომარეობა იმის შემდეგ, როცა ორი წლის ლოდინის შემდეგ მივიღე კარებები. ერთს ვიცნობდი, მეორე – ახალი იყო. მე მივხვდი, ეს ჩემთვის ნაცნობი ხელწერა იყო. მივხვდი, რაშიც იყო საქმე და დეტალურად ავუხსენი მე მათ ჩემი რისხვა... და ჩემი რისხვა ავიდა კულმინაციაში და ამ დროს მოხდა ჩემთვის თავზარდამცემი სასწაული: შექანდა სახლი და დაიწყო მიწამ რხევა. ზღაპარს არ გიყვებით! ეს იყო რეალობა და ეს ქალები დაფრთხნენ და მეც დაფრთხი, მაგრამ მერე მოვედი უცბად აზრზე და მე ვიცი, რომ მე არ უნდა გავბრაზებულიყავი და ვეცადე, რომ დამეწყნარებია ჩემი თავი. მაგრამ ქალები, რადგან ვიცოდი, საიდანაც იყვნენ მოსულნი, მე ჩავთვალე, რომ ცოტა არაუშავს, შეშინებულიყვნენ. კარგა რომ მოიჯერეს გული, მერე ვუთხარი:

– ეხლა გავედეთ გარეთ. დანგრევით, ნუ გეშინიათ, არ დაინგრევა...

მოხდა ის, რომ გავედით გარეთ. კარგა ხანს იყო ეს მიწისძრევა. ეს ქალები მერე წავიდნენ. რა სიტყვა მოიტანეს იქ, სადაც საჭირო იყო მიტანა, ეგ მე არ ვიცი. მაგრამ მეორე დღეს გაზეთებმა და რადიომ შენიშნა, რომ ეს იყო 13 რიცხვი, როცა მოხდა დიდი მიწისძვრა: დაინგრა ეკლესიები, დაინგრა შენობები, მაგრამ ხალხის მსხვერპლი არ ყოფილა. ეს იყო 13⁰⁰ საათზე. მოიტანეს კარები 12 საათზე და 30 წუთზე და ნახევარ საათში მოხდა ეს. ზუსტად შედგა იმ დღეს, იმ რიცხვში. მოტანა ამ კარებისა

და ჩემგან რისხვის გაშვება — აი, ეს აქტი ერთმანეთს დაემთხვა. ამას არაფითარი სენსაციისთვის არ გყვები. გაფიქსირებ მხოლოდ ფაქტს! ესლა ეს რატომ მოგყვები. გავიდა ხანი და ის კაცი, ვინც ეს კარებები მოიტანა, მოვიდა ჩემთან, როგორც ავადმყოფი. ავადმყოფი, მაგრამ როგორც ჩანს, მისი ღვაწლიც იყო შეკავებულიობაში ჩემამდე კარების არმოტანისა გამო და კიდევ რაღაც თავის ცოდვები პქონდა, როგორც ჩანს და ერთი წელი არ უცოცხლია. ის კაცი გარდაიცვალა. ახალი კაცები გამოიქცხადნენ მერე, ერთი წლის შემდეგ. მე ვმუშაობდი უკვე გაკეთებდი ნელ-ნელა. და მასალა მქონდა ახლა და კარები, ეს იყო. მერე გამოვიდა ისე, რომ წამოსწიეს ამათმა ეს პატრიოტობა და ეროვნული განთავისუფლების „დიდი მოძრაობა“ — ვამბობ ჩემთვის მე. გამოიკვეთა, რომ მე იქ არ უნდა ვყოფილიყავი, ამიტომ მოიტანა ვილაცამ ეს კარებები ჩემთან, რომ მე ვყოფილიყავი ყველაზე სერიოზულით დაკავებული და მეტი აღარ შეიძლება... რა გინდა მეტი, კაცო. დაეტი შენ სახლში. მე უნდა მივმხვდარიყავი ამას. მე მივხვდი, რასაც ისინი ფიქრობდნენ, მარა მე კიდევ ცოტა სხვა რამეს მივხვდი, რომ იქ, რომ ნგრევა დაიწყებოდა გარემოში, მე აქ უნდა მეკეთებია. მე უნდა გამეკეთებია ბალანსი, რომ დანგრევა არ მომხდარიყო. როცა ისროდნენ იქ, მთავრობის სასახლიდან თუ ქაშუეთიდან, ერთმანეთს ესროდნენ თუ სხვებს ესროდნენ, თქვენ გესროდნენ... მაშინ მე ვიჯექი აქ, ჩემი შვილი რომ იქ იყო, ერთად რომ იყავით... და სუყველა. მე ვიჯექი აქა და გულისფანქვალით გურტყამდი, სათითაო იმ გაჭყლეტილ, გახვრეტილ, დანგრეულს გამთელებდი! ეს რეალობაა. მე მხატვრობისთვის არ მცალია. გაფიქსირებ ისევ და ისევ ფაქტს და... სიცვიეში, შიმშილში, სისხლში, ოფლში, ყველაფერში გაკეთდა ექვსი გიორგი და ეს ხუმრობა არ არის და თბილისმა გადაიტანა ნგრევა. როგორ ფიქრობთ ესლა თქვენ, დანგრეულ თბილისში, როცა მიჭყლეტილი იყო, მოჭყლეტილი ყველაფერი და ამოშანთული და ძმის სისხლით დახვრილი ერთმანეთის ხელები და კედლები, სუყველაფერი, მე გამოვიტან და მივადგამ წმინდა გიორგის ქაშუეთის კარებზე არა? ასე არ იქნება. განგებას ასე არ უსურვებია. ვინც ისურვა ის, რომ მე ორი წლის წინ უნდა გამეკეთებია და განგებამ არ გაუშვა, რომ გამეკეთებია, რომ გამეკეთებია, ისევე დაცხრილული იქნებოდა ტყვიებით. ჩემს ნამუშევარს კი არ ვჩივი მე, გიორგის არ შეიძლებოდა შეხებოდა ტყვია. მიგებთ?! ეს მოხდა განგებით. არ შეეხო. ესლა ვინმე თუ რამეს კიდევ „ზრუნავს“ და ფიქრობს, არ გამოვა ისიც. გიორგის დაშარცხება არ შეიძლება. გიორგი

— შავია თუ თეთრი, წმინდა ხარისხში უნდა გავიდე. ის დრო მოდის ეხლა — ფინალი... მხოლოდ მაშინ შეიძლება ქაშუეთის კარებები, როცა სამივე გიორგი კი არა, ორივე გიორგი — თეთრი და შავი სამ-სამ ხარისხში ავა ქაშუეთის წმინდაობაში და იქ მაცხოვარი, როგორც წმინდა გიორგი ისე, რუსთაველის გამზირზე გამოტყორცნის განგებით ენერგიას სიკეთისას, სითეთრისას, სიშავის თანააღმობისას ოღონდ დაშარცხებული, ძირს დაწოლილი შავი და ზემოდან თეთრი და არა პირუკუ, შავით დათრგუნული თეთრი. აი, ეს დრო რომ დადგება, მაშინ შებმული იქნება ქაშუეთის კარებები. ღმერთის ნებით და არა ჩემი ნებით და მე ამ პერიოდში განწყობილება, გეუბნებით, არ მიჩნდება, რომ ვიმუშაო. ვებრძვი ჩემ თავს. ქარში თუ გამოგიცდით თქვენ ქარის საწინააღმდეგოდ წასვლა, ასე რაღაც მაწვალებს უფრო დიდი ენერგია და მაგდებს იქიდან. მე ელიზბარს დაგუჯერო, ახლა ვიღაცას იქ ბარი რომ ელოდება საწანწალოდ, მთა და ბარი, თუ კეფაში რომ ელოდება ბარი, თუ ღმერთს დაგუჯერო; რომელიც მეუბნება: ციც, შვილო, ახლა არა, ჯერ არა, ჯერ ადრეა, ჯერ ადრეა, ჯერ ადრეა! რომელს დაგუჯერო? მე ვეკითხები ბატონ ელიზბარს და კიდევ სხვებს. თუმცა ეს შეკითხვა ირონიულია და მე შესაკითხი ობიექტი მყავს უფრო დიდი. აი, ამ განწყობილებით ვარ ქაშუეთის მიმართ და სხვა შემთხვევაში მე არ ვმუშაობ თუ არა მაქვს მხატვრული აფოფინების ანუ სულიწმინდაში დგომის ასპექტი ჩემში... მე ისე არ ვხატავ. მე რომ დავხატო, თქვენ გაგეცინებათ, მე ორი კლასის უსწავლელი, ხატვის უსწავლელი მხატვარივით ვერ დავხატავ. უარესად დავხატავ და როცა ვხატავ, მაშინ თუ რამე გამომდის, ვეცე საკითხავია... (იღიმის)

— ბატონო კობა, საუბარმა მთიტანა და მინდა გკითხოთ, ამ ბოლო წლებში ყურადღების ცენტრში ქაშუეთი დადგა. ახლა მე მაგონდება ბატონ მერაბ ბერძენიშვილის ქანდაკების დადგმის ამბები ქაშუეთის წინ...

— ამას ნუ მათქმევინებ ბოლომდე, თუ არა, ჩემს კოლეგებთან უხერხულობაში არ გამოვიდე. მერაბი ჩემი უსაყვარლესი კაცია, მაგრამ მერაბსაც, ელგუჯასაც, გოგისაც და კიდევ სხვებსაც თავისი, შეიძლება შინაგანად ჩაუღრმავებლობისა გამო აქვთ რაღაც ისეთი... ეს ქანდაკებას ეხება და ეხება ეკლესიას. თქვენ კარგად იცით, რომ მრგვალი ქანდაკება არის კერპი, კულტი ქართული მართლმადიდებლური ქრისტიანობისათვის. ჩვენ გიცხოვრეთ 70 წელიწადი უღმერთო სოციალურ, პოლიტიკურ, ეკონომიურ თუ უეკონომიო საზოგადოებაში, სადაც ღმერთი მოსპობილი

იყო. გაკულტებული იყო პარტიული მატერიალისტი. მე არ გამიკეთებია ეკლესიაში ქანდაკება. ჩემ უსაყვარლეს კაცებს ყველას გაკეთებული აქვთ. პოდა, მათ უნდა პყოფნოდათ ამ ცოდვის სიმძიმე და მერე ქართული ეკლესიის პარალელურად არ შეიძლება კულტის დადგმა, კერპის დადგმა. ელგუჯამ ჯერ გააკეთა ეკლესიაში, მერე გამოდგა გვერდზე. მეტეხის კლდის ეკლესია რომ არის, იმას ტოლფარდი, შემტოტებელი და შემბაექრებელი არ სჭირდება. გამიგეთ?

– **ორი ძეგლი?**

– ორი ძეგლი ერთად და მით უმეტეს, იდეოლოგიური თუ იდეური ძეგლი რომ უბირისპირდება. ელგუჯამ დააფიქსირა ამ დროის კერპული ბუნება. ამით მან ლახვარი ჩასცა, მან კი არ ჩასცა, იმ კოსმიურმა რეალობამ, რეალობამ რომ ჩასცა ლახვარი, ელგუჯამ ის დააფიქსირა, თავის ყოფითაც და თავის შემოქმედებითაც... მერაბს უნდოდა, დავით გურამიშვილის ძეგლი დაედგა ქაშუეთის ფონზე. აი, ის კედელი რომ იყო, იქა...

– **რატომ ქაშუეთი?**

– აი, გითხრათ. მერაბმა ხომ არ იცოდა, რომ იქ მისაშენებელი იყო ის კედელი. იყო სიბრტყე და ოთარ ლითანიშვილის მინგრეულ-მონგრეული გათავისუფლებული გაზონები ქმნიდა მაცდუნებელ ფონს, რომ ამ სიცარიელეზე უკეთესი ადგილი არ შეიძლებოდა, თან ცენტრია. მერაბს უნდოდა, დავით გურამიშვილი რომ აქვს მას ყველაზე უკეთესი პლასტიკა, რაც აქვს თავისი, ის უნდოდა, იქ დადგმულიყო. ყველა დონე იმარეს იმისმა კოლეგებმა და მე, რომ ეს არ მომხდარიყო. და ჩააშალა ეს და ჩაუშალეს. მერე თქვენ ნახეთ, რომ დავით გურამიშვილი დგას ეხლა გაკეში.

– **მეცხრე საავადმყოფოსთან.**

– ხო. მეცხრე საავადმყოფოსთან და აი, ის, ვინაც ჩაუშალა მერაბს იქ დადგმა მაგისი, მეცხრე საავადმყოფოში სამკურნალო ხალხია (იცინის გულიანად), მაგრამ ჩემი კოლეგები არიან და უსაყვარლესები. მიუხედავად აბსურდული ინტრიგებისა... და მოხდა ისე, რომ რადგან იქ არ დაადგმევინეს, ბიჭო, ახლა გაჩნდა მომენტი: მოხდა მ აპრილი, მარიამი დაჩეხეს, გიორგი დაჩეხეს და მერაბს შეუძლია, გააკეთოს ეს. მას რელიგიური პოზიციიდან სრულიად არ უფიქრია. მერაბს უნდოდა, მიეშენებია ქაშუეთის ტაძარზე და იქ გაეკეთებია ქანდაკება. ეს უკვე უდიდესი კერპობა. და ამაზე გამოვიდა საქართველოს ეკლესია. ცოტა ჩვენ ვეჩურჩულეთ, რომ გითხრათ სიმართლე. არ შეიძლებოდა კერპის დადგმა, რა

გამოდის? ვიცით და ვცოდავთ. როცა არ ვიცოდით და ვცოდავდით, ის უნდა გვეპატიოს და როცა ვიცით და ვცოდავთ, მაშინ აღარ გვეპატიება. მოკლედ, მოხდა ისე, რომ მერაბს უარი ეთქვა მრგვალი ქანდაკების დადგმაზე. მისი ქანდაკება სადაც არ უნდა დაიდგას, ის თავის ადგილს იბოვის და ყველაფერი იქნება. ჩვენ არ შეგვიშლია ხელი, მას ღმერთმა შეუშალა ხელი, რადგან მოდის ესლა არა კერპის და კულტის დრო, არამედ ღმერთის დრო მოდის. ამისათვის არის, წინგასული კაცები მუშაობენ თავნაწყვეტით, თავნაუწყვეტლად, რათა განიწმინდოს უფლის მობრძანებისათვის გზა. ამას თუ ვერ მივხვდებით ჩვენ, გვეცოდინება ისევე ინტრიგები საეკლესიო, ეროვნული თუ სახელოვნებო და იმაზე ვიქნებით აწყობილი. აი, ეს ქაშუეთის კარები, ყოველი ინტრიგიდან გამოთიშულია. მე კი არ გარწმუნებთ, უბრალოდ, ფაქტს აღვნიშნავ. ვისაც უნდა იკვებონ, ვისაც უნდა... რაც უნდა... ეს კარები კეთდება. ჩამოჰკიდებს იქ ვინმე თუ არ ჩამოჰკიდებს, ეს ჩემთვის არ არის გადამწყვეტი. ეს კარები ღვთის მიმართ კეთდება. და თუ მოვა და როცა მოვა ნამდვილი საქართველო, როცა ღმერთში შესული საქართველო იქნება, ის მოიმხრობს ამ კარებებს თუ დღევანდელი საქართველო ვერ მოიმხრობს.

— ყველაფერს ეცნობით რაც თქვენზე დაწერილა, ან აგროვებთ?

— ნაწილობრივ რაღაცეები... ჩემმა ლილიმ (მეუღლეს გულისხმობს — რ. ნ.) შეადგინა რამოდენიმე ანბანურად... მაგრამ ესლა მეცინება ყველაფერზე. რაც დაწერილა, ეს იყო უწრფელესი პატივისცემით, სიყვარულით. მე იქ არ განვსჯი იმას, მცოდნეობას თუ არ მცოდნეობას, ვინ რა დაწერა. ერთია მთავარი, გულწრფელობით იყო ის დაწერილი. ვიღაცეები აფიჩინებდნენ ფეხებს. მე არ ვწერდი. არც არავის ვთხოვდი, რომ დაეწერათ ჩემზე და თუ წერდა ვიღაც, ვერც ავუკრძალავდი. კიდევ რომ ავუკრძალე, მერე გაზეთში ვიპოვე დაწერილი, მერე გავიგე, რომ დაიწერა. მე გაზეთსაც ვთხოვე, ტელევიზიასაც, რადიოსაც ვთხოვე, რომ თუ აუცილებლობა არ იქნება და რაღაც... არაა საჭირო. მარა, თქვენ არავინ გკითხავთ მაშინ. ხელს აწერენ თქვენს მაგივრად, რომ ვითომ თქვენ თანახმა იყავით. კი, მე მაინც ვამბობ, ის რაც გულწრფელად კეთდება, თქვენს მიმართ იქნება თუ სხვის მიმართ, დასაძრახისი არაა. ალაღად, გულწრფელად გაკეთებული. და ისე, დოსიეებს რომ ბეჭდავენ მაგანნი გაზეთებში, ვითომ მხატვრები, მხატვრობა რომ არა აქვთ და უცხოეთში დაზვერვისთვის რომ გააგზავნეს. მერე რომ ჩამოვლენ და აქ დაბეჭდავენ: ასე იყო, ისე იყო. მე ვიყავი წამყვანი... იქ გულწრფელობაზე და

პატიოსნებაზე შორს არის საუბარი. ეს ისე... ილიამს კვლავ.

— იყო დრო, როცა ბოძუღარობა საზიანო იყო...

— დიახ, ყოველთვის საზიანოა ბოძუღარობა.

— **უ. ა. არაფერი შეცვლილა? როგორ ფიქრობთ, თქვენ ბოძუღარული ხართ, ქუჩაში გრძნობთ ხოლმე?**

— არა, მე მივიჩინებ ერთი ჩამოხეული ჩაჩუნა კაცი და ეხლა უპრია-
ნია თქვენი შეკითხვა. შაქარი არ გვქონდა და ვერცერთ ამათ დაშვებულ
წერტში ვერ ვიშოვე და იძულებული გავხდი, ახალგაზსნილ ბაზრამდე
ჩაგხობებულიყავი. აქედან დაღმართია და კი ჩავედი, მაგრამ იქიდან რომ
შემოვეუტიე, ცოტა გულმა შემომიტია და ჩემი ბედის ირონია ნახეთ: მე
არ მგონია მთლად დაბერებული ჩემი თავი და აღმართში ვეღარ ამოვე-
დი. ვეღარ ამოვედი, ამოვათავე და ბოძია... და მივეყუდე ზედ. არაფინ
არ შემნახებია, დამინახავდა გინმე თუ არ დამინახავდა. ახლა (იციანს)
გამოვცადო უნდა ჩემი თავი, ძაან ცუდად თუ ვარ... კაი ქალი თუ ჩაი-
ვლის, შევხედავ, თუ არა (გიციანთ ორივე) და ეს არც გამიფიქრებია და
გამოტეხილად გამბობ ცოდვას, ვიფიქრე გუნებაში, რის ქალი, რა ქალი,
ბიჭო, ვიღუპები, მგონია. ამის გაფიქრება და აქედან, ბოძის მხრიდან
გამოვარდა თითქმის ნახევრად წელს ზემოთ შიშველი ქალი, შარვალი
აცვია... და... ახლა კი ვიფიქრე, რომ ახლა ამანაც თუ ვერ გამოვაცო-
ცხლა, მოთაგებული ხარ (ახლა უკვე ხმაშია იციანს) ხო. ამდენად,
ჩემი შემოქმედებითი იმპულსი გაისინჯა და... ძლივს მივიჩინე სახლამ-
დე; თქვენ ხედავთ, ჩვენი საუბარი მაინც შედგა.

— **ხაერთოდ, კრიტიკას როგორ ხედებით?**

— ადრე იყო, კრიტიკა ძალიან არ მსიამოვნებდა. იმიტომ კი არა,
რომ მე გინმე... ჩემი უსაყვარლესი განცდა იყო განქიქებული ხოლმე,
შურაცხყოფილი ჩემი გულწრფელობა. მერე მიხვდი, თურმე გულწრ-
ფელი არ უნდა იყო. ბრყვია გულწრფელი თურმე. ასე ესმის გარე-
მოს, ცრუგარემოს. აბა, გულწრფელი თუ არ იყო, ხომ დაიღუპა ქვეყანა
უგულწრფელო კაცებით. თუ არა უგულწრფელო კაცები, რასაც აკეთუ-
ბენ დღეს 160 პარტია რომ გვაქვს მე და თქვენ, ძალიან ჭკვიანები რომაა
სუყველა...

— **იცით, ზოგადად ნამუშევრებზე აღბათ, მერე კიდევ ერთხელ გი-
საუბრებთ. ახლა მაინტერესებს, რას ნიშნავს თქვენთვის მხატვრული ნა-
წარმოების ილუსტრაცია? ვგებ რამდენიმე სამომთავალოთ, რომელიც**

გაგვიკეთებიათ. ის დამოკიდებულება, რაიც იმპულსს გაძლევთ ლიტერატურული ნაწარმოების ილუსტრირებისას.

– მხატვრული ნაწარმოები თავისთავად არის მხატვრული ნაწარმოები.

ლიტერატურულ ნაწარმოებს თუ აკეთებს მხატვარი, მაშინ ის ილუსტრატორია. რა თქმა უნდა, თავისი ორიგინალური, „მე“ური პოზიციიდან უნდა აღიქვას გმირი და ის უნდა მოიყვანოს, რა თქმა უნდა, მწერლის თანააღმობაში. ცხადია, მწერლის გაგებაში, მაგრამ მას როგორ ესმის...

– **დიახ, ეს რასაკვირველია.**

– თუ წიგნი მისთვის არის სტიმული, იმპულსი და მერე აყენებს ის ამ სფეროში, მაშინ ის ნაწარმოები თავისთავადია. მხატვრობა ზომიერებაა, აბსოლუტური ზომიერება. ისე სასურველია, როგორც უცხოურიდან კარგი თარგმანი, ასევე, ილუსტრაცია – მხატვრობაში. თუ მხატვარს თავისი იმპულსები არ ჰყოფნის და ვინმე მწერლის იმპულსებით საზრდოობს კარგი მხატვარი კი ვერქმევა, მაგრამ მაინც ილუსტრაციის იმპულსებით იქნება... ვისაც ეს სჭირდება, ღმერთმა შეარგოს. ჩვენ ზოგ შემთხვევაში იძულებით გაგვიკეთებია ილუსტრაცია. ოღონდ რუსთაველის პოეზიის მიმართ იძულებით არა, არც გალაკტიონის მიმართ, არც ხალსური პოეზიის, არც „დიდოსტატის“... **არაჩვეულებრივი ნამუშევარია** და მე ძალზე გულდაწყვეტილი ვარ იმისი, რომ არა, ამას არ ვიტყვი... ღმერთო ძლიერო.

– **თქვენი საყვარელი ავტორი, ან თქვენი საყვარელი გმირი. გნებავთ, ქართული, გნებავთ, მსოფლიო ლიტერატურის მასშტაბით.**

– ავტორი მკითხე. ავტორი. გმირი ავტორისაა. სო, მარა ავტორი რაღაც უხეში სიტყვაა: ავი ტორი, ავი თათი (ვიცინით) – **კარგი ბატონო, ასე გკითხავთ მწერალი ან პოეტი.**

– არა, გასაგებია. გასაგებია შეკითხვა.

ჩემთვის უსაყვარლესში არ ეტევა რუსთაველი. ვერ ჩაეტევა. ჩემთვის უსაყვარლესია გალაკტიონი, მაგრამ ჩემთვის არანაკლებ უსაყვარლესია იქით უფრო დიდი აკაკი, დიდი აკაკი. მერე ჩემთვის უსაყვარლესია ვასილ ბარნოვი; მისი პოეტური პროზა, იქითურ წიაღში გასული კაცია და იქიდან ღინჭილების, ლამაზ-ლამაზ ღინჭილების მომტანი. ჩემთვის გაჟა არის უსაყვარლესი და უსაყვარლესი. ბარათაშვილი ხომ არის და არის. აი, თქვენ რასაც გრძნობთ, ის ჩემთვის მეტრები კი არ არის, არამედ ჩემი

ცხოვრების არგუმენტი, ჩემი ცხოვრების შემქმნელი. მათი იმპულსებიდან ჩემში ჩემი წილი რომ იკრიბება ერთად და დიდ კონსტანტინესთან, დიდ ვასილ ბარნოვთან და დიდ გრიგოლთან რომ ვარ მე მთლიანობაში, ისინი არის ჩემთვის უსაყვარლესნი და უმეტესი, დროდრო შექმნილი ხელოვნური უიმპულსო ილუსტრაციული კი არა... აი, გუშინ მაგალითად, დღეს კი არა, იმ წასულ დროში, გუშინ ქალაქმა დადგა რაღაც დიდი უნიტაზი. ქალაქს აწუხებდა უნიტაზობა და დადგა უნიტაზი და იმ ღამეს არ უძინია მაგან პოეტს და დილას გაზეთებმა ააჭრელეს ლექსებით: უნიტაზი ეღირსა ქალაქს, უნიტაზლექსი. აი, ასეთ პოეზიას თავზარდამცემად განვიცდიდი მე ჩემს ყმაწვილობაში, შუაობაშიც და ახლაც. მითუმეტეს ახლა, როცა ყველა უნიტაზური გაზეთი ბეჭდავს უნიტაზური ლექსების მთელ უწყებათა წყებას. ბოდის არ მოვიხდი. დიას.

– ბატონო კობა, ამ წუთას გამახსენდა, ერთი ძველი ანეკდოტი იყო კოლმეურნეობის თავმჯდომარემ დაიბარა მთელი სოფელი.

– ხალხნო, ხვალ ყველა გამოდით გზის გასაწმენდად, ქალაქიდან სტუმრები ჩამოდიან და ნარ-გკალა მოდებულები.

– რაფა, ფეხშიშველა მოდიან ის სტუმრებით?

აი, ამ საჩვენებელ ე. წ. „ხელოვნების ნიმუშებზე“ რას იტყვიან კიდევ?

– აი, ეგ ვიგულისხმე მე (იცინის გულიანად) დიას, ეს იყო ნაგულისხმევი. სიტყვამ მოიტანა და საჩვენებელი კი არა... ჩემთან ჩამოყალიბდა ასეთი კომპლექსი კი არა, კონსტრუქცია, როცა ჩვენ გვაქვს სამხატვრო აკადემია, გვაქვს უნივერსიტეტი, ტექნიკური უნივერსიტეტი გვაქვს, ახლა კიდევ სასოფლო, კონსერვატორია, თეატრალური და რა ვიცი, ათასნაირი. გამოდის – მთელი სისტემური კრებითობები გამოდიან ყმაწვილებისა. არ გვაქვს მხატვრობა, არ გვაქვს პოეზია, არ გვაქვს მუსიკა, სოფლის მეურნეობა, არ გვაქვს სურსათი, არაფერიც არა გვაქვს. რაშია საქმე? – იკითხავს კაცი. საქმე იმაშია, რომ ათასწლეული მარაგი ამოიწურა ნიჭიერებისა და მოკრეფილ გენახში ნაძებარაზე დაძრწის მთელი თაობები და ამ ნაძებარას ძებნაში თუ ვისმეს წააწყდება ერთი ღინჭილა მტევანი, ის გახდება დიდი შედეგრის მფლობელი ტელევიზიაში, პრესაში... თუ ესეც ვერ მოიძევა, ეგერ არის ეგროპის სანაგვედან გადაყრილი დიდი ნალექ-ნარწყევი და გამოყენებული, იმას მიუჯდება, კარგა გვარიანად გამოწუნის და მოგართმევს როგორც თავის ნალექს. მთელი პოეზია, მთელი მხატვრობა აივსო ამდაგვარი რამეებით. ესეც ლოგიკაა.

ამოწურული დროის ლოგიკა.

— ძალიან პესიმისტური ნათქვამი სომ არ არის.

— არავითარი პესიმიზმი არ არის აქ. როცა ამოწურავს კაცი თავის თავს — ის უნდა მოკვდეს, გარდაიცვალოს, რომ დაიბადოს ახალი კაცი. ეს პესიმისტური არ არის...

ერთი კაცია ერი, რომელიც ბერდება დრო და დრო. წლის განმავლობაში ხე შეიშოსება, მარადიული ხე შეიშოსება ახალი ფოთლებით და რომ დამთავრდება ერთი წელი, ის ფოთლები უნდა ჩამოცვივდეს ბოლოს და ბოლოს. აღარ შეიძლება აშრაშუნოს, აჭრაჭუნოს ხმელი ფოთლები იმავე ხეზე. ახალი ფოთოლი ამ ათასწლეულში ვერ ეტევა, ახალი ფოთოლი ახალი ათასწლეულის ფოთოლი და ენერჯიაა. ის შეიშოსება და ნურავის დაადარდებს... ტერენტი გრანელის პესიმიზმი არ იყო იმ მოწყვეტილი, ჩამოვარდნილი, დახარჯული ფოთლების პესიმიზმი. ის მარადული ხის, მარადული ხის გახუნებისადა გამო იყო, ჩვენში რომ გახუნდა მარადული ხე. ძალიან საინტერესოა.

— ბატონო კობა, რომელ მწერლებთან შეგობრობდით? რაიმეს სომ არ გაიხსენებდით...

— უცხო მწერლებიდან, რაც კურიოზულად კი არ გამოჩნდება, ჩემთვის უსაყვარლესი ფრანგი — ეგ ზიუპერი და ამერიკული მწერლობიდან — ჰემინგუეი იყო. მაგრამ ეს იყო ორი მეტრი. აგერ მაქვს მე ჰემინგუეი, იმ ნამუშევრის ქვეშ (სამუშაო მაგიდის კუთხისაკენ მითითებს) და ეგ ზიუპერი გულში მაქვს, აქა. იმიტომ კი არა, ფრანგს გეკეკლუცებოდი. მე ვიბოვე ჩემი სულის ნათესავი კაცი ფრანგულში და უდაბნოში გასული. მე მთელი სიცოცხლე, გითხარით წინ, უდაბნოში ვიცხოვრე მარადულ-დაკარგულის და დიადი დაკარგულის ძებნაში და მოლოდინში. ეს დაკარგული მე დღეს ნაპოვნი მაქვს. თქვენ წელან მოისმინეთ ქაშვეტის სვეტი, ქვაშვეტი და დიდი ქართული სულიწმინდა ენის იდუმალება გახსნილი, რაც არის. ის ნაპოვნი! დღეს მე აღარ შენანება აღარც ჩემი ფუტუროსხეული და აღარც საქართველო, რახან მას ნაპოვნი აქვს თავისი ნატურის თვალი. თუ ის მოიხრობს, ეს ნატურისთვალი მისთვის ხელსაწიფია, აგერ, ნუცუბიძის 147-ში აწყვია ის თვალი, ოღონდ მისთვის ჯერ ბნელი თვალი დახურულია და ამდენად, მისთვის მიუწვდომელია. რეალობაშია ეს მოტანილი. ამიტომ აქ არც გარდაცვალება, არც გლოვა, არც ტირილი არ არის. ვინც იცის, ეს ყველაფერი, რაზედაც ეხლა ვისაუბრე, მისთვის მარადულია აქ ყოფნაც და იქ ყოფნაც. აქ წუთისოფლური ყოფნაა, იქ

– მარადული ყოფნა. ეს მიმოქცევა მარადულია. ამის მცოდნეობა ჩვენ გვხსნის ყველა საშიშროებას, ყველა წუხილს, ყველა იმ პესიმისტურ, ძალიან პესიმისტურ გულისმომწურავ, წუთისოფელს რომ გვიმწარებს, განცდას გვხსნის და ამ თავისუფალი ყოფის გარანტიას გვაძლევს, რომ ბუქელასავით ვიფრინოთ ამ სამოთხეში და ყვაავილებს მოვეფეროთ, ერთმანეთს მოვეფეროთ; გვიყვარდეს ერთმანეთი და სიყვარულში ფოფინებდეს ცა და ქვეყანა. აი, მაშინ იქნება სამოთხე საქართველო; მაშინ იქნება დედამიწა სამოთხე, როცა საქართველო სამოთხე გახდება.

– და მაინც, რომელ მწერალთან მეგობრობდით და რას გაიხსენებდით?

– ვმეგობრობდი ვაჟა ფშაველასთან, გალაკტიონთან და კონსტანტინესთან – ეს სამი და გრიგოლ რობაქიძე, გარეთ გასული...

– პირად მეგობრობასაც გვულისხმობ.

– კონკრეტულ პირად მეგობრობას? მე განგებამ არ დამაჯილდოვა მწერალთან ასეთი ფიზიკური მეგობრობით. გალაკტიონს შეუბუდავი მოკრძალებით დავსდევდი უკან... ლეონიძეს... იოსებ იმედაშვილის ნაბადს შევხებივარ, თეთრი ნაბდით რომ დადიოდა, თეთრი თმა-წვერით. განგებამ შემახო მის შვილ შალიკოსთან, გაიოზთან და დანარჩენებთან. მეგობრობით, კონკრეტული მეგობრობა არა გვქონია. ეს ძალიან დამკლებია გულს... ლიტერატურულ წრეზე მოგასხენებდით წინა შესხედრაზე და გითხარით, შევხვდი ერთ ჩვეულებრივ კარგ კაცს. იოსებ ნონეშვილს შევხებივარ და მეგობრობა არ მქონია მასთან. შალვა დადიანს არ შემახვედრა განგებამ. იყო აბსოლუტური კონტაქტის გარანტია, მაგრამ ფეხსაცმელი არ მქონდა და ვერ წავედი (იცინის) სასწაული იყო ესეც.

ერთ მწერალს ჰკითხეს: – ერთი შესხედვით შეყვარებას საწინააღმდეგო თუ იცო რამეთ.

– კიო, – გაეცინა, მეორედ უნდა შესხედო. დაკვირვებითო.

– კარგია (გიცინით თრივე გულიანად).

– ბევრჯერ გყვარებოთ? – გაგრძელებს სიცინლს და შეკითხვასაც, ამოგდრთულად.

– ბევრჯერ მყვარებია და მუდამ მიყვარს. მაგრამ არის ერთხელ შეყვარების დიდი გარანტია, რომელიც მარად ახლავს ყველა იმ ბევრჯერ სიყვარულს. გასაგებად ვთქვი?

– დიას. აბსოლუტურად გასაგებად. იმ თქვენ დიდ სიყვარულზე, იმ თქვენს დიდ მეგობარზე ხომ არაფერს მეტყვით?

— არაფერს არ ვიტყვი, რადგან ის ჩემი მეგობარი იყო. იმპულსი ჩემთვის — მე შეშვქმნა ჩემში მისი სიდიდე და არ ყოფილა ის არც დიდი და არც პატარა. ამით არც შეურაცხველი და არც ვაგინებ. ჩემში იყო ის და ჩემი ღვთაება მე შევქმენი. ყველა ასე ვქმნით ჩვენში ჩვენ ღვთაებას. სხვის მიმართ როცა იმპულსს მივიღებთ, მერე შევქმნით ილუზიებს, მირაჟს წარმოვსახავთ და ვადმერთებთ მას, და მის მიმართ თავი მიგვაქვს როგორც სამსხვერპლოზე მისატანად. დიახ.

— **ჯვარდაწერილი იყავით?**

— **ჯვარდაწერილი არა ვარ. ხელმოწერილი ვარ და ხელგაწერილი ვარ და კიდევ ხელმოწერილი ერთი და იგივე ქალთან.**

— **თბო, — ვიცინი და თვითონაც გულიანად შევება.**

— **ეს როგორ? მოდით, მაშინ იქედან დაგიწყით, როგორ გაიცანით?**

— ახლა, ეს იმხელა კურიოზია, რომ აღარცერთი პროფკომის საწევროს არ გადაიხდის მე რომ მოყვები ამ ამბავს და არცერთი საგზურს არ მიიღებს.

— **ე. ა. ისეთი იღბლიანია? — ვიცინი მე.**

— ისეთი იღბლიანი რაღაც ყოფილა, **მეთანხმება თავადაც სიცილით.** ბრატოკა გვყავდა აკადემიაში, ფილიპოვი, პროფკომი. მე კურსის კომპაგშირის ბიუროც ვიყავი და პროფკომიც — შეთავსების დიდი „თანამდებობები“ მქონდა. **იცინის და დაგამთავრეთ კურსი. მეორე კურსზე გადავედით. დამთავრდა კურსი და ყველა გაიქცა სახლებში; რადგან დავალბული ვიყავი პარტიული და პროფკომული სამუშაოებით, მე დარჩენილი ვიყავი საწევროების და რაღაცების გამო. ერთხელ შემხვდა ეს ჩვენი ბრატოკა და მეუბნება:**

— **აი, ექვსი საგზური მოგვცესო.**

ადრე არ მოუციათ, ახლა ყველა რომ წასულია, მოგვცეს ექვსი საგზური. ჰოდა, სამი გერგება შენო.

მე ვუთხარი: — **ბავშვები წასულია, მე როგორ?**

— **აბა, მაშინ შენ წახვალო!**

გაცდენა ამის არ შეიძლება. უფასოდ გაძლევენ. ნაომარია, ორმოცდაცხრა-ორმოცდაათი-ორმოცდათერთმეტი წელი. მშვიერი ქვეყანა და ამ დროს სახელმწიფო ზრუნავს შენზე, გაძლევს საგზურს და უარის თქმა არ შეიძლება. რადგან სხვები არ არის, შენ უნდა წახვიდეო. ერთი პატარა ხელჩანთა მქონდა და... იძულებული გავხდი და... წავედი ბორჯომის პლატოზე. ავტობუსიდან ჩამოვედი და ვხვდავ, ერთი გოგონა მიათრევს

ჩემოდანს. ახლა მე რაინდი ვარ. როგორ შეიძლება, მე ვიყო იქ და ქალი გაისარჯოს. ვუთხარი: ბოდიში, მე მოგეხმარებით-მეთქი. პლატოზე ავედი, ავეუტანე ჩემოდანი; რასაკვირველია, ეს მე გმირობად არ ჩამითვლია, რიგითი ამბავი იყო ჩემთვის. გავიდა ხანი და ყოველდღე გვინდოდა, თუ არ გვინდოდა, იქ ვხვდებოდით საუზმეზე, ნასაუზმევს სასადილოში. იქ აღმოჩნდა აკადემიიდან ხელოვნებათმცოდნეობის კათედრის ლაბორანტი, კიდევ ერთი — ქალბატონი რუსუდანი და ეს გოგონა — ლილი ჭუმბურიძე. შეიკრა წრე. ღმერთო. შეიკრა ინტელიგენტური წრე. სხვები იყვნენ კიდევ. ყველას თავისი წრე აქონდა და მერე, ყველა ცდილობდა ჩვენთან შემოერთებას და ჩვენ შევიქმენით შეკრებითობის გული. გავიდა ეს დღეები და უკვე უნდა დამთავრდეს. ერთ საღამოს, წამოსვლის წინა საღამოს, ამ ქალბატონს ნაძვნარის დათვალიერება შევთავაზე. პირველად მოხდა ეს. განვმარტოვდით. მე ეს ქალბატონი მომწონდა, გავბედე, რომ ხელი მეთხოვა ამბორისათვის. მან იუკადრისა. როგორ გამიბედეო და გაქანდა... პლატოზე... დიდუუ... ხოდა, ბოლოს თბილისში მოვსებნე-ცხოვრობდა ოპერის უკან 9 კვ. მეტრ ოთახში, მეოთხე სართულზე. თუ მკაცრად ვიტყვი, ის ბინა კი არ იყო, პატარა სორო იყო, მაგრამ მის დედულას, მის დედიკოს ორი ქალიშვილი გაეზარდა იქა და ეს, უმცროსი სწავლობდა პოლიტექნიკურ ინსტიტუტში კი არა, მაშინ ზიფსი ერქვა, სარკინიგზო განყოფილებაზე. მე ვიყავი მეორე კურსის სტუდენტი. ერთი წელი თუ წელიწადნახევარი ვიარეთ, გამოვცადეთ ერთმანეთი და ვნახეთ, რომ მგონი, აღარ შეგვიძლია ერთმანეთის გარეშე. ეს იყო და ჩემს გამზრდელებს გავუტყვადი, რომ ვიბოვე ის ქალი, ვის გარეშეც არ შემიძლია. ჩემმა გამზრდელმა მითხრა, მე ვერ წარმომედგინა, თუ დადიოდა შენი შესაფერისი ქალი ქვეყანაზეო, მაგრამ რახან შენ ასე თვლი, ჩემთვისაც ისევე იქნება, როგორც შენ თვლიო, შვილოო. ასე მოხდა ჩემი ბორჯომში წასვლა, ჩემი საგზური, ჩემი დაგვირგვინების, დაოჯახების ამბავი. ერთი პერიოდი ყველას გურჩევდი წასვლას აგრძელებს ღიმილით, მერე რომ გართულდა სიცოცხლე და ცხოვრება, მერე დავანებე თავი რჩევას და თავის იღბალზე მივუსვი ყველა, ვისაც ბორჯომის საგზური შეხვდება...

(ჩემი მხრივ, უბრალოდ, ხმადაბლა, მკითხველისთვის დაგამატებ, ამ უნიჭიერეს კაცს არაჩვეულებრივი ოჯახი აქვს)

— ბატონო კობა, არ გიცმა, რამდენად ლოგიკური იქნება ეს შეკითხვა ესლა, მაგრამ მაინც მინდა, გავიგო თქვენი მოსაზრება და ზოგადად, დამოკიდებულება. ერთხელ ფოლკნერს ჰკითხეს: „ხერ, ნობელის პრემიას

მიღებისას წარმოთქმულ სიტყვაში ბრძანეთ: ჩვენი დღევანდელი ტრადიციები და საყოველთაო და ყოვლისშემძველი შიშია, რაც ამდენი ხანია გაპრწოლებს, რომ ღამის შევეჩვიეთ კიდეც. სულიერ პრობლემებს გილა ჩივის. ყველას ერთი კითხვა აკვიატებია, როდის გააცამტვერებენ“, და მე მაინტერესებს, სერ, ჩვენი თათბა ხომ არ განიცდის ამ ვრძნობას, როდის გააცამტვერებენო, ამაზე მეტად, ვიდრე იყო ვთქვათ, 1950 წელს, როცა თქვენ ეს სიტყვა წარმოთქვით?”

— თქვენი ფიქრით, რა არის შიში?

— სასტიკია ეს შეკითხვა, რაც ეხლა ჩვენ... ატყობდით თქვენ, მე ყველაფრით ვცდილობდი, რომ არ დაგბრუნებოდი იმ განცდას, რასაც მე თქვენი თაობის გამო განვიცდი, ჩემი შვილების თაობის გამო. თვითონ გამოცდილი 1955 წელს იმ განადგურების განცდას, ფილმებში რომ გვინახავს ფაშისტური ავტორიტეტით რომ იცხრილებოდა ომი და თბილისში რომ იყო ის ჩემ ყმაწვილობაში; მე 9 მარტის შემდეგ რომ უნდა ავსულიყავი აკადემიაში, უნდა გადამეგლო რუსთაველი და რუსთაველზე ავტორიტეტიანი ჯარისკაცები რომ იდგა. არა, აღრიცხვაზე არ შევედგებოდი უკვე დაფიქსირებული ვიქნებოდი. მე მზარავდა, რუსი ჯარისკაცი რომ იდგა. და თქვენ ის გზარავთ, რომ თქვენივე ჯარისკაცები... თქვენივე ხელით შეებით გარემოს და ერთმანეთს უმისამართოდ ესროლეთ, ეს არის ჩემთვის მომაკვდინებელი. სხვა ვერ გავგსრისავს ჩვენ. სხვა ვერ მოგვსპობს ჩვენ, ჩვენ თვითონ თუ არ გავგსრისავთ ერთმანეთს, სხვის საქმეს თუ არ შევასრულებთ; მაგრამ ჩვენ უძღუნნი ვართ იქ, როცა რამოდენიმე თაობას სისტემური კონსტრუქციით ამზადებენ იმისთვის, რომ არ იცოდეს თავისიანი, არ იცოდეს ნათესავი, არ იცოდეს მემკვიდრე, არ იცოდეს შთამომავალი. 6-7 წლის თათბა გამოუშვეს სკოლაში დაბირისბირების ფონზე, რომელმაც გეოგრაფია არ იცის, ისტორია არ იცის, მათემატიკა არ იცის, პუშკინში არ იცის, პოეზია არ იცის, სიყვარული არ იცის და მისცეს თოფები ხელში და დაუბირისბირეს ერთმანეთს. ეს უსასტიკესია. ჩემს დროს ეს არ იყო. ჩვენ ვიცოდით. მტერი გამოკვეთილი იყო და მტერს პირდაპირ ვებრძოდით. მარა, როცა ქართველი ქართველზე მიდის — მტერიც თვითონაა და მოყვარეც თვითონაა, ე, ეს უკვე თავზარდამცემია, მაგრამ ესეც დროებითია, შვილო. არა, არ შეშინდე. ეს არ შეიძლება. ერთი წუთითაც არ შეიძლება დაშვება. აწი უკვე მოდის ის კრებითი დიდი ღონი სიყვარულისა, სიძულვილის ათასწლეული ამოიწურა. მოდის სიყვარულის ათასწლეული. მისი შუქი უკვე შემოსულია.

და მე გვეუბნებით თქვენ მთელის მარწმუნებლობით: 94 წელს ცხრება დედამიწის სრული ბუნება, ცხოველმოქმედი. დედამიწის ღონი მუშაობდა ამ ათასწლეულში. ცის ღონი კი არაა, დედამიწის. 95-ში დაცხრება დედამიწის ნაშობი ყველა სიცოცხლე. ის ნებელობა აღარ ექნება, ერთმანეთი რომ ანადგუროს. 96-ში დაცხრება ცხოველებუნების უმაღლესი ადამიანის დონემდე, 97-ში დაცხრება კაცია, ეს ნიშნავს, რომ 98-99-ის რღვევით დაიბადება ერთი ახალი სიძულვილისგან შეუვალი დიდი სიყვარულის ათასწლეული. აი, ეს არის იმედი, თქვენ ჯერ წინა გაქვთ ეს ყველაფერი და იმ ათასწლეულში მაცხოვარი ხალხი ხართ თქვენ. ამიტომ მე თქვენი შემშურს ნაწილობრივი ღამაში შური — თქვენ იცხოვრებთ იმ უღამაზეს დროში. ეს გადატანილი თქვენთვის იქნება როგორც დიდი ტრამპლინი, დიდი იმპულსი, რომ იმ დროში, იმ ენერჯიას, წამაქცეველ ენერჯიას შეგაგებოთ და შეგიყვანოთ... ის პროცესი მიდის ესლა დედამიწაზე და ამ პროცესის ღერძია საქართველო. ნული და პირველი წერტილი აქ არის და იმიტომაა ეს ყველაზე მეტად გამძვავილი აქ. ეს რომ გვეცოდინება, მაშინ იოლია გადატანა. ვერ გაგვსრისავენ. ვერ წაგვლეკავენ. ვერ მოგვსპობენ, რადგან მათშიდაც გაიჭიატებს ნათელი: თუ ჩვენ მოგვსპებს, მათ თავისი სულიც მოკლეს, უსულოდ კი ვერც კომუნისტი იქნება, ვერც კაპიტალისტი, ვერც ფაშისტი. ვერაფერ ვერ იქნება. აი, რაშია საქმე. თავის თავს ვერ გაიმეტებენ, რადგან დამცხრალი იქნება. როცა ატეხილია, მაშინ თავის თავსაც აღარ ზოგავს ის არაკაცი — ჩვენია თუ სხვისია. დიახ. მე მგონი, გიპასუხეთ, არა?

— დიახ, გმადლობთ. აქედან გამომდინარე მინდა გკითხოთ, ვიცო, ნაფიქრი გაქვთ, რა დატვირთვას ატარებს იოანე ზოსიმეს; „რამეთუ ყოველი საიდუმლო იამას ენასა შინა დაპარხულ არს“.

— ღმერთო, შენ კიდევ მომეხსარა.

თვითონ იოანე-ან-ენ ეს არის ღვთის გამოცხადებული კაცი და ზოსიმე არის ზენონ — მზის ვინმე ე. ი. მზის კაცი. ღმერთკაცი არის იოანე ზოსიმე თავისი კოდით, რაც უზის მას იოანეობით და ზოსიმეობით. ჩვენამდე იოანე ზოსიმეს რამოდენიმე ლექსმა თუ იამბიკომ მოაღწია, როგორც მე ვიცი. რუსთაველმა „ვეფხისტყაოსნით“ უდიადესი საიდუმლოებები თქვა, რომლებიც სამიჯნუროზე არ დაიყვანება. ეს მხოლოდ ქარგაა. სამყარო აღთვალა ღვთიურად, გამოიტანა პოეტურად; ასევე, იოანე ზოსიმეს იმ წიგნში დევს გიგანტური საიდუმლო. ეს არ მინდა ისმოდეს „გიგანტური“ თანამედროვე კონსტრუქციული და რალაცეების დონეზე. იქ დევს

საიდუმლოთა საიდუმლოს გასაღები, რომ „ამა ენასა შინა დამარხულ არს ყოველი საიდუმლო“. „ყოველი საიდუმლო“ არის ღვთის შექმნილი სამყაროს შექმნის იდუმალება. აი, ეს არის დამარხული ამა ენაში. ეს ენა არის სულიწმინდის ენა. ამას გვეუბნება იოანე ზოსიმე... მისი შინაგანი კოდი არის ღვთის გამხელილი კოდი. იმის მადლით გელაპარაკებით მე თქვენ ამ წუთში. ენა არის სახლი ერისა, შესაკრებელი ერისა. ენა არის ის გენეტიკური ღვთიური კოდი, რაც დაშლილი არის ერში. ერის ყოველი ერთეული წარმოადგენს ენის ნაბატს, წილს, როგორც რუსთაველი ამბობს:

„მზე უშენოდ ვერ იქმნების, რადგან შენ ხარ მისი წილი“, ასევე, ენა ვერ იქნება უშენოდ, რადგან შენ ხარ მისი წილი. ყოველი მისი ეროვნული ერთეული არის მისი აბსოლუტური სრულობის გარანტი.

საქართველო რჩება უბაგრატიონოდ, უთავგვირგვინოდ; მონგრეული, მოშლილი დიდი „იმპერული სახლი“, სახაროვის თქმით და, ისე კი, ღვთაების საგვირგვინო უგვირგვინოდ დარჩენილი ქვეყანა. ამ პერიოდის დროშა არის ქაქუცა ჩოლოყაშვილის მიერი თუ მის მიერ ატაცებული სიკვდილის დროშა, რომელიც შედგება ასეთი თანწყობით: მკაცრი, ჰარმონიულს ვერ ვიტყვოდი, შეშარავი თანხმობით სიკვდილის ბატონობით. შავი გაბატონებული თეთრზე და შავით თეთრზე ბატონობის ნთხევით გაღებული სისხლის ფონი. მუქი შინდისფერი სისხლი. დაბერებული იბერული სისხლის და ეს დროშა მემკვიდრეობად გადმოეცა 70 წლის შემდეგ ჩვენს რეალობას, ჩვენს დღევანდელობას, როგორც თავისუფალი საქართველოს დროშა.

თუ შევჩერდებით ბაგრატოვანთა ბოლო მოპიკანის ნახევარბაგრატოვანის ამ დროშაზე, მას საქართველოს თავისუფლების დროშას შეგნებული შინაარსით ვერ დავარქმევთ. იგი არის საქართველოს თავზე აფრიალებული სიკვდილის დროშა, რომელიც კოსმიური იღბალი არის ბაგრატოვანებისა. კოსმიურ იღბალს კი ვერც ბაგრატოვანები ვერ გაექცევიან. კოსმოსი მუშაობს, ათასწლეული იწურება და ბაგრატოვანების საბოლოო მისია ქართულ მიწაზე გვირგვინში შედის, უფრო სწორად, გვირგვინიდან გადის. ამის დროშა არის შავ-თეთრ-წითლიანი დროშა. საქართველოზე გამარჯვებული სიკვდილის დროშა. ამ დროშის დრო 2000 წლის ბოლოს კოსმიურად ამოწურული ხდება და ხვამირაში არცერთი მარცვალი რომ არ დარჩება დროის, სწორედ მაშინ იწყება მიჯნა ცინცხალი ცისფერი თეთრი და ოქროს სიღრმით შემოკვართული სულიწმინდა დროშისა, რაც

ერთბაშად მოულოდნელი შემოფეთება იქნება დამწვარი მცხუნვარების ფონზე, დამწვარი მსურვალი ცხოველმოქმედების ფონზე ახალი ქართული სულის მობრუნებისა. აი, ასე ესმის დრო და სივრცეს სულიწმინდა ქართული ენის ცოდნის საიდუმლოთი ბაგრატოვანთა იდუმალება, ქართული დროშის აი, იმ სისხლიანი სიკვდილით გაბატონებული დროშის იდუმალება და მომავალი ახალი ცისფერი-თეთრი-ოქროსფერად შექობილი დროშის მოსვლის ფონზე.

ღმერთთან მისვლის მისია არის ერების ისტორიული ზრდის გზაზე გვირგვინი. თუ ჩვენ შევძელით ვინმეს მიყვანა, მიახლოება ღმერთამდე, ჩვენ ჩვენი მისია შევასრულეთ. ჩვენ თუ ამოვიწურებით, ახალი მისიონერი მოვა. ეს არ უნდა გვაშინებდეს. ჩემო კარგებო, ჩემო ახალგაზრდებო, ისტორია ლოგიკას არ ექვემდებარება. ის არის სწორი, ის არის სტორი, რაც ღვთით აღსრულდება, რაც ღვთით არ აღსრულდება, ის სტორი არ არის, ისტორია არ იქნება.

ახლა მაგანთა და მაგანთა მცდელობით, უნდა გამოვტყდეთ, რომ ამ დროშის ფრიალი დღეს რაღაცნაირად – ტექნიკურად თუ მექანიკურად, შეკავებულია, შეყოვნებულია. ღმერთო, შეაყოვნე ბოლომდე! დღეს ჩვენ გვმართებს, რომ იმ დროშის აქტიურობა არ გამოცხადდეს. იმ დროშამ გაფრიალებით არ გაიფრიალოს საქართველოს მთელ ტერიტორიაზე და არც სხვას არ გუსურვოთ ისა. ვეცადოთ, მოვიხადოთ ისტორიული ვალი იმ დროშის ქვეშ და ის დროშა სამუზეუმოდ, სასიყვარულოდ დაფტოვოთ, როგორც დიდი, მწარე მოგონების გაკვეთილები. სიკვდილი სასურველი არ არის, მაგრამ სიკვდილი თან ახლავს ყოველ წამს სიცოცხლეს. მითუმეტეს, თუ თქვენ სიცოცხლეში სიძულვილით დადიხართ, მაშინ სიკვდილი ბედნიერებაა... მაგრამ თუ სიყვარულით მოვდივართ სიცოცხლეში, მაშინ მოსწრებული უდროო სიკვდილი ძნელია; ძნელია და არ არის მართებული... ახლა დღესდღეობით ახალ დროშას გვთავაზობს ვილაცყები; დღესდღეობით ახალ ქარგვას ქარგავს ვილაცყები. სანამ 2000 წელი არ გასრულდება იმ დროშებს, რასაც ვილაც-ვილაცყები გვპირდებიან, არც მერე არ უწერიათ გამარჯვება, რადგან ისინი შემოთავაზებული დროშები არიან, რაც არ უნდა თავაზით იყონ ისინი მოტანილნი, ისინი ვერ გაამართლებენ. კოსმიური დრო თავის დროშას მოიტანს... და ისე, როგორც იაკობ ნიკოლაძემ და დიდმა ჯავახიშვილმა ამოიცვენს კოსმოსი საქართველოს იბბალზე დაბრუნებული, ქარბორბალი სიკვდილისა ბაგრატოვანების თავით მთელ საქართველოზე სისხლად

დაწოლილი ერთად გარდაცვალებაში შემყვანი, აი, ისევე მოვლენ დიდი კაცები, კოსმიური კაცები და საქართველოს ახალი დროის შესაფერის უტყუარ ჭეშმარიტ დროშას მისცემენ, რომელშიდაც ნაკლები სისხლი, მეტი სული, მეტი სიყვარული იქნება ნადონიერები და ნასურვეები კი არა, დაკანონებული კოსმიური იღბალით. აი, ეს არის ის დიდი გონიერება და ღონიერება ღვთიური, რაც საქართველოს მარადული სიცოცხლისკენ ექაჩება, რომ მან კვლავ გააგრძელოს ციკლი კაცობრიობის ირგვლივ მობრუნებისა ერთ ბმულ წერტილში და მის ირგვლივ ბრუნავდეს მქროლავი თუ მხოხავი თუ მლოლავი ცხენებზე, რაშებზე, ტანკებზე, თვითმფრინავებზე ერები, რომელთაც ჯერ სვლის ბოლო წერტილი არ მოუპოვებიათ და მათაც მოსებნონ თავისი მუდმივი ბმის წერტილები. აი, ეს მისია ადევს საქართველოს და აი, ამ ბმის წერტილებში ის კვლავ აიღებს ტვირთებს ახალ-ახალი ბავშვებისას, რომლებიც მის შეჭმას, მას თავზე დაჯდომას მოუნდომებენ, მაგრამ დიდი ბერი პაპა მხოლოდ ხელის ოდნავი სათუთი შეხებით თუ მოიშორებს მათ და მისგან სიკვდილი არ გავა. ჩვენ კი დავივიწყეთ, ქართულის ღონიერება რომ არა ხელშებრუნებაშია, არამედ მარადულ დიდ ამაღლებულ, თავის თავის ცოდნაში და მით კი, მარადულ მზიურ მოთმინებაში... არის მარადული სიცოცხლის ხე, რომლის ფოთლები გარდაიცვლებიან, ხე კი მარადულია.

ერთია კიდევ, სიყვარულში თავის თავის მიტანა და შთანთქმა. განა აგონია სიკვდილისა ნაკლებ მშვენიერია თავის თავში? არა! აი, თქვენ რომ იხსენებთ ხოლმე ყ აპრილის ტანკების წინ გამოსვლას. ყმაწვილი ტანკს ჯოხს რომ ურტყამდა მაშინ. აჩერებდა. განა ეს ულამაზესი სანახაობა კი არა, განცდა არ იყო, კოსმიური? განა ყოველი ქართველი თავის თავში არ იამაყებს იმის უთქმელი ღრიალით, რომ გამოდიოდა და მან იცოდა, რომ სიკვდილში შედიოდა და ეს იყო მისი სიდიადე. განა ქართველმა დაივიწყა სიკვდილი რა არის? და თუ ეს მოვხსენით ჩვენ მაშინ გადედლებული, გაქალაჩუნებული ერთი მუჭა ქართველები არაგის არ შეებრალება, შვილო. მას არაგინ გაუწევს ანგარიშს. ქართველობა ერთი მუჭა როცაა, მაშინ უდგას მთელი ღირსება ამაღლებულობისა, ის ხელისგულზეა საგოგმანები. მშიშარა ქართველი, სიკვდილთან შეგუებული ქართველი ის იმედი ვერ იქნება. ახლა მე გეტყვით ერთს: 300 არაგველი იცის საქართველოს ისტორიამ. ეგერ ცინიკოსს გაკრავს გუნებაში, რომ როგორ, 300 სპარტელი გაიმეორეთ? საქართველო არაგის არ იმეორებს. საქართველო ბადებს, სხვა იმეორებს. 300 არაგველი ჩამოვიდა წაგებულ

ომში. დღევანდელი განსჯით რომ განგვესაჯა, იქედან რაღა უნდოდათ, წასულიყვნენ სახლში. ხომ გადარჩებოდნენ? და თავის ცხოველს კიდევ გაახარებდნენ. არა, ისინი ჩავიდნენ. ჩავიდნენ და დაიხარჯნენ — ერთიდან უკანასკნელამდე ომში. ხომ უნდა ვიკითხოთ: რაშია საქმე? მე და თქვენი მამების ტოლ სუფრაზე ეს თემა იყო უსასტიკესი ცინიზმით გაქილიკებული. ესლა გაუმარჯოს სამას არაგველს, მაგრამ იქიდან პირველს უფრო შეეშინებოდა თუ შესამასეს? ეს ანგარიში მაპატიეთ, მხოლოდ და მხოლოდ ცვედანების ტვინში შეიძლებოდა, დაფიქსირებულიყო. როცა თქვენ გეცოდინებათ მოდელის საიდუმლო: არის გველი, არის სატანა, არის ვეშაპი, არის ურჩხული, არის სულთამყლაპავი და ამავე დროს, არის არა გველი, არა სატანა, არა ვეშაპი, არა ცხოველი, არამედ კაცი, რომელმაც იცის წუთისოფლის უწუთურობა, გაუტანლობა და იცის მარადისობის უღიადესი ღონე, მაშინ საქართველო იქნებოდა ის ლამპარი, ის დიადი ოლიმპი, სადაც ღმერთები ნადიმობდნენ და ნადიმობენ და სადაც სიცოცხლე და სიკვდილი სასწორზე იწონება და ულამაზესია ორივე, რადგან სიკვდილს მარადისობაში მივყავართ, სიცოცხლე წუთისოფელში გეტოვებს. რომელია უფრო დიადი? მარადიული სიმაღლე თუ მატერიაში წუთიერი ჩახრჩობა. რომელია?!

განსჯის უფლება ღმერთის გარდა არავის არა აქვს. დღეს ყოველი ვიგინდარა, ქუჩაში გამგელელი, ორი კლასი რომ არა აქვს დამთავრებული, განმსჯელია. რას განსჯის? მეფე ერეკლეს განსჯის. მე მაპატიებთ, ღმერთი მაპატიებს. კახეთში წამიყვანეს მანქანით, ჩართეს სამლერი აპარატი და აქედან კახეთში ჩასვლამდე გუსმენდი მთელ გზაზე:

„ეს ჩვენი მეფე ერეკლე
. . . . დასაკიდია.“

ამას მღეროდა ლაწირაკების ჩახლეჩილი ხმის ვიღაც ქალაქელი, ვიღაც რამის თუ რუმის შვილები. მთავარია, მეფე ერეკლე თქვენგან რომ ამ საქმეში ჩასაყენებელი გახდება, ღმერთო, დაგვიფარე მაშინ. მეფე ერეკლეს მზ ომიდან მძ ომი თავისი სისხლის წვეთებით, შადრევნებით აქვს მოგებული საქართველოსთვის. რომელ ჩვენგანს გაუკეთებია მსგავსი თავგამებტება საქართველოსთვის, რომ ის განვსაჯოთ ჩვენ: მას არ ეყო დიპლომატია, პოლიტიკა და ჩვენ, ყველა პოლიტიკოსები ვართ, 2 ანბანი დავისწავლეთ და ვსჯით...

გუსმენ აღშფოთებულ მხატვარს, ახლა თითქოს შორიდან მესმის, არა

ერთი რომელიმე უცაცი მომღერლისაკენ მიმართული რისხვა, უმადურება იკვეთება, სხვისი ჭრილობების დაფასება კი არა მხოლოდ, ფიზიკურად განცდაც კი იკითხება ნათქვამში. არადა უკან, კედელთან უზარმაზარი ნამუშევარია აღმართული (თუ კედელს მიყრდნობილი) და არა მიყუდებული. მეფე ერეკლეა სწორედ. მეფე ერეკლე ხშირად ხელში!

— იცით, მაინც ჩვენს თაობის ფაქტი იყო. მე როცა გამბობს „ჩვენი თაობის“-მითქი, მართლ ჩემს თაობას არ გვულისხმობ, რასაკვირველია. ჩვენი თაობის ანუ შათი, გინც შეესწრო საქართველოს დამოუკიდებლობის ოფიციალურად გამოცხადებას, დამოუკიდებლობის აქტის აღდგენას. დაახ. ჩვენ ამ წუთში ერთი თაობა ვართ! ამას წინათ გკითხულობდი, კალისტრატე სალია ეკითხება გრიგოლ რობაქიძეს, რას იტყობდით, როცა ამგვარი ფაქტი მოხდა, დამოუკიდებლობა გამოცხადდა, მასზე და მისი მთავრობის თავმჯდომარეზეო. ჩვენ ჯგერია გვწერია, თრევე გარდაცვლილია, ის შესამეც, მაგრამ მინდა, ჩვენ ამასზეც გისაუბროთ. ოღონდ ჩვენს დამოუკიდებლობაზე და საქართველოს ბირველ პრეზიდენტზე.

— ახლა მე ვიცი, რომ ჩვენს საუბარში ბზარი არ არის, ლიქნი არ არის და კრისტალის გარდა არ არის. დაახ. შენს კითხვას, მე წყალს გადავასხამ. ბირველ თავმჯდომარეზე კი არა, სხვა საგანზე. ბატონ კალე სალიასთან განგებამ შემახო... უნდა განვიხილოთ საქართველოს დამოუკიდებლობის გამოცხადება თუ დეკლარაცია. ეს არის მთავარი. თუ ჩვენ მივიღეთ ბირველ შემთხვევაში ისე, როგორც დამოუკიდებლობის გამოცხადება და ახლაც იგივე მივიღეთ, მართალი არა ვართ. არც კალე სალია, არც გრიგოლ რობაქიძე და არც სხვები მართალნი არ იქნებიან, რადგან საქართველოს დამოუკიდებლობა არც მაშინ მიუღია და არც ახლა. ეს იყო დეკლარაცია. რუსეთის დიდ სახელმწიფოს ჩვენივე მიზეზით ატკივდა მუცელი და ამ ტკივილის დროს უნდა გაეშვა ჩვენთვის ხელი. ეს სამი წელი იყო, რომ დასცალდა... საქართველოს თავისუფლება არ მიუღია. რუსეთის იმპერიული, ჩინოვნიკური ყოფითობა მუშაობდა აქ, სოციალ-დემოკრატები იქნებოდნენ ისინი, ობორტუნისტები თუ ვინც ცნებავთ. ის იყო რუსული დაზვერვის ძირითადი ბირთვი. მაგრამ ამ ბირთვში მუშაობდა იტალიური, ინგლისური, ფრანგული ინტერესები, სულყველა. ყორდანია ბირდაბირი კაცი იყო იტალიელების. ეს თქვენ არ იცით, მე უნდა გითხრაო. ბირდაბირი კაცი, უშუალო კაცი. მთელი XVI-XVII-XVIII და XIX საუკუნის ჩათვლით იტალიის მისია მუშაობდა საქართველოზე. გაიხსენეთ საქართველოს ისტორია და თქვენ ნახავთ, რომ ჩამოდიან იქედან შარლ დე კასტელი და

ექიმები, მრჩევლები და საქართველოს მთავრობის კარზე ისინი პირველი კაცები არიან. ამ დროს რუსეთს ჯერ კიდევ სძინავს, ხვრინავს. მერე, როცა მოიმხრობს რუსეთი საქართველოს და კავკასიას, იქედან სიცივე შეაწუხებს და აქეთ მზის ქვეყანა ეგულება, ღმირების და მანდარინების ქვეყანა, მერე იმას იტალია ვეღარ დაუდგება წინ. ხდება კონფლიქტი, შეჯახება. ამ შეჯახებაში იტალიას თავისი ინტერესები, საფრანკეთს, გერმანიას — ყველას თავისი ინტერესი აქვს; და ნოე ყორღანის ბაბუა, მამის მამა იყო ის ერთ-ერთი იტალიელი მისიონერი, რიგითი თუ ურიგო, რომელიც ჩამოვიდა, დაესახლა გურიაში და შეირთო ქართველი ქალი. მისი შვილი ნახევრად ქართველი და ნახევრად იტალიელი იყო. იმანაც შეირთო ქართველი ქალი და იქიდან მერე ყორღანია გახდა. და ამის ინტერესი, როგორც რუსდაბადებული კაცის ინტერესი, ნახევრად რუსი რომაა, რუსეთისკენ იხედება, ისევე იქნება იტალიისაკენ. ამიტომ იყო, რომ ერთა ლიგაში ჩვენი წარმდგენი იტალია იყო. მიგებთ, ჩემო კეთილო. გამოიკვეთა ისე, რომ არ ყოფილიყო ნოე ყორღანია, საქართველოს არავინ დაამტკიცებდა იქ. იტალიას რომ არ ეზრუნა. ის ამას იმიტომ კი არ სჩადიოდა ჩვენ რომ თავისუფალი ყოფილიყავით, არამედ იმიტომ, რომ ჰქონოდა შანსი ჩვენზე მოსვლისა. მათი კაცებიდან ჩვენთან ყველაზე ახლო იყო ნოე ყორღანია. მიგებთ? საქართველოს არ ჰქონია თავისუფლება, შვილო. არსებობს საიდუმლო დოკუმენტი: როცა რუსეთის სოციალ-დემოკრატიული პარტია ფრაქციებად — მენშევიკებად და ბოლშევიკებად გაიყო, გამოვჩაგნა მენშევიკური წრე და დაუშვა თბილისის საქართველოში, რომ თურქებს არ აედოთ, ფრანგებს... და როცა რუსეთი მოიშუშებდა თავის ჭრილობას, ესენი წავიდოდნენ შეუდავებლად. ისინი იმ პარტიის დავალებას ასრულებდნენ. დოკუმენტი არსებობს, ასე კი არ არის, ეს. ამდენად, რუსეთს მოწყობილი ჰქონდა საქართველოში საქმე და იტალიელებს უნდოდათ, თავისთვის გაექაჩათ. ჩვენთვის ინტუიციით შეგრძნებული იტალიელი პრეზიდენტი თუ თავმჯდომარე უფრო ჰუმანისტურად მიგვაჩნდა, ვიღებდით, ვიდრე, ვთქვათ, რუსეთის სოციალ-დემოკრატიული პარტიის წევრს მივიღებდით. ეს საიდუმლო ხელშეკრულებები ამხელენ მათ, როგორც დეკლარირებული თავისუფლების ცრუ ავტორებს. სად იყო თავისუფალი საქართველო? ტაბახმელაზე ორი ზარბაზანი ვერ გაისროლა. როგორც ახლა არის მუშაობა: არ შედგეს ეკონომიკა, არ შედგეს... ყველაფერი. ზვიადის დროს მსოფლიო მასშტაბის სამი ეკონომისტი მივუგზავნე. ვინ გაუშვეს იმას? თვითონ ზვიადმა

არ იცოდა, რომ იმას არავინ ვაახარებს? ის იყო დეკლარაცია. ამ დეკლარაციაში მე ზვიადი ძაან მენანებოდა, რომ შეპყო თავი. ეს მისი საქმე იყო.

— **ბოლიტიკას გულისხმობთ?**

— დიას, ბატონო. მისი საქმე არ იყო იქა. კონსტანტინეს შვილის საქმე არ იყო, რომ ფიზიკურ-მატერიალური ბუნების სურვილებს აპყვეს და წავიდეს. იმაზე ნაკლები ბიჭები არ არიან, მაგრამ თუ არ მოერიგნენ თავის სიცხოველეს შიგნით, ანდა, რაღაც თუ გაქვს ჩადენილი შეცდომა, გამოჭერილი თუ ხარ, მაშინ ძნელია, მაშინ გელარ იტყვი უარს. გააფუჭეს ზვიადი იმით, რომ გაიყვანეს პრეზიდენტად. მინდა, ეს თქვენ იცოდეთ. მაგრამ როცა ის პრეზიდენტად კი არა, ლიდერად რომ გადგეს წინ ამ დიდ თამაშში; ეს თამაშია, დეკლარირებული თამაში. მაშინ ზვიადი გაწირეს მათ. ზვიადი უფრო ადრე იყო გაწირული, მერაბიც იყო გაწირული.

— **იმდროინდელ საქართველოში შეიძლებოდა გინზე დაეყენებინათ მის წინ?**

— არა მაგი... მომხედვე, ის იყო ყველაზე სასურველი, ავტორიტეტული, რომელსაც წაპყვებოდა ყველა. ამაში იყო მისი უბედურება. საცეცი, თქვენ რომ კარგი თევზის დასაჭერად წამოაგებთ ყველაზე კარგ ჭიას, ის ჭია არის კონსტანტინეს შვილი, ინტელექტი, ყველაფერი სიკეთე რომ ახლავს თან. არ უნდა იმას ეს საცეცობა, მაგრამ შენ დაიჭირე და აგებ ზედ, მერე რა ქნას მან? ვერაფერს ვერ იზამს. და ეს აქტი მოხდა. დიდი ტრაგედია არის. გავა კიდევ წლები, საქართველო ნამდვილი თავისუფალი იქნება და მაშინ, რასაც კობა ბიძია გეუბნებათ, ის იქნება ჭეშმარიტი ისტორია... იმიტომ არ ვიყავი მე გარეთ გასული. მიგვებთ. ღმერთო დაგვიცავ.

— **ბიზადად იცნობდით, არა? რაიმეს ზომ არ გაიხსენებდით თქვენი და ბატონი ზვიადის ურთიერთობიდან.**

— გავიხსენებ, როცა ვახტანგ გურგენიძე მოდიოდა ჩემთან, საქართველოს არქივის დირექტორი, მეუბნებოდა, ასპინძაში უნდა წავიდეთო, შენი ძეგლი უნდა დავდგათ იქო. ახლდა მას აღმასკომის ვიღაც კულტურის განყოფილების გამგე, სვანური ქუდი ეხურა იმ კაცს. ამგვარი საუბარი შედგა: ამ კაცმა, არა, ვახტანგმა მითხრა მე:

— კობა, ახლა შენი არქივი უნდა მოგვცე ჩვენ.

— ე, ბიჭო, რატომ, რატომ უნდა მოგვცე არქივი?

იმ კაცს წამოსცდა: — მალე მოვა ჩვენთან მაინცო, თუ არ მოგვცემო. მე ეს არ მენიშნა კარგად. მაშინ ვიყავი უკიდურეს დათვალთვალებაში და უკიდურეს ნერვიულ აგზნებაში, რომ ყველა წერტილი, ყველა სიტყვა უნდა გამეზომა და არ უნდა ჩაეჭრილიყავი. უფლება არ მქონდა, რომ ჩაეჭრილიყავი. მათ შემოშთავაზეს, ასპინძაში წასვლა. იქ ესკიზებს გააკეთებდი მე და ქალაქის გაფორმება იყო საქირო. აქ მე გავუკეთე რამოდენიმე ესკიზი და ესლა გიტყვებით, სულ ვარსკვლავებით გავუკეთე, რადგან ვიცოდი, ვინც იყვნენ. ბოლმით დაიგლიჯნენ, სულ. მე ვუკეთებ, სეასტიკას რომ უკეთებდნენ, ვარსკვლავი, ვარსკვლავი, ვარსკვლავი... ამათ იციან, მე რა დამოკიდებულება მაქვს ვარსკვლავთან.

— რამე ქართული!

— არა ხართ თქვენ, ქართველები, — ვეუბნებოდი.

შემოშთავაზეს: იქ წავალთ, იქ სამუშაო იქნება ყველაფერი და შენი ცხოვრება გავა წინ. მე ვიცოდი, სადაც გადიოდა, იძულებული ვიყავი, წავყოლოდი, რათა ჩემს თვახს არ განეცადა ჩემი ტრაგედია თვალსილულად. მათი თვალის გარეშე უნდა მომხდარიყო. ესენი დროდადრო შემოდრიოდნენ და ესკიზებს ათვალთვალებდნენ.

ერთ დღესაც შემოვიდა ბატონი ვახტანგი. იქით გამარჯობა თქვა, დაუწყო ლაპარაკი და მე არ მიშლის ვითომ ხელს. შევხედე, ვილაცა ბიჭი შემოჰყვა ამას. ადგები ესლა და გაჩვენებ, როგორ შემოვიდა (დგება) სეანური ქუდი ესურა, მოიხადა, დაიკავა ესე. გახედე — ვილაც ბიჭია, მოჰყვა ამ კაცს. შემოვიდა და გამარჯობა არ თქვა. შეტრიალდა ესე და ჯერ იქით გაიხედა, მერე... ვუთვალთვალე, უყურებს ნამუშევრებს და მიდის. ვუთხარი:

— ყმაწვილო, შენ სახლში შემოსვედი და გამარჯობას არ აშობ, ეგ რა ნიშანია. და ეს დათვალთვალებული უსმენს, ამან მიხვდა, რომ მე ვერ ვიცნანი ის. ის იყო მთავარი, რომ მე მას არ ვიცნობ. და — ბატონო ზვიადო, — დაიძახა ამან.

— ააა, შენა ხარ ბიჭო, ზვიადი? — ეს იყო ჩემი განკვირვებული სიტყვა და მერე:

— ბიჭო, მე რა დაგიშავე შენ, რომ გამარჯობას არ მეუბნები.

— არა, ჩემო ბატონო, — მოვიდა და... დაიწყო ზვიადმა საუბარი, როგორ მუშაობდა წმინდა გიორგიზე.

— ზვიად ბატონო, — მე ვუთხარი, მე თქვენთან სალაპარაკო მაქვს, მაგრამ ჩემი და თქვენი პოზიციები ერთმანეთს არ დაემთხვევა. შენ ზვი-

ადი ხარ, მე სხვა ვარ, მაგრამ ჩვენ შეხვედრის წერტილები გვაქვს. აი, შეხედე, შენი წიგნი სად მიდევს? შენ რომ დაჭერილი იყავი და მე რომ მაწუხებდნენ, რა პოზიცია მეჭირა, იმის გასაგებად, ის წიგნი მქონდა გადაშლილი და დაწერილი ზედა: ამ კაცს პირადად არ ვიცნობ, მაგრამ მისი ინტელექტუალური ამბავი ჩემი სულიერი საზრდოს შეჭამანდად მიმაჩნია. ის კაცები დახედავდნენ, კმაყოფილნიც იყვნენ, დაკითხვა აღარ დასჭირდებოდათ. პასუხი გაცემული იყო. ხოდა, ესლა მე ვუთხარი: აი, სად დევს შენი წიგნი. აქ არის. მე შენ პირადად არ ვიცნობ, მაგრამ ვიცი, რასაც შენ აკეთებ. ისე, რასაც შენ გააკეთებ გიორგიზე, ეს იქნება დიდი საქმე. ეს უნდა აკეთო შენ, მაგრამ სადაც შენ მოხვედი, რაც კეთდება აქა, მერე იწყება ეს ეტაპი. თუ შენ გეყოფა ღონიერება... მაგრამ კარებში რომ შემოხვედი და გამარჯობა არ თქვი, არ ვარგა ეს. დაიწყოთ თავის მართლება. მე ვაგვიცხუ და ჩაგაყენე მდგომარეობაში. მერე მოხდა ის, რომ შესაბამე დღეს უნდა წავსულიყავით ასპინძაში. მოვიდა ბატონი ვახტანგი და შეუბნება, ზვიადის მანქანით უნდა წავიდეთო. იმ წუთში ჩემთვის გავიფიქრე: ზვიადს თავისი პრობლემა აქვს, მე — ჩემი. იმის პრობლემა ესლა ცოტა შეღავათიანია, გამომწეებულია, მაგრამ ეგერ კაცი დაჰყვება. მე ვითომ არც დაჰყვება და არც არაფერი, მაგრამ მე ვიცი, რა მდგომარეობაცაა და მე რატომ უნდა ვაგვსვარო ზვიადი? მიგებთ, რა იყო? მე ვუთხარი:

— მაშინ მე არ მოვდივარ.

ზვიადსაც ვუთხარი. არა, ზვიადს არ ვუთხარი, ამას ვუთხარი: თუ ზვიადის მანქანით უნდა წავიდეთ, მაშინ მე არ მოვდივარ. ამათ აწყობილი აქვთ საქმე. ერთბაშად ეშლებათ.

— კარგიო, მაშინ არაო, აბა, სხვა მანქანა იქნებაო.

— კეთილი. თუ ზვიადს იქ დამახვედრებთ, მაინც არ მოვდივარ.

დაჰიდეს პირობა. არ იქნებოდა შესხვედრა. შინაგანად აბსოლუტურად ვიცოდი, რომ ჩემი პრობლემა და ზვიადის პრობლემა — არც მისთვის უნდა გადაშედო და არც იმისი მიმელო მე; რადგან ეს უნდოდან სწორედ იმათ, რომ ჩვენ ერთში გავეყვანეთ. მიგებთ რაში იყო საქმე? როცა მე კატეგორიული უარი ვთქვი, ამათ უკვე აწყობილი ჰქონდათ და რომ ჩაეშლებოდათ, თქვეს, რომ ისე იქნებოდა, როგორც მე ვითხოვდი. კეთილი. მაშინ მე გამოვიძახე ჩემი სანდო კაცი და იმის თანხლების გარეშე არ უნდა წავსულიყავი. ლეგან ფრუიძე იყო ეს კაცი. მოხდა კი ისე, რომ ჩვენ ჩავედით და დამახვედრეს მე ზვიადი. ვნახე, რომ ზვიადი აგერ დგას მან-

ქანით, ე. ი. ამით თავისი მანც გაკეთეს. მივედით, გააჩერეს მანქანა და აგერ დგას ზვიადის მანქანა. გადმოვიდა, რომ დამინახა. მან ხომ არ იცის ჩემი ნათქვამი: თუ ზვიადი იქნება იქ, მე არ წამოვალ-ოქო. მოვიდა.

– გამარჯობა.

– გამარჯობა.

ხუთი წუთი მოგვცეს ჩვენ. მეტი არ გვალაპარაკეს. ხუთი წუთი განგებამ – კომუნისტურმა განგებამ.

– როგორ ცივაო, შემოდით ჩემს მანქანაში შევიდეთ, დავსხდეთ, თბილა იქო.

უარს ხომ არ ვეტყვი. შევედით, დავსხედით. პირველი, რომ დაიხურა კარები, ის იყო.

– იღუპება ქვეყანა და რას ვშვებით?

მე ვვუბნები: – იქცევა ქვეყანა და რას ვშვებით?

ორივეს, ჩემი შეკითხვაც ის იყო, იმისი შეკითხვაც – ის. ეს ვთქვით და მოვარდა კაცი, ვიღაცა კაცი, ვინც ჩვენ წაგვიყვანა.

– უუუ, რა ცივაო, რა ცივაო, – შემოვიდა და ჩაჯდა. ჩვენ მტკვარს გადავხედეთ. მტკვარი მოდის. აქ შეიძლება ერეკლე დაიდგასო და რაღაც... მორჩა და გათავდა. ასე დამთავრდა ჩემი შეხვედრა ზვიადთან. მე მასთან შეხება აღარ მქონია.

– რას ეტყოდა 60 წლის კობა გურული 20 წლის კობა გურულს?

– თოო, მაგი ძნელი ამბავია იცინის და ასევე აგრძელებს: რას ეტყოდა? 20 წლის კობა გურულს სული უსწრებდა წინ, მაგრამ არ ჰქონდა გამოცდილება და ქაჩავდა უკან. დღეს 20 წლის კობა გურული უფრო მეტს ეტყოდა 60 წლის კობა გურულს, რადგან 60 წლის კობა გურულს გამოცდილება აქვს, სულიც წინ უსწრებს, აღარ უსწრებს უფრო სწორად, წინ. გამოცდილება და მისი სულიერება თანხვედრილია და ამიტომ ის სტაბილურში დგას. მას შესანიშნავი აღარაფერი აქვს.

– თქვენი სანუკვარი სურვილი ან ნატვრა, რომელსაც გერ შელევიხართ.

– ჩემი სურვილი თავიდან მოგახსენეთ მე თქვენ, რომ დაკარგულის, დიადის ძებნაში ვიყავი. დაკარგული ნაპოვნი და ახლა ეს ნაპოვნი დავუბრუნო პატრონს. ესაა ჩემი სურვილი. ამით დედამიწა ჩაირთოს ახალი კოდით, რომ ახალი რეაქტორი ამუშავდეს მისი დიდი სიყვარულისა. საქართველოში დევს ეს რეაქტორი და ის კოდი, რაც მოვიბოგეთ ჩვენ, არის ის მუსტი, რაც უნდა ჩაიდოს შიგ. ის ამუშავდება და საქართველო-

დან გასული იმპულსი აღძრავს დედამიწას დიდი ახალი ქრისტიანული სიყვარულისათვის და ეს იქნება ჩემი დიდი ოცნება და ნატვრა კი არა, ეს ვიცი, ახდენილი რეალობაა, მაგრამ მე იქედან კი არ დავინახავ...

— ჩვენ ერთად ვიქნებით დიდი მფლობელები.

— დიდი მფლობელები ვიქნებით. ესაა ჩემი ოცნება კი არა, ესაა ახდენილი რეალობა. მე შეტი ოცნება არა მაქვს. მე მაქვს სურვილი, რომ დროში ჩაეტიოს, რაც შეიძლება ნაკლები მარცხის ხარჯზე, რაც შეიძლება ნაკლები უარყოფითის ხარჯზე. ის, რაც უნდა მოხდეს — ახალათასწლეულში შევიდეს საქართველოს ბურთი და არ დაიწვეს ის თავისი მატერიის სიმძიმით, არ დაიწვას სასუფეველში შესვლის ჟამს. აი, ეს არის ჩემი ნატვრა და ჩემი ლოცვა. მართო ქართველებისთვის არა, ეს უნდა ვიცოდეთ. თუ მე მართო ქართველებისთვის ვილოცებდი, თქვენთვის კითხვების მისაცემი ობიექტი ვერ ვიქნებოდი. კაცობრიობა არის ის დიდი სიყვარული, რაც ქრისტეს ნაშიერია. და ქრისტეს ნაშიერი მოდგმა არის საქართველო!


.....

უკვე გვიანი შემოდგომაა. მყუდრო სამუშაო თთახში ხელახლა ჩაერთო ფირი და ვუსმენ. გარეთ ქარი ვრიალებს. მეორე თთახიდან ტელევიზორის აწეული ხმა ისმის. დიქტორი ხანობტიკოსების მიერ მიწოდებულ ამინდის პროგნოზს აცხადებს: თბილი, უნაღვექო.

— **ღმერთმა ქნახ, — ვფიქრობ ჩემთვის, მზიანი და ნათელი სკაღინდელო დღე გათენებულისთვის!**

1984 წელი





მამია ბერიშვილი



მხოუდიბ ნინაბე

უ უ ლ ე ბ ზ მ ო ს ი ლ ი •

6 იანვარს ლევილის მიწას კიდეე ერთი ქართველი შიბბარეს. ეს სამწუხარო ამბავი საქართველოში იმ დღეებშივე გახდა ცნობილი. გარდაიცვალა ბატონი მამია ბერიშვილი — ქართველი ემიგრანტი, საზოგადო მოღვაწე, ნოე რამიშვილის დისწული; კაცი, რომლის სახელზეც 1949 წლის 8 მარტს ვანვში ფრანგულ ენაზე შედგენილი, ხელმოწერილი და ბეჭედდამსული ასეთი რწმუნების მანდატი გაიცა: „მე, ქვემოთ ხელის მომწერი ნოე ქორდანია, საქართველოს ეროვნული მთავრობის თავმჯდომარე, ვნიშნავ ბატონ მამია ბერიშვილს საქართველოს ეროვნული მთავრობის წარმომადგენლად და ამ უფლებით ის სრული უფლებამოსილია აწარმოოს მოლაპარაკებები აღნიშნული მთავრობის სახელით“.

თვითმფრინავმა რამდენჯერმე წრიულად შემოუფრინა თბილისს, შემდეგ ნელ-ნელა დაეშვა, საფრენ ბილიკს შეეხო. უძვირფასესი და ფრიად მნიშვნელოვანი ისტორიული დოკუმენტები საქართველოს უბრუნდებოდა. ეს პირველი დემოკრატიული რესპუბლიკის (1918—1921 წწ.) მთავრობის არქივი გახლდათ. იდგა 1996 წელი, ხოლო ტრაპზე ორი ადამიანი, ბატონები მამია ბერიშვილი და გურამ შარაძე. შეიქმნა სახელმწიფო კომისია და არქივზე მომუშავე საგანგებო ჯგუფიც (ციცი ბუქურაული, ლია გედევანიშვილი, რუსულან კობახიძე, რუსულან დაუშვილი, ნინო აფაქიძე, ია ხატისკაცო, ნინო ტიტვინიძე, გიული კალატოზიშვილი და მეც, მათთან ერთად). ორივე კომისიას ბატონი გურამ შარაძე თავმჯდომარეობდა. აქვე ვიტყვი, რომ ეს გახლდათ ურთულესი საქმე არა მხოლოდ სამეცნიერო თვალსაზრისით, არამედ ტექნიკური მოსაზრებითაც. ეს დოკუმენტები ათეული წლების განმავლობაში ხელშეუხებლად იდო; დაზიანებული წყლის, მტერის და ათასგვარი დაავადებისაგან. ხელნაწერებიდან აღებული იქნა არაერთი სინჯიც. პირველადი დამუშავების ეტაპი — ასე თუ ისე, დამთავრდა, მაგრამ ქალაქებს მძაფრი სუნნი ჯერ ისევე შერჩენილი აქვთ. შუა ზამთარია, არადა, ჩვენ ფანჯრებიც დაღებულნი გვაქვს და თუ სხვაგან ოთახები თბება, ჩვენთან შენობის სიცივეს გარედან შემოსული ყინვა ემატება.

მიმდინარეობს მასალის დალაგება—კატალოგიზაცია. მოგვიანებით,

ეს კატალოგები წიგნადაც გამოიცემა, სათაურით: „ერის ისტორიული მუხსიერების დაბრუნება“.

ბატონი მამია ყოველ დილით მოდის. ყველას აუცილებლად ცალ-ცალკე მოგვესალმება, მოგვიკითხავს და მერე დიღხანს რჩება კიდევ; არაერთი დოკუმენტის თუ ხელნაწერის გარჩევაში, გაშიფვრაში გვეხმარება. დახედავს თუ არა, ნაწერზე ცნობს, ვის შეიძლება ეკუთვნოდეს. რაღაცას ვერ ვარკვევ, ვაწვდი. თავადაც ჩაპკირკიტებს, ამოკითხვას შევცდებთ:

— აჰა, ვალა (ეს სიტყვა განსაკუთრებით უყვარს), — მომილოცავს დამოუკიდებლობა, ჩემო ძველო რკინის ღობეო; ექიმ ჟორჟოლიანს. დედა, ღმერთო, — თავადაც გაიოცებს, ვიღაცა ფარმაცევტი წერს, დიდი პორტია ეს ატლანტიკის ოკეანესთან, აზუსტებს გეოგრაფიულ ადგილსაც.

ემიგრანტთა საერთაშორისო უფლება-მოვალეობის განმსაზღვრელი ცნობარო; კარლ კაუცკის მიერ გაგზავნილი წერილი აკ. ჩხენკელისადმი; ვლადიმერ ვოიტინსკის მიერ გაგზავნილი წერილი კ. კანდელაკისადმი 4.I.1927 — ეს ხელნაწერია, თუმცა აქვეა ნაბეჭდი წერილი კ. ბალმონტისა ჩხენკელისადმი. ის 1926 წლის 22 დეკემბრითაა დათარიღებული და საინტერესო იმითაცაა, რომ „ვეფხისტყაოსნის“ გამოცემას ეხება; შვეიცარიის საელჩოს მიერ გაგზავნილი წერილი პარიზში საქართველოს საელჩოსადმი. აქ რამდენიმე ცალია: 19.I.1928 წელი, 27.IV.1928 წელი; ერთი მათგანი ქაიხოსრო ჩოლოყაშვილის საქმეს ეხება. ბატონი მამია ხელში ატრიალებს წერილს: მე არ მინახავს, მაგრამ ძალიან ლამაზი კაცი იყო თურმე, ძალიან ლამაზი. ორჯერ იყო სანატორიუმში. სმა უყვარდა. სმა და ცეკვა. არ ეშვებოდნენ. ვკითხულობთ: პარიზის სტუდენტთა ასოციაციის მიერ გაგზავნილი წერილი. ამასაც დეტალურად ჩაპკირკიტებს. ქართველი არცერთი არაა შიდ და რათ უნდოდნენ, თუ ქართველი არ იყო, მე არ ვიცი.

რასაკვირველია, შიგა და შიგ ბევრს ვსაუბრობთ კიდევ. უამრავი რამ მაინტერესებს. მეტწილად იმ ადამიანების შესახებ ვეკითხები, რომელთაც არცთუ უმნიშვნელო როლი ითამაშეს XX საუკუნის „საქართველოს თავგადასავალში“. ისიც დაუდღღელი მთხრობელია და გვიამბობს, გვიამბობს... ათეული წლებია საფრანგეთში ცხოვრობს. ჩვენს შორის ენობრივი ბარიერი არ არსებობს, არანაირი განმარტება არ მჭირდება, ყოველი ფაქტი გასაგებია და თავისუფლადაც ვუსვამ შეკითხვებს ერთი უბრალო მიზეზის გამო, ბატონ მამიას (ზემოსურების) გურული კილოთი შეფერილი ქართული (ძვალსა და რბილში რომ აქვს გამჭდარი), რასაკვირველია, არ დავიწყებია ერთ დღეს ჩაწერაც გადავწყვიტე, მო-

ვილაპარაკეთ კიდეც, მაგრამ მაშინ გამოქვეყნება არ მიფიქრია. ეტყობა, ვიმედოვნებდი, მომდევნო ჩამოსვლაზე ისევ გაავარტყლებდით საუბარს, ბევრ ლეტალსაც შევავსებდი, სამწუხაროდ...

მაშინ კი არაერთ თემაზე ვისაუბრეთ.

— ბატონო მამია, დამოუკიდებლობა რომ გამოცხადდა, რა ასაკის ბრძანდებოდით?

— ოცდაერთ წელში მე ვიყავი მეხუთე წელიწადში. მაშინ ბავშვი ვიყავი. ძლივს-ღა მახსოვს, ბიძაჩემმა რომ გამეიარა დასამშვიდობებლად. მიდიოდა. ისეთი პატარა ვიყავი, გავიქეცი, ვითომ შევეგებები-მეთქი, დამიკადა ფეხი და ჩავეარდი ტალახში, დამესვარა შარვალი...

ერთხელ კარლო ჩხეიძესთან ლაპარაკი შეიქნა, ვინ არი უფრო მეტი ემიგრაციაშიო. ვინ და გურულებიო. ისე, მართალია. ხოდა, კარლომ: ვინ აჯობებს გურულებს გაქცევაშიო (იცინის გულიანად).

— ბატონო მამია, წლების შემდეგ ისევ რომ გამოცხადდა საქართველოს დამოუკიდებლობის აღდგენა, თქვენ, ახლა უკვე ემიგრაციაში, ასაკითაც სხვამ, უკვე დროის გადმოსახედიდანაც... როგორ შეიტყვეთ ეს ფაქტი, რა განცდა გქონდათ?

— ისეთი აღფრთოვანებული ვიყავი, რომ არ შეიძლება, არ შეიძლება. მერე რა მოხდა?! ყველაფერი აირია-დაირია. კაცი რომ თბილისს ტყვიას ესვრის; რა მოხდა, არ ვიცი. მე ვფიქრობდი, მთელი ერი შეიკრიბებოდა, დაიწყებოდა აღმშენებლობა, რეფორმით, თანდათანობით დავიწყბდით დამოუკიდებელ ცხოვრებას და ესლა თუ ამას დამოუკიდებელი ცხოვრება ჰქვია, მაშინ... მე მიანც, რაც მოხდა, უშედეგოდ ვთვლი. თუ რაღაც არ შეიცვალა და არ მოინახა რაღაცა გამოსავალი, სულ უარესი და უარესი იქნება, მე ასე ვფიქრობ და თქვენი აზრი არ ვიცი; ვიღაცა უნდა გამოჩნდეს, რაღაც უნდა მოხდეს. სხვათაშორის, დამოუკიდებლობა რომ გამოცხადდა, მე ვიფიქრე, გათავდა, ეროვნული სული აღსდგა—მეთქი, მარა, მერე ვეღარ დავინახე. ერთხელ ნოე ურდანიას კვითხე, ექვსი ომი როგორ მოიგეთ-მეთქი. მითხრა, მობილიზაციის გამოცხადება არც კი მპიროდა, ხალხი ქალამნებით და საწიგნეში ქაღით, ისე მიდიოდა ფრონტზეო.. ახლა მორბოდენ ფრონტიდან. არ ვიყავით ალბათ, მზად, მე ასე ვფიქრობ. საუბედუროდ. მე კიდე იმასაც ვფიქრობ, დიდხანს ვერ დავდგებით ფეხზე.

— უთქვამთ, რომ ხესა და ღვამს ბჭენი სჭირდებაო. მაგრამ აღამიანს ბჭენი ვერ უშველის, აღამიანის ბჭენიაო რწმენა.

თქვენ როგორ ფიქრობთ, იმ ქართველებს და დღევანდელ საქართველოს... თქვენ როგორ გვსახებათ რწმენა.

— რწმენა, პირადად მე რომ მკითხო, ეს არის ერთგვარი მუხრუჭი,

რომ არ გადააჭარბო შენს ნაბიჯებს. ხოდა, მე რომ მკითხვით თქვენ ახლა, ღმერთი არისო? მე გეტყვით, არ ვიცი, მე იმხელა თავი არ მაქვს, რომ... მაგრამ არც ისეთი პატარა თავი მაქვს, რომ ვთქვა — არ არის. მაგრამ ვამაყობ იმით, რომ ვარ ქრისტიანი და ის მე მყოფნის, რომ არ გადავაჭარბო. დამოუკიდებლობის დროს, სხვათაშორის, ღერბზე კამათი იყო: თეთრი გიორგი თუ წმინდა გიორგი. ეროვნულმა საბჭომ მიიღო და იქ დაასაბუთეს, რომ ბატონო, სახელმწიფოში არიან მორწმუნეები, მაგრამ არიან ურწმუნოებიც. წმინდა გიორგი რომ ავირჩიოთ, გამოვა თეოკრატიული. თეთრი გიორგი კიდევ მისაღებია ორივესთვის.

— კაკი წერეთელს წინადადება წამოუყენებია, „სანახევროდ“ გათავისუფლებული ამირანიც გამოეხატათ. რამდენადაც ვიცი, ნოე ჟორდანია „თეთრ გიორგის“ თანაუგრძნობდა და ეს იყო ის შემთხვევა, როცა ფრაქციის წევრებს თავისუფალი ხმის მიცემის ნება დართო.

— დიახ, ასე იყო და პარლამენტმა — სოციალ—დემოკრატები, ნაციონალ—დემოკრატები, ფედერალისტები, ესერები — თითქმის ერთხმად მიიღო თეთრი გიორგი. ამირანზე მე რა მეთქმის. ჩვენ, ქართველებს, ბედი არ გვწყალობს მაინცდამაინც. ეს ჩვენი ლეგენდარული ამირანი... არ ვუწვევთ, ხომ იცი, ანგარიშს, არა, იქამდე მივიდა, ღმერთს დაუწყო ჭიდაობა. ჩვენ არ გვაქვს მითიური... რო გაგსინჯავთ, კარგია ყველაფერი, მაგრამ ისეთ ადგილზე გოურევთ შეცდომებს, რომ ყველაფერს უფუჭდება შინაარსი.

— ღერბი, ჰიმნი, პარლამენტი, I თავმჯდომარე, II თავმჯდომარე, მთავრობის წევრები — აღამიანები, რომლებთანაც თქვენ ძალიან ახლო პიროვნული თუ საქმიანი ურთიერთობები გაკავშირებდათ.

— ნოე რამიშვილი იყო ჩემი ბიძა. ის იურიევის უნივერსიტეტში რომ შევიდა, სტუდენტების არეულობა მოხდა და გამეიქცა. წამოვიდა. სახლში რომ მისულიყო, მიაკითხავდნენ. ჩვენთან იყო. გასაკვირი კია ბევრად, ახლა რომ ვთქვათ, მარა მეფე უფრო დემოკრატიული იყო, ვიდრე ბოლშევიკები. მერე ნოე წავიდა გერმანიაში, იქ დაიწყო სწავლა, როცა ჩამოვიდა, ესწრებოდა ყველა კონფერენციას. სწორედ 1904 წელს ბათუმში იყო სოციალ—დემოკრატების დიდი კონფერენცია. სტალინიც ესწრებოდა. სილიბისტრო ჯიბლაძე და ნოე რამიშვილი გამოვიდნენ მაგის წინააღმდეგ. სტალინმა იქ ვერაფერი უპასუხა, გამოვიდა და თქვა: გადავიხდით ქართველებო, ამასო და წვევიდა ბაქოში. — და გადაგვიხდა? — გადაგვიხდა. მერე ოდესაში იყო კიდევ კონგრესი, 1913 წელში. იქ ესწრებოდნენ ნოე და სამსონ ფირცხალავა, ეს ფედერალისტი იყო. და ამათ თქვეს: საქართველო უნდა იყოს დამოუკიდებელიო. ამას ნახავთ მერე თქვენ ამ დოკუმენტებშიც (არქივს გულისხმობს — რ.ნ.) დიდხანს

არა, მაგრამ კერენსკის დროს სახელმწიფო საბჭოს წევრი იყო. დამოუკიდებლობა რომ გამოცხადდა, ეროვნულმა საბჭომ ის I მთავრობის თავმჯდომარედ აირჩია. სხვათაშორის, ძალიან შორსგამქვერტელი, რკინისმკვნეტელა კაცი იყო. მიხვდა, რომ ნოე ჟორდანიას ორგანიზატორი, პრაქტიკული უფრო იყო და კი არ გადაუწყნებინ, თვითონ გადადგა — ნოე ჟორდანიას აირჩიეს მთავრობის თავმჯდომარედ. მაგას სამი სამინისტრო ჰქონდა: შინაგანი, სამხედრო და განათლების. ნოე რამიშვილის დროს 2 წლის განმავლობაში, საუკუნის დასაწყისში მთელი საქართველო ტყელეფონით დაიფარა, გაიხსნა უნივერსიტეტი. მერე მარტო შინაგან საქმეთა სამინისტრო დაიტოვა. სხვათაშორის, სტალინი ბაქოდან რომ ჩამოვიდა, რგანი რომაა ქიათურაში, იმის გვერდზეა სოფელი, იქ მოუვიდათ ჩხუბი, დაარტყეს ერთმანეთს და მიბერტყა სტალინი.

— ეს დაახლოებით რომელი წელი იყო?

— დაახლოებით ეს 1909—ში თუ?

— ე. ი. ჯერ კიდევ 10—იანი წლებია.

— პო, მანამდე, მანამდე, აბა მერე (იცინის) და მერე, როგორც ჩანს, მაინც უნდოდენ მოშორება. იყიდენ ერთი ქანუყაძე. დაპირდენ: შენ მოკალი მაგი, ჩვენ ისეთ ადვოკატს აგიყვანთ, გამოცხადდება პოლიტიკურ მკვლევლობად, ჩამოხვალ აქანე და ყველაფერი იქნებაო. ერთ დღეს ნოე კრებაზე მიდიოდა, აღმართია გობლენზე, იქ. მენაღარიშვილი მიყვებოდა, ხელი ჰქონდა გამოდებული. ქანუყაძე კუთხეში სახლს იყო მოფარებული. გამოვარდა უცებ და პირდაპირ გულში დაახალა. მენაღარიშვილს ტყვია ასე მოხვდა. მან იარაღი როგორც იქნა, წაართვა, მარა, დეიჭირენ. საუკეთესო ადვოკატი აუყვანენ. სასამართლომ მიუსაჯა. ეცადა ბევრს ტორეზი, პოლიტიკური მკვლევლობაო, მაგრამ ვერ დაამტკიცა.

— ე.ი. ვერ „შეუსრულეს“ დანაპირები. თუ იცით, ქანუყაძის ბედ როგორ დასრულდა?

— სამუდამო პატიმრობა ჰქონდა და გაგიჟდა ბოლოს. ბურდის ციხეში დაიღუპა. ასე იყო ეს. ნოე წმინდა კაცი იყო. რომ მოკლეს საწყალი, დახეული პერანგი ეცვა. მამულშიც მუშაობდა. პატარა ბოსტანიც ჰქონდა. მერე ბევრს ლაპარაკობდნენ ნოე რამიშვილზე, ნოე ჟორდანიასზეც. დავა იყო თითქოს. რო ჩვევდი, მითხრა, რას მელაპარაკებო, მე ვიყავი თეორეტიკოსი, იმან ყველაფერი იცოდა: ორგანიზაციული ჩაწყობაც, ყველაფერიო; ჩვენ შორის უთანხმოება არ ყოფილა. მხოლოდ ეს იყო — სომხები მიფერთხ-მოფერთხა იქით-აქეთ.

— ბატონო მამია, საკმაოდ წინააღმდეგობრივი მოსაზრებები არსე-

ბობს. მე თქვენეული დამოკიდებულება და შეფასება მაინტერესებს: ნოე ქორდანია, როგორც მთავრობის თავმჯდომარე და როგორც პიროვნება. თქვენ მას კარგად იცნობდით.

— სანამდი ბოლშევიკური პროპაგანდა არ იქნება გაწმენდილი, არ უნდა ვილაპარაკოთ! ხალხს ჩარჩენილი აქვს — რუსოფილი იყო, მეორე, ეგერ მუჩაიძე იმას აბრალებს, ნამეტანი ვეროპოფილი იყო.

— თქვენ როგორ შეაფასებდით. მე თქვენეული დამოკიდებულება მაინტერესებს.

— მე როგორ და, რასაც მე ვლაპარაკებოდი, ძალიან ეროვნულად იყო განწყობილი. იმას კი არ ვამბობ, რომ მე იმას ვემხრობოდი და იმიტომ, მაგრამ ერთადერთი ქორდანია იყო, ვინც პირველმა თქვა, რომე ეკონომიური თავისუფლება, როგორც დედაბოძი, ყველა ერისათ. ეს 93 წელში თქვა. ნუთუ ნოე ქორდანია ისეთი სულელი იყო, რომე საქართველოს არ თვლიდა ერად. თავისუფლება ყველა ერისათ 1893—ში! მასზე ადრე არავის არ უთქვამს ეს. მაგრამ სანამ არ გაიწმინდება... გუშინ არ ვამბობდით, მენშევიკებო, მოლაღატეებო, გაყიდეს საქართველო, რომ გაიძახოდნენ. 93 ათასი კვ. კმ. ტერიტორია იყო დამოუკიდებელი საქართველოს დროს, თამარ მეფის შემდეგ, მგონი, ამხელა საქართველო არ ყოფილა. 93 ათასი კვ. კმ. ვიყავით, 69—ზე დაიყვანეს და მენშევიკებმა გაანიავეს ტერიტორიაო. თვითონ დაარიგეს ართვინი, არდაგანი, სოჭი, საინგილო და მაინც მენშევიკებმა გაყიდეს საქართველო და ტერიტორია?! მე ისიც არ შემრცხვება, რომე დიდი ერის შვილი ყოფილიყო, შეიძლება მსოფლიოში ცნობილი... მაგრამ პატარა ერის შვილი იყო. ერთი მრჩეველი არ ჰყავდა სოციალ—დემოკრატი იმიტომ, რომ სხვისგან გეეგო, რას ამბობდნენ. ბოლშევიკებს თუ დაუუჭერებთ, მოლაღატე იყო, გამყიდველი. კიდე, ძალიან დაფიქრებულე იყო. ილია ჭავჭავაძეს ეკამათებოდაო. არაა მართალი. ილია ჭავჭავაძეს კი არ ეკამათებოდა, ილია ჭავჭავაძე ეკამათებოდა მას. „ივერიის“ ის შესთავაზა — რედაქტორობა. — დიახ. რედაქტორობა. ამან უარი უთხრა და მერე რა არ დაუწერა: ფართხი—ფურთხი ტომარა, ჩვეიდა შვეიცარიაში, არაფერი არ უსწავლია, ისე ჩამეფთრია. რას თხოვდი, კაცო, მაშინ რედაქტორობას. თქვენ თუ მონახავთ ერთ რამე ცუდ სიტყვას, რამე თუ დაეწეროს ნოე ქორდანისათ, ეკამათება ჭენტლმენურად, კამათი სხვაა, თუ ვინმე ნახავს, კისერი მომპერით. ილია ჭავჭავაძე რომ აუცილებლად დიდი პოეტი იყო, ამას თქმა არ უნდა! საზოგადო მოღვაწე იყო — თქმა არ უნდა!

— ეს დამოკიდებულება იმ ცნობილმა დეპუტატმა გამოიწვია, ილია ჭავჭავაძის გარდაცვალების დღეებში მოსულმა: როცა მუხას კრიან, ნაფოტები ცვიდა...

— მაგაშია საქმე. მაგი არაა ჟორდანის ნათქვამი. შემდეგ მიმატებულა. პირიქით, დასაფლავებაზე კარლო ჩხეიძემ თქვა სიტყვა, ვლასა მგელაძემ... ბოიკოტი გამოუცხადესო. ეს არის ყველაფერი ბოლშევიკების მოგონილი. ეხლა, თუ გინდა, ისიც ვთქვათ. ვილაც პროფესორია, რა გვარია... სიგუა ორ გვერდზე სხვადასხვას წერს: ჯერ ამბობს — მეფის მთავრობას ილია ჭავჭავაძის მკვლელობაში არაფერი მონაწილეობა არ აქვსო და იქვე ლაპარაკობს, რომე ფილანდიაში რომ იყო ნოე ჟორდანია მეფის მთავრობამ მისცა შვეებულემა ჩამოსულიყო და ხმა მიეცა ილიას სიკვდილისთვისო. კი მაგრამ, თუ მეფის მთავრობამ მისცა შვეებულემა, მაშინ არ ყოფილა შუაში? როგორ შეიძლება ასე წერა? მე ბევრი მაქვს მაგაზე სათქმელი... მაგრამ საბუთებიც მექნება. მეფის მთავრობამ ქართველი ბოლშევიკები იშოვა, რომ ტყვია ესროლათ და მოაკვლევინეს. მეფის მთავრობა კი არა, ლენინიც ერია და სტალინიც ილიას სიკვდილში. ლენინს გეტყვით. ლენინი იყო პირდაპირი ჯაშუში თვითმპყრობელობის. ის ცდილობდა, ყოველნაირად გაეწმინდა გზა და მე მაქვს უნდარმერიის გენერლის სპიდონოვის წიგნი; იქ, სადაც პირდაპირ ოქმებით ამტკიცებს და ასაბუთებს, რომე ლენინი ასმენდა თვითმპყრობელობასთან იმათ, ვინც გზაზე წინ შეხვდებოდა. ლენინს ყოველგვარ ცნობებს აწვდიდა ნიკო კიკნაძე... მე რას ვიტყვი, იცი? ილია ჭავჭავაძე და დიმიტრი ყოფიანი ერთი და იგივე ძალის მოკლულია, ესაა თვითმპყრობელობის ტყვია და ნაჯახი. ქართველ ბოლშევიკებსაც უნდოდათ, გზა გაცლილიყო — მოკლა ბერბიჭაშვილმა. მე ვიცი კიდეც ერთი კაცი... რომელსაც მოწმედ ისახელებენ. იმას და ბერბიჭაშვილს ორივეს პენსია ჰქონდათ. როგორ? ამ მეორეს, ფილიპე მახარაძემ დაუნიშნა. მართალია, კი, მარა იმას — ფაღავა რა შუაში იყო? გუბერნატორი იყო. რომელ გუბერნატორს მეტყვით მე თქვენ, ბოლშევიკებს ან არ დაეჭიროთ, ან არ დაეხვრიტოთ.

— თქვენ ფიქრობთ, „დამსახურებისთვის“?

— მე დავამტკიცებ, რომე სტურუასთან მივიდა და ბერბიჭაშვილს რომ აძლევთ პენსიას, მეც ხომ მერგებაო. მე იმასაც ვფიქრობ, რომე შეიძლება სამი საათის განმავლობაში უნდარმერია 3 კმ-ზე რომ იყო, შეიძლება იქ იყო, სანამდის ესენი არ გაიქცეოდნენ. ამას უნდა დიდი გამოძიება. ეს ფაღავა დუშეთის გუბერნატორი იყო, ოთხი თვალი სახლი ჰქონდა, პენსია და ცხოვრობდა მშვენივრად, ე.ი. დამსახურება ჰქონდა, ხომ?

ნოე რამიშვილმა და ნოე ჟორდანამ დაადგინეს ბახვილი. არც ერთი ყოფილა ბახვილი და არც მეორე. ეპ, მერე რა გვარი ვთქვი ახლა?

ფაღაფა? არა, **ბერბიჭაშვილი?** No, No პროფესორი... სიგუა... წერს ერთ-ერთ მივარდნილ სოფელ ბახეშიო. ბახვი გურიაში ერთი ყველაზე კულტურული ცენტრი იყო. 1905 წელს პირველი კონფერენცია აქ იყო მოწვეული: 100 კაცი ხმის მიცემის უფლებით და 50 – დამსწრე. ასე წერა შეიძლება?

ილია ჩემთვის, რა თქმა უნდა, დიდი მწერალია. დიდი ეროვნული მოღვაწე. ყველაფერი...

– **გურია, კერა, მშობლები – რამდენადაც ვიცო, მრავალრიცხოვანი ოჯახი გყავდათ. ეგებ, მათზეც გვესაუბრა.**

– ჩემი ოჯახი შეძლებული ოჯახი იყო. სხვათაშორის, მამაჩემი გლეხი იყო. ნოე რამიშვილმა ასწავლა წერა, იურევიდან გამოქცეული ჩვენთან რომ იმალებოდა, მაშინ. ისე, ჩემი ოჯახი შეძლებული ოჯახი იყო. ვიყავით 12.

– **თქვენ მეთორმეტე ბრძანდებით, ხომ?**

– დიახ, მეთორმეტე. მამაჩემმა 1913 წელში სახლი იყიდა და ცხოვრობდნენ იქ. 25 თებერვალს მაგენი შემოვიდნენ და 5 მარტს გაყარენ გარეთ. მერე 30 წელში მთელი ოჯახი დაგვიჭირენ. მე მეთოთხმეტე წელიწადში ვიყავი. 19 თვე და 5 დღე გავატარე ციხეში. მთელი ოჯახი იყო დაჭერილი. ზოგი გადაასახლეს. ორი წლის შემდეგ მე, ჩემი ძმა და ერთი და გამოგვიშვეს. ხოდა, ვიშოვეთ ბინა კალინინის ქუჩაზე, ძველი ნიკოლოზის ქუჩაზე. იქ მაშინ მეორე დაჭერები მოხდა, დაიკარგა ის ბინა. ციხიდან რომ გამოვედი, ექვთიმე თაყაიშვილის ქუჩაზე ვიშონეთ ბინა. იქაც დაიჭირეს სუყველა. მე და ჩემი ძმა ჭარში ვიყავით. იქაც დეიკარქა ყველაფერი. ისე, რომე ჩემი ოჯახიდან, ნათესავეებიდან და მოყვრებიდან 56 კაცია დაღუპული. პირველი ძმა 1921 წელში კოჯორში დაიღუპა, ჩემი და ერთ-ერთი დაკითხვის დროს რუხაძემ ხელით დაახრჩო. ჩონჩხები რომ ნახეს ახლა, იქ არის, ალბათ. ისე კი, მე სამჯერ გადმოვედი საქართველოში არალეგალურად. რაფაფა იყო ჩეკას უფროსი და ის კი შეეწირა ჩემს ამბავს: როგორ გაგექცაო. ის და რუხაძე დახვრიტეს მერე.

– **საინტერესოა, როგორ გაიქცით?**

– მე ვიცოდი, იმიტო რომე, ახალგაზრდა რომ ვიყავი, 13 წლის, მეკონტრაბანდები დადიოდნენ. იმათ გადმოჰქონდათ საზღვარგარეთიდან არალეგალური ლიტერატურა. მიეყობოდით საზღვარზე და ვიცოდით: ეს სურების, ეს გოდერძის გადასასვლელი, ეს ის... და ეს ყველაფერი კარგად ვიცოდი. თურქეთში რომ ჩამოვდიოდით (15 დღე) თურქული ფორმები გვეცვა და ვათვალთვრებდით: სად იცვლებოდა, რა დროზე

იცვლებოდა და რო გადმოვდიოდით ერთი 100 მეტრზე, სადაც გად-
მოვდიოდით, პუდრს ვაყრიდით. ფხენილს. ეტყობა, გაკვირვება შემატყო
და პუდრს ვაყრიდით, სუნი რომ არ აეღოთ ძაღლებს. ახლაც ისე გადა-
ვალ, რომ არ შეეცდები. გულთანად იცინის. რომელ წელში იყო, აღარ
მასსოვს. ბევრი გვქონდა ხაბაკი, ლიტერატურა, რაღაცა იქით-აქეთ...
გაგვიჭირდა... თოფი გამოვხვეით. შევდევიით საფარში.

— ახლაც იქ ხომ არაა, დატოვებული?

— კი, კი, ახლაც იქაა. რო გაგვიჭირდა, სხვათაშორის, ისიც გვქონდა,
უხმოებიც. გვქონდა ყველგვარი იარაღი. ხელის ყუმბარებიც წელზე
გვქონდა შემორტყმული და ვიფიქრეთ, დაბლა არ ეყაროს, სად ვათრი-
ოთო და დავტოვეთ ღრუში.

— ბატონო მამია, რომელ წლებში შემოხვედით?

— 1949—50—51—ში.

— ახლა აღბათ, საიდუმლო აღარ არის, ვისთან ამყარებდით კავ-
შირს?

— მაშინ ადვილი იყო ჩვენთვის, იმიზე, რომე 1940 წლამდე, ჩემი ძმა
რომ დეიკარქა რუმინიაში, ის ითვლებოდა ცენტრალური კომიტეტის
მოლარედ. სიხარულიძე იყო, მარგალიტაძე იყო, ხოფერიები... ყველას
ვიცნობდი. ადვილი იყო. რომ ჩამოვიდოდი, მივაგზავნიდი. უფრო მეტს
გეტყვით, კიდევ ერთჯერ ტყეში დევიმალე. მევიდა, 15 მეტრზე დადგა.
შემომხდა, ასე, ზიზლით.

— აჰ, გამარჯობა, ბატონო კირილე და...

— მე მაგას არ ვფიქრობდიო, რომ შენი ოჯახის შვილი ჯამუში
იქნებოდიო. იფიქრა, რომე მე ჩამოვედი, რომ... ამოვიღე წერილი, მი-
ვაწოდე. ჟორდანაიას ხელი იმწუთში იცნო. ხელი გადამხვია და გადამ-
კოცნა. სოფლებში კი არ დავდიოდი, მივიდოდნენ, მოვილაპარაკებდით.
ცნობებს თქვენ ახლა ნახავთ — ზოგი დაშიფრულია, ზოგი დაუშიფრავი
(მართლაც, არქივის დამუშავებისას არაერთი ასეთი ცნობა შეგვხვდა:
გაშიფრულიც და გაუშიფრავიც — რ.ნ.). დათქმული გვქონდა ერთი
ხის ღრუ. ჩვენ იქედან გამოვატანდით თათარს, ფულს მივცემდით, რა
თქმა უნდა. ჩადებდა იმ ღრუში. აქედან მოვიდოდნენ, იმას წვილებდნენ.
თვითონ ჩაგვიდებდნენ, არალეგალური ფოსტა! მაშინ ადვილი იყო.

ახლა პატიოსნებაც უნდა კაცს. ფული დაგვიგროვდა ბევრი. დაგ-
ვიგროვდა ბევრი და ვეღარ გავაგზავნეთ. რა ვქნათ. რა ვქნათ. ჩემი ძმა
წუხნდა ძაან. ბიცოლა მყავდა ბათუმში. წვივიდა იქ. იფიქრა: ვალუტას
ვიყიდითო. ხინა ვიყიდითო. ხინა ყველთვის ვალუტის ფასია. 5 კილო
ხინა ვიყიდეთ. მივაბარეთ ზესტაფონში. როგორც გვეიგე მერე, არ ვყო-

ფილვარ, თითქოს ის სახლი დეიწვა თუ დაწვეს. მაგი არ ვიცი, მარა, მივაბარეთ იქ. ეს ფული უნდა გაგვეგზავნა საზღვარგარეთ. საწევროებს იხდიდნენ მაშინ.

— პარტიული იყო, სოციალ—დემოკრატების?

— როცა საერთო ფონდი კეთდებოდა, ორივე. როცა დეიშლებოდა, მაშინ მარტო სოციალ—დემოკრატიული იყო. საერთო ფონდი ხშირად იყო, რა თქმა უნდა. ეხლაც გვაქვს ეროვნული საბჭო. მივწერეთ კოლონიას, რომ მივცეთ მაგალითი საქართველოს, რომ შეგვიძლია ემიგრაცია გაერთიანდეს, სხვა პარტიებს... რა გგონიათ? პასუხიც არ მიგვიღია. გაჭირდით. იქაც ასეა დაყოფილი. ჩვენ პირველმა მივულოცეთ გამსახურდიას, მერე იგიც ვთქვით, რომე იარაღით არ უნდა... ჩვენ გაზეთში გამოქვეყნდა — შეცდომა იყო. დანარჩენი ჩვენ რა შეგვეძლო. სხვათაშორის, სხვას მაგიც არ გაუკეთებია, ჩვენ — გავაკეთეთ!

მამაჩემი გადაასახლეს, დააბრუნეს 3 წლის მერე. ავადმყოფობამ, რევმატიზმმა შეაწუხა. რომ გაუთავდა წამალი, ჩავიდა პროვიზორთან. მიუტანა რეცეპტი. იმან გაუკეთა წამალი და გამოატანა. ვერცხლისწყალი თუ მაგიერი, არ ვიცი, დალპა კაცი, დაწვა სულ. 13 დღეში მოკვდა.

— შეეშალა პროვიზორს თუ?

— არა, მერე კი გვინდოდა, გვეჩივლა, ჩემი და ექიმი იყო, მაგრამ ერთმა ახლობელმა გვითხრა, არაფერი გამოვა, მოშორება უნდოდნო. დედაჩემი 51—ში გადაასახლეს. მაშინ დედა 83—ის იყო. 86 წლის დეიკარგა, კაცმა არ იცის, სად დეიკარგა, ჩააგდენ მიწაში. ჩვენი ოჯახიდან, ნათესავეებიდან 56 კაცია დაღუპული, 22—ის საფლავი არ ვიცი, სად არის.

ასეა თუ ისე, ყოველ შემთხვევაში, მე ბევრი არ დამრჩენია ჩემი ცხოვრების. რაღაცას ვაკეთებდი, მინდოდა დავხმარებოდი, მაგრამ ცოტა არ იყოს, მე მაინც უკმაყოფილო ვარ ჩემი ცხოვრების; მიტო რომე, აქ რომ ვყოფილიყავი, შეიძლება, ქე დავეჭირე, ერთი-მეორე; დედაჩემი რომ წაიყვანეს, მეც იმასთან გადავესახლებინე, ქე მაინც საფლავი მეცოდინებოდა. მოშორდი შენს ქვეყანას, ვერც ვერაფერი გაუკეთე, შეიძლება, ცოცხალი ვყოფილიყავი დედაჩემთან... დედის საფლავი რომ არ ვიცი, ძნელია. ხმა გაუტყდა და ცრემლიც მოერია, არც უცდია, დაეშალა. ბოდიშს ვუხდი ამ ტკივილის გახსენებისთვის და მართალი გითხრათ, აღარ ვიცი, როგორ გავაგრძელო ან გავაგრძელო თუ არა, საერთოდ. ისევ თავად მოინდომებს. ჩვენი ცხოვრება იყო ტრაგედია! 56! ამას წინათ დასაფლავებაზე ვიყავი. საწყალი ჩემი ბიძაშვილი დახვრიტეს,

ცოლი მოკვდა ახლა... ცრემლი მომდის, მეტი არაფერი.

– ბატონო მამია, როგორ „აღმოჩნდით“ ემიგრაციაში. ჭკეჭვის, სამ-
ანს იქით. მინდა, გაიხსენოთ ომში გაწვევის, შემდეგ ტყვედ ჩავარდნის
ამბებში ცოტა უფრო დეტალურად, ეს ხომ თითქმის უცნობია.

– ომში წავედი როგორც ექიმი (უფაში ვსწავლობდი სამედიცინო
ინსტიტუტში). ახლა, დეტალურადო მითხარით და კი, ბატონო. 4 დღე
მქონდა თავისუფალი და წავედი დედაჩემის სანახავად სურებში. კარგი
ამინდი იყო, ივნისი და დედას ვუთხარი: – დამიგეთ ლოგინი ბალკონზე,
იქ დავიძინებ—მეთქი. იქ დავწექი. დილაა და ვიღაცა მოდის. არა, უფრო
გამთენიანა. დიდი ეზო გვექონდა. დავინახე, ვიღაცა მოდის. ვინაა, ვიფიქრე:
რომ მოდის. სიპიტო იყო, ტრაპეიძე. ამოვიდა ბალკონზე და დამიწყო
კოცნა. ვიფიქრე: – რა უნდა ამ კაცს? – ბიჭო, გვეშველა, გერმანიამ
ომი გამოგვიცხადაო (იციანის). ახლა მეც კი გამიხარდა, მაგრამ ომი
რომ გამოცხადდა, როგორც სამხედრო ვალდებულებული, უნდა გამოვცხად-
დე კომისარიატში. უნდა ჩამოვიდე თბილისში. თბილისში ვმუშაობდი.
მეორე დღეს ევიკარი ბარგი და წამოვედი. ჩამოვედი. დავიწე მუშაობა.
204 ექიმი ვიყავით გამოძახებული. მივედით სადგურზე. გაგვაცილა კონ-
სტანტინე ერისთავმა, სიტყვა თქვა: ნუ გეშინიათ, ომი არაა საშიშო,
შეგვაქა... დაიწყო ამოკითხვა გვარების. 200 ექიმის გვარი ამოკითხეს.
მე და ჩემი ძმა არ ამოგვიკითხეს. ვუთხარით, რა ვქნათო? წადითო,
გვითხრეს, სახლშიო. წამოვედით. სექტემბრის ბოლომდე გავაგრძელებთ
მუშაობა. მაგრამ სექტემბრის ბოლოს, რომ გაუჭირდათ, მაშინ წაგ-
ვიყვანეს. მაგრამ არ გვენდნენ. მე და ჩემი ძმა წაგვიყვანეს ვაზიანში, იქ
უნდა გაგვეფორმებია ჯარისკაცის ამბები; 75-ე დამატებით პოლკში ის
იყო და 34-ში მე. ვნახულობდით ერთმანეთს, რა თქმა უნდა. ვიყავით
იქ დეკემბრამდე. გაჩნდა დიზენტერია. მეც დამემართა, რა ვიცი. სტუ-
დენტთა ქალაქში დავრჩი. რომ მოვრჩი, გამოვცხადდი კომისარიატში.
მითხრეს, ახლა წადი სახლში და გამოგიძახებთო. გამომიძახეს. მატარე-
ბელი — ბაქო—კრასნოდარი. კრასნოდარში დავრჩით. 7 ექიმი ვიყავით.

– ეს ზუსტად რომელი წელია?

–41.

– ე.ი. ეს ხდება დასაწყისიდანვე.

– დასაწყისი, კი. დავრჩით რამდენიმე ხანი კრასნოდარში. იქედან
პირდაპირ ნოვოროსიისკში. პორტში მისვლა ცოტა შეგვაგვიანდა და
გვითხრეს, გემი „კრეისერი მოლოტოვი“ ძალიან დატვირთულია და
ხვალ მოდით, ახლა წადითო. მოვედით მეორე დღეს და ვაი, უბრალო
გემი იყო, ერქვა „აფხაზია“. რა გზა იყო, წავედით. სევასტოპოლში 9
თვე დავრჩი. 9 თვის მერე ჩავვარდი. როგორ იყო ეხლა: მთელი ეს არ-

მია, ნახევარი მაინც, მივადექით ზღვის ნაპირზე. შტორამებია მაღალი. გადმოიფრენდა გერმანელების აეროპლანები და როგორც ჩალას, ისე აწვეწდა ამ ხალხს. კვლავი უამრავი. ვიფიქრე, სადაც მოკვდები სულერთი არაა-თქვა? ზღვაში ჩავედი. ერთი დიდი ქვა იყო ჩარჩენილი ნაპირიდან იქეთ და იმაზე დავწვები-მეთქი. ერთი ჯარისკაცი მკვდარი იყო ზედ. შინელი ჰქონდა გადაფარებული და ის შინელი გადავიფარე მეც. მეორე დღეს დავინახე ერთი თეთრი ზეწარი. კომისრებმა ხელათ დახვრიტეს. მერე მეორე, მერე მესამე... მთელი იგი და დეიწყნ ასვლა. ჩაბარება. მეც გამოვედი. ჩემი რუკზაკი მოვნახე და გამოვედი ზევით.

გადაარჩიეს ებრაელები და კომისრები. რომ ვნახე ეს მდგომარეობა, მაშინ ვთქვი: გლახათაა საქმე. მე მეგონა, მომცემენ იარაღს ხელში და გამიშვებენ აღმოსავლეთის ფრონტზე და მაგი კი არა... მშიერ-მწყურვალნი დაგვტოვეს რამდენიმე დღე და მერე ფეხით ბალჩისარაიში. იქ ემიგრანტებიც იყვნენ და ეძებდნენ ქართველებს. მათ შორის ერთი ინწკირველი, სწორედ ის არის, დღეს რომ შეგვხვდა მე და თქვენ.

— ის, ჩვენ რომ დღეს წერაილი ვნახეთ?

— ხო იმისი, ის იყო, ის ინწკირველი... მაგრამ იმ ინწკირველამდე — მზე იყო მაგარი და ის ჩემი შინელი, ჩემები — „ცარსკებს“ რომ უძახდნენ და რომ შევხედე გერმანელებს, რომე ამ ჩემებს აძრობდნენ და კიდევ რალაცეები, ვიფიქრე, ეს რალაცა არაა კარგი ამბავი. ფულიც კი მქონდა და ბალჩისარაიში ჩავედი „სალდათის“ ჩემებით. გზაზე ვინც იღლებოდა, ხელათ იქვე კლავდნენ. ჩავედით. იქ კიდე ხე არ იყო, არაფერი. დაგვყარეს. ცხელოდა. მძინავს. არა, მძინავს კი არა, დაწოლილი ვარ. გაიარა ვილაცამ, მკრა გვერდში. წამოვხტი. გერმანელი...მეგონა.

— გამარჯობა შენი, — მეუბნება. ვილაცამ უთხრა, ეტყობა. ქართველები ბევრი იყო.

— შენ შალიკოს ძმა ხარ, ხომ? მე მშვიდობაძე ვარო, მითხრა. ეს იყო ტარასი წულაძე. წამოდი ჩემთანო. წავედი. ვალიკო ინწკირველი და ფილიპე შარაძე და დამავიწყდა კიდევ ერთი გვარი, გამახსენდება, ეგერ არ არიან მდინარის პირზე?

— უკაცრავად, ისინი რა ფუნქციით იყვნენ. როგორც მონაყოლიდან ვხვდები, ტყველიზარდნილებს არ ჰგვანან, ხომ?

— არა, რუსულან, ისინი ეძებდნენ ქართველებს, რომ გამოეყვანათ. ეს ვალიკო ინწკირველი მეუბნება, დაწერე აგერ მოხსენება, მე ესლა საფრანგეთში მივდივარ და ჩავუტან ნოე ჟორდანიასო. მე ვუთხარი, რაფერ დავწერო... ნუ გეშინია, შენო, მე ისეთი ის მაქვსო... დავწერე და გავუგზავნე. იქ ვწერდი, გერმანიის გამარჯვება არ შეიძლება-თქო. გამაკრიტიკეს. მარა მერე, ამასობაში ვილაცამ გერმანელებთან დამას-

მინა, სოციალისტიკაო. მიკრეს თავი ებრაელების ლაგერში;

– შესაბამისად, ალბათ, პირობები კიდევ უფრო დამძიმდა.

– ხო, მაგათთვის სოციალისტები, მარქსისტები, კომუნისტები – ერთი იყო. როგორც პოლიტიკური – 6 თვე გამაბრძანენ, 6 თვე გამატყუციენ. მერე გადამიყვანეს ლაგერში. ეს ერთი ქალაქის ხელა იყო. იქ იყო სხვათაშორის, სტალინის შვილი, ჩაპაევის შვილი, გერმანელების კომუნისტური პარტიის ბელადი ტელმანი. მაგრამ ჩვენ ერთად კი არ ვიყავით, ჩვენ მეორე მხარეზე ვიყავით, 15 მეტრი იყო იქით. ჟორდანიამ ამასობაში ჩემი წერილი ხომ მიიღო, ცხონებულმა კედიას მოსწერა. დაეხმარეო. ისიც 6 თვე მოუხდა ჩემს გამოყვანას. 1943 წლის მაისში ჩავვდი საფრანგეთში.

– ბატონო შამია, ე.ი. გერმანიის ხელისუფლება გარკვეულ მნიშვნელობას თუ როგორ ვთქვა, ანგარიშს უწყევდა საქართველოს ყოფილ მთავრობას თუ ეს როგორ..?

– არა, სრულებით არა. იმიტომ, რომ ომი რომ გამოცხადდა, ეს იყო სწორედ ჩვენი მთავრობის უბედურება. ომი რომ გამოცხადდა, ჟორდანიამ გააკეთა დეკლარაცია, რომ ჩვენი გზა მხოლოდ დემოკრატიისკენ არისო. ეს იცოდნენ, რასაკვირველია. მაგრამ აქ ერთია: მიშა კედია გერმანელებთან მუშაობდა. სხვათაშორის, კედია დიდი საქმე გააკეთა: ქართველი ებრაელები რომ არ დაუხვრეტიათ. ესენი ქართველები არიან, მხოლოდ სარწმუნოებით არიანო ებრაელები. ერთი ქართველი ებრაელი არ დაუსჯიათ. კედია იყო, ზეინაბ ზურაბიშვილი რომ არის, იმის ძმა. გადაარჩინა! კედია დიდი ამავი გასწია. ძალიან კარგი კაცი იყო. ორი შვილი ჰყავდა. ერთი მოუკვდა საწყალი კიბოთი და მეორე – რადიო ლუქსემბურგის სპორტული მიმომხილველია ახლა.

ასე დავრჩი! სხვათაშორის, ვინც კი გადარჩა, საფრანგეთის განთავისუფლების დროს ჩამოლაგდნენ რუსი ჩეკისტები, გაუსებული იყო. ვინც საბჭოთა მოქალაქე იყო, იჭერდნენ და მიჰყავდათ. მე მოვასწარი საფრანგეთის ჯარში ჩაწერა. ორი წელიწადი იქიდან ვიბრძოლე, ორი წელიწადი აქედან და მეტი რაღა?.. ისე იცინის, არ შეიძლება, ამ უკუღმართ ბედისწერაზე შენც არ გაგეცინოს.

– ომი რომ დამთავრდა თქვენი პროფესიით აღარ გიცდიათ მუშაობის გაგრძელება?

– ომის შემდეგ საფრანგეთში არა, მაგრამ რომ წავსულიყავი ამერიკაში, გერმანიაში ანდა ვენესუელაში, ბრაზილიაში – შემეძლო. სხვები რომ წავიდა: ჩხატარეიშვილი, გაბლიანი, ვეფხვაძე, ჩხაიძე, ახლაც აქვს საავადმყოფო. მეც ასე შემეძლო, მაგრამ მე ვითქვრე დარჩენა. მე

ვანსხვავებდი პოლიტიკურს და ისე წასულ ემიგრაციას. მე გადაწყვეტილი მქონდა პოლიტიკურ ემიგრანტად დარჩენა და დავრჩი! ერთია რომე, არავისი არაფერი არ მმართებს, ჩემი ვისაც მართებს – ღმერთმა შეარგოს.

– მოდით, თუ შეიძლება უფრო მეტად დავაზუსტოთ: ბანაკი, აღმინანები, მომავალი გარეშო.

– პოლიტიკური ლაგერი იყო ბერლინიდან 32კმ. მანამდე, პირველად ხომ ებრაელებთან გამაგზავნენ; იქედან მერე იქ გადამიყვანეს და დავრჩი იქაც 6 თვე. ჟორდანიაში იცოდა, რომ ჩავარდნილი ვიყავი და თხოვა მიშა კედიას. მიშა კედია ხომ თანამშრომლობდა გერმანელებთან, მაინც დიდი ხანი მოუხდა ჩემს გათავისუფლებას... ერთ დღეს მოვიდა მიშა კედია და მოიტანა განთავისუფლების ქაღალდი. მერე ერთ თვეზე მეტი დავრჩი ბერლინში. ამის შემდეგ, თვითონ ჩამიყვანა ნოე ჟორდანიასთან და უთხრა: – ა, გაბარებ შენ ამას... მივეჩვიეთ ერთმანეთს. რა ვიცი, რა მოეწონა. დავდიოდი იქ. მერე ისეთი ნდობა მომცა, რომ მისი ნაწერებიც კი ჩამაბარა. თვითონ უკვე მოხუცებული იყო, მთავრობა... კანდელაკიც მოხუცებული იყო... დამიტოვა მანდატი, რომ მე ყოფილი მთავრობის სახელით შემიძლია, ველაპარაკო მთელ დედამიწაზე ყველას. მე მაქვს! მოგიტანთ, თუ გინდათ. მეორეც ისიც კიდევ, თუ რაიმე, ის კი ცოტა გასაკვირიც იყო ჩემთვის, თუ რაიმე საჭირო იქნებოდა, ხომ იცი, მაშინ ბევრი ჰყავდა ამხანაგები ჩვენ მთავრობას და ბიუროს და მთავრობის სახელით მომანიჭა ის, რომე ყველა ქვეყნის სოციალისტურ მთავრობებთან შემიძლია ვითანამშრომლო. როგორი მანდატი მაქ! მერე კი გარდაიცვალა. პატარა ლექსიც კი შემიძლია გაჩვენო.

– თქვენი მიძღვნილი?

– დიახ. მოგიტან. სხვათაშორის, ისე თავისებური კი იყო.

– ბატონო მამია, თქვენ ურთიერთობაზე ბიძის სახელმაც იქონია გაგულენა?

– არა, რა ვიცი. მარა, ერთი რამეც არი. მაშინ რომ ჩავედი, იყო ევგენი გეგეპკორი, იყო ჩხენკელი, იყო კანდელაკი, ერაძე... ისე კი, არ ვიცი, მაგრამ ყველამ ნდობა გამომიცხადა.

– კეთილგანწყობა.

– მე არ შემიძლია, ვთქვა რამე. გვანცელაძე, ვანიჩკა ჭავჭავანიძე – ესენი ისე იყვნენ ჩემთან, რომე ვითომ მათი შვილივით ვიყავი. ყველაფერს მენდობოდნენ. რატომ? მაგი მე არ ვიცი, მე არ შემიძლია, ვთქვა. ყოველ შემთხვევაში, გარდა მაგისა, მე არ მინდოდა, რა თქმა უნდა, იმიტომ რომ ვფიქრობდი: ეს ახლა გამოიწვევს ექვიანობას, შურს,

იმას... მარა მთავრობის კრება როცა იყო, მე მიწვევდნენ, მისწრებდნენ... რას წარმოვადგენდი? მე მახსოვს, ევგენი გეგექტორი წავიდა მოსალაპარაკებლად, იყო საქართველოს მეგობარი ფინეთში, დაგვხმარებოდა ჰიტლერთან, სხვა პოლიტიკა მიეღო იქით და ჩამევიდა და ვილაცამ დაასმინა თუ რაღაც, ეწინოდა, გერმანელებთან თანამშრომლობა არ დამწამონო, არ დამიჭირონო... მაშინ მე უკვე ფრანგული ფორმა მეცვა და მითხრა: მოდი, კაცო, ჩემთან დაგინახავენო (იციინს) და მაშინ კი მითხრა, როცა ჟორდანიას წერილი გაუფუგზავენო... ხომ გახსოვთ, რომ გიამბობდით, საკონცენტრაციო ბანაკში ვალიკო ინწიკრველი მეუბნებოდა, დაწერე მოხსენებო, გაუფუგზავენო და მე ჩავუტან, არ გამსინჯავენო. დავწერე ხუთი გვერდი და იქ, თურმე ევგენი გეგექტორი იყო პირველი, რომელმაც თქვა, რა ესმის იმასო, რა იცის იმანო. დავწერე, რომ გერმანიის გამარჯვება შეუძლებელია-მეთქი. რომ ენახე: კაცი ჩავეარდი ტყვედ, მეგონა, მომცემენ იარაღს. გამიშვებენ. იმის მაგივრად... მერე კი მითხრა საწყალმა, რომე, კაცო, შენდა რომ დამეჭვრებიაო... ყველა მელაპარაკებოდა. კანდელაკი, მაგალითად. ეს იყო ნამდვილი მეცნიერი კაცი. ბევრი წიგნები აქვს გამოცემული. დამირეკავდა ტელეფონით, მოდიო. მივიდოდი სახლში და დაუფუჯდებოდი და საათობით ვლაპარაკობდით. ჩხენკელი ხომ... ერაძე. ერაძე მინდა გითხრათ, ასეთი მართალი, მასეთი ჭკვიანი კაცი... ყველაფერს ჰკრეტიავდა შორს და განათლებული დიდი კი არ იყო, მაგრამ ნიჭი ჰქონდა, ნიჭი.

— გრიგოლ რობაქიძესთან თუ გქონიათ ურთიერთობა?

— გრიგოლ რობაქიძე. ეხლა მაგი, მე ხომ აღრე ჩავედი 43—ში, არა? გრიგოლ რობაქიძე ჩამოვიდა საფრანგეთში. ჩამოვიდა და მოიწვია ახალგაზრდები. მაშინ ბევრნი ვიყავით ახალგაზრდები. მაშინ მეც ახალგაზრდა ვიყავი და, რა თქმა უნდა, აღფრთოვანებით შევხვდით, ყველაფერი. პოდა, ორ რამეში ვერ დავემოწმეთ ჩვენ მას. ერთი, მეოლექსი დავწერეო. 34—ჯერ იქნა წაკითხულიო მწერალთა იმაზე და სულ ყოველთვის შეცდომითო. ჩვენ ვთქვით, მწერალმა თუ ვერ გაიგო, ჩვენ რაფერ გაგვეგო? ერთმანეთს ვუთხარით. მეორე. ახლა უკანასკნელ ლექსს წაგიკითხავთო, არ უნდა იყოს გამოქვეყნებული, და დაიწყო და ვერაფერი ვერ გავიგეთ: გათქვნილი, მათქვნილი, ჩათქვნილი, წართქვნილი და ვერაფერი ვერ გავიგეთ და გამოვედით გარეთ. ვკითხულობდით: რაიო...? იციინს. მე, მაგალითად, უნდა გითხრათ, ისეთი ენა... „გველის პერანგი“ ვერ... ორი სიტყვა წერტილი, ორი სიტყვა წერტილი. ძალიან მძიმე ენა ჰქონდა. ღმერთმა აცხონოს. როგორი ტრაბახი იყო, ღედა, ღმერთო. მოხსენებაში თქვა, როდესაცო ჩემმა „ლამარამო“ ქართული

თეატრის კედლები შეანგრიაო. რა საჭირო იყო ახლა ასეთი ის. ნამეტანი ტრაბახი იყო. მარა, ისე, რა თქმა უნდა: დიდი მწერალი იყო. არა, მე მაგას კი არ უარყოფ, მარა ნამეტანი თავზე წარმოდგენა ჰქონდა – ქართული ენა მე შევინარჩუნეო, ე.ი. არც ილია, არც იაკობი და არც არაფერი არ ყოფილა. ის იყო ყველაფრის გამკეთებელი...

– ახლა ლევილში ცხოვრობთ, ხომ?

– კი, ახლა ლევილში. ნოე ვანვში ცხოვრობდა. ლევილში ჰქონდა ოთახი. ნოე ქორდანია, კანდელაკი, გეგეჰქორი, ჩხენკელი, ერაძე – ყველამ სიმპათია გამომიცხადა. ესლა მე არ ვიცი, მარა, ყველას ეგონა, მე სერიოზული კაცი ვიყავი და რა ვიცი...

– ბატონო მამია, რომელ სამ ქართულ წიგნს ამოირჩევდით, უცხოელს რომ წაეკითხა?

– სამ წიგნს?

– დიახ, სამ ქართულ წიგნს.

– მე ვურჩევდი, რომ წაეკითხა „ქვათა ღალადი“, ძალიანი საჭიროა. მერე „გამზრდელი“ რომაა, აკაკი წერეთლის, მერე... დიდხანს ფიქრობს.

– ჩვენს საუბარში რუსთაველს მოიხმობთ ხოლმე ძალიან ხშირად.

– შოთა რუსთაველი. მაგდენი შორე არ მინდა წასვლა, თორემ ჩვენ იმდენი გვაქ: რუსთაველი, ბარათაშვილი... ისე, „ვეფხისტყაოსნის“ 200 ტაეპი ზეპირად ვიცი... ახლა მეუბნებიან, ბოლშევიკებმა გაცენო ბრძანება: ილია ჭავჭავაძის ტომები დაწვითო. არაა მართალი. მე მაქ 1947 წელში 10 ტომი გამოცემული პავლე ინგოროყვასი. დაწვითო კი არ უთქვამენ, აკრძალეს და სკოლიდან გამეიტანეს. ვალა. ეს სხვაა. ხოდა ახლა, დაწვენო, რატომ უნდა ვთქვათ სიცრუე. არ დოუწვავენ. რაფერ გამოაცემინენ, თუ დააწვევინებდენ. ჩვენმა შვილებმა უნდა იცოდეს, რა იყო. აკრძალული იყო სკოლაში, მაგრამ არ დამწვარა... თქვენ თუ წეიკითხავდით ილია ჭავჭავაძეს, მაგისი უფლება გქონდათ... „ქვათა ღალადი“ ყველამ უნდა გვიგოს... ილიას უკეთესი აქვს ნათქვამი და იმას არ ვაქცევთ ყურადღებას:

უსახლ—კარობა, შიში, შიმშილი,
მარტოკა გდება მხეცივით ტყეში,
კურდღელივითა ფხიზელი ძილი
და იარაღი დღე და დამ ხელში;
მართალია, ძმავ, კაცს მოსწყინდება
ფუჭი ცხოვრება ეგ დასალუბი
მაგრამ იქ ყველა გვიადვილდება,

სადაც ჩვენა ვართ ჩვენი პატრონი.

ბატონი მამია ზეპირად ამბობს სტროფებს, ერთგვარი აღტაცებითაც. ამაზე უკეთესი ილიას არაფერი არ უთქვამს! იქ ყველაფერი გვიადვილდება, სადაც „ჩვენა ვართ ჩვენი პატრონიო“. ბოლო სიტყვებს განსაკუთრებული ხაზგასმით წარმოთქვამს.

— ანბანი ვინ გასწავლათ?

— ანბანი მე ვინ მასწავლა და სახლში ვისწავლე. მეშვიდე წელში რომ ვიყავი, წვევდი სკოლაში, მარა, ვიცოდი წერა. ჩემი ძმა უფროსი იყო, იგი აღრე წვევიდა და მე... მეორე წელიწადს უნდა წავსულიყავი კანონით. გამიშვენ სკოლაში. ჩემი ძმა მეორე ჯგუფში იყო. ავდექი, წავედი და დავექეი იმასთან. არ წავალ აქედან-თქო. მითხრეს: მეიცადე შენც და ერთად ისწავლეთო და ერთად იქნებითო. გადმოვიდა ჩემი ძმა I ჯგუფში და ერთად ვისწავლეთ და ერთად ვიყავით სულ, დაიღუპა მერე რუმინიაში, ექიმი იყო... ეპ, რამდენ რამეს წერენ... არქივზე რომ წერდა ავალიანი, გაყიდენ არქივიო და შექამენ ფულიო. ასეთ სისულელეებს ბეჭდავდენ. რო ჩერავდა ყველას, მე ეგ მაკვირვებს.

— ბევრს არ სჯეროდა, ალბათ. ბატონო მამია, ახლა, ამდენი წლის გადასახედიდან, თვითმფრინავი რომ დაეშვა და ტრაპზე გამოხვედით, განძი „თქვენთანაა“. რა განცდა გქონდათ?

— მე, უნდა გითხრათ, არავითარი ამბიცია არ მქონია. მე ვიცოდი — ვასრულებდი მთავრობის ანდერძს. ეს განძი საქართველოს ეკუთვნის. ის საქართველოს უნდა დაუბრუნდეს. მაგრამ ნახეთ ახლა იქ, სათვისტომოში, მე ვარ ჯამუში, მე ვარ გამცემი, მე ბოიკოტს გამომიცხადებენ, რომ ჩავალ იქ.

— თქვენ ხომ იცით, რომ მართალი ხართ.

— მაგი კი არა, ღმერთმა ის მომასწროს, ის მამულიც გადმოგვეცეს. ეს მთავრობა ხომ არ იქნება ყოველთვის. თუ არ გადმოგვეცით, ფრანგები წაგვართმევენ. მაგი როცა შეიძინეს, უნდა ყოფილიყო დამხმარე ხელმოკლე ქართველებისთვის. ამ შემთხვევაში გადასახადი ნაკლები იყო 22 ათასი ფრანკი, მაგრამ ეხლა დაიწყო მდიდარი ხალხის შესახლება. ხომ მოვა გადასახადი? მაგალითად, ჩვენ თუ 32 ათასამდე ვიხდიდით, ახლა 400—500 ათასს შეაწერენ. ვინ გადაიხდის მაგას? ერთჯერ ვერ გადაიხდი, მეორეჯერ, მესამედ მოვა სახელმწიფო, დაადებს ხელს და წაიღებს, ასეა. ის კია შენი, მაგრამ გადასახადი ხომ უნდა გადაიხადო? თუ ვერ გადაიხდი ერთი წელიწადი, ორი, რომ დაგროვდება მილიონი, წაიღებს. გათავდა! როცა მე ვიყავი ადმინისტრაციის ხელმძღვანელი, მე ვერიდებოდი, ეკონომიურად ძლიერი არ შემოგვეყვანა. იმისთვის

კი არა, რომ მშურდა, იმისთვის, რომე არ დაკარგულიყო მამული. მამული თუ დაიკარგა, მაშინ სასაფლაოც გაუქმდებოდა. სანამ ჩემი ცოლი იყო ცოცხალი, საწყალი, ყოველთვის დადიოდა, უვლიდა, ყვავილებს ადებდა. მერე აღარ არი... მე აღარ შემიძლია. რატომ უნდა დაიკარგოს ქართული ქონება! მაგი კი არა, ფული რომ გვაქვს ინგლისში, იმისი ჩამოტანაც მინდა. იქ ახლა ძველებიდან 4 თუ 5 დავრჩით: ლევან ფაღავა, ტარასი წულაძე, თამარ პატარიძე, თოთროხან ანთაძე და მე. დანარჩენი იქ დაბადებულებია. არცერთი წამომსვლელი არაა აქეთ. რომ ჩავალ, ბევრი საქმე მაქვს.

— მინდა, არქივის ისტორია უფრო დაწვრილებით მიამბოთ. ყველაფერი, რაც ამ თემასთან დაკავშირებით გაგახსენდებათ.

— არქივის საკითხი არის ისტორიული ქონება. იფიქრეს, რომ შემოვლენ ეს ბოლშევიკები, დაწვავენ, გაანადგურებენო და წაიღეს; მაგრამ ისინი ფიქრობდნენ, ჩქარა მოვბრუნდებით და ჩამოვიტანთო. მერე, რა გითხრათ, იცით? ამ არქივთან ერთად, სხვათაშორის, ფული, ქართული ფული წაიღეს. გაუხსნელი შეკვრებია. ნახავთ, ალბათ.

— დიახ, არის. უკვე ვნახე.

— გახსნილიც არაა. წაიღეს. რომ დაებრუნდებითო და მერე... აქ ამბობდნენ, რომე წაიღეს და შექაშესო. სხვათაშორის, ამ ფულის გადაცვლა შეიძლებოდა სტამბოლში. მაშინ ჩვენი ფული გადიოდა, მაგრამ წაიღეს არქივში. იყო ძალიან ბევრი... დავწვით კიდეც. რა გვექნა? ერთი 100 შეკვრა კიდე იქნება იქ. ნამდვილად რომ ვთქვათ ჩვენ, როგორც აქ წერდნენ გაზეთებში, კი არ გაუტაცებიათ, წაღებული იყო იმისთვის, რომ არ განადგურებულიყო და როცა დაბრუნდებოდნენ — დააბრუნებდნენ. როგორც კი მთავრობა შევიდა, შეიძლება ეს პირველი იყო ცხოვრებაში, საფრანგეთმა მთელი მთავრობა მიიღო ერთად და არქივი — ეროვნული ქონება შეგვიანახეს ფრანგებმა ისე, ფულს არ გვახდევინებდნენ; მოათავსეს საფრანგეთის სახელმწიფო არქივთან ერთად. ფულს არ ვიხდიდით არაფერს. 53 წელში უდიდესი წყალდიდობა იყო. წყალი ისე აღიღდა, გვაცნობეს. მაშინ იყო, მივწერეთ კოლონიას, დაგვეხმარეთ რალაცნაირადო და უარი გვითხრეს: რაც გინდათ, ის უქენითო. კანდელაკი, ჩენკელი, გიორგი ერაძე, ვალიკო ჩუბინიძე და მე ჩავედით, ამოვიტანეთ, დავტვირთეთ, წავიღეთ ლევილში. რა გვექნა. შევიტანეთ იქ. ლევილში იყო გასაშრობად მოფენილი. რაც გაშრა და მოვასწარით გაშრობა, ხელმეორედ ჩავაწყვეთ ყუთებში და ისევე ვთხოვეთ არქივს, რომ წაეღოთ, მაგრამ ისე, რომ დაცული ყოფილიყო. იქ დარჩა ის 1974 წლამდე. მანამდე კი ვეძებთ ადგილი, რამენაირად გვეშოვა ან

ვინმე კერძო, ან უნივერსიტეტი, რომ უწამლებდნენ. ჩვენ ამის საშუალება არ გვქონდა. შევთავაზეთ ბოსტონის უნივერსიტეტს; პაიპსი იყო ქართველებთან. დაგვთანხმდა. წაიღებდნენ, უწამლებდნენ, კლასიფიკაციას გაუკეთებდნენ, თუმცა კლასიფიკაცია კი იყო გაკეთებული, მაგრამ მიკროფირებზე გადაიღებდნენ. ჩავიტანეთ. ნოე ცინცაძე გავუშვით და მოაწერა ხელი. ან მე უნდა წავსულიყავი ან კარლო ინსარაძე. მაგრამ ნოე არ მუშაობდა და იგი გავუშვით. ერთი იყო, დღესაც არ ვიცი, რომ მთავრობის დადგენილებაში მე-5 მუხლში ეწერა, თუ შესაძლებლობა იქნებოდა, მოხდებოდა რეჟიმის ცვლა, მაშინ გამოგვეტანა. ის იქნა ამოღებული. რა პირობით, მე არ ვიცი. ნოე ცინცაძეს მოუწერია ხელი 2004 წლამდე. მე-5 მუხლი რომ ყოფილიყო შით, როცა გვინდოდა, მაშინ წამოვიღებდით. ეხლა ცოტა ის არის, მაგრამ მე ვფიქრობ, თუ ამის მიკროფილმებს ჩავუტანთ, მაშინ ყველაფერი ისე იქნება და ჩვენ წამოვიღებთ. იქ არის ჩვენი ზალდასტანიშვილი. ის იყო საარქივო კომისიის წევრი, არქივის მეთვალყურე. გაბლიანიც. მაგრამ გაბლიანი ეხლა უკვე ავად არის. მე ახლა ვფიქრობ, რომ ჩავალ, ვცდი: თუ მივწერთ, თუ მიკროფილმებს ჩავუტანთ, შეიძლება, მოგვეცენ.

(ეს ყველაფერი ჭერ კიდევ წინ იყო. ორიოდ სიტყვით კი სისრულისათვის, მინდა ერთი ფაქტი აღვნიშნო. მაშინ არც მე და არც ბატონმა მამიამ არ ვიცოდით, როგორ განვითარდებოდა მოვლენები. განვითარდა კი ასე: 1997 წლის ოქტომბერში საქართველოს პარლამენტის შენობაში ეროვნული არქივის პარიზულ ნაწილს პარავარდულიც შეუერთდა. ასე გამოთიანდა საქართველოს პირველი რესპუბლიკის არქივი).

— სასამართლოზეც იყო საუბარი.

— დიახ. დიახ. არქივის წამოღების დღე რომ იყო დანიშნული, ვხედავ, მომადგა სასამართლო. რაზე? სათვისტომომ იჩილა, უკანონოდ გაგაქვთო. არაფერზე არ მოგვხმარებთან არასდროს, როცა მივწერთ, არქივი წყალში რომ იყო, არ მოგვეხმარნენ. მოხუცებული იყო კანდელაკი, მოხუცებული იყო ერაძე, ჩხენკელი, ჩუბინიძე... ასე ჩექმით იდგნენ წყალში... სათვისტომოს ხმა არ ამოუღია. წამოღებაზე რომ მიდგა, აა მიგაქვთო, ბოლშევიკებთან... არაფერში არ მოგვეხმარებთან არასდროს, წყალში იყო, არავინ არ დაგვეხმარა. მოხუცებული იყო ერაძე, ჩხენკელი, იდგნენ ასე... ხაზს უსვამს იმათ ასაკს, მაშინდელს იხსენებს. არადა, თვითონაც ხანდაზმულია ახლა; ეგებ, ამაღაც იფიქრა, საქართველოში დაებინავებინა მისი „პოლიტიკური“ მესხიერება. ამას მისი ერთხელ ნათქვამიც (სანამ ჩაწერას დავიწყებდით) მაფიქრებინებს:

თქვენ არ იფიქროთ, რომ მე ძალიან თანამგრძობი ვარ ამ რეჟიმისა. ბოლოს და ბოლოს რეჟიმი წავა, საქართველო რჩება. მაგენი წავლენ და სხვები ხომ მოვლენ. ექვთიმემ როდის ჩამოიტანა?

ბატონი მამია კატეგორიულად იტყვის: — მე მაინც ისეა თუ ასე, ჯიუტი კაცი ვარ. იმასაც ჩამოვიტან და ვეცდები. კიდევ ერთი ნაწილი არის... არავინ არ აპარტყუნებს ყურს... განცხადება დაწვერე დემონსტრაციულად: — არ მინდა თქვენი ადმინისტრაცია, თავი დამანებეთ—მეთქი; დაწვერე განცხადება სათვისტომოშიც, რომე დღეიდან ჩემი სახელიც ამოშალეთ თქვენი სიიდან... **აღელვებულია...**

— **ბატონო მამია, როგორ აღნიშნავდით 26 მაისის დღესასწაულს. ვგებ, რომელიმე დღე გამოარჩიოთ.**

— ლიგა ულოცავს 26 მაისს მთელი სათვისტომოს სახელით. იწვევენ წარმომადგენლებს: აზერბაიჯანის, უკრაინის, სომხეთის, რუსეთისა. უკანასკნელად რომ ვიყავი, ვიღაც ოფიცრებიც იყვნენ იქა. უკანასკნელ ხანებში უფრო დიდ სახელს იღებს. ერთხანს უფრო მოდუნება იყო. 50 კაცი თუ ესწრებოდა და ესლა...

— **თქვენ როგორ ფიქრობთ, ეს რისი ბრალი იყო?**

— კოლონიის თავმჯდომარე როგორ მუშაობს და თუ ვინმე ეხმარება მას მოწყობაზე. მახსოვს ორი წელიწადი კარგად ჩატარდა ძალიან. ჩემი შვილიც ეხმარებოდა. მთელი ზალა იყო გაესებული. სიტყვებს იტყვიან 26 მაისზე, წარმომადგენლებიც ხშირად დადიან იქ. კარგ შთაბეჭდილებას ტოვებს მათი მეგობრული... ცეკვები, სიმღერები... შემოსავალი, ფული... სტუმრებს არ ახდევინებენ. ვინც მოწვეული არის, ხოლო სათვისტომოს წევრები ვიხდით. მაგალითად, ჩვენ რასაც შევკამთ, ღვინოს დავლევთ. შემოსავალი ნორმალურად უნდა მოხმარდეს საქველმოქმედო საქმეს.

— **ბატონო მამია, რომელი ღვინო გიყვართ?**

— რომელიც კარგია (ორივე ვიცინით).

— **არ გამოარჩევთ?**

— კი, გამოვარჩევ. ესლა იქ როგორ იყო, საფრანგეთში ეს რომ ვთქვათ, ცოტა გადამეტებულია. თევზზე თეთრი ღვინო უნდა დალიო, მაგარი შემწვარი რო არი, წითელი ღვინო უნდა დალიო. წვენიანი საქმელი რომაა, იმაზე სხვანაირი ღვინო უნდა დალიო. მარა, მე მივეჩვიე თავიდან ქართულად, ვარდისფერი, განა წითელი. იმიზე, რომე თევზზეც კარგია, შემწვარზეც და ყველაფერზე. ჩემთვის ის არის, მარა, კი ვარჩევ კარგ ღვინოს. ის მომაქვს სახლში. ჭურჭელია ისეთი, 10 ლიტრია იმაში. მევიტან. სარდაფში არი. ისე აქვს — შეუყენებ ბოთლს და... არა, ისე,

ბოთლებშიც მაქვს ღვინო, მაგრამ ყოველდღიურად ისე, სადილზე.

— **საქართველოდან არ გიგზავნიან?**

— აქოური ღვინო რომ ჩამოდის, უკვე გზაში... მაქვს ახლა იქ თითქმის 30 ბოთლზე მეტი: ხვანჭკარა, ქინძმარეული, მაგრამ რომ დადგამ სარდაფში, მე კარგად მაქვს მოწყობილი, ტემპერატურა არ იცვლება — მაინც ნალექი რჩება. ფრანგულ ღვინოში მაგი არაა. ყველა ღვინოსმეთქინ, არა, მაგრამ ღვინოს, რომელიც მე მსიამოვნობს, კარგად ვსვამ და კარგადაც ვიტან.

— **თამაღობა გიყვართ?**

— თამაღობის საქმე მე კი მიყვარს, მაგრამ მაინცაღამაინც მჭევრმეტყველი არ ვარ. თამაღობაში ჩემი შვილი არის კარგი. ის აქ რომ ჩამოვა, მიუხედავად იმისა, ქართულად არ ლაპარაკობს, მაგრამ მეგობარი ჰყავს, თარგმნის და ის ხშირად ჰყავთ თამაღად აქ. რა თქმა უნდა, ერთია, ეს კია, ჩემდა გასაკვირი, მაგალითად, ჩვენ ოჯახში არასდროს არ დააყენებდნენ თამაღად ოჯახის წევრს. ეს იყო ცუდი ნიშანი... თამაღას ირჩევდნენ სტუმარს. თუ ოჯახის წევრი იქნებოდა, რალაც ალბათ, ან ღვინო არა აქვს და როგორც უნდა, მაშინ გაათავებსო. ჩემთან ესევეა, სახლშიც. როცა სტუმრები მყავს, მე არ ვდგები თამაღად, ვილაცას დავაყენებ.

— **რა ამის პასუხია და მღერით? იცინის.**

— სიმღერა. მე არც ვმღერი და არც ვცეკვავ. ეს ჩემთვის არაა. კარგი მუსიკა თუა, რა თქმა უნდა, მსიამოვნებს, მარა ყურს რომ წაიღებს... არაფერი მირჩევნია კარგ, ტუბილ, ძველებურ ქართულ სიმღერას... ქართველ მომღერალთა გუნდი რომ მიდის უცხოეთში, ჩვენი ხალხური სიმღერებით იხიბლებიან. ახლა კი, რო ღვიწყბა ყვირილი, მაგას მე... მირჩევნია, ჰოლიდღე ვუყურო. ცეკვა, რა თქმა უნდა, ახალგაზრდა რომ ვიყავი, ვცეკვავდი ქართულს. მერმე არ შემხვედრია... არც ვცეკვავარ. ერთიც მინდა გითხრა. ჩემი მეუღლე კარგი მცოდნე იყო ღვინისა, ძალიან. წინანდალში რომ ვიყავით დაპატიჟებული აღ. ჰავჭავაძის სახლ—მუზეუმში, მარანში იქით ცეცხლი იყო დანთებული, აქეთ მწვადები იწვებოდა... რადგან ჩემი ცოლი ფრანგი იყო, მოუტანენ ღვინოები, დაუდგენ ჰიქებით, უნდა გამოეცნო. კარგად იცნობდა ღვინოს, ბევრს არ სვამდა, ცოტას სვამდა, ერთ ან ორ ჰიქას და მოუტანდნენ: როგორი ღვინოა... ეს როგორია... ამოირჩია და ყველას გაუყვირდა.

— **და რომელი იყო ის ამორჩეული?**

— აღარ მახსოვს. მართალი გითხრა, დიდი ხნის ამბავია... მერე, იმ დამეს, იქ რომ ოტელივითაა, იქ გაეჩერდით. მეორე დღეს, მაშინ ჭერ

კიდევ კომუნისტური წყობილება იყო და მევიდა რაიანლმასკომის მდივანი და პარტიის რაიკომის მდივანი. ახლავ, სად წავიყვანოთო. მომიტანეს კარგი ნაბადი, თეთრი ნაბადი, ხანჯალი, საჩუქარი... დავრჩი ცოტა უკმაყოფილო: სად წავიყვანოთ, სადღილზე მეორე დღესო. ლაპარაკობენ... ერთმა თქვა, რაღა სხვაგან ვეძებთო, მამიას რესტორანში წვედიდეთო. ვიფიქრე, რატომ მცინიან... მე ხომ არ ვეტყუდი... წავიყვანენ სადღაც ტყეში. კარგი შორს იყო. ყოფილა ერთი ვილაცა მამია მაჭავარიანი (იციანს) ხოდა, — გაიცანით სეხნია? არა, ვერ გავიცანი. ეხლა ვილაცა სხვაა, მაგრამ მისი სახელია დარჩენილი. მოიტანეს ღვინოები, გაშალეს სუფრა...

ყარელში დაგვპატიჟეს. რესტორანია კლდეში. გაგვიმასპინძლდნენ კარგად ძალიან. დირექტორი მეუბნება რომე, წამოდით ჩემთანო. ჩავედით ძირს. პატარა მაგიდა იყო. 4 პატარა ჭიქა ღვინო დგას, დავლიეთ. არაჩვეულებრივი იყო და ვეკითხები: — ეს ღვინო სად იყიდება-თქო. და ქრისტიანსაც მოეწონა, ჩემს ცოლს. ამ ღვინოს ვინ გაყიდისო... ჩვენი მდგომარეობა სტაბილური არააო, — იმ კაცმა. წელს ერთი ვენახი არ დავგვირგავს, მოგვაწერენ რამდენიმე ჰექტარს... ლიტრს... ხომ უნდა მივცეთო და ჭაჭაზე დავასხამთ წყალს, დავაყრით შაქარს... დამამახსოვრდა ეს ამბავი.

დავბრუნდით უკან. მაშინ კიდევ კომუნისტური რეჟიმი იყო და ვინც გვახლდა, გიგინეიშვილი, იმან გვითხრა რომე, უნდა ვიყო უკანო. მივხვდი: ეშინოდა, ალბათ. მოვედით აქ; თბილისში. იყო 7 ნოემბერი. რეჟიმი მოშლილი იყო, ხომ იცი. გუმბარიძე იყო მაშინ. რეჟიმი უკვე თითქმის...

— როგორ გაიცანით თქვენი მეუღლე?

იციანს. — ოო, ეს უკვე...

— ჩემი მეუღლე იყო ქვრივი. ჰყავდა ერთი ქალიშვილი და გავიცანი, სხვათაშორის, სრულიად შემთხვევით. ერთ ქართველს ჰქონდა პატარა მალაზია. მევიდა ეგ პატარა გოგოთი. მეც მივეფერე. იქეთ—აქეთ. დევი-წყით ლაპარაკი. იქედან გავიცანით ერთმანეთი. შემთხვევით, სრულიად შემთხვევით. ეს იყო 1949—ში. ერთი მგზავრობა საქართველოში უკვე გაკეთებული მქონდა. გოგონა, როგორც ჩვენი, ისე გყავდა. ტიერი (გულისხმობს საერთო შვილს, ვაჟს — რ.ნ.) მეორეჯერ რომ წამოვედი... სტამბოლში წამოვიდა, იყო სტამბოლში, მაგარი ქალი იყო, ხომ ვიცი, შენ ეროვნულ საქმეს აკეთებო.

— ბერი მსმენია ამ ქალბატონზე. ისიც ვიცი, როგორ განსაკუთრებით უყვარდა ეს ქვეყანა — საქართველო.

— საქართველო. პირველად რომ ჩამოვედით აქ, მაშინ ჩემი ძმის ორმოცზე ვიყავით. დასაფლავებზე არ მოგვეცეს ნება. გუმბარიძე დაგვეხმარა. ჩამოვედით. სასაფლაოზე ვიყავით. ყველაფერი. მერე გადავწყვიტეთ, წვევდეთ სურებში. ჩავედით ჩოხატაურში. მოუხვიო უნდა ლანჩხუთის და ოზურგეთის გზაზე და ჩავედით ჩოხატაურში. კარგი, ლამაზი ქვეყანაა. მოუხვიეთ სურების გზაზე. იქაც მარცხნიდან უნდა მოუხვიო. იქაც თქვა: კარგია, მშვენიერიიაო, ჭადრებია, იგია... გავეშორდით. ბუკისციხეა სოფელი. იმის მერე მთები ისე იხურება, ტყეები... სუფსა აქეთ მიდის, წყალი თეთარი. ავტომობილით მივდივართ და გულისტბას უძახიან, იმას ავშორდით. უყურებს ახლა, არც მელაპარაკება და მეუბნება საწყალი:— ამ ქვეყანას ვინც დატოვებს, ის მოღალატე არისო. ევედით სურებში. მაშინ ერთი ძმა მყავდა, კილო. 23 წელიწადი იყო გადასახლებული. მამაჩემის სახლი აღარ იყო უკვე, მარა მას ჰქონდა მისი. მამაჩემის სახლი დაშალენ. დავრჩით იქ. უცებ წვევდნენ, შეიყვანენ კალმახები, რაღაცეები. და ჩემ ცოლს რა უკვირდა, იცი? ვერ ხედავ ვერცერთ მოსახლეს ვერსად; სადილზე ერთი 80 კაცი კი მოვიდა. ვიცინით. ჩვენთან ერთად არ არი მოსახლეები. შორი—შორსაა. საიდან იყო ამდენი ხალხი?! მერმე ავედით მამაჩემის ნამოსახლარზე, სადაც ჩემი სახლი იყო ძველად. სადაც დავიბადე. არაფერი არაა... მამაჩემს ჰქონდა კარგი სახლი, ქვეშ აგური, ზემოთ— ჩვეულებრივად, როგორც საჭირთა, ისიც უნდოდა, სარდაფივით გამოთხრილი, დაწყობული იყო ეს სამუშაოები. ქრისტიანამ მკითხა:— აგი რა არისო? მე ვუთხარი:— მამაჩემს უნდოდა... — ოჰ, როგორო. მე ვუთხარი... ავაშენოთო! ეჰ, ეს მოგონებაა. ის რომ ცოცხალი ყოფილიყო, მე უკვე სახლიც მექნებოდა დამდგარი. ხელახლა უტყდება ხმა, მოგონებებს თავს ვეღარ აღწევს. აღარ ვლაპარაკობთ საქართველო ძალიან უყვარდა, — ხმაძალალ ფიქრს თავადვე აგრძელებს. თითქმის ყოველწლიურად ჩამოვდიოდით მერე... გამსახურდიამ მიგვიღო ორივე... ფიცის დაღებაზეც... არ ვაწუხებდით მაინცადამაინც ვინმეს, არც შინაურს. ოტელ „თბილისში“ ვცხოვრობდით, ხან „ივერიაშიც“... ოტელი „თბილისი“... ისე მწყინს იმის... ის რომ დავინახე ისეთი...


მომდევნო დღეს ისევ შევხვდებით. დილიდან მივუსხლებით ხელნაწერებით გაშლილ დიდ, მრგვალ, მძიმე ხის მაგიდას... მერე საუბარსაც გადავგრძელებთ... ვისაუბრებთ მომავალზე, უფრო მეტს მაინც, გარდასულზე, განვლილზე.

რამდენ ამბავს და თავგადასავალს გვარგავთ ყოველდღე. დღითიდღე

გვაკლდებიან ეს თითქმის საუკუნეს მიტანებული ადამიანები. არადა, ისეთ ფაქტებს გვიამბობენ (რასაკვირველია, სუბიექტური ინტერპრეტაციით, არც უამისობაა), რომელიც არცერთ წიგნსა თუ სტატიას არ შემორჩენია; ამ ფრაგმენტებით ეგებ, ეპოქის სურათი ნელ-ნელა აღვადგინოთ. ეს ამ ადამიანების თავგადასავალი არ არის მხოლოდ, ეს ჩვენი ქვეყნის ისტორიაცაა. ბატონი მამია თვითონაც მოწადინებულია, რაც შეიძლება მეტი მიაშბოს. საფრანგეთშია ღროებით წასასვლელი. აზრს ვაწვდი: — ბატონო მამია, ეგებ, თქვენი ფოტოარქივი გადაათვალიეროთ. გაგახსენდებათ ცალკეული ადამიანები, პიროვნებები და მათთან დაკავშირებული მოვლენები, სხვადასხვა ამბავი... უპ, კარგი აზრია, ასეც გავიხსენებ, — მოსწონს ძალიან და ერთმანეთს ვემშვიდობებით. კომისიასაც ღროებით დავემშვიდობება...

1996 წელი





ალექსანდრე
ფუტკარასკე



დაბრუნებული ფაშკარი

საქართველოში ასეთი ფაქტი გახდა ცნობილი: 40-იანი წლების ამერიკაში ბესტსელერად ქცეული წიგნის „ყველაფერი შეიძლება მოხდეს“ ავტორი ქართველი ემიგრანტი ჯორჯ (გიორგი) პაპაშვილი გახლდათ. მოგვიანებით, უფრო ზუსტად, 1951 წელს რეჟისორმა ჯორჯ სიტონმა პოლიფუნქციური ამ წიგნის მიხედვით ფილმი გადაიღო. ფილმი ისეთი პოპულარული არ გამხდარა და არც განსაკუთრებული წარმატება მოჰყოლია, იმისდა მიუხედავად, რომ გარდა ნიჭიერი რეჟისორისა, ფილმში ერთ-ერთ მთავარ როლს ცნობილი კინოფარსკვლავი ხოზე ფარერი ასრულებდა. მუსიკა ქართული სიმღერების და ცეკვების მოტივებზე შეიქმნა. ფილმის ტექნიკური დირექტორი ლადო ბაბიშვილი იყო. ჩემი ყურადღება ერთმა ინფორმაციამ მიიპყრო, რომ ფილმში მონაწილეობდა ქართველი ემიგრანტი ალექსანდრე ფუტკარაძეც; მის ოჯახშივე მერე, წლების განმავლობაში ინახებოდა ფანდური, რომელიც რეჟისორმა ფილმში გამოიყენა. ვიცოდი, ბატონი ალექსანდრე ჩემი უახლოესი მეგობრის, მანია ფუტკარაძის ბიძა იყო. ოკეანეს გაღმა მყოფ ალექსანდრეს ტელეფონით შევეხმიანეთ. მოგვიანებით, რამდენიმე შეკითხვა (დიპლომისთვის) გადავუგზავნე. პასუხს ველოდებოდი და— სრული მოულოდნელობა! მანია მირეკავს: — აღიოშა ბიძია თბილისში ჩამოდიხ და ეგებ, ქალაქიდან არ გახვიდეთ. არც იუმორის გარეშეა. სიამომარჯვებულები ნათესავეები (დღეს ჩემთან სადილზე, ხვალ ჩემთან აგარაკზე... გასეირნება...) წინასწარ გააფრთხილა: საქმეზე ჩამოვდივარ, დაკავებული ვიქნები, გავჩერდები ტარიელ გვალიას (მანიას მეუღლე) ოჯახში, და ნურაფერს დაგეგმავთ, არ მეცდებოდ. 85 წლის ქართველი ემიგრანტი (86-ის თბილისში გახდა) საქართველოში საგანგებოდ ჩამოდიხ. დიმილი დიმილად, მაგრამ სასიამოვნოდ გაოცებული კი დავრჩი. რა პქვია ამას: პასუხისმგებლობის გრძნობა (სხვა თაობას არა მხოლოდ შენი, არამედ სხვა პიროვნებების თავგადასავალი უამბო), მოვალეობა (ფაქტები და მოვლენები შემოინახე), ცნობისმოყვარეობა (შენი ცხოვრებით დაინტერესდენ), თუ კიდევ რომელიმე სხვა სიტყვა, რომელსაც უბრალოდ, ერთი შეხედვით, პაღიან ჩვეულებრივი (თუმცა ემიგრანტისთვის მაინც,

აღბათ, არცთუ ისე მშვიდი სიტყვა) საქართველოზე საუბარი ჰქვია. ყველაფერი ხომ მაინც მას უკავშირდება, არა აქვს მნიშვნელობა ხარ თუ არა ფიზიკურად აქ.

– ყველაფერი თავიდან დაეიწყოთ.

– დაეიწყოთ. თავიდან დაეიწყოთ. წარმოშობით მე იმერელი კაცი ვარ. მამაჩემი ერემია ფუტკარაძე იყო რკინიგზის ინჟინერი – გზებისა და ხიდების. ბაბუაჩემს ჰყავდა ორი შვილი, ორი ბიჭი, ერემია და ალექსანდრე და სამი გოგო, სახელები აღარც კი მახსოვს: ნადეჟდა მამიდა, შუქია მამიდა, მესამე დამაეიწყდა. ეს ხდება ყველაფერი ხარაგოულში. ბაბუა პენსიაში გავიდა, ისიც რკინიგზელი იყო. მამაჩემმა გააგრძელა მუშაობა. ჩემი ბიძა, ალექსანდრე 21 წელში გარდაიცვალა. ეძახდნენ საქართველოში ისპანკას – „შავი ჭირი“ იყო გავრცელებული და ხალხი დაწყდა ბევრი. ჩემი ბიძაც გარდაიცვალა. მოკვდა. დასაფლავებიდან ორი კვირის შემდეგ მე დაეიბადე ხარაგოულში. ჰოდა, აიღენ და ბიძიას სახელი მომცეს მე. დამარქვეს ალექსანდრე. 21 წელში იყო არეულობა თურმე მაგარი, კომუნისტები შემოვიდნენ საქართველოში ომით. წყვიტავდნენ ხალხს. უბედურება იყო. სხვათაშორის, ჩემი ბიძოლა, ალექსანდრეს მეუღლე – ნადია იყო და დედაჩემსაც ნადია ერქვა. დედაჩემი იმერეთიდან, ზესტაფონიდან იყო, ცერცვაძის ქალი. ბიძოლაჩემი იყო ბაბიდან, ბარბაქაძის ქალი. ორთავე ნადიები. იმას ეძახდენ დიდ ნადიას, დედაჩემი პატარა ნადია იყო. ბაბუაჩემმა თქვა, რომ ქალები და ბავშვები უნდა წავიდენ მთაში. იმიტომ, რომ აქ ეხლა დარბიან მენშევიკები, ბოლშევიკები და უბედურება არისო. ჩვენ გეყავდა მოჯამაგირეები. ბაბუას ჰყავდა ორი ახალგაზრდა ბიჭი, რომლებიც მუშაობდენ და ეხმარებოდენ ვენახში. ხომ იცი, მოვლა, ჭამა–სმა და ყველაფერი. ჩვენი გვარი ფუტკარაძე, მეორე გვარია. ჩვენი გვარი ყოფილა ნიჟარაძე. ბაბუაჩემი იტყოდა, მე მეძახდნენ ეფრემ ზაქარიას ძე ნიჟარაძეს, მე ნიჟარაძე ვიყავიო.

– ნიჟარაძე როგორ იყო?

– როგორ იყო და თურმე იყო ნიჟარაძეები ერთ სოფელში ბევრი. ხოდა, აღარ ეტოლდნენ. ეს იყო აჭარაში. წინა ჩამოსვლაზე მე მინდოდა წავსულიყავი იქ და ზუსტად გამეგო, საიდან მოდის ეს. მე ბევრი არ ვიცი, ბევრიც დამაეიწყდა. ეს ვიცი ბაბუასგან გადმოცემით. ჩემმა გოგომ იქ, ამერიკაში, მითხრა: – მამა, მე მინდა გვარი გადავიკეთო. – მამა, რა უნდა გადაიკეთო, რაფერ უნდა გადაიკეთო, ფუტკარი არ მოგწონს? არა, შენ რომ მითხარიო, ხომ მომიყვები, ნიჟარაძეო, მინდა ნიჟარაძედ გადავიკეთო. – კი ბატონო, იყავი. ავდექით, წვევდით და ფული გადაიხადა და... იმიტომ რომ, ნადია ნიჟარაძე NN კარგიაო, შეეწყო. ოფიციალურად უკვე ნადია ნიჟარაძეა. მერე რა მოხდა. ომი გათავდა. სხვათაშორის, ბაბუა ჰყვე-

ბოდა ასეთ რამეს ომის შესახებ: ამოვიდნენ მენშევიკები, ხომ იცით, ახლოს იყო ჩვენი სახლი რკინიგზასთან, ამოვიდნენ თურმე სახლში და დაგვალევინო. ბაბუა მარტოკა იყო, ჩვენ ყველანი წასულეები ვიყავით. დააღვინა ბაბუამ, მოხსნა ქვევრს თავი და მიიღო. იფიქრა, მენშევიკები მიდიან. ისიც მენშევიკი იყო, ბაბუაჩემი. დაეხმარა. ბათუმში მიდიოდნენ. მატარებლიდან დაინახეს, მოსახლეობა ახლო-მახლოშიო. გააჩერენ და.. წავეიდნენ და მონახეს საჭმელი. ბაბუას გოუკეთებია მედალი, ოქროს მედალი ჰქონდა ნიკოლოზისგან, რუსეთის მეფისაგან; იმიტომ, რომ კარგი ინჟინერი იყო და კარგად მიჰყავდა გზების კეთება და სუყველაფერი. აგრეთვე, მამაჩემს (იცი-ნის) სტალინის მედლები ჰქონდა ჩამოკიდებული გულზე. ჰოდა, იმ ხალხმა თურმე ჩამოაგლიჯეს – შენ რად გინდა აწი მაგიო, ოქრო გეჭირდებო და გამიხიეს კოსტუმო. მოაძვრეს და წაიღეს. რაც დალიეს, ხო სვეს და რაც არ დალიეს, ვინტოვკით ჭურში ისროლეს და გაბზარეს ქვევრი და ღვინო დაიღვარა, წავიდა მიწაში. ასეთი სისულელე. რომ ეთქვათ, მადლობელი ვართ, გეასეთ-გეაჭამეთ, პირიქით, გაცარცვეს, ჭამეს, დაანგრეს. ამ დროს მე მთაში ვიყავი, გორა ადის იქა.

– თბილისში რომელ წელს გადმოხვედით?

– თბილისში გადმოვედით 1925 თუ 26 წელი იყო. მოიყვანეს ერთი ვაგონი სპეციალურად. დააყენეს. კასარმის გვერდზე დაგვეტირთეს, მუშები მოვიდნენ, აუეჯი გამოიტანეს, ვაგონი დატირთეს და ჩაგვიყვანენ ხარაგოულში. იქ გამოცვალენ მატარებელი და ეუცდიდით. ეძახდნენ: „ქვედა სახალხო“ და „ზედა სახალხო“. „ქვედა სახალხო“ რომ მოვიდა ხარაგოულში, გამოიყვანეს ჩვენი ვაგონი და მოაბეს სახალხოს უკან და რკინიგზით ჩამოვედით თბილისში. მერე მოხსნეს, იქ ძველი ხიდი იყო და იქ დაგვაყენენ. იქ ვცხოვრობდით ორი კვირა.

– თუკი ბაბუა მენშევიკი იყო, ამათ შემოსვლას როგორ შეხვდა? ოჯახში არ ღაპარაკობდნენ მათზე, ბოლშევიკებზე? თუ ბავშვებთან მაინც ვერიდებოდნენ საუბარს.

– მამაჩემი იყო ძველი ბოლშევიკი. მამაჩემი იყო თურმე პარტიის წევრი 15 წლიდან. 1915 წლიდან, წარმოგიდგენია? როგორც სტალინი, იმ ჯგუფში იყო მამაჩემი ორჯონიკიძესთან და ერთად იყვნენ მაგენი.

– ბაბუამ ეს არ იცოდა?

– ბაბუამ, როგორ არა. ბაბუამ იცოდა ეს, მაგრამ შეიღო, გაანებე თავიო. საიდან მოიტანეთ ეს კომუნიზმი და რაღაცეებით. ბაბუა ქრისტიანი იყო. ბაბუას უყვარდა ღმერთი, ბიბლია და..

– ე. ი. მორწმუნე ადამიანი იყო.

– კი, ძალიან და ბებია იყო სოფლის ექიმი. თვითონ განვითარე-

ბული. ისეთი რამე გააკეთა ბებიანემმა, მე მოწამე ვარ. სოფელში, ხარაგოულში, საცა ვცხოვრობდით იყო ქალი, მაღლა ცხოვრობდა, მთაზე. გვარი დამავეიწყდა... ერთი სიტყვით, ბებიას ვეხმარებოდი მე ღობეებს, რაღაცეებს ვაკეთებდი. ჰოდა, ქალი მოდის ვიღაცა. ეს ხელი აქვს მარჯვენა ასე გადახვეული (მიჩვენებს) – გამარჯობა. – გაგიმარჯოს. ბებია მიესალმა. – რა არის ქალო, ეს, რა დაგმართია. ოჰ, გამიჭირეს საქმეო, სადაც არ წავიდა, მოსკოვშიაც კი ჩავიდა, ყველგან უთხრეს, ხელი უნდა შეიჭრაო. არ მოაჭრეენია. მე მოვეკედები ასე მთლიანი ხელითაო. ასე მირჩევენია, ვიდრე მოვიჭრაო. ბებიანემმა უთხრა: – ქალო, ნუ გეშინიაო, იმედი არისო, ღმერთი მაინც ჩვენთან არისო და მოდი, ერთ რამეს ვცდი შენზეო და მომეცი ნებაო.

– კი, გენაცვალო, რაღა ნებაო, სიკედილის მეტი აღარაფერი დამრჩენიაო. ბებიამ მოუხარშა რაღაცა წამლები, ბალახები, ერთიმეორე, წოუსვა ხელებზე და ეს ქალი დადიოდა სამი კვირა ბებიასთან, ჩამოდიოდა. მოურჩა ხელი და მე მინახია ჩემი თვალით, იმას სიმინდის მეშოკი ასე გადებულნი ჰქონდა და მიდიოდა საფუძველზე. ბებია იყო არაჩვეულებრივი ადამიანი. მე ვფიქრობ, ალბათ, უფალი ნებას აძლევდა. ძველ დროს ხალხი უფრო დიდხანს ცხოვრობდა. იმიტომ, რომ იცოდნენ, თუ რამე სჭირდებოდათ, აგერ იყო ბუნებაში. მოწყვეტი და მოკრიფე და გათავდა. არ გჭირდებოდა არც ოპერაცია, არც სხვა. ხალხი ცხოვრობდა. კომუნისტები რომ შემოვიდნენ, ბაბუანემი უკვე პენსიაში იყო გასული. ხოდა, მამანემი კიდე, აქტივი იყო. მამამ უთხრა დედას და მამასაც, არ დაეინახო და არ გაევიგონო ლაპარაკი ქრისტეზეო. იმიტომ, რომ არ სწამდა არაფერი.

– მამას არ სწამდა თუ ეშინოდა, უბრალოდ?

– სწამდა. ეხლა, იყვნენ სამი მეგობრები: ერემია ფუტკარაძე, გრიშა გარსევანიშვილი და საშა – მომაგონდება მერე. იყო მეზღვაური.

– სამივე პარტიული?

– სამივე პარტიის წევრი. გრიშა გარსევანიშვილი იყო ამიერკავკასიის რკინიგზის პარტიის უფროსი. მამანემი თბილისის რკინიგზის ინჟინერი. საშა კიდე იყო რკინიგზის საწყობი, ყველაფერი რაც საჭირო იყო რკინიგზაზე, ის იყო. ჰოდა, მე მომისმენია აი, ასე:

– რა ვქენითო, ბიჭოო. ეს რა ვქენითო. რა უბედურობაში ჩავვარდითო. ეს კომუნისმი კი არა, უბედურობაა ჩვენი ხალხისთვის, რა მიეკარეთო. წარმოგიდგენიათ? ასეთ რამეს ლაპარაკობდნენ.

– ერთმანეთში მხოლოდ?

– ხო, ხალხში ვერ იტყოდნენ, მიახერიტავდნენ ხელათ.

– თქვენ რამდენი დელმამიშვილი გყავთ, ბატონო ალექსანდრე?

– ჩვენ ვიყავით ორი ბიჭი და ერთი გოგო. ბიძანემი ალექსანდრე რომ გარდაიცვალა, ბიძანემის ოჯახი არ დანგრეულა, იმიტომ, რომ

მამაჩემი ორთავე ოჯახს უყვლიდა. ბიძაშვილები ჩემი, ბიძაშვილები კი არა, ძმები ვიყავით, ხუთი ბიჭი ვიყავით, ძმები ვიყავით. ჩამოთფლის: დათიკო, პეტრე, პავლე, ვლადიმერი და ალექსანდრე. ხუთი ბიჭი ვიყავით.

– თქვენ ყველაზე პატარა?

– მე ვიყავი ყველაზე პატარა და მერე თინა. თინა 6 წლის შემდეგ დეიბადა. ძალიან უნდოდათ, სულ ბიჭები იყვნენ და თინა დეიბადა. თინა იყო ისეთი, რომ ასე თითო რომ მიგვედო: დედაააა, რა იყო გოგო, რა დეგემართა? – ალიოშა მაწუხებეს... სიფრიფანა იყო, ხოდა, დღესაც ისეა. რო დოეუძახებ, როგორა ხარ გოგო, – რა ვიცი, ეხლა...

სამი წელიწადი ჩვენი ოჯახი ვიყავით მთებში. 1924 წლამდე მაგენი არ ჩამოვიდნენ. უბედურობა იყო, ხომ იცით, არა? ახალი შემოსული იყო კომუნისტები; კიდევ ვილაც-ვილაცკები, დარჩენილები იყვნენ ძველი მენშეიკები და ზოგი იპარებოდა, ზოგი – რაღაცა. ჩხუბი იყო ხშირად, რას არ აკეთებდნენ... რკინიგზაზე ავარიები, დივერსიები... მთებში კარები იყო გაკეთებული, ბიჭები კლავდნენ ირმებს და ხორცი გეჭონდა ყოველთვის. ხარშავდნენ იქ ლობიოს. ყველაფერს აკეთებდნენ...

– თქვენ ეს გახსოვთ?

– არა, მე ეს არ მახსოვს. მარა, მახსოვს მე, რომ წამოყვლით იქიდან, ხარაგოულიდან, მახსოვს, გახარებული რომ ვიყავი, რომ საღაცა მივდივართ, თბილისი, ხომ იცი და რომ მოგვებეს საფოსტო მატარებელზე, მე მინდოდა ფანჯრიდან მეყურა, მაგრამ ფანჯარა არ იყო. ფანჯარა იყო გაღებული მაღლა. პატარა ვიყავი და კარებთან არ მიშვებდნენ, არ მენდობოდნენ ბოეშეს. ფორთხიალი ვიცოდდი კარგად და ვალოდია, პეტრე ან პავლე შემაჯდებოდნენ თურმე ზურგზე და როგორც ცხენი... იმიტომ, რომ მე ესე დავედიოდი კარგად და – ე, ბიჭო, ჩამოდი ძირსო. მე მიხაროდა, რო ვაკეთებდი ასეთ რაიეს. ეხლა რა მახსოვს კიდევ. ხომ იცი, მაგენი ორი ძმები იყვნენ პეტრე და პავლე. ტყუპები იყვნენ. მაგრამ პეტრე ქერა იყო, ღია კაცი, მოხალისე, ლაპარაკი-მშვენიერი და პავლე – შავგვრემანი.

– ტყუპები, მაგრამ არა მსგავსნი?

– გაგიგონია? განსხვავებულები, როგორც მზე და როგორც მთვარე, ასე იყვნენ. ერთხელ მითხრა, წამოდი ჩემთანო. პავლეს ძროხა დაჰყავდა ხოლმე. წამოდიო, ჩემთანო. მე ვუთხარი, რა გინდა ჩემთან-თქო. წამოდიო და ერთად ვიყოთო. წაყვევი. გავიარეთ. წამიყვანეს სასაფლაოზე. იმერეთში სასაფლაო და ეკლესია ახლოშია. მიმიყვანეს იქა. კარები დაკეტილია ჯაჭვით. ბოქლომი აქვს დადებული, მაგრამ იღება ამოდენაზე, ცოტა (მიჩვენებს) – მოდი აქო, – შეხედე, იქაო. ფულები ეყარა. ეკლესია დაკეტილი უკვე კი იყო,

მაგრამ ხალხი ვინც გამოივლიდა, ფული რომ ჰქონდათ ჯიბეში, აგდებდნენ შიგნით, დავეხმართო მღვდელს.

- გადმოვიტანოთ და ჩვენ შოკოლადები ვიყიდოთო.
- როგორ შევიდეთ იქ? - ნუ გეშინია, შენო.

მე პატარა ვიყავი, რკინებში გაძრომა შემეძლო. ფეხებით შევედი, ეხლა რა ვქნა-თქო. გოუშვი ხელიო და ჩახტებო. გოუშვი ხელი და დავარტყი რაღაცას. რრრრ - დეიძახა, დეილეწა რაღაცა. კუბო იყო იქა. კედელთან. ვიღაცა ქალი იწვა ამ კუბოში და დავამტვრიე. თამარ მეფე იყო, წმინდა ნინო თუ ფიტული იყო? მიცვალებული-ვით.

- ეკლესიაში ფიტული?
- შუშის სახურავი ჰქონდა. სახე ესე მახსოვს მე: დიდი თმები, თაუზეც რაღაც.

- და რა მასალით იყო გაკეთებული? სანთლისგან?
- მარტოკა სახე იყო გაკეთებული. ტანსაცმელი იყო დადებული ზემოდან და გვერდებიდან შუშა იყო გაკეთებული. ჩავამტვრიე.

- ეს რომელ სოფელშია?
- იქა, ზარანში. ციხეა მაღლა.
- ქურდობა ალბათ, ვეღარ გაბედეთ, არა?
- ჩავიდინე და მერე როგორ. შეეძვერი.
- გადმოყარე, გადმოყარე ფულიო. ვყრი მეც. იქიდან. ეხლა როგორ ამოვიდე. რაღაცა იყო იქ და მივახსოვებ ახლა ფანჯრისკენ.
- ღმერთის არ გეშინიათ?

- როგორ ვაკეთებ ამას, მახსოვს, ხენეშით. მძვრებოდა, სული მძვრებოდა. რა გავაკეთე? შემეშინდა. შემეშინდა. მით უმეტეს, რომ ჩავტეხე იქა. რომ ჩავიხედე, მთლად დავიბენი, თან გტირი. პავლემ მითხრა, სახლში არა თქვა, თორემ ვაი, შენი ბრალიო. მივედიარ სახლში. მოვედი, ბებიამ დამინახა: - შვილო, რა იყო, რა დაგე-მართაო?

პეტრე და ვალოდია წასულები იყვნენ იმაში, საფქვავს რომ აკეთებენ.

- წისქვილში?
- წისქვილზე იყვნენ წასულნი. მე პავლემ წამიყვანა. ბებიაჩემი შეშინდა. დამაწვინა მაშინვე, მერე რაღაც წამალი გააკეთა, დამალეინა. ზომავდა, ზომავდა. მატერია იყო რაღაცა, მუქი ფერის, ზუსტად არ ვიცი. ლოცულობდა და ზომავდა. გადავიტანე ეს ღამე, დავმშვიდდი, ყველაფერი.

- ეს ფული რომ გამოაჩინეთ?
- გითხრათ; მერე დილაზე აგვაყენა.

სამივენი წავედით ეკლესიაში. ჩავყარეთ ფული უკან, სადაც იყო. მერე დაგვაჩოქა.

— ერთი წუთით, თქვენ არ გითქვამთ. ეს თქვენი ნებით გააკეთეთ თუ ბებიამ გაიგო ეს ამბავი?

— გაიგო. ბებიამ გაიგო, რასაკვირველია, მე მოვეყევი ყველაფერი. იმიტომ, რომ სიცხე მაღალი მქონდა და თურმე, ყველაფერს გლაპარაკობ. ადგა დილით და წაგვიყვანა ორთავენი, შევეყარეთ ის ფული და დაჩოქილი შემოვუარეთ ეკლესიას გარშემო და ბებია ღოცულობდა და ღოცულობდა. აი, ეს მახსოვს. მერე წამოვედით იქედან. მერე მე თბილისში ვიყავი. ეს ამბავი სულ დამავიწყდა. მაგრამ მახსოვს ის სიკეთე, რაც იმან მომცა. ალბათ, იყო ეს ქრისტიანობა, ღმერთი, სამება. აქ გავიგე უკვე, ამერიკაში რომ ჩამოვედი. თორემ იქ, ვითომც არაფერი. იმიტომ, რომ მე მივეყევი მამის კვალს, პიონერი ვიყავი, დემონსტრაციებში მე პირველი ვიყავი, წინ სულ, ვუკრავდი დოღს და... გამოვეყევი აქეთ. მარა ამერიკაში რომ ჩამოვედი და ჩემი ოჯახი შევიძინე, შეიღები მყავდა და ყველაფერი, მერე ვიფიქრე, მივხვდი, რაღაც მინდა, ვიღაც მჭირდება მე. ეს იყო ღმერთი. დამამშვიდა, საქმეც კარგად წავიდა და ყველაფერი: სიყვარულიც და სიხარულიც. აგერ, ა, 8 წლისა ვარ და... ბაბუას რაფერ ვაჯობო. ბაბუამ იცოცხლა 108 წელიწადი. 108 წლის რომ იყო, დაიძინა და აღარ გამოუღვიძია. წავედა. რა კარგია!

— ბავშვობაში რა თამაშობებს თამაშობდით ხოლმე?

— ბავშვობაში? ბოვში რო თამაშობს?

— თქვენ ცხენი გიყვარდათ? ამერიკაში ცხენი და ცხენოსნობა ძალიან პოპულარული იყო ქართველებისთვის.

— ჩვენი ნათესავეები ბაკურაძეები იყვნენ ბებიას მხრიდან. ეფრემის დედა იყო მეორედ გათხოვილი. ის გაჰყვა ბაკურაძეს და ჰყავდა შეიღები. გიორგი ბაკურაძე იყო ინჟინერი გზის, რკინიგზის კი არა, სამხედრო გზის. ჟინვალში ჰქონდა ბინა. სამხედრო გზას არემონტებდა. იმას ჰყავდა ცხენები. 2 ცხენი ჰყავდა, ჩაეიდოდი ხოლმე ზაფხულში; ვთამაშობდით, ცხენებზე ვკონწილობდით.

— ეს ცხენის ცოდნა თუ გამოგადგათ ამერიკაში?

— არა. სხვათაშორის, ამერიკაში ჯგუფი იყო და მითხრეს: — მოდი, თუ გაინტერესებსო. მივედი.

— ცირკში გამოდიოდნენ, ხომ?

— დიახ, პარკი იყო სპეციალური. იქ უმეტესობა იყვნენ ჩრდილოკავკასიიდან. კაბარდინელები, რუსები და კაზაკები. ერთი ჩვენი ქართველი ჩამოვარდა ცხენიდან და ჭკუაზე შეირყა. რაღაცას დაარტყა თავი. მერე მორჩა, მარა... მივატოვე მე. ვაკეთებდი ხოლმე იმას, რომ ცხენიდან ვესტები, ხელს არ ვუშვებ ოღონდ, ფეხს ვარტყამ მიწაზე, უკან ვჯდები.

— იღეთები მაყურებლებისათვის.

— თქვენ დროს რიკტაფელა, ფეხბურთი—

– ბოვშობიდან ფეხბურთს ვთამაშობდით. ტყავი გარედან, შიგნით იყო რეზინა, ვებრავდით. ჩავსვამდით, შევეკრავდით, ავაგდებდით და ჰაი. დიდუბეში იყო ცხენების საჭენაო რომაა.

– იპოდრომი.

– ჰო, იპოდრომი; ახლა სახლებითაა სავსე. ამ იპოდრომზე ვთამაშობდით ფეხბურთს.

რკინიგზელებს უფასო გეჰქონდა მატარებლით მგზავრობა. ბილეთები გეჰქონდა სპეციალური, წლიური, აჩვენებდი და გათავდა. თავისუფალი ხარ, შედი. არც ბილეთი გინდა და არც არაფერი. მოვიყრიდით თავს და ვთქვათ, წავიდეთ თხილამურებზე. წავიდოდით, დავერჩებოდით ერთი ღამე, ორი ღამე, სამი ღამე. ერთხელ „კუქუშუკით“ ავედით ბაკურიანამდე, ვართ ცემში. ხოდა, მოვდივართ იქედან. ჩემთვის უცნობი იყო ის ადგილი, საიდანაც მოვდიოდით. ვხედავ თოვლია, თურმე არის უზარმაზარი ღობე, სავსეა ზემოდან თოვლით, ვერ დაინახავ იქედან. მე მოვსრიალებ, გადავაფრინდი... ჩამოვედით როგორც იქნა ძირს, ბიჭები მეცინოდნენ: – ეს რა დეგემართა... რას იზამ, ყველაფერი ხდება.

– სკოლაში რომელი საგნები გიყვარდათ?

– გეოგრაფია. მიყვარდა ბოტანიკა. ერთხელ გეოგრაფიის მასწავლებელი მოვიდა და: – ფუტკარაძე, გამოდი აქ. გავედი. ფანჯრები ღია გვაქვს. ძირს არიან ქურთები. დადებდნენ ხოლმე ძირს ბარგს, იმაზე ჯდებოდნენ და ჩამოშკრივებული იყვნენ. ხოდა, მითხრა მასწავლებელმა: – მაჩვენე, თბილისის სად არისო.

– რუკაზე?

– რუკაზე, მაგრამ მე ვითომ რუკა არ ვიცი, მივედი გაღებულ ფანჯარასთან, ა, ქალბატონო, მასწავლებელო, აი, თბილისი! (ყველა ერთად ვიცინით) აგერაა. მსახიობი კაცი ვიყავი, ხომ იცი და ჰა, ჰა, ჰა – ბოვშები და ველარ გააჩერეს მთელი საათი. თვითონაც იცინა მასწავლებელმა.

– რომელი სკოლა დაამთავრეთ?

– მეოცდაათე. მეოცდაათე. ნახალოვკაში იყო ბოტეს სკოლა. ბოტე იყო გერმანელი კაცი, რომელიც გერმანულსა და ინგლისურს ასწავლიდა საქართველოში. ეტყობა, მდიდარი კაცი იყო. კაი დიდი შენობა ჰქონდა; ეს შენობა გააკეთა, სამსართულიანი იყო. კომუნისტებმა ჩამოართვეს და ერთი ოთახი მისცეს. ესწავლობდი, ვცეკვავდი. 6 წლის ვიყავი, მარჯანიშვილის თეატრში სკოლიდან წავგიყვანეს. ამოგვარჩიეს. მერე მივიდნენ მამაჩემთან და დედაჩემთან და უთხრეს, ჩვენთან იქნებაო. წამიყვანდნენ – მომიყვანდნენ. მარჯანიშვილში ღამბაშიძე თამაშობდა, გრიშა კოსტავა, სერგო ზაქარიაძე. „აპრაქუნე ჭიმჭიმელში“ ვიყავი მე.

– თქვენ რა როლი გქონდათ?

– აპრაკუნეს 5 შვილი ჰყავდა. ერთ-ერთი ბოვში ვიყავი მე. მერე ნახალოვკაში გაიხსნა თეატრი. სკოლაში კი ვიყავი მე, მაგრამ თუ რამე იქნებოდა, მომაკითხავდნენ. აი, მაშინ დაიდგა „არსენა მარაბ-დელი“. მე ლიპა არსენას ვთამაშობდი; მერე იყო „ლადო კეცხო-ველი“. ციხის უფროსს ვთამაშობდი.

ზაქარიადე დამიძახებდა ხოლმე: – ბიჭი, ბიჭი მოდი აქ, ჩემთან. ამეიღებდენ, მომცემდენ 50 ცენტი იყო, გადაღმა მეპურე იყო, თონე, წავიდოდი, პურს ვუყიდოდი ამით ხოლმე, ყველი მერე კიდე ჩაცმუ-ლები არიან, სცენაზე მუშაობენ და პური ხელში და ყველი, ჭამენ... მე ყველაზე პატარა პაცანა ვიყავი. ჟორა შავეგულიძე, კვანტალიანი. აი, დამიჭერდნენ ხოლმე, მაწვალებდნენ. უკან იყო პარტნოი მეორე თუ მესამე სართულზე. კიბე იყო ჩამოსასვლელი. ავიდოდი, დაეჯ-დებოდით სახელურზე. მოვსრიალებდით. ერთხელ ჟორჟოლიანი იყო კარებში, გამოდიოდნენ, პური ეჭირა ხელში. ამას ჭამდა და ბახ, დევეჯახე (იციანის). იყვირა: – შე, ციგანო, მამაძაღლო, შენა. რას შეები შენ აქანა, შენ ხომ არ გგონია, რომ ქუჩაში ხარო და... რა პიესები არ გადიოდა მაშინ... იიიი...

– **ოჯახში როგორ უყურებდნენ ამ თქვენს თეატრალურ გატა-ცებას?**

– მამაჩემი მეუბნებოდა ასეთ რამეს: შენ, ბიჭო, სცენა კარ-გია, ხტუნავ აქ, ერთი–მეორე... ხალხს აცინებ, მაგრამ ოჯახი არ გინდა? ქალს არ გამოგაყოლებენ შენაო. იმიტომ, რომ მსახიობებს რა აქეთ, არაფერი, მშვიერები არიან საწყლები, რას გააკეთებო, ეს იყო თორემ, ისე, მამა იყო საინტერესო, მღეროდა კარგად, გიტარას უკრავდა.

– **პროფესიით რა სპეციალობის იყო?**

– მამა? მამაჩემი იყო ამიერკავკასიის რკინიგზის უფროსი. ჩვენ გვექონდა ადგილიც და ძველი ვაგონები. იმიტომ, რომ რკინიგზა იყო ძალიან ვიწრო, გაგანიერება უნდოდნენ, იმიტომ რომ ევროპიელი ვაგონები ვერ შემოდოდნენ რუსეთში, საბჭოთა კავშირში. პოდა, გააგანიერეს. მამაჩემმა გააკეთა ეს სულ. ამიერკავკასიის რკინიგზა გაკეთებული იყო მამაჩემის დროს.

– **სკოლის დამთავრების შემდეგ ჩააბარეთ სადმე თუ არა?**

– მე წავედი ტამბოვში. საქართველოდან მოითხოვეს 15 კაცი, რომ წასულიყო საფრენოსნო სკოლაში. რომ დავამთავრე საშუ-ალო სკოლა, მამამ მითხრა: – ბიჭო, რა გინდა რომ გააკეთო? „Рядовой“–ზე“ ხომ არ გინდა, წახვიდეო. ფეხოსანი გინდა იყოო? წადი, ისწავლე რამეო. რა გაინტერესებსო?

– მინდა, მფრინავი ვიყო-მეთქი. ამდენი მაშინ არც იყო განეი-თარებული; არა გეყავდა წესიერი თვითმფრინავი. იყო ისეთი „Ку-курузник“–ებს რომ ეძახიან, ჩავაბარე. მაგარი ის იყო, როგორ ჩა-

ვაბარე; ფიზიკურსაც უყურებდნენ. ორ წელიწადნახევარი ვიყავი და მერე ჩამოვედი თბილისში შვებულებით და ორ კვირაში უნდა დავბრუნებულყავი უკან, მერე პრაქტიკებზე უნდა წავსულიყავით, თორემ მხოლოდ თეორიული განათლება გექონდა. გახსოვთ, “Кресты Советов” ნანახი გაქვთ? რო გადააბრუნებს თვითმფრინავს და ხიდის ქვეშ რომ ძერება უკულმა. აი, ეს მინდოდა. ომი დაიწყო. აღარ გამიშვეს. კომისარიატში ვუთხარი, უნდა წავიდე, სკოლა მაქვს დასამთავრებელი... აჰ, შენ სკოლას ვინ დაექვს, ომიარ. ხალხი წყდებაო. მოაწვენ, გადალახეს უკრაინა, ყველაფერი... გამაგზავნეს ახბულახში. ახლა მაგას ეძახიან თეთრიწყაროს. თურქების საზღვარზე. იქ ვიყავი სკოლაში და მასწავლეს მორზე ანბანი. ტი-ტი-ტი-ტი... ჩაგვსვეს ეშალონში, მერე დაგვტირთეს გემზე „აფხაზია“. სევასტოპოლში მოგვიყვანეს ღამე. გერმანელებმა გაიგეს, რომ გემი მოვიდაო, მოვიდნენ, მოცვიდნენ თვითმფრინავეებით და ჩაძირეს... გადმოცვივდით გემიდან, გადაერჩით; დაგველუპა რამდენიმე ბიჭი. მე ყველაზე ბოლო ვიყავი. პეტრე წაიყვანეს ჯარში, ვალოდიაც წაიყვანეს ჯარში. დათიკო იყო სახლში და მუშაობდა ხარაგოულის რაიონის მთავრობაში. ერთმა კაცმა, არ ვიცი, ვინ იყო, დაურეკა მამაჩემს და უთხრა: – ერემია, ჩამოდი მალე, ხარაგოულში, უშველოთ შენს ძმისშვილს, პრობლემა აქესო. ახალი დაქორწინებული იყო დათიკო. ემადინი ჰყავდა, შოფერი ჰყავდა, შეჭამა ფული. ჩვეიდა მამა, კომუნისტებში იყო. რა ვუშველოთ, რა ვუშველოთო. ომია. ძმები წასულებია; ადგნენ და გოუშვენ ომში. გადარჩა ამით, თორემ მოხვდებოდა ციხეში. და ციხეში რო წასულიყო, უკეთესი არ იყო?

– რატომ? ომიდან ვეღარ დაბრუნდა?

– მოკვდა. პეტრეს გარდა, ყველა ჩემი ბიძაშვილი დაიღუპა.

– მაშინ ციხე სჯობდა.

– ხო, აბა რა. ჩვენ გაყოფილი კი არ ვიყავით, ერთი პური რომ გექონოდა, ნახევარი იმათ ჰქონდათ, ნახევარი ჩვენ. ისინი იყვნენ იქა – პავლე, პეტრე, დათიკო, ბებია წავიდა ადრე. ჩვენთან კიდევ – თინა, ვალოდია, მე, დედა, მამა – ერთად ვიყავით. სახლი ორი გექონდა, ერთი ხარაგოულში, ერთი თბილისში. უზარმაზარი ზალა, სულ თეთრი ქვა...

– თეთრიწყარო, მორზე ანბანი და ომი. გადარჩენის შემდეგ თქვენ ისევ აგრძელებთ ომს სევასტოპოლში.

– ხო. როსტოვი კომუნისტებმა, საბჭოთა კავშირმა, არა, საბჭოთამ კი არა, გერმანელებმა რომ აიღეს როსტოვი, მერე მოაგროვეს სუყველა, ვინც იყვნენ მფრინავეები თავიანთი თვითმფრინავეთა და პილტერის ბრძანებით დასცხეს სევასტოპოლს. მთელი თვე ბომბავდნენ. თუ ბომბი არა ჰქონდათ, ცარიელ „ბოჩკებს“ აიტანდნენ მალლა, ხოდა, მფრინავეები დაუმიზნებდნენ, სადღაცა და გაუშვებდ-

ნენ და იცი, როგორ მოდის? ჯერ ხმა აქვს ისეთი... დაეცემა ძირს და რასაც მოხედება, დალეწავს. წარმოიდგინე, მასხრათ გვიგდებდნენ, რა? მილიონობით ჯარისკაცი იყო. თოფი არ იყო, წამალი არ იყო. თვითმფრინავი არ იყო. არაფერი არ იყო.

– მთელი ქართული დივიზიები განსაკუთრებით ქერჩის ნახევარკუნძულზე და სევასტოპოლში განადგურდა.

– ჩაწყდნენ. ჩაწყდნენ... პირდაპირ უბედურობაა...

– რატომ არ ხდებოდა მომარაგება. საგანგებოდ ხომ არ იყო?

– რატომ არ ხდებოდა და არ იყო! არ იყო ალბათ, სტალინს დასჭირდა, რომ შეებრუნებინა ქვეყანა. ჩვენ ველაპარაკობთ – 41 წელს სტალინმა დაიწყო 24–25–ში, 15 წელიწადში... საქართველოში უკვე რამდენი ხანია რევოლუცია მოხდა, ვარდოვანი რევოლუცია. თავისუფლები ვართ, სუყველაფერი. რატო გვიჭირს? შიმშილით ვართ, გზა არ გვივარგა, ის არ გვივარგა, ეს არ გვივარგა. რატომ? იმიტომ, რომ პატარა ხანია.

– ერთ გარაუდად, მოდით, „ჭორს“ მაინც ნუ დავარქმევთ. ისიც გამოითქვა, რომ ქართველების წინააღმდეგ ეს საგანგებოდ გაკეთდა. თქვენ არ გაგიგონიათ? სტალინის საწინააღმდეგოდ ხდებოდა...

– უცქირე. ერთი კვირით ადრე მისცეს განკარგულება: დაასუფთავეთ ყველა იარაღებით. ფიქრობდა, ალბათ, სტალინი, რო რამე მოხდება... რო ჩავეარდი ტყვედ, ისეთი თვითმფრინავები დავინახე, მოდიოდნენ, რომ დაგვბომბონ ჩვენ. ვინ იყვნენ? მე მეგონა, გერმანელები არიან–მეთქი. თურმე, ამერიკული თვითმფრინავები იყვნენ. კაცი გავიცანი ჰოლივუდში მფრინავი. თბილისიდან ბომბავდნენ სევასტოპოლს გერმანელები, წარმოვიდგენიათ?

– გერ გავიგე, – გამბობ ხმამაღლა.

– გერაფერი გავიგეთ, – მეთანხმებიან სხვა მსმენელებიც.

– ამერიკამ მისცა საბჭოთა კავშირს თვითმფრინავები თავისი მფრინავებით. მოშალეს ისა, რაც თავისი პქონდათ და მიაწერეს „Советски“ და ვარსკვლავი. ვითომ რუსებია. სინამდვილეში რუსები კი არ იყვნენ, ამერიკელები იყვნენ. ეს არც კი იციან. ქვეყანამ არც კი იცის. არც არის გამომჟღავნებული ეს ამბავი.

– ამერიკელები ბომბავდნენ გერმანელებს?

– ხო, ამერიკელები ბომბავდნენ გერმანელებს, მაგრამ საბჭოთა ფირნიშით, როგორც საბჭოელები და თბილისიდან მიფრინავდნენ. როგორც რუსები.

– თქვენ „შემთხვევით“ დაგბომბეს?

– მოხდა ისე, რომ არ იცოდნენ, გასული იყვნენ თუ არაო. ჩვენ მივიდოდით, მარა, სამხედროები არიან და დაეწყვიტოთო. 11 თვე სევასტოპოლში ვიყავი. ბაღჩისარაია არის ზემოთ, მერე სევასტო-

პოლი, მერე შავი ზღვა. აქ კლდეებია, დიდი. ბუნებრივი გამოქვაბულებია. აქ იყო საბჭოთა არტილერია, ისროდნენ შორეულ ბომბებს. არავეითარი შესაძლებლობა ჩვენ არ გექონდა. ვერ შემოდინოდა გემი. არავეითარი დახმარება არ იყო, პური არ იყო, სასმელი არ იყო, საჭმელი არ იყო. გერმანელები აკონტროლებდნენ ზღვიდანაც და ხმელეთიდანაც. ამოგვწყვიტა.

თერთმეტი თვე ვიმუშავე კავშირგაბმულობაში. აქ შევისწავლე. მყავდა 6-7 კაცი მომხმარე. ხაზები წყდებოდა, ბომბი ეცემოდა და წყდებოდა. ავდექით და დავთხარეთ, გავაკეთეთ ორმოები. ვთხარეთ, ვთხარეთ და ჩავსვით ორმოებში თუ პირდაპირ არ დაეცემოდა ხაზს, რჩებოდა, კარგი ადგილსამყოფელი იყო. თორემ წინათ რომ მივედით, ვნახეთ, ბურჩქებზე ჰქონდა გადახვეული, წვეიდა და სულ წყდებოდა. მახსოვს, გენერალი ნოეიკოვი გეყავდა უფროსი, რომელიც „Морской“ იყო. გაზაფხული იყო, მაგარი დაბომბვების დრო. მირეკავს ტელეფონზე: — ფუტკარაძე, ფუტკარაძე. მე ვუთხარი, აქა ვარ, ბატონო. — არა, ბატონო არა, Товарищ მითხრა რომაო — Нет у меня связи; Нойди, узнай. — Сейчас-же будет все в порядке, — ვუთხარი, გავიქეცი. კაცი ვერ ვნახე. მე წავედი, ვირბინე, ვირბინე-ღამეა. დავიჭირე ხელში ხაზი და მივრბინე. ვნახავ, შევეაერთებ, გავალ კიდევ წინ და ასე და დავამთავრე. რიურაჟია. გზაზე მოვდივარ. (ამასობაში „დღიმილის ბიჭები“ მახსენდება — ეს, ალბათ, ტიპური ამბავი იყო ომში ამ პროფესიის ადამიანთათვის).

ხე დახუნძლულია ბალით. ომია იქიდანაც და აქედანაც... მე შევალ ამ ბალზე, ვჭამ, მერე წავუღებ იმასაც — თქო ტოტებს, გავახარებ. მოვედი. Ну что? მეკითხება — Товарищ Генерал, все в порядке, — Молодец! — Вам подарок. — Откуда это, აგერ, მე ვუთხარი, გზაზე გამოვიარე და მოგიტანე საჩუქრად. გაუხარდა ისე, რომ Молодец, Грузин, ასეთი ვიყავი. მაგარი ვიყავი, სანამ ტყვედ ჩავევარდებოდი, მაგარი კომუნისტი იდეით. იყო ხომ იცი: თავისუფლება, Товарищ.

— სახლში წერილებს აგზავნიდით?

— არა. სევასტოპოლიდან ჩემთან პეტრე იყო კვინიკაძე, ზესტა-ფონელი. აქაც მეზობელი იყო ჩემთან. მაგის ბაბუა იყო რკინიგზაში. ნახალოვკაში. ბულაღტერიაში მუშაობდა. კანტორაში. ქაღალდები სჭირდებოდათ, ფანქრები. გააგზავნეს თბილისში და კიდევ ერთი რუსი მაგასთან ერთად. გამოძერენ როგორღაცა. ქე არ ჩამევიდა უკან? მე ვუთხარი, ბიჭო, რა მოგარბენინებდა აქანა. მარტოკა რომ ვყოფილიყავი, შეიძლება გამერისკაო, მარა, კაცი თან მახლდაო და როგორ შეიძლებოდა, მიმეტოვებინა და მარტო გამომეშვაო, გავქცეულდიყავიო... სევასტოპოლი რომ ჩაბარდა, ისიც ჩემთან იყო, ტყვეობაში. მერე ომი რო გათავდა, დაიჭირენ პეტრე და გოუშევენ ციმბირში.

– ციმბირიდან დაბრუნდა?

– უცქირე; რომ ჩამოვედი 66 წელში პირველად საქართველოში, კვინიკაძე ორი დღის წინ ჩამოსული იყო ციმბირიდან ზესტაფონში. ისე გატყაული იყო, მარტო ძველები იყო.

– დაწყობილები სევასტოპოლიდან ფეხით ჩავედით ჩვენ უკრაინის ბოლოს, თითქმის პოლონეთის საზღვართან. წვლანდელ ამბავს გაუათავებ. პეტრეზე გადავედი. პეტრეს წერილი გავატიანე. ისე თუ დაწერდი, ვინ გამოიტანდა, კავშირი გაწყვეტილი იყო, ან ვინ მოგიტანდა. ეს იყო „Морской“ დივიზია. გენერალი იყო უფროსი. იყო ერთი ქართველი ოფიცერი, პოპოლკოვნიკი იყო, თანაშემწე. ბიძაშვილებიდანაც არაფერი ისმოდა. ვალოდია დაკარგული იყო. ის იყო ჩინეთში, ხან-ხინ-გოლში... აქ რომ დაიწყო ომი, აქ გამოუშვეს. იქედან წამოვიდა.

– ერთი სომეხი მოვიდა, ციმბირიდან გამოიყვანეს, უთხრეს: რა გინდაო, გინდა ციმბირში მოკვდე თუ სამშობლოშიო. კარგი, წამიყვანეთ სამშობლოშიო. შემოიყვანეს სომეხი. უფროსმა დამიძახა და მითხრა: აი, ახალი მომუშავე გყავსო. მოვიდა. გავეცანი. მე ვუთხარი ამას ასე ვაკეთებთ, ასე, ასე, როცა დაგვიძახებენ, უნდა მზად ვიყოთ, ძილი-მილი არ შეიძლება, უნდა საქმე გაკეთდეს–მეთქი. კაიო. OK მერე მეუბნება Товарищ Алекс მარტოკა ნუ გამიშვებო, სამუშაოდო. მეშინია მე ღამითო. ნუ გამიშვებო. მე ვუთხარი, Хоршо. ეშინოდა რაღაც, ხო იცი. საწყალი, პირველივე დავალებაზე გავიდა თუ არა, ორი ბიჭი იყო მაგასთან ერთად და კი არ მოკლეს?

– გული უგრძობდა, ეტყობა.

– ხო, ხო, დაფეთებული იყო და როცა ადამიანს გეშინია, ზუსტად ვარდები.

– შესაძლოა, წინათგრძობაც იყო.

– რა ვიცი. დეიკარქა.

– ტყვედ როგორ ჩავარდით, ეს უცებ მოხდა, მოულოდნელი იყო თუ–

– ბალჩისარაიაზე გერმანელები ზიან; ძირს აქეთ, ჩვენა ვართ, საბჭოები. როგორც გითხარით მე, ბომბეს და ბომბეს ერთი თვის განმავლობაში; ივლისი გადმოაბრუნეს. მტკაველ მიწას ვერ იპოვიდით ბომბი რომ არ დაცვენილიყო ზედა. პოდა, რო მორჩნენ, რო დარწმუნდნენ, რომ აღარაფერი აღარ არსებობს, ხალხიც წავიდა. იქ არის დიდი უსარმაზარი კლდე და მერე არის შავი ზღვა ე. ი. აქ არც გაცურვა შეგიძლია და არც არაფერი. იმიტომ, რომ კილომეტრებით არი, სად უნდა გახვიდე, მეორე მხარეს რომ გახვიდე, არ შეიძლება. ხოდა, ყველა, ვინც იყვნენ, ჯარისკაცებიც ჩამოვიდნენ აქ. პირველად რომ ჩვევდი, საცა ჩვევდი, ბოლომდე არ ჩავსულვარ, პეტრე კვინიკაძე ჩემთან იყო, კიდევ ბიჭები იყვნენ ებრაელები,

ერთი კიდევ ქართველი ებრაელი. ისიც იქ იყო. და რო ჩავცვივდით, ეშინოდა, გერმანელებმა რო გაიგონ, ურია ვარ, მომკლავენო. შეშინებული იყო. მე ვუთხარი, საქართველოში გეყავს როგორც ებრაელი, ისე აჭარლები; სხვა ზნის... გამოუცვალე გვარი, სხვა მიეცე, ყველაფერი და აქ რომ ჩამოვედი, ხომ იცი, გაიგო, ალიოშა ჩამოვიდაო და შენი ჭირიმე, შენ გადამარჩინეო და დიდი ამბავი.

– საიდან იყვნენ?

– გორიდან. გორის გაზეთში დაწერა, რომ გადამარჩინაო.

– ე.ი. ახლა ვართ პოლონეთის საზღვარზე.

– ჰო, წავედით ახლა ფეხით: გვატარეს, გვატარეს, გვატარეს და უკრაინაში არის ერთი ქალაქი. ხაროლი იყო, ხაროლი. იქ დაგვასვენეს. გზად არის იქა. შიმშილი იყო. ძალიან, ძალიან შიმშილი იყო.

– და ამასობაში თვითონაც ფეხით მოგყვებოდნენ?

– ჩვენთან ვინ იყო, იცი? გერმანელები კი არ იყო, უკრაინელები. უკრაინა უკვე შეუერთდა გერმანიას. იმათ მხარეზე გადასული უკრაინელები შეუერთდნენ იმათ, ყვავილებით დახვდნენ. გვიყურებდნენ. იარაღი ჰქონდათ თან, ავტომატები და ყველაფერი. თუ ფეხი გადაგცდა, გადახვიდე სადღაც, გინდა გეიპარო ან რაღაცა... ზამთარი ვიყავი ხაროლიში. ბალანდას ეჭამდით, დღეში ერთჯერ გვაჭმევდნენ და ცოტა პურს გვაძლევდნენ, ძალიან თხელს... პატარა ნაჭერი. შიმშილია მაგარი, მაგრამ ბევრი, ბევრი ადამიანი დაწყდა, მარტო შიმშილით კი არა, მოწამვლით. იმიტომ, რომ ჭამდნენ ყველაფერს, რაც კი ხელთ... მაგალითად, რომ მივედივართ გზაზე, ვიღაცამ გადააგდო რაღაცა, სხვა აიღებდა. – რატო იკლავთ თავს, რატო შევებით ამას. შეიძლება ღმერთს უნდა, რომ შენ ცოცხალი დარჩე, იცოცხლო, წადი, მოუარე თავს, სულ არ ჭამო, უკეთესია. მშიერი რომ იყვე ერთი 40 დღე, მაინც გაიტან თავს. ხოდა, მაინც არ ითმენდნენ, არ ითმენდნენ და კვებოდნენ, წყებოდნენ. მერე შემოვიდოდნენ უკრაინელები. ამ მკვდარს დაავლებდნენ ხელს ფეხებში და გადაავლებდნენ. ურმები შემოდოდა დიდი ცხენებით. გაავსებდნენ, წაიღებდნენ. ჩაყრიდნენ სადღაცა ორმოში. დააფარებდნენ თავს. მერე როგორც იქნა, გამოზაფხულზე გამოგვიყვანეს კიდევ იქიდან და ვიარეთ ფეხით ერთი დღე-ნახევარი, უკვე გაზაფხულია და შეგვიყვანეს ერთ ადგილას, გაგვპარსეს თლათ თმა, გაგვხადეს სუყველაფერი და მოგვაყარეს პუდრი. პუდრში ვიყავით...

– მკბენარები რომ არ? –

– ხო, დეზინფექციასავით. გაგვამზადეს და მოგვიტანეს მერე გერმანული ფორმა კი არ იყო, რუმინელების ფორმა მოგვიტანეს, გადაღებილი იყო. მოგვიტანეს და ჩაგვაცვეს.

– განსხვავებული ფერი იყო?

– დიახ. მწვანე, მაგრამ კარგი მწვანე კი არა, რაღაცა უამისფერი მწვანე იყო. მიჩვენებს. კიდევ მუქი რომ იყოს ამაზე. ჩაგვაცვებს ეს და გამოვიართე კიდევ ერთი ადგილი, ჩაგვსევს მატარებელში. სახალხო კი არა, „Товарищ“ – საბარგო. ჩაქეტეს კარებები, დაქეტეს ბოქლომებით და წაგვიყვანეს, მიგვიყვანეს ნიუ-ჰამერში. ახალი ჰამერ – ახალი ჩაქუჩი. სახელია ქალაქის გერმანიაში, ბერლინთან ახლოს. მოგვიყვანეს მანდა. დაიწყო „ცხოვრება“ გერმანიაში. – ეს ბანაკია? – დიახ. სწორია, ბანაკია. საჭმელი ცოტა უკეთესი გვაქვს, რაღაც ერთი-მეორე, თანაც იციან მუშაობაზე წაყვანა: გლეხები მოვიდოდნენ, ანდა რკინიგზიდან ჩასატვირთია მატარებელი ან გადმოსატვირთია, ასეთი რამეები. წაიყვანდნენ და ამუშავებდნენ. თანაც, ვიღაცა რაღაცას ატმევდა, სატმელს მისცემდა... მერე ერთმა გერმანელმა გენერალმა, რომელიც ნამყოფი იყო აქ, საქართველოში, ჭიათურაში მუშაობდა თურმე, გერმანელებს ჰქონიათ საბადოები; მიღებული ჰქონდა თამარ მეფის ორდენი; გულზე ჰქონდა გაკეთებული. უყვარდა საქართველო ძალიან და რომ გაიგო, ქართველი ტყვეები არიანო, თქვა, მოდი, გამოვიყვან ტყვეობიდან, გავაკეთებ დასს, რათა ვაჩვენო გერმანელებს, რომ ქართველები ვინ არიან, რა არიან და როგორნი არიან. ძალიან კარგი, მადლობა ღმერთს...

– ის გერმანელი გენერალი რა გვარი იყო?

– მიდერმაიერ, გენერალი მიდერმაიერ.

– გენერლებზე ვსაუბრობთ და გენერალი შალვა მადლაკელიძე. გენერალი დეო კერესელიძე – სხვები ხომ არ იციან?

– ის კერესელიძე, ქალიშვილი რომ ჰყავდა?

– ქალიშვილი არ ვიცი.

– მაგი, გენერალი კერესელიძე მოგვიყვანენ ჩვენ გუნდში. ჩააბარეს. გენერალი კაცია, ჯარი არა ჰყავს, მისცეს გუნდი; უნგრეთში გამოდიოდა, დილით ადრე დაგვაწყობდა, დაითვალეთო. ვითვლიდით ერთი-მეორე იცინის ამდენი ვართ, ყოველდღე ვითვლით. ხო, არსად გვეიპარებით, ხოდა... გენერალი გამოვიდოდა, მოგვესალმებოდა, ახალ ამბავსაც გვეტყოდა.

– გერმანელის ფორმა ეცვა?

– ხო.

– მე ნანახი მაქვს სურათი: მადლაკელიძე, ნოზაძე, კერესელიძე – III რეიხის ფორმაში ჩაცმულები.

– ამათაც გერმანელების ფორმა ეცვა... გავაგრძელოთ.

– გავიცანი უკრაინელი გოგო. ეფრეიტორი დამიმეგობრდა და მითხრა:

– ალექსო, შენ გინდა ნახო ფროილანინო? მე ვუთხარი: – კი, რატომ არა-მეთქი. მაგრამ ფროილანინი იყო ცალკე, ბინები ჰქონდათ იმათ იქა და იქ შესვლა არ შეიძლებოდა. მარტო ქალები იყუ-

ნენ. მაგრამ მითხრა, წადიო, მე წაგიყვან იქო, საცა ცხოვრობენ, მეორე სართულზე არისო. შენო, საწვავი მასალა როა, ქვა როა, რა პქვია?

– ქვანახშირი?

– ქვანახშირი, ქვანახშირს რო წვაენდენ, მოქონდათ ქვანახშირი, ყრიდნენ სარდაფში. ფანჯარა იყო დიდი, ამოღებული ფანჯარა და იქ, იმაში ყრიდნენ. მითხრა, რომო სულ ადვილი არისო, პრობლემა არ არისო, ჩახტო, მერე კიბეებზე ახვალო. თუკი ვინმე არის იქა, გაჩერდიო, ნულარ წახვალო. არ აჩვენო შენი თავიო. ავედი მართლა, დავაკაქუნე და გააღო კარები და ნატაშა... უკრიანელი გოგონა... ვიმუსაიფეთ, ვილაპარაკეთ და ყველაფერი... ძალიან მოგეწონდა ერთიმეორე. ისიც თითქმის დაჭერილი იყო და მეც დაჭერილი ვიყავი. ბოლოს და ბოლოს რას გეიზამდნენ ისეთს, ჩავარდნილი ვიყავი. ერთი სიტყვით, შეეფიცეთ ერთიმეორეს. ძალიან გახარებული ვიყავი.

ერთ დღეს გენერალი მოვიდა ჩვენთან იქ, საკანში თავის მთარგმნელთან ერთად. გვითხრა, მინდა შეექმნა გუნდი: სიმღერისა და ცეკვის, რომ ამერიკელებმა და გერმანელებმა გაიგონო, თქვენ ვინა ხართო და საიდან ხართო, რომელი ქვეყნიდანო. და მართლაც, ასე იყო: შეკრიბა ეს ხალხი, ყველანი. სხვათაშორის, ჩვენთან იყო დემეტრაშვილი გაბრიელი, გაბო – მსახიობი კინოსტუდიიდან. და ომი რო გათავდა, წავიდა საწყალი... „მეიხადა“ ციმბირში ტყვეობა. იქ ციმბირელი ქალი ითხოვა მერე, ჩამოიყვანა თბილისში და 4 ბიჭი ჰყავდა, 4 შვილი. მერე კი მოკედა, მანქანა დეეტაკა, ზუსტად არ ვიცი, უკვე აღარ ვიცი, მე უკვე ჩასული ვიყავი ამერიკაში, გამაგებეს... ერთი სიტყვით, კარგი გრუპა გაკეთდა. შეეკერეს ფორმებიც: მოცეკვავეებისთვის ჩოხა და ახალუხი. ყველაფერი იყო. ცეკვები დადგეს.

– ესკიზები ვინ გააკეთა, მათ ხომ არ ეცოდინებოდათ ქართული სამოსი როგორია?

– აა, მართალია. გაბომ და მე გავაკეთეთ და ვალოდია იყო, კობიაშვილი. იმანაც „მეიხადა“ ტყვეობა რუსეთში... ჩამოვიდა მერე ვალოდია, მაგრამ მერე მე აღარ მინახავს. გარდაიცვალა ისიც. ჩვეულებრივი, თავისი სიკვდილით.

შეიკრა ეს გუნდი და ჩვენ დავდივართ ყველგან... ჯარისკაცები საცა არიან. ქალაქებში – მიუნხენში ვიყავით, ჰამბურგში ვიყავით... ბევრ ადგილზე ვიყავით და სუყველა კონცერტის შემდეგ დიდი ოვაცია იყო; არ სცილდებოდა ტაში და ტაში. ძალიან მოსწონდათ.

– ძირითადად რომელ ცეკვებს ასრულებდით?

– მთიულური გეჰონდა და ლეკურიც. ჩვენ ის გყავდა, კარგი ბიჭი ძალიან. ახალგაზრდა იყო, ულვაშებიც არ ჰქონდა ჯერ ამოსული და იმას ჩავაცვით ქალის კაბა, ხოდა (იცინის) თმები გაუშკეთეთ.

– ე.ი. ქალი ანსამბლში არ გყავდა?
– არა, არა გეყავდა. ტყვეობაში არ იყო ქალი. სულ მამაკაცები იყვნენ...

– დაახლოებით რამდენი ადამიანი იყავით?
– ანსამბლში ვიყავით, შეიკრიბა თითქმის 60 ადამიანი.
– ყველა იმ საკონცენტრაციოს...
– სუყველა, სუყველა ტყვეობიდან წამოყვანილი. ტანსაცმელი გექონდა ჩვენ, როცა არ ვცეპავდით, კონცერტი არ გექონდა, სამხედრო ტანსაცმელი გექონდა. სუფთა.

– ანუ სამხრეები არ ჰქონდა?
– დიახ. ჩვენი გუნდი ცალკე იყო. ყოველთვის, რომ მივიღოდი, გვაძლევდნენ სპეციალურ ადგილებს. გათავდა ომი. ნიდერლანდებში, არა, პოლანდიაში ვართ. ხო, მოვიდა დეკემბერი, რომ მე ბოვში მყავდა. ორსულად იყო ჩემი მეუღლე და ნიუ-ჰამერში დავტოვე. იმიტომ, რომე, თან ვერ წავიყვანდი. ჯერ ერთი – ორსულად იყო და მეორეც, არ იყო ღამაზი ქალი ამოდონა მამაკაცებში. ეუთხარი აქ იყავით, მე ჩამოვალ, გნახავთ. ვფიქრობდი, რომ მალე გათავდება ომი და... მერე რო თავდებოდა ომი, პოლანდიაში მივიღე ტელეგრამა: „ბიჭი შეგვეძინა“.

– რა დაარქვით?
– ალექსი, ალექსი ერქვა.
– და თქვენი ტყვედ ჩავარდნა, ოჯახმა როდის გაიგო თბილისში?

– სევასტოპოლი რო ჩაბარდა გერმანელებს, ოჯახმა, მამაჩემმა მიიღო ტელეგრამა მოსკოვიდან, რომ თქვენი შვილი დაკარგულია უგზო-უკვლოდ. არ იცოდნენ „без известия потеряна,“ ურთავს, როგორც რუსულად ეწერა, ალბათ, იმის სადემონსტრაციოდ. დედაჩემს უთქვია, რომ ალიოშა არ დეიკარქებაო. მაგი ისეთია, რომე არ დეიკარქება არსადო. ვალოდია რო ყოფილიყო, მაგი არაო. დედა რომ ლოგინად ჩავარდა, ვეღარ დგებოდა. წელსქვემოთ არავეითარი აღარ ჰქონდა. თურმე, რომ გაიგებდა ხმაურს, დოუძახებდა მამაჩემს: – ე, კაცო, გახედეთ, ალიოშა მოდისო...

– იმ ამბავმა, რომ თქვენ გადარჩით, ცოცხალი იყავით, დედას მოუსწრო, თუ–

– ვერა. დამიმაღლეს მე, ამერიკაში არ მომწერეს, რომ დედა გარდაიცვალა. ოთხი წელიწადი არ ვიცოდი, რომ დედა მკედარი იყო. ხოდა, მე რომ მივწერე წერილი, რას შეება დედა, ყოველთვის მწერავდა წერილს: „ჩემო საყვარელო“.. ყველაფერი... აღარ არის ეს წერილები-მეთქი, რა დაემართა დედას აღარ შეუძლია, დაწეროს-მეთქი? მერე ვალოდიამ გამომიგზავნა, ჩემმა ძმამ წერილები, გატყუებდითო. დედა უკვე აღარ გეყავს ოთხი წელიწადიაო. დამიმაღლეს.

– ეხლა რა მოხდა.

– ჰოლანდიაში ხართ. მიიღეთ დეკემბა.

– ჰოდა, წავედი და ვნახე. ჩემი ქალი იყო იქ. მუშაობდა კიდევაც-საცა რეცხავდნენ. მე ვცეკავდი რუსების ჯარისკაცებთან. ვიცეკევე გერმანელებთან და ვიცეკევე ამერიკელებთანაც, ე.ი. მე ყველა მიყვარდა. ჩემთვის ხელოვნება იყო უფრო საყვარელი და ამას ვუზიარებდი ყველას... პაპაშვილმა და იმათ რომ წამიყვანეს, იმიტომ კი არ წამიყვანეს, რომ მე ვიღაცა ის ვიყავი, ცეკვა ვიცოდი. ერთხელ მითხრეს, ეხლა მოვლენო კინოს მსახიობები, ვიღაცეებიო. ბიჭოო, მოდი რაო, წაიცეკეო. მე ვუთხარი, დიდი სიამოვნებით; მე ფულს მოგცემო. აა, მე ვუთხარი, მაშინ არ მოვალ! მე ფულზე არ მოვდივარ. ქართულის ცეკვა... სწორედ იქ გამიცნო ჯორჯ სიტონმა, ხოზე ფარერიმ... იქ ვიცეკევე და ერთი ქალი იყო იქ, მოხუცებული, ხანში შესული. მე მაშინ 28 წლის ვიყავი. მითხრეს, ე, ალიოშაო, შეხედეო, ქალი რო ზისო. ვხედავ-თქო, ვუთხარი. ვინაა-თქო, შენი ნათესავია-თქო? არაო, არაო, მდიდარიაო, ძალიან მდიდარი. ძალიან მოსწონხარო. მეეწონე შენო და ჰოდა... იცინის. ჩავსვავსო. შენ რა გგონია, – ვუთხარი მე, მე ფულზე დავრბივარ? მეწყინა. ეგონა, მილიონერი გახდებოდი ამერიკაში... მოკლედ, ჰოლანდიიდან ჩამოვედი, მოვედი, საცა ცხოვრობდნენ. უკვე საფხულია, გარეთ არის ბოვშები. ოთხი კალიასკა და პატარებია შიდა. ვაიმე მეთქი, რაფერ გავიგო, რომელია ჩემი, ვერ ვხედავ. ერთი გოგო იჯდა ვიღაცა... დამინახა მერე და მითხრა, რომ „кто вы такой“ – ვინა ხართო. მე ვუთხარი, ფუტკარაძე ვარ-მეთქი. ნატაშას მეუღლე. ო, ნახე თქვენი ბიჭიო, თუკი იცნობო. ოთხივე ბიჭები არიან. ერთი მომეწონა. მე ვუთხარი, ეს ხომ არ არის? კიო, მაგიაო. წარმოგიდგენია? ვიცანი. ბოვში იყო, მართლა გეუბნები, მარა მე ვიყავი ნაღდად. მიტო დავარქვი ჩემი სახელი, მიტო, რომ მე ვიყავი. ჭრუჭუნას მეძახდნენ, ბოვშობაში. ისიც ასე იყო. რომ შემომხედა, იჭყანებოდა. მე ვუთხარი, ყველაფერი გაკეთდება, მაღე დამთავრდება ყველაფერი, წესრიგზე იქნება, მოთმინება იქონიე. წვევდით იქედან ჩვენ. მოვცილდით. საფრანგეთში ვიყავით, იქ იყო ქართული ლეგიონი. იქ ვიცეკევეთ, საფრანგეთში; მერე წამოვედით იქედან, ბერლინში მოვედით... იყო ლაგერი და იქ იყო კავსაძე, კახი კავსაძის მამა, ტყვეობაში იყო ისიც. ეს კავსაძე შემოგვიერთდა ჩვენ. როგორ იყო. მაგენი იყო გრუპა. მოამზადეს მომღერლები, მოცეკვავეები არა ჰყავდათ. შემოგვიერთეს ჩვენ და დათაშკა კონცერტებს აკეთებდა თვითონ. ჩვენ გვყავდა ჩვენი რუჟისორი – დირიჟორი – მასწავლებელი. ხანშიშესული კაცი იყო. ქართველი სომეხი, თბილისელი სომეხი... შემოგვიერთდა და ერთად უნდა ყოფილიყო კონცერტები. ეხლა რჩება ომი. მიაწვენ–მიაწვენ იქედან რუსები, აქედან ამერიკა, ინგლისი. ყველანი მიაწვენ–მიაწვენ

და გატყულებენ. ომი გათავდა. დაადეს კარები. გარბიან ტყვეები. ცუკვან გარეთ ქუჩებში და დიდი ამბავია. მარა მოვხვდით იმ ადგილას, სადაც იყვნენ ინგლისელები. წაგვიყვანეს, ჩაგვყარეს მანქანაში და გადაგვიყვანეს იტალიაში. იტალიის ერთ-ერთ ქალაქში იმასთან, ჩექმის ქვევით მთლად-მთლად ბოლოში. პოდა, იქიდან მოვარდა ერთი ბიჭი, ქართველი ბიჭი და მითხრა, — ალექსო, იცი, რა ვნახეო? რა? — შენი ბიჭი ვნახეო. მე ვუთხარი, სადა. ომი რომ მთავრდებოდა, დავიკარქეთ ჩვენ. წვევდი იქა. ისინი გადასულან იქედან. იქ აღარავინ აღარ იყო. არ იცოდნენ, ვინ სად წავიდა. როგორ იყო, დეიკარგა. ბოვეში დემეკარგა, ქალიც და სუყველაფერი. რა ჯანაბა ვქნა, სად ვეძებო? ომი გათავდა. ხალხი გარბის-გამორბის. ზოგს უხარია, ზოგიც ტირის... დეიკარქა. რა ჯანაბა, რა უნდა ვქნა, არა? მახსოვს, რომ ნატაშას ყოველთვის უნდოდა დაბრუნება. მე ვიცოდი, მე რომ უკან წავსულიყავი, საქართველოში, მამაჩემი ეს ძველი ბოლშევიკი კაცი, კომუნისტი მაგარი, მოსდებდენ შარს, ან რაღაცას უზამდენ, და შეიძლება დადუპო ოჯახი მთლიანად. ამას ვფიქრობდი. ლაპარაკიც ასეთი გექონდა. ხოდა, მეუბნებოდა, აუცილებლად, მე უნდა წავიდეთ. Родина ჩემთვის ყველაფერიაო. ამაზე არ გაგვიგრძელებია ლაპარაკი და ეს ბიჭი რომ მოვარდა იქა, იტალიაში, მითხრა, შენი ბიჭი ვნახეო, ქუჩაში დადიოდაო. მე ვუთხარი, მიქარავე, რა ქუჩაში დადიოდა-მეთქი. იყო წლინახევრის. უნახია იტალიაში. ნატაშას უპოვია ვიღაცა კაცი, ქართველი, ინვალიდი, ცალი ფეხი არ ჰქონდა, დადიოდა კასტილებით. ამ ბიჭს უთქვია: მე მიედივარ, წამოდი ჩემთან ერთად. ალიოშა სად არის, არ იცის. ვეძებ და ვნახე. და მართლა ქუჩაში არ დადიოდა ეს ციგანი მამაძაღლი? გამეხარდა, ყველაფერი. იმას არც ვუყურებდი, იმ მამაკაცს. რა ვქნათ, მდგომარეობა ასეა. მიეხმარება... ვუთხარი, დარჩი. არაო, არ დაერჩებიო. მე ვუთხარი, დარჩი. აჰ, არა და არა. კარგი, მე ვუთხარი, კეთილი. მერე ბიჭები შემოცვივდნენ. მოვიპართო, წაიყვანოთ ბოვეშიო. მე ვუთხარი, მოპარეა რა ჯანაბაა. მერე, როგორც დედა მოუვლის, ისე მე რას მოვუვლი ბოვესს, რა ვიცი. არც არაფერი. ერთი სიტყვით, წავიდა, წავიდა. დარჩენილიყო, გადავარჩენდი. შეილიც გადავარჩებოდა და ქალიც. არც ეს მთელი პრობლემა მექნებოდა. აიყვანეს და ეს გემი დატვირთეს ინვალიდებით და ქალები თავიანთ ბოვეშებით. დატვირთეს გემი და წავიდა.

— იტალიიდან რუსეთში?

— ჰო, რუსეთში. ვისაც უნდა, აბრუნებენ საბჭოთა კავშირში. ჩაძირეს გემი! დაარტყეს ბომბი თურმე და ჩაძირეს მთელი გემი ხმელთაშუა ზღვაში. საბჭოთა კავშირმა წინასწარ უთხრა: წამომიყვანე სუყველა, ვინც არიან მაგენი, ინვალიდებს რაფერ მოეუარო, რათ მინდა მოვლა. ადამიანის ფასი კაპიკია იქა. იმიტო იყო, რომ სიკ-

ვიღლი რა ჯანაბაა. ეჰ, წვევიდა, გადავარდა. დაბომბეს და ჩაძირეს. ყველა დაიღუპა წყალში.

– ამ სოფელში სად მიაგნეს რუსებმა, გინც გინდათ, წამოდიეთ.

– არა, არა, როგორ იყო, იცით? იყო პროპაგანდა. იყო ქაღალდეები გაკრული ყველგან: Родина ждет вас... ნატაშა მშვენიერი გოგონა იყო. პატარა იყო, ჩემზე 2–3 წლით უმცროსი. უკრაინელი იყო მაგი და გერმანელებმა მოკრიფენ ახალგაზრდობა, ჩამოიყვანენ და ეძახდნენ „აღმოსავლეთის იაფ მუშებს“. მე რომ ჩამოვედი საქართველოში, არ ვიცოდი. მე მაგას ვეძებდი საქართველოში. თუ გაჰყვა იმ ქართველ კაცს, აქ იქნებიან სადღაცა-თქო, ვფიქრობდი. ვეძებე.

ეს ამბავი მერე გავიგე... ახლა ჩემი ამბავი.

– მოგვაგროვა სულყველა დათაშკა კავსაძემ და გვითხრა, რომ ესეთია მდგომარეობა, ეხლა მიედივართ სამშობლოში. ყველა თავისუფალი არისო, ვისაც გინდათ, წახვალთ, ვისაც არ გინდათ, ნუ წახვალთ; ვერაფერ ვერ დაგაძალებსო. თუ გინდათ წასვლა, ა, ცალკე დადექითო და თუ არ გინდათ წასვლაო, იქეთ მხარესო. გეიყო იქით-აქეთ და ყველას უნდოდა, საქართველოში ჩასულიყო: დედა ენახა და მამა. კი მაგრამ, ლაპარაკი იყო ამაზე, რომ ნაღდად ჩავალთ? საქართველოში? არ იყო ზუსტი პასუხი. აჰა რა, როგორ არაო. ზუსტად მაინც არაფერ იცოდა. მარა პროპაგანდა და პროპაგანდა: Родина ждет вас...

– თქვენ რატომ არ დაიჯერეთ ეს ამბავი რამე – Родина ждет вас...

– რატომ არ დაეიჯერე? როგორ არ დაეიჯერე. წამოვედი მე. უნდა მენახეთ სუყველა საქართველოში. ერთ ადგილას ღამე გაჩერდით, გლეხის სახლი იყო. ცხერებიცა ჰყავდა და ყველაფერი. იქ გავათენეთ, ეშალონივით ვართ. ერთი ასი კაცი ვართ, 150.

– გინც არ დაიჯერა?

– ვინც არ დაიჯერა ბევრი არ იყო, ცოტა იყო და ისინი არ წამოვიდნენ ჩვენთან. ქართველებიც იყვნენ. კარლს ინასარიძე? ინასარიძე, ისიც იქ იყო და ის დარჩა. სად ვიყავი? მეცხვარესთან. ხო, ხო, გლეხთან ვიყავით, იქ ვცხოვრობდით და მეორე დღეს, დილით ბურთი მეიტანა ვიღაცამ და დევიწყეთ ბურთი. აბა, ვის გინდათ ბურთის თამაში... ჩვენ იტალიაში დაგვტვირთეს დიდ მატარებელში, სატვირთო მატარებელში. დაკეტეს კარებები. დაიძრა მატარებელი და გვითხრეს: ბანაკი გადადის სხვა ადგილასო. არ გვითხრეს, სად და როგორ. ერთი სიტყვით, ვიარეთ, ვიარეთ. ბერიკაშვილი იყო ქუთაისელი. გვიყვებოდა ანეგდოტებს. მთელი ღამე გავათენეთ ანეგდოტებში და ხარხარში.

– ბერიკაშვილი იყო თუ ბერეკაშვილი. იმერლები ქუთაისში ბერეკაშვილები არიან.

– აი, ეგ იყო. ისეთი ენა ჰქონდა, მაგარი კაცი იყო. რიჟრაჟია. გათენდა. მატარებელი ერთ ადგილას გაჩერდა. არც ქალაქი ჩანს, არც არაფერი. ტყე არის ერთ მხარეს, მეორე მხარეს – მინდორი... რატომ გაჩერდა? ვეღვევართ. გარეთ რაღაც ხმაურობაა. ვიღაცა აღებს წინა კარებს. აგერ, მოვიდნენ ჩვენთანაც, გააღეს კარები, და ძირს დგანან ორი ავტომატიანი: - Ану, продажные шкуры, вылезайте. წარმოგიდგენია? წაგვიყვანეს. ხოდა, ესლა ჩაემატებ, დამეიწყედა, რომ მეთქვა. დილით რომ ავდექით, ესენი გვეყარაულობენ, ვენგრიაში ფერმერი ვინც არი, შემოღობილი აქვს თავისი ეზო. კარებია გასასვლელ-გამოსასვლელი, საცა ურემი გაეა. გარშემო ჰყავთ ავტომატიანები. ბურთის თამაში დაეიწყეთ. მოხდა ისე, რომ ორმა ერთად დაარტყა ბურთს ფეხი ერთდროულად და ბახ. გასკდა. კამურა შიგ გასკდა. ხოდა ევე, გათავდა ბურთის თამაში. მერე ახალი დაწყებული გეაქვს, ხო იცი, ახარტში შეედივართ, ბურთის თამაშის. მერე გამოვიდა ერთი კაცი და თქვა, რომ აგერ, იქ არისო танкавой ნაწილი. გაგიკეთებენო. მაგათ აქეთ რეზინები, გაგიკეთებენო. წადითო. წამოგვეყვანა ერთი რუსი ავტომატით და წვევდით იქა. გზაში რომ მიედიროდით, იქნებოდა ესე კილომეტრნახევარი, ორი. უცებ ღრუბელი მოვიდა, წვიმა ჩამოუშვა; გავიქვით, რომ არ დავსველებულიყავით და ორსართულიანი სახლი იყო და იმის ქვეშ გადაფარებული რომ არის, იქ შევედით. ფანჯარა ღიაა იქ, პირველ სართულზე. ვიღაცა უჩხიკინებს აკორდეონს. ეტყობა, არ იცის და რას აჭყიპინებს. მე ვუთხარი: – Эй ты, дружок, не знаешь, это так играет? Нет, черт его. Гармошку хорошо играю, а это не знаю. მე ვუთხარი: Даё сюда. მე ვიცოდი დაკერა აკორდეონზე და „სულიკო“ დაეუკარი, ქართული ცეკვების მელოდია დაეუკარი, რუსულიც დაეუკარი. მაღლა ვიღაცა ყოფილა, იქა, გენერალი აღმოჩნდა. ქართველი კაცი; გაიგო, იკითხა, ვინ არის, რო უკრავს იქაო, Позавите – დაუძახეთო. დამიძახეს. ევედი მეორე სართულზე. მითხრა, ვინა ხარ შენო. მე ვუთხარი: ფუტკარაძე ვარ, ალექსანდრე. აქ რას აკეთებო? არა, ჯერ მითხრა: – ფუტკარაძე ხარო? დიახ, მე ვუთხარი. აქ რას აკეთებო? მე ვუთხარი, აი, ტყვეობაში ვიყავი და მივიღეარ სამშობლოში.

– ერემია ფუტკარაძე რა არის შენი? ვუთხარი, მამაა ჩემი. მერე ვინ წამოგიყვანა აქამდე, მაგათი დედა და მამა... მე ვუთხარი, ომი და... რა გინდოდა, სად მიდიოდით. მე ვუთხარი, ბურთს ვთამაშობდი... კარგიო, მოდი დაუკარიო, გაახალისე ჯარისკაცებიო. ეუკარი. წამოსვლის დროს მითხრა: შენ სამშობლო არა გაქ. წადი, თავს უშველე, ამაღამევე, ამ სიტყვას ხაზგასმით იტყვი. მიტო, რომე ხვალ წავლენ, მთელი „სასტავი“ გადადის და რამდენი შიგნით შეხვალ რუსეთში, მერე უფრო ძნელი იქნება. ახლა უშველე თავს!

– არა გაქვს სამშობლო, ნუ გეშინია, წადი და იცხოვერე! გამოე-

ბრუნდი. გვარი ვიცი, მაგრამ შეფიცული მაქვს. ასე მითხრა: ჩემი გვარი არავინ უნდა იცოდესო, შენს გარდაო. სანამ ცოცხალი ხარო. რომ მოვკვდებიო, მაშინ თუკი გაიგებენ, სხვა საქმეაო. იმას არ ეგონა, თუკი დღეს აქა დემოკრატია იქნებოდა... მე შეეფიცე იმას... მამაჩემის ხნის იყო, ცოცხალი არა მგონია... მე მისი გვარი რომ ვთქვა მაინც, ეს იქნება შეცოდება. სანამდის კიდევ იყო კომუნისტები, უბედურება იქნებოდა, რომ მეთქვა მე, შესაძლებელია, ახლა უფრო ადვილი იყვეს, შეფიცული მაქვს. უნდა მოვიხსნა ეს ფიცი უფალთანაც და მერე გეტყვი...

– როგორც თქვენ გნებავთ, – ვეუბნები მე.

– ეს ბურთი გაგვიკეთეს. წამოვედით უკან ნაშუადღევს.

– ეს რომელ ქალაქში ხდება?

– უნგრეთში; ბუდაპეშტის ახლოს ქალაქია. 15 კილომეტრშია ბუდაპეშტიდან, თურმე ჩემი ძმა იქვეა, ბუდაპეშტში. ჩემი ძმა იყო სერუანტი, გამოვიანგარიშე ზუსტად. იქ იყო.

– ანუ ის არის საბჭოთა ჯარში, თქვენ – აქეთ.

(უცნაურია, უკვე მეორე ქართველისგან, მეორე ემიგრანტისგან ფისმენ თითქმის „იმავე“ ამბავს. ნუთუ, ასე „ჩვეულებრივი ისტორია“ II მსოფლიო ომისთვის? ამას ჩემთვის ვფიქრობ. რასაკვირველია, ხმამაღლა არ ვიტყვი).

– დიახ, ის იქ იყო, მე აქეთა ვარ. ერთ ქალაქში ხო, ერთ ქალაქში.

– და ეს 1945 წელია.

– დიახ, 45 წელი... მერე ერთი კარლო იყო, ცალთვალა კარლო, გვარი მაგიწყდება ხოლმე. იმასაც ჰყავდა რუსის ქალი, ისიც იმავე ლაგერიდან იყო, ის ჰყავდა ცოლად და ორსულად იყო. არა ჰყავდა ბოვში ჯერა. თქვა რომე, მეც დარჩენა მინდაო. მე ვუთხარი, ქალო, რას ფიქრობ, ასეთ მდგომარეობაში, ბოვში რო გეყოლება-მეთქი. არაო, მე დარჩენა მინდაო; ჰოდა, რა ექნათ, ეხლა-მეთქი. უნდა დავითესოთ თორემ, იმ ღამეს... მთელი კონცერტია მაგი, ჩემი გამოსვლა ლაგერიდან. ღამეა. კარლომ მითხრა გამოდი, რომ დაბნელებდებო. ამა და ამ სახლში ვიქნებიო, იქნებ იქ არის ჩემი მეუღლეო. მოდი და ერთად წავიდეთო. ავდექი მე და გამოვედი ეხლა. გამოვედი ნელა. ჰოპ, შემხვდა ყარაული. Куда ты – მითხრა. მე ვუთხარი: გაველ მაღაზიაში, სიგარეტს ვიყიდი. Нет, заиди! быстро! быстро, отайди! – მითხრა. მივბრუნდი მეც უკან. რა ვუყო, რა ჯანაბა ვუყო. შემიყვანა შიგნით და დააყენა ყარაული. სანამ ის კაპიტანი არ მოვაო, მანამდე იყვეს აქო. ხვალ დილაამდე უნდა გავიდე. აქედან უნდა გავიდე. მეტი გზა არა მაქ. ეს კაცი დადის იქ, წრეს არტყავს, რა ვუყო ახლა მე. ვფიქრობ, ვფიქრობ და მე ვუთხარი: – Дружок, – Что такое. – В туалет хочу идти. ტუალეტი ღობის ძირას იყო გათხრილი. მიწა გათხარეს.

რომ მივედით ჩვენ საცხოვრებლად, დავრჩით 2-3 დღე და ამიტომ გათხარეს იქ მიწა და გააკეთეს ტუალეტი. ხოდა, ვუთხარი და Ну, сейчас არა? მე ვუთხარი, ვჭამე რაღაც და მუცელი... Хорошо, хорошо მომყობა. Иди. მომყობა. მოვიდა ახლოს. ესე, აქედან და მანძილს მიჩვენებს მიყურებს იქიდან. ავდექი მერე, წამოვედი. გავიდა ერთი საათნახევარი. მე ვუთხარი: – Товарищ, еще хочу. Ну что, что стоняй. მე ვუთხარი: – Что мне делать, что-то кушал... Ну хорошо, иди გამო-მევა... ეხლა ამოდენა კი არა, ცოტა მოუმატა (მანძილს გულისხმობს – რ. ნ.) იმიტო, რო მენდობა უფრო. დაებრუნდი, მოვეწვეე. გავიდა საათნახევარი და მალე დილა იქნება, უნდა მოვასწრო. ავდექი და ისევ: – Дружок, – Черт с тобой, остав меня спокойно. – Иди, წავედი მე. ის კარებთან დარჩა და აღარ მოდის. არ ინძრევა. მიყურებს. ბნელა გარეთ. სინათლე კი არ არის, მაგრამ ეს სინათლე, ამისი კარების სინათლეა, აქედან შიგნით. დგას. მივედი თუ არა, რაც ძალა მქონდა და ღონე მქონდა, საბორო იყო, ცემენტის საბორო, ავსტი ზედა, როგორც ციყვი ისე, გადავხტი მეორე მხარეს. ხმა იყო. ვილაცამ გაიგო. პატრულმა იყვირა. გაისროლა ერთი, ორი იმიტო, რო შევეშინებოე... ვერ მხედავდა. ვერც მე ვხედავდი. გადავცოცდი, გადავცოცდი, გავედი. გზა გადავჭერი. ვილაც ყვირილით მოდის, – პაპ, პაპ, პაპ. მოდის ფაეტონი, ვილაცა რუსის მთერალი. ვიფიქრე, ამას რა ვუყო მე. კანაეო იყო, გზის ნაპირზე, რაღაცა წყალი იყო და ჩავემხე პირდაპირ, იმიტომ, რომ ფარნები ხომ აქვს ფაეტონს იქით-აქეთ, შუქია – დამინახავდნენ, იტყოდნენ: ვინაა, ეს. სამხედრო-ებია. გადავრჩი. მოვედი კარლოსთან, იმასთან სახლში, მე ვუთხარი: გამოდით, ჩქარა წვედიეთ, გამოვიდნენ. რა ვქნათ, გავერდით. გზაზე კი არა, სიმინდებია, სიმინდებში გავედით, გავედით და ტყე იყო. ღამით მივდიოდით, დღე ვისვენებდით. ვჭამდით ლელეს, ყურძენს ზოგ ადგილებზე. უკვე ზაფხული იყო და ზოგან იყო ვაშლი, ხურმა. ჩავედით ავსტრიაში. მოუენდით 3-4 დღე, სანამ ჩავიდოდით... მოვედი ავსტრიაში. აი, იქ კარლო იყო ინასარიძე. მაშინ არ ვიცნობდით ერთიმეორეს. ვკითხე: – აქ რას აკეთებ? ჩამონგრეული იყო მთელი კუთხე. უკრაინელების ლაგერი იყო, ამერიკელები აძლევდნენ საჭმელს. მითხრეს, მიდი იქო და იქ ჩავეწერე. კარლოც იქ იყო ჩაწერილი. დავრჩით მანდ ალბათ, ერთი 6 თვე, მერე გადავედით მიუნხენში. ავსტრიიდან ბავარიაში შევედით. ბავარიაში ვიყავი, ვცუკავდი; ნოვიკოვი იყო მომღერალი ებრაელი, რუსი. თამარა, მისი მეუღლე იყო, ბალერინა, ცეკვაუდა ბალეტში.

– **Тамара Новакова?**

– დიახ. კიევის ოპერის პრიმა ბალერინა – ლუსია ლუზგინა ისიც ამ გრუპაში იყო. გამსინჯენ, ვიცეკვე. მიმიღენ მე მაგათ და თქვეს: – ო, ჩვენთან მოდი. ოთხი წელიწადი ვიყავი... წასული ვი-

ყავით გასტროლებზე. ჩამოვედით, შევხედე აფიშას; ვიღაცა ხატია, თითის წვერებზე დგას.

– ეჰ, – მე ვთქვი, ეს ქართველი საიდან მოიტანეს აქ. წავიკითხე მერე. კონცერტია. წავედი. ენახე. ქართული ცეკვა იცეკვა. პეტია იყო. მივედი და მითხრეს, ჩამოდიო ხვალ და გეაჩვენე შენი ცეკვაო. რო ნახეს, მერე მეეწონათ, მიმიღეს მერე გრუპაში. ოთხი წელიწადი ერთად ვიყავით. დაედოდიოთ კონცერტებზე ერთად მიუნხენში. ჩამოვედიოდიოთ უკან.

ოთხი წელიწადი მანდ ვიცეკვე.

– ეს ბოლო ანსამბლი ქართულ რეპერტუარზე (პროგრამაზე) იყო მსოფლიოდ აგებული, თუ მანც ზოგადად...

– ეს იყო უკრაინული ბალეტი. იყო სიმღერები, კარგად მღეროდა ჩვენი ხელმძღვანელი. იყო, ასევე, სპორტული...

– აკრობატულ ნომრებს ასრულებდნენ?

– ო, ო, ზუსტად, აკრობატულ ნომრებს. ცოლ–ქმარი იყო. ბორია ნიმიროვი. ცოლი ჰყავდა ბალერინა, თვითონ მღეროდა, ამერიკულ „O, my river“ ლილინებს მელოდიას მწყობრი ტაქტით. ასეთი რაღაცაა. ბარიტონი, კარგი ხმა ჰქონდა.

– სად ცხოვრობდით ამ დროს?

– მიუნხენში ბინას ვქირაობდი. მე ბინა მქონდა, მშვენიერი ბინა. მოწყობილი.

– მოდიო, დაგაზუსტოთ. ამ ანსამბლში თქვენ გარდა ქართველი კიდევ იყო?

– არა, გრუპაში არ იყო. მარტო მე ვიყავი. უმეტესობა უკრაინელები იყვნენ.

– კარგით, მაშინ ასე ვთქვათ, იმ პერიოდში ამ ქალაქში სხვა ქართველები ვინ იყვნენ, ვის გაიხსენებდით? სოსო ჟორჟოლიანი ხომ არ იცით, მეუღლე გერმანელი ჰყავდა, წერდა ლექსებს.

– დედა, რაღაცა მახსოვს, მახსოვს... მიუნხენში იყო ღოღობერიძე, ცოლი ჰყავდა, გოგონაც ჰყავდათ. მეუღლე გერმანელი ქალი იყო, ჩემპიონი იყო იმისი ping-pong... მერე – დუმბაძე შოთა.

– შოთა ბერეჟიანი, ან სიმონ ბერეჟიანი ხომ არ იცით? გცდილობ, ჩემთვის ცნობილ გვარებზე გკითხო. ქართველები არ უკაფშირდებოდით ერთმანეთს, თუ არ იყო ამის საშუალება?

– ნაკლებად. გერმანიაში დიდხანს არ ვყოფილვარ, მაგრამ რაც ვიყავით, არა ეხვდებოდით. იქ იყო ყავის სახლი, სადაც ვიკრიბებოდით: ყავას ვსვამდით, კარტის თამაში... ყოველდღე ვიღაცა გამოვივლიდა.

– მიუნხენში ხდება ეს ხომ?

– დიახ.

– იმ ყავახანას რა ერქვა, ან რომელ ქუჩაზე იყო, ხომ ვერ გაიხ-

სენებლით?

- ეს იყო შილინგ შტრასსე. მე მგონი, სადგურთან ახლოს იყო...

მე და კარლო ვიყავით ერთად.

- რომელი კარლო, ცალთვალა თუ ინასარიძე?

- ინასარიძე.

- ბატონი კარლოც თქვენთან იყო? ცეკვაფდა?

- არა, იქ ბავარიისი კარლოს არ უცეკვია. კარლომ დაიწყო მუშაობა Vois of Amerika.

- დიას, რადიოსადგურ „ამერიკის ხმაში“, მერე დიდი ხნის განმავლობაში - ხელმძღვანელიც იყო.

- ხო, ხო. დიას. იცით ხომ?

- კი, როგორ არა. ვიცი მისი ბიოგრაფიის შესახებ. წიგნებიც - მისი „რადიომეტყველება“, „ფილმისმეტყველება“ არა მხოლოდ ნანახი, წაკითხული მაქვს. ძალიან დიდი არქივი „ამერიკის ხმის“ ქართული რედაქციის მან არუქა ქართული ემიგრაციის მუზეუმს. მთელი ფონდი „ამერიკის ხმის“. უზარმაზარი მასალა...

- მართლა?...

- მინდა გითხვოდ, როგორ გაგიჩნდათ სურვილი, დაგეტოვებინათ ეს ყველაფერი და ამერიკაში წასულიყავით. რატომ გაჩნდა ეს აუცილებლობა?

- ნიუ-იორკში იყო ქართული ორგანიზაცია და ამ ორგანიზაციის პრეზიდენტი იყო ლეო დუმბაძე. გაიგეს მე მოცეკვავე ვარ. თქვეს, რომე აქო, გეჭირდება ჩვენ ასეთი ადამიანიო... ხო იცი, შეილები ჰყავთ, შეილიშვილები ზოგიერთს და... რაღაცა ქართული... და როგორ გინდაო, გსურს აქ ჩამოხვიდე, ამერიკაშიო. მე ეუთხარი, თუკი საშუალება იქნება, რატომ არა? ჰოდა, გამომიგზავნენ ვიზა. ჩამოვიდა ვიზა. ერთი ჩემოდანი ქე მქონდა მე, ჩოხა, ახალუხი.

- ფანდური?

- ფანდური იქ დაეტოვე და მერე კარლომ გამომიგზავნა და დაიმტვრა. წინა ის მოტეხილი იყო.

- სიმების დასაჭერი?

- ხო... და ჩამოვედი ამერიკაში.

- პირველად რომელ ქალაქში?

- ნიუ-იორკში. ნიუ-იორკში ჩამოვედიტ გემით. გემის სახელი იყო „გენერალ ხან“.

- ჩახვედით ნიუ-იორკში?

- ჩავედი ნიუ-იორკში. გადმოვედი გემიდან. ვიყურები იქით-აქეთ. არაუინ. კაციშვილი არ მიცნობს. უნდა ვიღაცა შემხვედროდა. კაცი-შვილი არ ინძრევა. არაფერი. რა მოხდა, რა დაემართათ, შეეშალათ? გავედი. Kofeshop ყავახანა იყო. ავიღე ერთი ჭიქა და კაცი ზის იქა

წვერებიანი, სათვალე უკეთია. მიყურებს. მერე მითხრა, რუსულად მითხრა: Ты сейчас приехал на этом карабле? მე ვუთხარი: — Да. — Ты кто? — Я грузин. — ქართველი ხარ? — დიახ. გამეხარდა, ქართულად რომ მითხრა და მერე მითხრა: — ფუტკარაძე ხარო. მე ვუთხარი, ხო, ფუტკარაძე ვარ და რატომ არ იღებ ხმას, მე კინაღამ დაეჯექი გემზე და უკან უნდა წავსულიყავი-მეთქი. იცინის. ეს მოხუცებული კაცი იყო კოლონიის ფინანსთმამისტერი. იმერელი კაცი იყო, გვარი აღარ მახსოვს.

— თქვენ შემთხვევით რომ არ შესულიყავით იმ ყაფახანაში, ალბათ, გვრც შეხვდებოდით?

— ალბათ, მე ბევრი მიფიქრია მაგ ამბავზე, მაგრამ რას უცდიდა, არ ვიცი. ალბათ, უცდიდა, მე რას ვიზამდი. როგორ იმოქმედებდა ჩემზე ეს... ყაფახანა ძირს არის, ცალკე შესასვლელი არ არის, გახსნილია. შენ მიადგები და მოგცემენ ჭიქით.

საუბარს მეორე დღეს გაგრძელებთ. აგარაკზე ვართ. წამოგედით საგურამოში. ფირს ჩიტების ჭიკჭიკის ხმაც დაუფიქსირებია, ფონად რომ მიჰყვება ჩვენს საუბარს.

— ამერიკაში ჩახვედით, მერე როგორ გაგრძელდა...

— დუმბაძემ მნახა, გავიცანი, ვილაპარაკეთ; მკითხა, ვინა ვარ, რას ვაკეთებ, რა შემიძლია. სხვათაშორის, მანქანაში ვზივართ. იმას ჰყავდა 48 წლის „კოსმო“. მე 1950—ში ჩავედი აპრილში, წლინახევრის იყო ეს მანქანა, ახალი მანქანა. ხოდა, ვზივარ გვერდზე, იმას მიჰყავს. წვიმიანი საღამო იყო. ვლაპარაკობთ: რა შემიძლია გავაკეთო. მერე მკითხა: — მანქანა? — კი, მე ვუთხარი, მე ვატარებ მანქანას.

— შენ იცი მანქანის ტარებაო? მე ვუთხარი: — კი. მისია მანქანა. გააჩერა. გააღო კარები, ჩვეიდა წინიდან, მოუარა მანქანას, მოვიდა ჩემთან, გააღო კარები. მითხრა: — მიიწი იქითო, საჭესთან. ამ მანქანას მთლიანი სკამი აქვს, მიიწიო. გასადები შიდ იყო და მითხრა, წადიო. ჯერ ეკითხე, სად რომელია: შუქი, წყალი... დაექოქე. მეუბნება: — აბა ის გააკეთე ნიუ-იორკში? პირდაპირ ნიუ-იორკში, აბა... ვიცინით. ევროპაში მანქანა არ მყოლია, მყავდა მოტოციკლეტი, კალიასკით. მოკლედა, ჩავატარე ყველაფერი კარგად და მითხრა „მოთაქ“—ო, მოეწონა. აუცილებლად გიშოვი სამუშაოსო. მეორე დღეს მოვიდა ჩემთან და წამიყვანა. უნდა გავაკეთებოთო მოწმობა, ამას დუმბაძე აკეთებს ყველაფერს? ჰო, დუმბაძე. წივედით. ჯერ გავიარე შემოწმება, ჩამსვეს მანქანაში და: მარჯვნივ, მარცხნივ. მე ვუთხარი დუმბაძეს ზოგიერთი სიტყვები არ ვიცი, ახალი ჩამოსული ვარ; ვიცი მარტოკა გამარჯობა-გაგიმარჯოს, როგორ ბრძანდებით-მეთქი. გათავდა. ნუ გეშინიაო. უკან ზის თვითონ და ის რომ იტყვის მარცხნივ, ეს ლეო მითარგმნის მე, მარჯვნივ მოუხვიე, აქ გააჩერე.

წადი. ჩაეპარე კარგად. OK; გარეთ გაკეთებული იყო თხელი ფიცარივით, რომელზედაც ეწერა: ეი, ბი, სი, დი... ჯოხი უჭირავს ხელში. დაადო. რა ასოა ესაო: A, B, C, D... მე არ ვიცოდი ეი, ბი... What? მოდი აქაო, მითხრა. წადი, ეხლა შენ, ისწავლეო ჯერ ეი, ბი, სი და მერე მოდი ჩემთანო. არ მომცა მოწმობა. წვედი. სამ კვირაში ვისწავლე ეი, ბი, სი... სამ კვირაში ზეპირად ვიცოდი. ღამე რო გაგელვიძებიე, გეტყოდი. ავიღე – მართვის ნება მომცეს. გარაჟებია ნიუ-იორკში მანქანების დასაყენებელი, როგორც სან-ფრანცისკოში. ადგილებია, საცა მანქანების დაყენება შეგიძლია, ფული უნდა გადაიხადო. ზოგიერთ ადგილას ქუჩის ორთავე მხრიდან აქეთ დასაყენებელი. აი, აქ სჭირდებოდათ ადამიანი: გადააყენებდა და გადმოაყენებდა. ამასობაში გამოჩნდა სხვა სამუშაო, ებახიან Big John – დიდი რესტორანი, იტალიური რესტორანია – დაუნ თაუნ, ნიუ-იორკ ბიგ ჯონ. მიმიყვანეს იქა. მივედი და დიდი კაცია. უღვაშებიც აქვს... ინგლისურად იმდროინდელ დიალექტს ალაღვენს...

სპაგეტის რო აკეთებენ, სპეციალური ხელსაწყოები აქეთ, ის გაზეთილია. არ რეცხავენ, იმიტომ, რომ გემო გაუფუჭდება. ემუშაობ. დავიწყე მუშაობა. სარდაფში ჩავდივარ, რაღაცეები ამომაქვს. ვირთხები დარბოდენ ბევრი... მაგრამ ამ რესტორანს ისეთი მაგარი სახელი ჰქონდა, ყოველ საღამოთი, ვახშამზე გატყედილი იყო ხალხით. იტალიელებით განსაკუთრებით. მე ეხლა მთელი დღე კი არ ვმუშაობდი იქა, ნაშუადღევს მივიდიოდი, წინა საღამოს ნაჭამ დაგროვილ თეფშებს ვრეცხავდი და მერე დავიწყებდი ახალს. ემუშაობდი 5 საათი დღეში. 5 დღე კვირაში, შაბათ-კვირას ღია არ იყო. ერთ დღეს მოვედი, დევიწყე მუშაობა. გაერეცხე ყველაფერი. ერთი ტაფა აქეთ იყო გადმოდებული. ჩემს მხარეს. ვიფიქრე, ალბათ, ამას უნდა გარეცხვა, იმიტომ გადმომიდეს. აუდექი და დაერეცხე კარგად. დავახვანხვალე ყველაფერი, საპონი... მივდგი, რო გაშრეს. მოვიდა ჯო, იყვირა: – გაუ. -რა დაემართა ამ კაცს? მივედი. -მე ხომ გითხარიო, არ მოკიდო ხელიო. მე ვუთხარი, ტაფა აქ იდო და ამიტომ გაერეცხე. სამი წელიწადი დამჭირდა გამეკეთებია ეს გემო! იგი არ ირეცხება, მარტო მოწმინდავთო.

– სამი წლის განმავლობაში ის ტაფა არ გარეცხილა?

– ასე მითხრა. მე დაეკარგე სამუშაო. წადიო, მითხრა. შენ ჩემი არ გჯერავსო. იმას ეგონა, დაავიწყდა, ხანშიშესული იყო და გადმოდგა ისე, ან შეიძლება არ მოეწონდი... რასაც ვნახავდი, შეიძლება გამეკეთებია, რაც არ იყო ჩემი გასაკეთებელი და იმათ ქე მოწონდათ ეს ამბავი. ვაკეთებდი საქმეს, მაგრამ ალბათ, ვეჩხივებოდი თვალში... მორჩა. დამეკარგა სამუშაო. დაგდივარ იქით-აქეთ. ვნახე ადგილი, სადაც უმუშევრები მიდიან, რეგისტრაციას აკეთებენ, რათა მერე მთავრობიდან მიიღონ ფული. მივედი ახლა მე იქ. არ გამიკე-

თეს. მოვიდა ერთი კაცი. შემომხედა. რატომ იცი? მაცვია მე პიჯაკი და შარვალს ეძახდნენ—კნიკი-ბაკა. გაგივიათ? აი, აქობამდეა ხელით მიჩვენებს. მოჭერილია და ფოლაქი აქ ზედ. ნასკი გაცვია აქობამდე და ეს შარვალი აქ ჩერდება. სპეციალურად შევაკერიე მიუნხენში.

— მოდაში იყო?

— აბა, მოდა იყო. კნიკი-ბაკა. მოვიდა ეს კაცი და შემომხედა. ამხედ-დამხედა. მითხრა, შენ ევროპიელი ხარო, გერმანულად. მეც ვუპასუხე: — დიახ. რა ენაზე ლაპარაკობო, მე ვუთხარი: — ქართულად-თქო. Ты грузин? — მითხრა რუსულად. Ты грузин? რუსი ურიაა Да — მე ვუთხარი. რას ეძებო? Что ты делаешь здесь? მე ვუთხარი: — Хочу работать. — У тебя семья? მე ვუთხარი: — Нет, только я один. — Ты будешь работать, если я повызу, с собой? — Если есть работа, я пойду კარგი აბა, წამოდი ჩემთან ერთადო. წავედი. ჩამსვა მანქანაში. შევედი, საცა მე ვცხოვრობდი, იქა. იმ ქალს ელაპარაკა, აფრიკელი გოგო იყო, რომელიც მენეჯერობდა. თუ გადასახდელი იყო რამე, გადავიხადეთ და წამიყვანა. ეძახიან „კაცკილ მაუნტონ“ — კაცკილის მთები. ნიუ-იორკიდან არ არის შორი, ამ კაცს აქვს პატარ-პატარა სახლები. კაი ადგილები. წინ მწვანე, ბალახები, რაღაცეები. ჩამოდის ხალხი ნიუ-იორკიდან მთელი ერთი კვირა, ან ორი კვირა, ხანდახან მთელი თვე. აგრეთვე არის ორი ტბა. იქავე, ძირს რომ ჩამოხვიდოდი, თითქმის ნახევარ კილომეტრზე ორი უზარმაზარი ტბა იყო, გაწკრივებული წყალი, ბანაობაც... მაჩვენა, მითხრა, რომ აი, ეს არის გასაკეთებელი ეს, ეს. ყველაფერი უნდა მოვამზადოთო, სანამდი გაიხსნება. აპრილის თვეა, მე რომ ჩამოვედი. 7 აპრილს ჩამოვედი. 7 აპრილი იყო აღდგომა, ქრისტეს აღდგომა. მომეწონა ადგილიც. სუყველაფერი. ვეხმარები ამ კაცს, რაც იქნება: ბალახი მოსაჭრელი, გასათხრელი, შესაღები; რა ვიცი, სუყველაფერი. მისულა ლეო დუმბაძე. ლეო იყო პრეზიდენტი იმ ორგანიზაციის. მისულა დუმბაძე იმ სახლში, სადაც ვცხოვრობდი და სადააო აღექსიო, ფუტკარაძე სად დეიკარქაო, ველარ ვხედავო, წავიდაო? წავიდა სამუშაოზეო, იმ ქალს ელაპარაკა. მე არ ამიღია ნებართვა, ისე წავედი. ენა არ ვიცოდი და ეს კაცი შემხედა რუსი და კარგია.

— დუმბაძე როდინდელი ჩასულია? როგორც ვხედავ, არაა II მსოფლიო ომის დროინდელი?

— არა, ეს იყო რევოლუციის შემდეგ. ჟორდანიძე რომ წამოვიდა, მაშინ წამოყვა იმას. ახალგაზრდა ბიჭი კი არ არის, კაი ხნიერი კაცია, ცოლი ჰყავს და შვილები ჰყავდა. მონახა ტელეფონი, ნომერი გაიგო ჩემი და რეკავს. — მოდი, მოდიო, შენი უფროსი რეკავსო. — გამარჯობა. — გაგიმარჯოს. — როგორა ხარო? — რა ვიცი, კარგად. — რას აკეთებო, მითხრა, ბიჭო, მანდაო? — მე ვუთხარი, ამას ვაკეთებ, ამას... მერე მითხრა, რამდენს ღებულობ შენ ჯამაგირს, რას

გაძლევსო. მქონდა 21 დოლარი კვირაში. 7 დღე გამოიანგარიშეთ ახლა? 3 დოლარი დღეში. ვმუშაობდი, ვმუშაობდი. დილა რომ გათენდებოდა, დაღამებამდე. მიეცი მაგ ტელეფონი შენ ხაზინსო. ამას უთხრა, ეხლავე მიეცი, რაც ერგება ფული, უყიდე ბილეთი ავტობუსის და გამოაგზავნე აქეთო. თუ არ დავინახე ეს კაცი დღეს ჩემთან ჩამოსული, ხვალ მოვალ და გადაგწავე მთლადო. ასე უთხრა. ჰყვება და თან იცინის. მე ვუთხარი: – რა ქენი ახლა, რა ქენი, სამუშაო დამაკარქიე. მასეთი სამუშაო რა ჯანაბად გინდაო. შენ გიყენებს მაგიო... გამოჩნდა კიდევ ერთი სამუშაო, სადაც იყო სამზარეულოში მუშაობა. მთავარი მზარეული ვინც იყო, იმის თანაშემწე უნდა ვყოფილიყავი, იმას უნდა მოეხმარებოდი. მასწავლა, როგორ შეეწვა კვერცხები, მასწავლა დილის სიფთაზე რომ ვაკეთებთ – ბლინჩიკების კეთება.. ისეთი კარგი ვიყავი, სულ პარტყა-პურტიით ეხვეტავდი. ეს სამუშაო ძალიან მომწონდა, ყველაფერი კარგად იყო, მთელი ზაფხული ვიმუშავე და კინაღამ შევირთე ცოლი. რა მოხდა? ებრაელი იყო ეს კაცი, მაგრამ რუსულად ლაპარაკობდა. ამომსულელები, ებრაელები იყვნენ უმეტესად, ამოდირდნენ და ისვენებდნენ. ამოვიდნენ ტექნიკუმის მოწაფეები. კაცკილში ამოვიდნენ სამუშაოდ. დეიწყენ იქ მუშაობა. ერთი გოგონა მომეწონა მე. ხოდა, გვევტყანე, გამოვეტყანე. ეს ოფიციატკად მუშაობდა. ჩავარდა სიყვარულში. დედისერთა ყოფილა და თურმე ნიუ-ჯერსში ჰქონდა დიდი ფერმა ძროხების. კეთდებოდა ყველი, რძე, მაწონი... უთქვია დედასთვის და მამისთვის, რომ მე შეყვარებული ვარ. მე მიყვარს ეს კაცი, ახალი ჩამოსულია... კიდევ იცი, რა მოხდა? ხაზინმა რომ გაიგო, რომ მე ვცეკავებ კიდევ, შეგიძლია, გაართო შაბათ-კვირას სტუმრებით? მე ვუთხარი, რატომ არა, კი. მე ასე ვფიქრობდი, გაეუკეთებდი საქმეს და მე ვიცეკვებდი... ფულიც... მერე მოვიდა ორკესტრის უფროსი ვინც იყო. ყოველ შაბათ-კვირას ჩამოდირდნენ და უკრავდნენ. მე მქონდა ნოტები, შეისწავლეს და ხოშიანად უკრავდნენ. ამ გოგოს კიდევ – მოცეკვავეც ვარ, ვმუშაობ კიდევ, ახალგაზრდა ვარ – უთქვია დედასთვის და მამასთვის. უკითხავთ: – ვინ არის, ურიაა თუ ქრისტიანი? – არ ვიციო. მე მიყვარს და გათავდაო. ჩამოვიდნენ მშობლები სპეციალურად, რომ გამიცნონ, მე ვინა ვარ. დღესასწაული იყო რაღაცა, ერთი სიტყვით, მოვიდა ეს კაცი. მითხრა: – გამარჯობა. მე ვუთხარი: – გაგიმარჯოს. რუსულად დამიწყო ამანაც ლაპარაკი. – შენა ხარ ალექსი ფუტკარაძეო? მე ვუთხარი: – დიახ, მე ვარ. – შენი დედა, მამა სად არისო? მე ვუთხარი: – ჩემი დედა და მამა იქ არიან, საქართველოში. ვუთხარი, ტყვედ ვიყავი გერმანიაში-მეთქი. მაგი ცუდი ამბავიაო. მაგან, გერმანიამ ჩვენ ყველა გაგვწყვიტაო. ცუდი საქმე გააკეთეს გერმანელებმა, მაგრამ დაკარგეს ყველაფერიო. ერთი-მეორე, ვილაპარაკეთ. მერე მითხრა, შენ რა გწამსო, რა

რელიგიისა ხარო. მე არაფერი არა მწამს-მეთქი. — ღმერთი არა გწამსო? არა-მეთქი. ღმერთი რომ ყოფილიყო, აქ ხომ არ ეიქნებოდი; დავტოვე მამა, დედა, ყველანი, ნათესაეები და ამდენი უბედურება ომის დროს. რასაკვირველია, მე კომუნისტი კაცი ვიყავი. მე რომ ჩამოვედი ამერიკაში, არ ვიცოდი, რა ვიყავი. აღარ მინდოდა მეხსენებია, რომ კომუნისტი ვარ. არ მინდოდა. იმიტომ, რომ დამეწყო ისეთი აზრები თავში, რომ ეს რა უბედურება იყო. მამაჩემის გზა... ეს კი მახსოვს, რომ ბაბუას და ბებიას გადაუკეტენ ეს აზრები. არ გვინდა, ჩვენ ვისმინოთ მაგ აზრები, — უთხრა მამამ და დამალეთ, არ მინდა, რომ დაეინახო. ბაბუას, საწყაალს სხვენში ჰქონდა დამალული ბიბლია. ჰოდა, შენი მშობლები? მე ვუთხარი: მამაჩემიც და დედაჩემიც კომუნისტები არიან. შენი ბებია, ბაბუა? ბებიას და ბაბუას ბიბლია ჰქონდათ და ქრისტიანები იყვნენ. — ისინი ქრისტიანები იყვნენ? — კი, მე მწამს, რომ იმათ ბიბლია ჰქონდათ და გვარიგებდნენ ჭკუას, რომ კარგად ვყოფილიყავით, გვესმინა ღმერთისთვის... მითხრა, შენო, ჩემ გოგოს უნდა გაანებო თავიო. თქვენი სიყვარული ახალგაზრდების მე არ ვიცი. მე რაცა მაქვსო, სულ ჩემი გოგოსთვის არისო, იმიტო რომაო, ბიჭი არ მყავსო. გოგო მყავს ერთიო. ჩემი ცხოვრება მაგისიაო. ეხლა არ დაიკარქებაო. არ მინდა, რომ დავეარქოო. ხოდა, ამიკრძალა, ნუ ნახულობო. თუ არ გინდა, რომ სიკეთე გააკეთო ჩემთვისო, მაშინ იცხოვრე, მეც მომკლავ და ჩემს მეუღლესაცო. არა, მე ვუთხარი, არც შენი მეუღლის სიკედილი მინდა და არც შენი-თქო. ავდექი და წვედი. კიდევ მქონდა დარჩენილი სეზონის 2-3 კვირა, მაგრამ... ამ გოგომ მიპოვა მერე ნიუ-იორკში, მოვიდა და მითხრა, რას ფიქრობო, მე ძალიან მიყვარხარო. შენ რომ მითხრაო, მამას და დედას არ დაეუჯერებო. მე ვუთხარი, მე დაეუჯერებ! ასე მოხდა. სწავლობდა იქ კიდევ. დაამთავრე სასწავლებელი, მეც შევისწაველი ენას, — ვუთხარი მე... ხომ იცი, თვალი თვალს რო მოშორდებაო, გული გადასხვაფერდებაო.

— მერე აღარ გინახავთ?

— აღარ მინახავს.

— თქვენმა მშობლებმა საქართველოში, ისევ არაფერი იციან თქვენს შესახებ?!

— არაფერი! არა, არ იციან. არ იციან, რომ ნიუ-იორკში ვარ.

— მაინტერესებს, კომუნისტი იყავით, გწამდათ რაღაც „ახალი“... მაგრამ ეს „კომუნისტური სამშობლო“ აღარ გიღებთ... რაღაც დამოკიდებულება არ გაგიჩნდათ საბჭოთა კავშირის მიმართ?

— საბჭოთა კავშირი, ეხლა როგორ გითხრა, მე რომ არ გამოექცეულიყავი, მე რომ წავსულიყავი, ის კაცი არ შემხვედროდა, რომელმაც მე მომაბრუნა და მითხრა, შენ სამშობლო არა გაქო, შენ ხარ უპატრონო, წადი და თავს უშველე, შენ მონახე პატრონი

– დედაც, მამაც, მაგრამ გათავდა აქ; შენთვის აღარაფერი აღარ არისო; ამან მე მომწყვიტა რასაკვირველია, უპატრონოდ. კი ვიყავი უპატრონო, მარა ის სტიმული, რომელიც მქონდა მე წინათ კომუნისტების დროსაც და ომშიაც რომ მოეყვები: ბალი მოეკრიფე და რაღაც...

– ის ფაქტები იცოდით, ტყვედჩაგარდნილებს როგორ ექცეოდნენ და რა ბედი ეწიათ?

– არა, არ ვიცოდი.

– უბრალოდ, დაიჯერეთ.

– კი, დავიჯერე. და მერე იყო გაზეთებში, იწერებოდა ასეთი ამბები. რომ კომუნისტებმა ასე ქნეს... სამხედროებს ბრძანება ჰქონდათ. აი, მაგალითად, ჩემს ზონაშია საბჭოთა ტყვეები, უნდა მომეკრიფა სუყველანი და გადამეცა რუსებისთვის. წარმოგიდგენია? ასე გააკეთა სტალინმა, რომ ამერიკასაც და ინგლისსაც – ყველა გამოემიჯნა. თუ შენი იქნება, მე გამოგიგზავნი. იქ არაყინ იყო, აქეთ იყვნენ სუყველანი. მერე ამათ კი შეწყვიტეს, მარა არ იყო დროზე. ბევრი დაიღუპა, ბევრმა ყელი გამოიჭრა მატარებელში, რომ გაიგენ შედიან რუსეთში, მოიკლენ თავი, ვიდრე შევიდენ „სამშობლოში“. მთელ სიცოცხლეს იქ გაატარებდა – ციმბირში. პეტრე კვინიკაძე ზესტაფონელი; ჩვევდი მე სანახავად ჩემი დეიდის, დეიდაშვილების, როცა ჩავედი მე 1966 წელში, ეს პეტრე კვინიკაძე, რომელიც ჩემთან ერთად იყო ტყვეობაში, სევასტოპოლში ერთად ვიბრძოლეთ, სულ ორი თუ სამი თვის ჩამოსული იყო ციმბირიდან. წარმოგიდგენია? რამდენი წელიწადი გაატარა... მოხუცდა საწყალი.

ამას უკვე გატყუილი ხმით ამბობს, ასე მგონია, თვალებიც ცრემლიანი აქვს. უმაღლესი დამთავრებული ჰქონდა. ვერც ცოლის შერთვა, ვერც ვერაფერი, ჩამოვიდა ზესტაფონში, იცოცხლა წელიწადი, წელიწადნახევარი და მეორეჯერ რომ ჩამოვედი, მითხრეს, გარდაიცვალაო.

– ბატონო ალექსანდრე, განსაკუთრებით მაინტერესებს იმ ფილმის ამბავი. პაპაშვილი, მისი წიგნი და მთელი ის გუნდი, რომელიც ფილმზე მუშაობდა. ეგებ მიამბოთ, თავად წიგნის შესახებ რა იცით: როგორ იწერებოდა, როგორ იქცა ამერიკაში ბესტსელერად, რამდენად პოპულარული იყო. რამდენ ენაზე ითარგმნა და პოლიტიკური როგორ დაინტერესდა მისით. მე მგონი, ძალიან ბევრი კითხვა დაგსვამს. ერთდროულადაც. ბარემ ყველაფერს გეტყვით, რაც ამის თაობაზე ვიცი. ფილმში ქართული სიმღერების შელოდები და ცეკვებიც იყო გამოყენებული და კომპოზიტორი იუნგი იყო. შინაარსიც გვიამბოთ ეგებ.

– როცა ჩამოვედი, მოვიდა გიორგი პაპაშვილი, მანამდე ვიცნობდი მას.

– როგორ გაიცანით?

– იყო იქ ერთი კახელი კაცი, რომელსაც ჰქონდა საბურავების საამქრო, საბურავებს არემონტებდა: რომ ფუჭდებოდა, შიგნიდან კერავდა, გარედან აწებებდა... ვიღაცამ მითხრა, მიდიო იქა და შეიძლება, რაიმე სამუშაო მოგინახონო. მივედი იქა და გავიცანი გიორგი პაპაშვილი.

პაპაშვილი იყო გლეხი. ქართულსაც ვერ ლაპარაკობდა ხეირიანად და წერა... პაპაშვილს ჰყავდა ცოლი, ამერიკელი, რომელიც იყო ჟურნალისტი. ყველაფერს, რასაც ის ლაპარაკობდა, ეს თარგმნიდა, ელენა წერდა. მგონია, რომ ლონდონიდან იყო წარმომავლობით, რომ ლაპარაკობდა სხვაგვარი ინგლისური იყო, ამერიკელები უფრო სხვანაირად, ჩქარა... ამ ქალმა გაუკეთა ყველაფერი. წიგნი გაიყიდა ინგლისურ ენაზე, რუსულ ენაზე, სხვა ენებზეც გაიყიდა.

– ქართული თარგმანიც არსებობს იმ წიგნის? – ვკითხები და მაშინ ჯერ კიდევ არ ვიცი, რომ არსებობს. არსებობს და ვნახავ კოდეც.

– არსებობს.

– რას ეხებოდა ზოგადად. მოკლე სიუჟეტი თუ გახსოვთ.

– სასაცილოა. სასაცილო. ეხლა მაგალითად, აქვთ ფურნე, სადაც აცხოვენ პურს. ქართულ პურს.

– ანუ, ეს ქართულ სინამდვილეზეა გადაღებული?

– ხო, ქართველი ემიგრანტი როგორ შემოვიდა ამერიკაში და როგორ დაიწყო ცხოვრება. ხოზე ფარერი იყო მთავარ როლში, თუმცა ისე ძალიან პოპულარული არ ყოფილა. მე მომწონდა, მაგრამ მაგი პოლიეუდური კი არ არის, არამედ შექსპირელი მსახიობი იყო. ტიპიური ამერიკელი არ იყო, უყვარდა ისეთი გამოთქმები...

– რა შეიძლება გაგახსენდეთ: რეპეტიციებს თუ ესწრებოდით, გადაღებებს.

– გადაღებებზე დავედიოდი. სხვათაშორის, მაძლევდნენ დღეში 80 დოლარს, როცა მე ვმუშაობდი მთელი კვირა 21 დოლარად. აი, ეს არის პოლიეუდი. ეს არის Star. სახელი თუ გაქვს და პოლიეუდშიც ხარ, გათავდა. ეს ფულია იქ. იმიტო, რომ მილიონები შედიოდა შიგნით.

– თქვენ რა როლს ასრულებდით?

– როლი? მითხრეს, ალექს, რატომ არ წამოხვალ ჩვენთან? გიორგიმ იცოდა, რომ მე მოცეკვავე ვიყავი, მიცეკვია წინათ ბალზე. ამის მეუღლე ბევრ სახელიან ხალხს იცნობდა. ესენი მოპატიუბულები იყვნენ და მეც წამიყვანეს, რომ მეცეკვა ამათთვის.

– თქვენ მსახიობობდით საქართველოშიც, ახლა პოლიეუდთან ურთიერთობაც... არ გიფიქრიათ, ჩართულიყავით ამ საქმიანობაში და ამ ხაზით გაგვერძელებიათ თქვენი ცხოვრება?

– მე არა. ჩემი ენა არ იყო საკმარისი. ვერ შეეასრულებდი. მე საერთოდ, ფეხებით ვაკეთებდი უფრო მეტს, ვიდრე ჩემი ენით, ლაპარაკით... ვგრძნობდი, რომ ჩემთვის უკვე დაკეტილია. დიდი შეცდომა გავაკეთე, ყველაზე დიდი, მარა ბოლოს რომ გაიგებ, Too Late – უკვე გვიანაა: აღარ შეგიძლია. მე რომ ჩამოვედი აქა, ამერიკაში, მე უნდა წავსულიყავი პირდაპირ სამხედროში და შემესწავლა ფრენა. ძალიან მიყვარდა მე ფრენა, უნდა წავსულიყავი. მფრინავე ვიქნებოდი. ვიმუშავებდი ამერიკაში სამხედროში. სხვადასხვა გზებს მოჰყვა: კაფეტერი, ხის გადაკვრები, ელექტროობა და ბლომად. რა ვიცი, ბევრი რამე ვისწავლე და გამოვიყენე...

– ეხლა სხვაც. ლადო ბაბიშვილი იყო ჩემთან ერთად ტყვეობაში. გერმანიაში ერთად ვიყავით. ბაბიშვილი ჩემისთანა კაცია. პაპაშვილი და სხვები ძველი ემიგრანტები იყვნენ. მაგენი 28-ში თუ ადრეც ჩამოსულები...

– განათლებით ვინ იყო ბაბიშვილი; მითითებულია, რომ იყო ფილმის ტექნიკური დირექტორი.

– განათლება ჰქონდა საშუალო სკოლა, მეტი არაფერი. ჩემზე უმცროსი იყო. მე 21-იანი ვარ, ის იყო ალბათ, 25?

– როგორ ფიქრობთ, ასეთი სერიოზული საქმე ჰოლივუდმა რატომ ანდო?

– ქართულ ენაზე იყო მაგი დაწერილი, რუსულ ენაზე იყო დაწერილი და ინგლისურად. ეხლა, ლადო ბაბიშვილი ქართულადაც ლაპარაკობდა, რუსულადაც ლაპარაკობდა და ინგლისურადაც. ძალიან სხარტი იყო, უცებ შეითვისებდა. კარგი ბიჭი იყო. თანაც, უყვარდა გამოთლა. გამოთლა ქვის. მე ისიც მაჩუქა, მაქვს შოთა რუსთაველის თავეი. მოქანდაკე იყო. არ შეიძლება განათლება ჰქონოდა, იმიტომ, რომ ჩემზე უმცროსი იყო. მე რომ წამოვედი ჯარში, იმას არ შეეძლო შესულიყო, მცირეწლოვანი იყო და რა განათლება უნდა ჰქონებოდა. სპეციალისტობა არა მგონია. და ეს მოხდა იმიტომ, რომ მაგი ენებზე ლაპარაკობდა, სამი ენა იცოდა. ოჰ, დამაფიწყდა, გერმანულიც – ოთხი ენა.

– ფილმის ირგვლივ რომ ვისაუბროთ: რა შეიძლება თქვათ ჯორჯ სიტონზე – რეჟისორზე, ის იყო მკაცრი, წინასწარ სცენარზე დამოკიდებული...

– სიტონი იყო ძალიან წყნარი. თითქოს გაძლეულა ნებას: თუ მსახიობი ხარ, აჩვენე! შენ ახალი ჩამოსული ხარ ევროპიდან, შენ არ იცი ენა... მე ფილმში ვიყავი ემიგრანტი. ფილმი იწყება მუსიკით, ასე იწყება, ეს ფილმის კადრებია. გათვალისწინებ საგანგებოდ ჩამოტანილ ფოტოებს. მიჩვენებს ვინ ვინაა: ეს პაპაშვილია, ეს სიტონი, ხოზე ი ფარერ. ეს ხალხია – მასოვკა. ეს კადრია ფილმიდან. შემოვდივართ გემით ამერიკაში.

– თქვენი ცეკვა თუ იქნა გადაღებული?

– მე ცეკვა ვასწავლე, აი, რომ გიამბობდით, დაპატიუებული რომ ვიყავი, იქ ვიცეკვე, მოეწონათ. მერე ვაჩვენე მე ცეკვის რითმები, ილეთები, ფეხი როგორ გაესვა.

– უკაცრავად, ამას თქვენ ფარერს ასწავლიდით – გიორგის რელის შემსრულებელს?

– დიახ, ხოზეი აკეთებდა.

– და მას ქართული, ეროვნული ტანსაცმელი ეცვა?

– ეროვნული ტანსაცმელი იქ სრულობით არ იყო. ასე იყო, როგორც ჩვენ გეაცვია. რო შამოდის გემი, ორი ათასი, ორიათას ხუთასი ადამიანია გემზე. საქართველოდან ვინ ჩამოვიდოდა ასე, ამდენი. იქ იყო რუსებიც, ქართველებიც, სომხებიც, თათრებიც. უფრო ემიგრანტია წიგნში და ფილმშიც, ვიდრე ქართველი, საიდან – ეს არაა. გემი შემოვიდა ევროპიდან.

– რატომ პქვია ზოგადად ამ წიგნს – ფილმს „ყველაფერი შეიძლება მოხდეს“. რა ხდებოდა? რაა ეს ყველაფერი?

– ფილმში, მაგალითად, საღაცა აცხოებენ პურს, ვიღაცა ზელავს, ცომს აკეთებს. უნდა წამეიღონ და საცა ცეცხლია, იქ უნდა გამოაცხონ. კაცმა ჩაყარა პარკში ცომი და მოაქვს. მანქანა არა ჰყავდათ და ავტობუსში ზის და მოაქვს. ხელში უჭირავს ეს ცომი. გადაღებულია ასე, რომ სითბოა მაგარი ავტობუსში. ეს ცომი გაფუედა, იწვეს, იწვეს და გადმოდის... კაცი აქედან შეაკვეხებს, იქიდან. ხალხი უყურებს, ისინი იცინიან, ეს კი კვდება, რა ჯანაბა დამემართა, რა ვქნაო... ყველაფერი შესაძლებელია, ემიგრანტი, რომელიც შემოვა ამერიკაში და ყველა ნაბიჯს გაივლის, რომ ცხოვრება გაიგოს.

– ემიგრანტი ბრუნდება სამშობლოში თუ რჩება ამერიკაში?

– არა, აქა რჩება. შეირთო ცოლი... ნიუ-იორკში იცხოვრეს და მერე მოდიან კალიფორნიაში. კალიფორნიაში გზის ხიფათები, 2 თუ 3 მანქანაა რიგში დაწყობილი, ავეჯი მოაქვთ იქიდან.

– თქვენ? თქვენი გმირი რას აკეთებს?

– მე? მარტოკა ვაჩვენე, ვასწავლე, როგორ გაიარონ, ქართული ცეკვის დროს, როგორ ექცევა მამაკაცი ქალს. რო ვაკეთებდი, ვასწავლიდი – ისწავლა, შეისწავლა. ბევრი არაფერია, არა? ფეხით სიარული. გვიჩვენებს. და ეს თქვენი „ცოდნა“ სხვა ფორმით არ გამოუყენებიათ?

– ცეკვა მეტრაჟში არ ჩაეტია და მოჭრა რეჟისორმა.

სურათი გადაიღეს, მარა, მერე ჩამოჭრეს.

– ფანდური? ფანდურზე იწერებოდა...

– ის ფანდური დღესაც სახლში მაქვს. იქ არის.

– ცნობილია, რომ ამ ფილმს მაინცდამაინც დიდი წარმატება არ

მოპყვლია.

– არაფერი. წიგნი მოსწონდა ხალხს ძალიან. ძალიან მოსწონდათ. კინოში ნახეს, დაუსვენს ნოლო.

პაპაშვილების ოჯახი პერსილევანიაში ცხოვრობდა. ეზო ჰქონდათ მაგათ უკან, ბაღი, რაღაცეები. ქვები, დიდი ქვები. გამოხატულებით ზედა: დათვი, სელაპი... სპეციალურ ქვას ნახულობდა, ყიდულობდა და მოჰქონდა. მაგან მერე გააკეთა (პაპაშვილმა) დიდი გამოფენა. ეს მოწყობილი იყო. ხალხმა შეისყიდა... ძვირად. წიგნებიც ხომ იყიდებოდა, ფულს ღებულობდნენ, პროცენტებს ღებულობდნენ.

– ეს გამოფენა წიგნის გამოსვლის შემდეგ მოაწყო?

– კი, წიგნის მერე. სახელმა უშველა ძალიან.

– პაპაშვილების შთამომავლები ამერიკაში არიან?

– არაეინ, არაეინ დარჩათ. შეილი არ ჰყავდათ. შეილი არ ჰყოლიათ.

– ავიაციას ახსენებდით წელან. აღარ გაგაწყვეტინეთ. ამერიკული ავიაციის „მამა“ აღექსანდრე ქართველიშვილი. ხომ არ გქონდათ რაიმე შეხების წერტილი, როგორც მამაგალ მფრინავს...

– შეხვედრა მინდოდა. არ ხერხდებოდა. ის ისე დაკავებული იყო. 50-იანი წლებია. მაგრამ რა მექნა. მითხრა: – ბიჭო, არ მცალია, მე ძალიან დაკავებული ვარ, ბოდიშო.

– პირადად შეხვდით თუ ტელეფონით ისაუბრეთ?

– ტელეფონით. მე ვეძებდი სამუშაოს. სადაც მე ვცხოვრობდი, ქარხანა იყო იქ, აკეთებდნენ ქაღალდის ტიქებს. ქაღალდის ქვაბს...

– ერთჯერადი გამოყენების ნივთებს?

– ხო, ეძახიან Lily Camp. მითხრა, რომაო, სადა ხარ შენაო, მე ვუთხარი, აი, აქ. ხოდა, მიდი, ბიჭო, მანდ ქარხანაშიო, უთხარი ჩემი სახელიო სპეციალურად ერთ ადამიანს, კავშირი ჰქონდა, კადრების უფროსი იყო.

– თავად აღექსანდრე ქართველიშვილთან ვინ დაგაკავშირათ?

– გოგია ღოღობერიძე მუშაობდა მაგ ქარხანაში. იმ კაცს იცნობდა, იმას კაი სახელი ჰქონდა; უშველა ქართველებს, რო ჩამოვიდნენ. ბევრს უშველა. ვმუშაობდით.

– ეს ქაღალდის ქარხანა იყო, მაგრამ ქართველიშვილმა ავიაციაში ხომ არ ჩააბა რომელიმე ქართველი?

– ავიაციაში ახალი რომ კეთდება, სულ სხვანაირია, ყველა საიდუმლოა. მაგალითად, მანქანები – ერთი ქარხანა აკეთებს სხვანაირად, მეორე – სხვანაირად. დახურულია. საიდუმლოა. რო გაკეთდება, აღარ არის საიდუმლო; გამოიყვანენ და ნახე!

– გედევან ასათიანი ახსენეთ.

– ჰო, გედევანიც... გედევანმა მალე დაიწყო თავის ხელობა...

ლოს-ანჯელესში ერთად ვიყავით, პროფესიით ექიმი იყო. მისი შთამომავლობა დღესაც იქაა.

– ალექსანდრე სულხანიშვილი?

– ალექსანდრე სულხანიშვილი იყო სან-ფრანცისკოში. მანდ გაეიცანი მერაბიშვილთან ერთად. ალექს მერაბიშვილთან ერთად. მერე ჩამოდიოდა ხოლმე.

– ალექსანდრე ადრე წასული იყო, 24-ში ქაქუცასთან ერთად, ჩოლოყაშვილთან.

– ჟორდანიას დროს, ცოტა მერე ეგ ჩოლოყაშვილიც. მგონი, სადღაცა საფრანგეთში ცხოვრობდნენ მაგენი.

სულხანიშვილი ახალგაზრდობაში მეომარი კაცი იყო. ხმალი ჰქონდათ. სიმაღლე კარგი, გამოჭიმული იყვნენ და ყველაფერი...

კარგი ადამიანი იყო. მერაბიშვილთან ახლო ურთიერთობა ჰქონდა. ალექსი მდიდარი კაცი იყო. კარგი შემოსავალი ჰქონდა. საშა მიდიოდა მასთან ხშირად, მუშაობდა კიდევ, მგონია, მასთან. ალექსის ჰქონდა დიდი რესტორანი, მუშაობდა მხოლოდ საღამოთი, დილით არ მუშაობდა. დავამთავრებდი სამუშაოს 12-ზე, პირველზე. ალექსი მერაბიშვილს ჰქონდა ძალიან დიდი კოლექცია, ძველი, ძველი. სახლში ჰქონდა ყველაფერი. დიდი სახლი გააკეთა კუნძულზე მაგან, სან-ფრანცისკოში მას ჰქონდა ყველაფერი: ნახატები, სპილენძის ჭურჭელი, ძველებური... საღაცა ევროპაში გეიგებდა, იყო, წვეიდოდა, იყიდდა, ჩამეიტანდა. საშა მუშაობდა ხოლმე მაგასთან. გასაკეთებელი იყო რაღაცა თუ ეზო მოსავლელი, საშა უკეთებდა ყველაფერს. ფულს უხდიდა. წვეიდა საშა საქართველოში და არ წაუღია ხმალი... გარდაიცვალა საქართველოში მერე... იქ დაასაფლავეს. ხმლები დარჩა მერაბიშვილს. არა, მერაბიშვილი მკედარი იყო უკვე. სახლში დარჩა ეს ხმალი მეუღლეს, რომელიც ინგლისელი, ლონდონელი იყო. ეხლაც, სანამ წამოვიდოდი, ველაპარაკე დიდის ამბით მითხრა, შევხვდეთ ერთიმეორეს და ვიჭუპჭუკოთ... მაშინ მე დოვურეკე იმათ და ეუთხარი, მე მივიღე თბილისში, ნოშრევანი მოვიდა ჩემთან და თქვა, ბიჭო, თუ მიდიხარო, ხმალიაო იქა, ალექსის მეუღლესთან, წაიღეო. რომელია? აი, ესააო, და წაიღე ეს ხმალიო. მოგცემსო. წვევი და გამოვართვი ეს ხმალი. მომცა და წავიღე. მერე ჩვევი ისტამბულში. ისტამბულიდან მერე გადავჯექი პატარა თვითმფრინავში და ტრაპიზონში შემოვედი. ასე იყო ეს ამბავი, სხვანაირად არ იქნებოდა.

– ბატონო ალექსანდრე, გაგაწყვეტინებთ. სულხანიშვილმა ჩამოიტანა დამოუკიდებელი საქართველოს დროშა. და ხმალი, თუ ქაქუცას ხმალი იყო, რატომ არ წამოიღო?

– სულხანიშვილი ერთხელ მერაბიშვილს ესესხა ფულს. იმან

უთხრა, როდის ჩამაბარებო. ამან: - აი, დეკოზიტო. აი, ჩემი ხმალი.

- ეს ნამდვილად ქაქუცა ჩოლოყაშვილის ხმალი იყო?

- რა ვიცი. მე ხმალი მისდღემჩი არ მკიდებია, არც მაინტერესებდა (იციინის)

- როცა ცეკვაავდით?

ახლა ყველა ვიციინით.

- წაღება უნდაო. მე ვუთხარი, კაი, წვეილებ. ხომ არ ჩამოგვართმევენ? არაო, ვინ უნდა ჩამოგართუასო. წავიღე. მარა თბილისამდე კი არ მაცალეს ჩასვლა. შუა გზაში შეგვხედნენ ისინი. თქვენ წიგნში ენახე მე... პაატა ნაცველიშვილი და...

- იმათ რა იცოდნენ?

- იმათ იცოდნენ იმიტომ, რომ ნოშრევანმა უთხრა, ხმალი მოდისო.

- სად დაგხედნენ?

- ტრაპიზონში.

- ტრაპიზონში ჩამოვიდნენ საგანგებოდ და თქვენ არ გაგიკვირდათ? არ გითქვამთ მათთვის, თბილისში ამას მე თქვენ გადმოგტყემდით, რა საჭირო იყო სხვა სახელმწიფოში შეხვედრათ?

- მე ის კაცი არა ვარ, ჩამოვიდა. გავიცანი. მითხრა, მე ესა ვარ და ისაო. ნოშრევანმა დარეკაო, თქვენ რომ მოგაქვთ ხმალი.

- კი-თქო, მე ვუთხარი. თქვენ უნდა გადმოგცეთ?

- ხო, მეო. სხვათაშორის, მე ბევრი ხალხი მიყენებენ. ღმერთო, უფალო, მე მართლა წამებული კაცი ვარ, მაშინ არ ვიყავი ისე წამებული, მე ბევრი რამ მერე გავიგე - გადაცემა ხმლის... ზეიმი ოფიციალურად.

- პაატაც არ დაკარგავდა, რასაკვირველია, უპატრონებდა, მოუფლიდა. კარგი იყო, ეს გაურკვეველობა არ მომხდარიყო. ალბათ, რაღაც სათქმელი მასაც ექნება.

- რომ ჩამოხვედით, სულხანიშვილი გარდაცვლილი იყო, ხომ?

- სულხანიშვილიც და ალექსიც ორთავე მკვლარი იყო.

- გალაშვილი ახსენეთ. ძმები გალაშვილები.

- მე და ნოშრევანის უფროსი ძმა, მირიანი ვიყავით ტყვეობაში. მერე გერმანიაში მოეხვედით. მე ვიყავი მიუნხენში, მაგი იყო ზალცბურგში. ხშირად ჩავდიოდი ხოლმე ზალცბურგში. მაგას ჰქონდა რესტორანი გახსნილი. ერთხელ მითხრა, ალიოშა, ჩამოდიო და მომეხმარე რეკლამა უნდა გავაკეთოო. ერთი კარგი ცეკვა დავდგათო, ხალხი მოვა, საჭმელს ჭამენ... მე ვუთხარი, დიდი სიამოვნებით. ავდექი და ჩვევდი. ორი კვირა დავრჩი მასთან. პარასკევს და შაბათს კონცერტები გექონდა. ხალხი მოდიოდა: მეც ვცემავდი.

გააკეთა კარგი რეკლამები, ეილო და გაყიდა მერე. იცოდა, როგორ გააკეთდეს ფული, ფინანსები... კარგი რეკლამა გოშუკეთა რესტორანს და გაყიდა კარგ ფასად. ამერიკაში რომ ჩამოვედით, მაგი იყო სან-ფრანცისკოში. ჯერ შოთა დუმბაძესთან ერთად იყვნენ მაგენი სანტა ბარბარაში, მუშაობდნენ, ლიმონს კრიფავდნენ, ფუთავდნენ და იქიდან წამოვიდნენ როგორც აგრონომები... მერე გააკეთა კიდევ პატარა საქმე და ჩამოვიდა სან-ფრანცისკოში. აქ ცხოვრობდა ერთ რუს ქალთან, რომელსაც არ ჰყავდა შვილი, არც გათხოვილი იყო არასდროს. ამ ქალს შესაძლებლობა ჰქონდა, ფული ჰქონდა. ადგენ და წავიდენ ერთი ქალაქია ნავადაში, რინო, ქალაქი რინო. ჩამოვიდა დათა. ამან იცოდა წყნარი, დინჯი ლაპარაკი. უჯერებდნენ. ამერიკაში საერთოდ, ხალხი ისეთია, რომ იტყვიის სიტყვას, სჯერავს. ტყუილს ამბობ შენ, ყურადღებას არ აქცევენ, არც კი იციან. სჯერავთ და ასე მიდის ცხოვრება.

– რატომ, იმათ ტყუილები არ იციან?

– ზოგიერთმა, ალბათ. მე არა მჯეროდა. უნამუსო ვიყო, მივეჩვიე მერე მეც. ამერიკა არის ჭეშმარიტება. არ იტყუება. იმას კი არ ითხოვენ, მომე შენი ბეჭდიანი ქალაქი. სიტყვა თქვა – გათავდა.

– წარმოშობით ვინ იყო ის ქალბატონი?

– წარმოშობით იყო რუსი. ემიგრანტი. სახლი ჰქონდა. გაყიდა სან-ფრანცისკოში ბინა, თანაც ფული ჰქონდათ ბანკში, წავიდნენ და რინოში იყიდეს ძველი ოტელი. რინოში სახლები, ბინები არ არის, მარტო კაზინოებია. იქ სასტუმრო სჭირდებათ და ოტელიც გააკეთეს.

– ნოშრევეანიც მათთან ერთად იყო?

– მაცადე ჯერ. ნოშრევეანი ჯერ კიდევ საქართველოშია, ძინავს. 46 საწოლი ოთახი ჰქონდა.

– ე.ი. კარგი ბიზნესი?

– დიახ. მერე დეიწყეს, გაარემონტა. ძალიან მშრომელი კაცი იყო. ძალიან. გააკეთა ყველაფერი, გააწკრივდა. 77-ში ჩამოვიდა მაგის უმცროსი ძმა – ნოშრევეანი. დამირეკა მე და მითხრა, რომაო, ნოშრევეანი ჩამოვიდა ჩემთანო, ჩემი ძმაო და ჩამოდი ჩვენთანო. წავიმუსაიფოთ და დრო გავატაროთ. მე ვუთხარი, კაი, დიდი სიამოვნებით... სანტა-როზაში ვიყავი. აქედან რინო არის 4-5 საათის სავალი სასიარულო. ჩამოდიო. ჩვევდი, გაეიცანი ნოშრევეანი. ვილაპარაკეთ, ვიტუკუქუეთ; მითხრა, დავრჩებიო. წამოვედი უკან. დიდი ხანი არ გასულა, იქედან მირეკავდნენ ორთავენი, ალექსი ჩამოდი აქო, ჩვენთანო, ცოტა რაღაცა საქმე გვაქვსო. ჩვევდი. რას ნახავ? მაგარი უსიამოვნება აქვთ. მირიანი საყვედურობს, მომეხმარეო.

– მირიანს შვილები არ ჰყავდა?

- ცოლი ჰყავს. შვილი ჰყავს გოგო და ბიჭი. პატარები იყვნენ მაშინ. აგერ არისო. ერთად ვიცხოვროთო, ნახევარი შენ, ნახევარი მე. სხვა რა უნდა ქნას? შენ რა გგონია, სამუშაოდ ჩამოვედი აქაო. ამერიკაშიო? რო დაინახა, ეს ამოდენა ოტელისა, ჩემ ძმას შემოდის ფულიო, მე დაეჯდები აგერ და ვიცხოვრებო. დეიწყო სიგარეტი და Free...

- ლექსებს მაშინაც წერდა?

- არა, მაშინ არ წერდა. მაშინ არაფერს არ წერდა. მე ვუთხარი, ჩემოდანში ჩაალაგე ბარგი. წამოდი ჩემთან. ჩაალაგა ბარგი. წამოვიყვანე. მოვიყვანე ჩემთან, სახლში. მე მეუღლე მყავდა მაშინ.

- თქვენ გეხმარებოდათ ნოშრეევანი?

- არა, მე ვეხმარებოდი.

- არა, მე გგულისხმობ საქმეს.

- მე ვუთხარი, რა შეგიძლია, მანამდე გავიკითხე-გამოვიკითხე. მაგან მითხრა, რომ იყო საქონლის ექიმი. მეთორმეტე ავენიუზე იყო განცხადება. მე იმათ ვუთხარი და მოგვიყვანეო.

- ენა იცოდა?

- მაშინ ცოტას ლაპარაკობდა. ვუთხარი, ნოშრეევან, სამუშაო გიშოვე, შენი სპეციალობით: საქონლის ექიმის თანაშემწე. მიგიყვან შენ, გამოიყენებ ცოდნას და ფულიც გექნება და ყველაფერი. ოპ, არაო, ვერ ვიზამო. მე ვუთხარი, რატომ, ბიჭო? არ გინდა მუშაობა? მუშაობა კი მინდაო, მაგრამ არ ვიციო. მე ვუთხარი, ხო დაამთავრე ინსტიტუტი. კიო, მაგრამო... მერე გამოვუნახე ერთი მაღაზია; დიდი მაღაზია იყო. რა გინდა, სულო და გულო: საჭმელი, ტანსაცმელი, ბოეშების, დიდების. მე ვუთხარი: - აი, ეს არის. ეს უნდა დასუფთავდეს, ყოველდღე. 6-მდე მუშაობდნენ. ვასწავლე. იფიქრა, გაეაკეთებო. თავის ძმასთან არ უნდოდა და აქ თქვა OK, დევიწყეთ. ნელ-ნელა... მერე ბინაც ვუშოვე, ერთ ოთახიანი კარგი ბინა. უკვე ჯამაგირს კარგს ღებულობს, შეუძლია, გადაიხადოს ქირა. წამოიწია. მერე შეყვარებულიც ჰყავდა, შენ ხარ ჩემი ბატონი, და მშვენივრად იყო, კარგად. მეიწადინა, უნდა წავიდე საქართველოშიო. „გრინ კარტა“ ჰქონდა. წამოვიდა. ჩამოვიდა უკან. დრო გავიდა. ამასობაში ნოშრეევანი წლებში შეიქნა. უკვე შეუძლია, პენსიაში გავიდეს. გვიდა პენსიაში. იქა ცხოვრობდა, საცა მე დღეს ვცხოვრობ. იმიტომ, რომ დიდი შემოსავალი არ ჰქონდა. მთავრობა უხდიდა ფულს. მე რომ დავიწყე მანდ ცხოვრება, მე დევიწყე 280 დოლარით. ნოშრეევანი იხდიდა 45 დოლარს მეტს კი არა, სხვა დანარჩენს მთავრობა უხდიდა. ერთი სიტყვით, მიატოვა ეს, გაყიდა მანქანაც, რომელიც მისმა ძმამ უყიდა საჩუქრად, გაყიდა სუყველაფერი, ეილო ფული, წვეიდა საქართველოში და დაკარგა „გრინ კარტაც“.

მეიკლა თავი. საქართველოში მეიკლა თავი. მანამდე მე ჩეკედი საქართველოში, მე ვნახე მაგი. რუსთავეში ცხოვრობდა. ჩამოვიდა ნოშრევეანი რომ ცოლი დაუბრუნდებოდა, შვილი და ერთი-მეორე, კარგად. რაღაცა მოხდა, ვერ ააწყო...

– ლექსებს რომ წერდა, თქვენ როდის გაიგეთ?

– დაიწყო ლექსების წერა.

– იქ ინგლისურადაც წერდა, თუ მარტო ქართულად?

– მარტო ქართულად.

– აი, ბიჭო, მე ვუთხარი, შენ ვაჟკაცი ხარ. ისეთი კარგი ლექსები დაწერა, მშვენიერი, მშვენიერი... ხომ არ გინახავთ?

– კი, ნანახი მაქვს. წიგნიც ვიცი მისი, წამიკითხავს.

– მართლა? მართლა?

გისვენებთ, ფოტოებს ვათვალიერებთ. ვთავაზობ, ახლავე დაგაწეროთ, ვინ ვინაა. თანაც ვფიქრობ, რამხელა დრო და მანძილი გვაშორებს ამ დაფიქსირებულ წუთებს. სად და როდისაა ეს ფოტოები გადაღებული?– აი, ეს კაცი, მუსიკოსი რომ უკრავს, რუსია; კონცერტებს ატარებდა. ძალიან განთქმული კაცი იყო პოლიეუდში, პიანინოზე უკრავდა. მათ გააცნო ჩემი თავი: ქართველი მოცეკვავეაო. ერთხელ იყო კონცერტზე, საცა მე ვცეკვავედი. იქ იყო ეხლა, უცქირე, რეგენ, რენოლდ რეგენ, ქართულად რაღაც მაზალოთ ამბობთ, რეგენ კი არა, რეიგანი. იცინის.

სანამ ის პრეზიდენტი გახდებოდა, რეგენი, მსახიობი მაგი ბავშვობიდან იყო, მუშაობდა კომპანიაში, ერქვა: Jeneral Elektrik. ეს რეკლამას უკეთებდა. პოლიეუდში მოხედა სამხედრო მეომრების რაღაც დღესასწაულზე. კონცერტი ჩაატარეს. ამ კონცერტში მეც ემონაწილეობდი. ჩემმა რუსმა პიანისტმა მითხრა: –აღექს, აუცილებლად უნდა წავიდეთო. წავედით. რეგენი ამავე დროს იმჟამად არტისტების, მსახიობების „Union“ გაერთიანება იყო და ეს იყო მეთაური იმათი. მერე იყო პრეზიდენტი. მე ხელი მაქვს ჩამორთმეული და უთქვია: – ახლა ჩვენ გეყავსო აქაო მთებიდანო, კავკასიის თეთრი მთებიდანო ქართველი აღექსი ფუტკარიო. შეგვისრულებს იქაურ ეროვნულ ცეკვასო.

– ანუ კონფერანსიე იყო და წარგადგინათ საზოგადოების წინაშე?

– დიას, იყო Maestro Ceremony ეუბნებოდა ხალხს, ალბათ, კიდევ რაღაცას უყვებოდა. მაშინ ინგლისური ისე კარგად არ მესმოდა. ხოდა, ვიტრიალებოდა ხოლმე ხანდახან: თქვენ ვინა ხართ, პრეზიდენტი ამბობდა ჩემს სახელს.

– აუდიტორია დიდი იყო?

– აუჰ, უზარმაზარი. სამხედროები თავიანთი ოჯახებით და შვი-

ლებით. ეს ჰოლივუდში ტარდებოდა, სადაც ვარსკელაეებს ურიგებდნენ – იქა.

– სხვა ქართველები, რომლებსაც ამერიკაში იცნობდით; კიდევ რომელს გაიხსენებდით?

– გივი კობახიძე იყო ნიუ-იორკში. სადამოებოთ ეთამაშობდით, ზოგი მოიგებდა, ზოგი წააგებდა, როგორც თამაშის წესია. გივიც იყო. გივი იყო Vois of Amerika დიას, ისიც „ამერიკის ხმაში“ იყო. ლექსებსაც წერდა და ნიუ-იორკში კრებული გამოსცა ქართულ ენაზე.

– კი, თქვენც გცოდნიათ. მეუღლეც ჰყავდა. ბოვში არ ჰყოლებიათ.

– დიას, შვილი არ ჰყავდათ, მაგრამ თუ არ ვცდები, მეუღლის ძმისშვილი იზრდებოდა მასთან.

– მაგენი უკვე აღარ ვიცი, მაგენი მერე ჩვენ დავცილდით, იქით იყვნენ – ვესტერნ.

– გივი იყო არაჩვეულებრივი ადამიანი. ის არ იყო ნორმალური. როგორა ვთქვა, ჩვეულებრივი, ჰო, ჩვეულებრივი. ის იყო არაჩვეულებრივი ადამიანი. იცავდა თავის ადგილს, ნალაპარაკეებს, არ გადავიდოდა არც ერთ მხარეს, არც მეორე მხარეს. მე სულ სხვანაირი ადამიანი ვიყავი. მე და ის ვერ ვიმეგობრებდით ერთად. აი, კარლო ინასარიძესთან ვიმეგობრე კარგად. ლადოსთან ჰა და ჰა. უფალო შეგვიწყალებ, რაღაც თავისებური... მაგალითად, ეხლა ამერიკაში ვართ უკვე. მე ფუტკარი კი არ ვიყავი, რომ ჩამოვედი, ყველას ვუთხარი, რომ ფუტკარაძე ვარ. ამან დამალა თავისი გვარი. ის არ იყო ბაბიშვილი. მას ჰქონდა მეგრული გვარი. ის ფოთელი იყო. აღარ მახსოვს მისი გვარი, არ მახსოვს! სად გავიგე ხო იცი, ეს საქართველოში? აჰა, საქართველოში გავიგე.

– გივი კობახიძის არაჩვეულებრივობა? ლექსები წაუკითხავს თქვენთვის?

– არა, ხომ ვთქვი, არ ვიმეგობრობდით. ვიცნობდი მხოლოდ, გამარჯობა – გაგიმარჯოს, როგორ ხარ... ესე მთავრდებოდა. არ ვიმეგობრობდით, არც ვიცოდით, რომ წერდა.

– გივი გაბლიანს?

– გივი გაბლიანს ვიცნობ გერმანიიდან, ბერლინიდან, როცა იყო ქართული ლეგიონის უფროსი. მაგის ხელში იყო ყველა ლეგიონები, ვინც იყვნენ. მაქედან გავიცანი. მომღერალი კაცსაძეც რომ შემოგვიერთდა, მოდიოდა კონცერტებზე, გივიც იყო. რო გათავდა ომი, გივიც ჩამოვიდა მაშინ ამერიკაში. გივის ბოვში არ ჰყავდა, არ ებადებოდა. რო ჩამოვიდა, გამოიცვალეს ადგილი – გერმანია, ეს ამერიკა... 14 წელი არ ჰყავდათ ბოვში და მერე ამერიკაში დაორ-

სულდა ქალი და ეყოლათ.

– ეხლა მისი შთამომავლები იქ ცხოვრობენ და გაბლიანის გვარს ატარებენ?

– ბიჭები კი, მაგრამ გოგოები ვის მისთხოვდნენ, სად გათხოვდნენ, არ ვიცი, მე.

– რომელ ქალაქში არიან?

– მაგენი იყვნენ... დაიწყენ ნიუ-იორკში და მერე ზუსტად არ მახსოვს...

– ერთხელ გაბლიანი შევებულებაში რომ იყო, მე ტბაზე რომ ვცხოვრობდი, ცოლთან ერთად ჩამომიარა. მეც მნახეს, იყო ჩემთან და დარჩა. მე მესიამოვნა. რომ მოვცილდი ნიუ-იორკს, მერე გათავდა.

– კოლა ქვარიანი ახსენეთ.

– კოლა ქვარიანი ასე ჩასხმული კაცი იყო, მოჭიდავე იყო. ფრანგულის მოჭიდავე. ასე დააგდებდა...

– ცირკის არენაზე ჭიდაობდა?

– ცირკში მუშაობდა. სპეციალურად აძლევდნენ მეტ ჯამაგირს, იმიტომ, რომ იცოდნენ, რომ ეს ძლიერი იყო, მაგრამ უნდა დაცემულიყო, თვითონ უნდა მოხმარებოდა მეორეს, რომ წეექციათ. იმიტომ, რომ ფულს დებდნენ. ჩვენ ვეტყოდით ხოლმე, რატო, რატო ხდება ესე, ბიჭო, შენ ხომ ჩემპიონი იყავი, შენ ვინ დაგამარცხებს.

– კი, მაგრამო, ფული არა მაქ, მაძლევენ ფულსაო და რა ვქნა, ახლაო.

– წაგებაში იღებდა ფულს?

– გათავდა. კაი ხასიათის კაცი იყო. ნიორის ჭამა უყვარდა. რესტორანში წვედილით ერთად, ჯიბე ნიორით ჰქონდა სავესე. – არ გინდა? ასე გამოგიწოდებდა. მაგის ძმისშვილი იყო ტყვედ ჩემთან ერთად. გუნდი რომ შედგა, ვალიყო იყო გუნდის მენეჯერი. ისე, სამხედრო ოფიცერი.

– თვითონ როგორ მოხვდა ამერიკაში?

– ჩამოვიდა 28 წელში, ჩამოვიდა როგორც მოჭიდავე. ჩემპიონობა მოიგო და დარჩა, აღარ წავიდა. გარდაცვალების ამბავი მერე აღარ ვიცი, იმიტო, რომ მოვცილდი მერე პოლიციულსა და... ესაა ცხოვრება. ამერიკაში რომ ჩამოვედი, მითუმეტეს, არც დედა გყავს, არც მამა გყავს, არაფერ... მეგობრები გყავს, მეგობრები კი არა, ნაცნობები, მოკლედ, კავშირები გაქვს... მერე მიდის და გავიწყდება. წავიდა სადღაც... ბევრჯერ მითქვია მე, აი, თქვენც რომ გითხარით, ნიუ-იორკში კაცი რომ იყო, საბურავების სახელოსნო რომ ჰქონდა. ის რო გავიცანი, როცა მივედი მასთან, მელაპარაკა. მე სამუშაო მჭირდება. მოიცადეთ, ერთ კაცს დავურეკავო. იმას მაღაზია ჰქონდა

– ქართველი კაცი იყო, ჰქონდა ელექტრონის მაღაზია: ელექტრონის იარაღები, ხაზები... ამგვარ რაღაცეებს ყიდდა. აიღო ტელეფონი, რეკავს და თან იცინის. – რა გეცინება, მე ვუთხარი. – ბიჭო, აგერ ორი ქუჩა არიო, იქით ცხოვრობსო და ხუთი წელიწადია არ გვინახავს ერთმანეთით. შეგირცხვათ, მე ვუთხარი, ქართველობა. რაფერ იზამთ. – ჰი, მითხრა, შენ მეიცადეო. ეს ხუთი წელიწადია და შეიძლება, 10 წელიწადი ვერ ნახო შენი მეგობარიო. წარმოგიდგენია? სიმართლეა! სიმართლეა! იმიტომ, რომ ამერიკა არის დოლარი, დოლარია? – მიდიხარ. არა გაქ? – გათავდა. ჰო, ასეა. დოლარი რო იშოვო, უნდა ირბინო და რო ირბინო, მაშინ დრო არა გაქ მეგობრებისათვის... თუ ქართველია, უნდა მიყვე და მიყვე... თუ არა, გაგრიყავენ და გათავდა.

– ჯონ-მალხაზ შალიკაშვილი, გივი და ოთარ ზალდასტანიშვილები...

– მე არ გამიცნია, მაგრამ ძალიან ყურადღებას ვაქცევდი, იმიტომ, რომ ვიცოდი, ქართველი იყო. იქ რომ ომი დაიწყო და უცებ მოახვია ყველაფერი... ძალიან კაცი გამოდგა. საქმიანი და ყველაფერი. მერე ჩვეიდა საქართველოში, ამან გამახარა. მე ვთქვი, მოეხმარება პატარა რაღაცას... ძმები ეგენიც მასე. ვიცი. გავიცანი მე მაგენი. არ ვიცი, კონცერტზე თუ...

– პარიზის ემიგრაცია მაინც სხვა პარტიული კუთვნილების იყო: ზოგი – სოციალ-დემოკრატი, ზოგიც – ანარქისტი, სხვები – ეროვნულ-დემოკრატები, ფედერალისტები... მაინტერესებს, ამერიკაში თუ იყო ასეთი პარტიული დაყოფა?

– რასაკვირველია, მაგი რომ მიდიოდნენ, თან მიჰქონდათ.

– ამერიკაში რაოდენობრივად იმხელა ემიგრაცია არ იყო, რამდენიც საფრანგეთში, ე. ი. ამერიკაშიც არ იგიწყებდნენ ამას?

– არა, იქ რომ ვხედებოდით ერთი-მეორეს ქართველები, საყავეებში, სადღაც... იქ იყო ლაპარაკი, რასაკვირველია, ყოველთვის იყო ლაპარაკი და აეიდოდა ყვირილზეც...

– ძირითადად, რა ფაქტებს იხსენებდნენ ხოლმე: 25 თებერვლის ამბებს, ილია ჭავჭავაძის მკვლელობას...

– მაგი გვქონდა სადა, იცით? ტყვედ რომ ვიყავით, ბარაკებში რომ ვიყავით. თივაზე ვიყავით წაწოლილი ბიჭები; დაიწყებდნენ ლაპარაკს ცხოვრებაზე, პოლიტიკაზე, საქართველოზე... როგორ ხდება, რატომ მოხდა, მაგრამ ყოველთვის ვამთავრებდით პურზე... ჭამაზე გადავიდოდით. პოლიტიკა გათავებული იყო. მშვიერები ვიყავით.

– იყო თემები, რაზეც გერ თანხმდებოდნენ? ძირითადად რაზე კამათობდნენ?

– აი, წამყვანი ხალხი ვინც იყვნენ, დაწყებული სტალინიდან – ბერიამდე, რაღაცას ნახავდნენ ყოველთვის. რა მოიტანა ამან,

ამაზე იყო ლაპარაკი. ეს ის არ არის, ეს ესე არ ვარგა. რატომ? მეორე დღეს – აჰ, შენ არ იცი მაგ ამბავი. მაგალითად, მე ჩარევით არ ვერეოდი ამ იმაში, მაგრამ მე, დღესაც ასე ვარ, მე წამყვანს ვეხმარები ყოველთვის, სულით და გულით; იმიტომ, რომ ის წამყვანია. რატომ უნდა ვაკრიტიკო? გამოუგონო რაღაცა... როცა მეც შემიძლია, ცოტა გაეაკეთო, დევნებმარო და საქმე გაკეთდება. მარა, ესაა ჩვენი უბედურება, რომ იქაც და აქაც უნდა ვიპოვოთ რაღაცა ცუდი. – ეხ, იმის დედა ვატირე, მაგი არ ვარგა. ვინ დანიშნა მაგი, არ ვარგა. – შენ უკეთესი ხარ, ბიჭო? ხოდა, ეს აფუჭებს საქმეს. ქართველებს ეს ძალიან გვაქვს.

– ამერიკაშიც ხშირად იყო ეს კამათი?

– ქართველი ქართველად რჩება.

– ტყვეები ან მაგალითად, ემიგრანტები – მათ უნდათ საქართველოში დაბრუნება. აქ არის სტალინის ფაქტორი, მისი ხელისუფლება; კიდევ იცავდა ვინმე? ეს ერთი ფერსია და მეორე – ქართველი რომ განაგებდა ამხელა იმპერიას, მაინც სიმპათიით იყვნენ განწყობილნი?!

– ახლა, მაგი უყვართ. ყველას უყვარს. მეც ქართველი ვარ, სტალინიც ქართველია. მაგრამ ახლა იგონებენ, ის იყო ოსიო. ირონიულად ვცინება აგრეთვე თამარ მეფის მეუღლეც ოსი იყო; გადადიან–გადმოდიან. საითაც მიეხერხებათ...

– სიმპათია უფრო მეტი იყო თუ ანტიპათია?

– იცი, ჩვენ ტყვეები ვიყავით. სანამ ტყვედ ჩავეარდებოდით, გერმანიას უკვე ჰყავდა ტყვეები, იმიტომ რომ უკრაინა... მისწერა სტალინს, გამოგზავნე წითელი ჯვარი, რომ ტყვეებს ვაჭამო რამეო. მშიერები არიანო. ჩემი ხალხი არა გყავს, შენო. შენთან ვინც არიან, ჩემი მტრები არიანო. უარი უთხრა. უარყო თავისი ხალხი. ეს ტყვეებმაც გაიგეს; ყველამ გაიგო. მისი ხსენება ბევრგან იყო: მაგის დედა ვატირეო, ესენი წინააღმდეგი გახდნენ. იგივე მამაჩემიც, გრიშა გარსევანიშვილიც, საშა ტრიასინი... აგენი სულ ლაპარაკობდნენ. კომუნისტები იყვნენ სუყველანი მაგენი... მერე ტიროდნენ იმაზე, რა ექნით და რა ექნითო. მარა, გვიანი იყო, იჯდნენ აქობამდე.

– ბატონო ალექსანდრე, სიზმრებს ნახულობთ?

– ვნახულობ. ვერ გამომაქვს, არადა, ვიცი, რომ ვნახე. იქით წინებზე, მეუღლემ გამაღვიძა, მიყვირია სიზმარში.

– იმ პერიოდში, როცა გააცნობიერეთ, რომ ამიერიდან სამშობლოში აღარ დაბრუნდებოდით, ამ მიზეზით თუ ნახულობდით სიზმრებს?

– წინათ მე ვიცოდი არაჩვეულებრივი სიზმრები.

– არაჩვეულებრივი რატომ, გიხდებოდათ?

– მე თითქმის ყოველ სიზმარში თუ თვითმყვინაჲი არ მჩვენოა, თვითონ დაეფრინავდი. სულ. სულ. Вечно, Вечно.

– სად მიფრინავდი, სადღაც კონკრეტულ მხარეს და მიმართულებით თუ...

– ვფრინავდი, ვათვალთვლებდი ადგილებს, ხალხს, ჩამოვყავოდი...

– საქართველოში თუ მოხვედრილხარ?.. და მერე უკან დაბრუნებულხარ?

– არა, არა მგონია. მაგი აღარ მახსოვს.

– ყველაზე მეტად რამ გაგაკვირვებდა, ამერიკაში რომ ჩახვედი?

– რამ გამაკვირვებდა?

– ჰო.

– საქართველოში ყველაფერი გვაკლდა. თქვენ სულ სხვა თაობა ხართ, სხვა ტექნოლოგიები... მე რომ დევნიბადე, თბილისში შუქი კი არ იყო. 25 წელში მოვიდა თბილისში შუქი. ლამაზა და ნაეთი. ცხენით მოვიდოდა კაცი, ჩვენი სახლის პირდაპირ, არიხინებდა რკინას: კლინ, კლინ, კლინ... ხალხი გამოვიდოდა, გამოიტანდა ჭურჭელს და გააგებდა ნაეთით. გამყიდველი ყვიროდა ხოლმე: ნაეთი, ნაეთი... ყველს იწვდის და საკმაოდ ხმამაღლა, თვითონვე განასახიერებს. ამერიკაში ჩამოვედი. თავის დროზე ეს არის, ის – არის. აქეს ხალხს სულ ყველაფერი... ცხოვრობენ, ფულს აკეთებენ, ესაა „Amerikan Dream“ – ამერიკული სიზმარი.

– ბატონო ალექსანდრე, თქვენ თვალწინ გაიარა თითქმის მთელმა საუკუნემ და დროის, მანძილის გადმოსახედიდან „ქართველი ერი“ – თქვენ როგორ ფიქრობთ, მისი ყველაზე ღირსეული თვისება და ნაკლი, რომელსაც თქვენ ვერაფრით შეგუბიხართ.

– ნაკლი, აი, წელან რომ გითხარით; ცხადია, ვუყურებ ეხლა მე მდგომარეობას, დღეში ორჯერ მაინც უნდა ჩავრთო რუსთავი-2. უნდა ვნახო, ვუყურო პოლიტიკაში რა მოხდა, ხომ არაფერი გადაბრუნებულა. მაწუხებს ისა, რომ ეს ბიჭი დარბის, ეს სააკაშვილი, დარბის და საქმეს აკეთებს, რაღაცეებს აკეთებს. მე ვატყობ, მე ხომ ეხედავ ამ გაკეთებულ საქმეებს... მე რომ ჩამოვედი, მე ეხედავ ამას; ესენი მაინც... ბიჭო, მოეხმარე, ხელი გაუწოდე, იმას კი ნუ ფიქრობ, რომ... ნუ ეძებ, ცუდი რა მოხდა. შეცდომა ყველას აქვს. შევეწყოთ ერთმანეთს, გავაკეთოთ საქმე. თუ არ მოგწონს, მაშინ თქვი: ნუ გავაკეთებთ ამას, ნურც მოვიკიდებთ ხელს... თუკი მომყვები, მომყევი, რაღაცა ქენი. ეს მაწუხებს მე.

– საერთოდ, ქართველი ადამიანი, ქალია თუ კაცია, არაჩვეულებივია. თითქმის მსოფლიო მაქ შემოვლილი, მარა, ეს ევროპა, რუსეთი, ევროპიული ქვეყნები; ყველგან ნამყოფი ვარ, ხოდა, ასეთი

არ არიან, როგორც ქართველები. ასეთი არ არიან! არ არსებობს! სულ სხვა ხალხი ვართ. ყოველთვის ვიგონებ იმას, რომ ამბობენ საქართველო უფლის... **წილხვედრილი?** არა, საპენსიოდ რომ გახვალ დასასვენებელი... **სამოთხე?** ჰო, აჰა, ესაა საქართველო ღმერთისთვის. კარგი ტრადიციებიც გვაქვს. ქართველი კაცი დღესაც, მე მგონია, მთლად უცხოც რომ იყვეს, გარედან რომ მიადგე, ხელს გამოგიწოდებს, გადაგიპატიუბს, ე. ი. ტკბილი გულისა ვართ. ღმერთმა ნუ შეცვალოს და ქართველი იგივეა, რაც იყო. ქართველი ქართველად დარჩება.

– **ბატონო ალექსანდრე, რომელი დღესასწაული გიყვართ ყველაზე მეტად?**

– ქრისტეს დაბადება.

– **ქრისტეშობა.**

– ჰო, ქრისტეს შობა. როგორც კი აქ ჩამოვედი, წამება არ ვიცოდი. არა მწამდა მე. მითუმეტეს, რომ მე ბებია—ბაბუა მყავდა ძალიან მორწმუნეები. ლუკმას არ გადაყლაპავდნენ, რომ არ ეთქვათ: „მადლობა უფალს, რომ გვაქ პური“... ამერიკაში მარტოა რომ დაერჩი, აღარც დედა მყავდა, აღარც მამა, აღარც ბებია მყავდა და აღარც ბაბუა; მე ვთქვი, ოჯახი მინდა. პირველ მეუღლეს არ შეეძინა ბავშვი, ექიმებთანაც ვიყავით, მარა... შეეთავაზე, ავიყვანოთ ბავშვი, ჩვეიღეთ უნგრეთში. ბლომათ არიან ბავშვები, გინდა გერმანიაში. მითხრა: – მეო, ჩემი თუ არ მყვოლა, სხვისი არ მინდაო. დავემშვიდობე – Good Bay. ახლა მყავს ორი გოგონა და სამი შვილიშვილი, ბიჭები: ანტონი, ჯანეთორ, კამერონი. ჩემი სიძე მესი, იტალიელია.

– **გოგონებმა ქართული იციან?**

– ვასწავლიდი, მაგრამ სკოლაში რომ წავიდნენ, გათავდა. დეივიწყენ.

– **და შვილიშვილებმა?**

– არც შვილიშვილებმა.

– **რა იციან ბიჭებმა საქართველოს შესახებ?**

– საქართველოზე კი იციან. მე მაგენი დავახვიე 91 წელში სუყველანი, დამიჯდა მამასისხლი, მარა, რაცა მქონდა... წამოვედი. მე ვუთხარი, წვეიღეთ და ენახოთ საქართველო, სად არის საქართველო, ვინ არიან ქართველები.

– **91-ის იმ რთულ პერიოდში?**

– ეს არ ვიცოდი მე; გამსახურდია მოვიდა და არიქა, საქართველო... ჩვენ ოპერის სახლთან რომ მივედით, ავტობუსები იყო, გადაკეტილი იყო, ვერ გაივლიდით იქა...

– **პირველად როდის ჩამოხვედით საქართველოში?**

– პირველად, 1966-ში. ლოს-ანჯელოსში ვცხოვრობდი. პირველ

მეუღლეს გავეყარე და საცხოვრებლად სხვაგან გადავედი. ავიღე „apartment“ ჩემს სამსახურთან ახლოს. გავიცანი ერთი მოხუცებული, ხანშიშესული ქალი იყო. მევეწონე. მკითხა: – საიდან ხარ. მოუწყევი ქართველი ვარ. ტყვე ვიყავი და ჩამოვედი... დედას და მამას არ წერ წერილებსო? იმას ვგონა, რომ მე ჩამოვედი ამერიკაში და გათავდა, დავივიწყე ისინი. მე ვუთხარი, არა, არ შემიძლია-მეთქი, მიეწერო. მოუწყევი მერე. ოჰო, დამიწყო: მაგი არ შეიძლება. დედას უნდა მიწერო, დედას უნდა გააგებოთ! წარმოგიდგენია? სანამდე არ დაამწერინა წერილი, მანამდე არ მომეშვა. ის ორსართულიანი შენობის პატრონი იყო, 40 ოთახი მაინც ექნებოდა.

– თვითონ რა ეროვნებისა იყო?

– წარმოშობით იყო ევროპელი. მე გგონია, გერმანელი თუ ფრანგი, მაგრამ აქ, ამერიკაში დიდი ხანია ცხოვრობდა. სამი ან ოთხი თაობა.

– დაწერა არ გინდა? როგორ უნდა მიეწერო. რა ჯანაბა დაეწერო. მეუბნება, რომ დედის სიყვარული ეს არის არაჩვეულებრივი. ამას თუ დაუნგრევე, ეს სპობს ადამიანს. დამარწმუნა ამ საქმეში და დაეწერე წერილი ბაბუასთან. ბაბუა გარდაცვლილი იქნებოდა აუცილებლად. იმიტომ, რომ ბაბუა რომ დავტოვე, თითქმის 100 წლის ხდებოდა, 8 წელიწადი კიდევ უცხოვრია. ხოდა, მიეწერე წერილი: – ბატონო ეფრემ, მე ჭრუჭუნა ფუტკარი... ჭრუჭუნას მეძახდნენ მე, პატარა რომ ვიყავი. რომ დაეიბადე, პატარა თვალები მქონდა, სულ ესე ვიყავი – გაჭყანული. სხვათაშორის, თეატრში პიესა დაედგით. ვილაცა მოკლეს რუსებმა, შეიყარენ ერთად და ტიროდნენ. გრიშა კოსტაევა ზალაშია და იქედან გვიყურებს. რეპეტიცია მიდის. მიყვირა იქიდან: – ალექსი, რას შეები შენ, ნუკი იჭყანები, რას იცინიო. სატირალი ამბებია მადაო და რას იცინიო. მე ვუთხარი, არ ვიცინი, არც ვიჭყანები, რა ექნა-თქო. ისე მქონდა პატარა თვალები. რაზე ეთქვი ახლა ეს ამბავი?

– წერილს წერდით, – ვახსენებ მე.

ხო, წერილის დაწერა. მიეწერე, რომ მე ჭრუჭუნა ფუტკარი ვარ. თუ ვახსოვთ, მე ჭიათურაში რომ ვიყავი, ჩვენ დაემეგობრდით. როგორ არიან თქვენი შვილები: ერემია, ალექსანდრე. ხო მკედარი იყო, ვახსენე მაინც. თქვენი სიყვარულით, ბოლოშიაც მივაწერე – ჭრუჭუნა ფუტკარი. წეიკითხენ, ბიცოლაჩემი აქ არი, დიდი ნადია. წუხს. გამოვიდა მეზობელი, ლიდა ერქვა, ისიც ფუტკარაძის ქალი იყო. – რა იყო, რა დაგემართა ნადიარ და წერილი მივიღეო და ვილაცაო ჭრუჭუნა არიო, ფუტკარიო. მაჩვენე ქალო. წეიკითხა და ეს არიო... კაი გაჩერდი, ქალო. როგორ შეიძლებაო. რა როგორ შეიძლებაო, ფუტკარი ეს არიო, ფუტკარაძეაო. ჭრუჭუნა ვისა ჰქვიაო,

არ გახსოვსო? კი, როგორ არ მახსოვსო, ალიოშას არ დაეპარქეთო, ჭრუჭუნა; ხო, ეგიაო. იყვირენ და გამოვარდა. მაშინვე წამეიღო ეს წერილი, სულ სირბილით ხარაგოულში ჩამოვიდა. 3 კილომეტრზე ცხოვრობდა. დაჯდა მატარებელზე და მოუსვა. თბილისში ჩამევიდა, მივიდა მამაჩემთან, დაარაკუნა კარებზე ხელი: — ვინა ხარ? ამ შუალამისას ვინაა? — ლიდა ვარ, ფუტკარაძეო, ჩამოვედი თქვენთანო; ამბები, ახალი ამბები მომაქესო. — რა ამბები?! ალიოშა ცოცხალია!!

ისე ემოციურად მიამბობს, ხმა უტყდება. ცოტა ხანს ჩამწერს გამოვრთავ. რაფერ, როგორ გაგრძელებთ უფალო, დოუძახენ ღმერთს. ესე გაიგენ, რო მე ცოცხალი ვიყავი. იცოდნენ, რო დევიკარქე უგზო-უკელოდ. 25 წელიწადი გავიდა! ეს იყო 1941-დან 1966-მდე; 25 წელიწადი!

— იმავე წელს წამოხვედით?

— კი, იმავე წელს ვიშოვე ბილეთი... ვიზა მომცეს. იმიტო რო, რუსებმა ვერ მიცნეს მე: გაპარსული მქონდა უღვაშები, გვარი — ფუტკარი. ეუყიდე მამასაც ბილეთი წყალტუბოში. სომეხი იყო ჩვენთან ლოს-ანჯელოსში, რომელიც ბილეთებს და ვიზებს აკეთებდა. გამიკეთა მეც. სხვათაშორის, თბილისში დაბადებული სომეხი იყო. გამიკეთა კარგი საგზური წყალტუბოსი, აქედან გამიკეთა.

— რა რეისით წამოხვედით?

— ლოს-ანჯელოდან წამოვედი, იყო ჯერ ნიუ-იორკი, ნიუ-იორკიდან ჩავედი მოსკოვში და მოსკოვი-თბილისი. მოსკოვში გამოუგზავნია მამაჩემს კაცი. მამამ რომ მომწერა პასუხი, მითხრა, ნუ გეშინია, შეიღო, ჩამოდი და მნახეო. წამოვედი. ჩამოვედი. გაუშვი სუყველანი თვითმფრინავიდან, სუყველანი წავიდნენ. მე დავრჩი უკანასკნელი. იფიქრეს, რა დეემართა, მეტი აღარაყინ არის. ვალოდია მოდის, ჩემი ძმა, შემომხედა, მე ვერ მიცნო, მიდის. წაეავლე მკლაფში ხელი. მოვებრუნე. — ვალოდია, სად მიდიხარ, ვის ეძებ? ე, ბიჭო. მომეხედა. აგერ მოდის ერემია, ტირილი არ მაჩვენოთო. სასიხარულოო, ალიოშა ჩამოვიდაო! თქვენ რაღა გაქვთ სატირელიო. ჯოხით იყო მამაჩემი. წვევდით, შემიყვანეს თბილისის სასტუმროში. მერე, მამამ თქვა, რომაო ჩვენთან სახლში ამოდიო, გველოდებიანო. რო გამოვედი იქიდან აეროპორტში, ერთი ასამდე მაინც იყვნენ: დეიდაშვილები, მამიდაშვილები, სუყველა — ალიოშა მოდის, ალიოშა მოდის! დაკარგული კაცი. ვფიქრობდი, თუ რამეს დაეწერ, უნდა დაეწერო ასეთი სათაურით: დაკარგული ფუტკარი. ფუტკარი კილომეტრებზეც რომ გაფრინდეს თაფლის ამოსაღებად, მაინც უკან მოდის, იცის, სად არის თავის სახლი. მართალია, ფუტკარი რო დაიკარგება, ეს არაჩვეულებრივი იქნება. კი ვიყავი დაკარგული 25 წელიწადი, მარა ჩამოვედი. მაშინ დავრჩი სამი კვირა. წავედი ერემიასთან ერთად წყალტუბოში. იქ მერე სხვებიც ჩამოდიოდნენ.

(დამატებითი განმარტება: ტურისტად წამოვიდა. იქ საგზური

აიღო, ვითომ წყალტუბოში დასასვენებლად მოდიოდა — რ.ნ.)

კარგი რამ გითხრათ: წამოვედი წყალტუბოში, ხოდა, უნდა დამერეკა უკან. უკვე ცოლი მყავდა, ნადიაც დაბადებული იყო და ქრისტიანაც. უნდა დამერეკა სახლში, რომ კარგად ჩავედი, წესრიგია. ხო, სანამღი ჩამოვიდოდი ეხლა მე თბილისში, თვითმფრინავე რომ გაჩერდა, იქით გაჩერდა, სხვაგან. გვამოწმებენ НКВД-ისტები. ამოწმებენ პასპორტებს. ავტომატით ერთი უკან დგას. ავტომატი აქვს ჩამოკიდებული. — დედა, მე ვთქვი, სად ჩამოვედი, ეხლა დაველაფე ყველაფერი. — ვაიმე, ჩემო ალიოშა, შენ ახლა ციმბირი არ ავცდებ. ნახეს ჩემი პასპორტი, მერე ავტობუსში ჩაგესვენს. მერე აგვიყვანეს მაღლა, იქ, სადღაცა გაგვისინჯეს და მერე მაღლიდან ჩამოვედით კიბეებზე; მაღლიდან რომ ჩამოვდიოდით, ვიღაცამ წამავლო ხელი და: — ფუტკარი ხარო? — მითხრა. შევხედე და გამიკვირდა, ვიფიქრე НКВД-ელია და იცის, ვუთხარი: — ხო, მეთქი და ქართულად მითხრა: ნუ გეშინია, ყველაფერი კარგად იქნებაო. თბილისიდან გამომაგზავნესო, უნდა ჩაგიყვანო უკან, რომ კაცმა ხელი არ მოგკიდოს და არაფერიო. НКВД-ისტია, სომეხი, დაბადებული თბილისში.

— ეჭვი არ შეგეპარათ? ეგებ ჯაშუშია— КГБ.

— არა, რომ მითხრა, საქართველოდან გამომაგზავნესო, მამაჩემის ჩარევა იყო ამ საქმეში.

— და მოსკოვში დიდხანს უნდა გაჩერებულიყავით?

— არა. იმან უთხრა, რომ არაფერი მოხდესო. იმათ რომ გეგოთ, რომ მე ფუტკარაძე ვარ, ერემიას შვილი ვარ. მეორე მსოფლიო ომის დროს ტყვეობაში ნამყოფი და არ წავედი უკან, ნაღდი იყო, ჩამავლდნენ მე, მამაჩემსაც და სუყველას. მაგრამ თბილისის НКВД-ისტები, ქართველები, შეპირდნენ მამაჩემს, პარტიის წევრები და მეგობრები იყვნენ: ნუ გეშინია, ჩვენ ვიცით, რომ ერემიას ბიჭი მასეთი ცუდი არ იქნება და მოეხმარებითო. არაფერი მოხდეს! გამოაგზავნეს კაცი, რომ იმან მიმიღოს მოსკოვში და ჩამიყვანოს თბილისში... დამყობოდა მერე ყველგან. ჩვეედი წყალტუბოში, იქაც იყო. მატარებლით წვეედი; არც პასპორტი მაქ, არც არაფერი — იმან წვილო ყველაფერი. მე ვთქვი, ეს რაფრაა. აპროწიალებდნენ იმ საბუთებს. მერე ჩამოვიდა წყალტუბოში. პქონდა ადგილი ქუთაისში, იქიდან ჩამოდიოდა წყალტუბოში. ერთხელ გააგზავნა ერთი ბიჭი. საქმე გააკეთა. აბა, უყურე: ამერიკელია, სტუმარი. სპეციალურად გააგზავნა კაცი რაჭაში და ჩაფით ჩამეიტანეს ხვანჭკარა. წარმოგიდგენიათ? O, yes ხვანჭკარა. ხო იცით, არა, სტალინი თუკი სვამდა, მე რა, არ შემერგებოდა? იცინის.

— ღოს—ანეელესში დაბრუნებულმა ის დიასახლისი ნახეთ?

— რასაკვირველია, ის დიასახლისი ისე გახარებული იყო, რომ პირდაპირ ვერ წარმოიდგენთ.

— შემდეგ ჩამოხვედით?

– მერე ჩამოვედი 72-ში, 80-იან წლებშიც. 72-ში ჩამოვედი. პასტორი მყავდა თან, ჩემი ეკლესიის მწყემსი, მამაო...

– ამერიკაში, თქვენს ქალაქში, მართლმადიდებლური ეკლესია არის?

– არის. საცა მე ცვხოვრობ, ქალაქში ორია. ერთი იყო და გაიყო. ერთი სხვა აზრის იყო, მეორე სხვა აზრის და გაიყო. აშენდა ეკლესია.

– წირვა რა ენაზეა: ინგლისურად თუ რუსულად?

– ინგლისურად.

– ღმერთი – სამება მე მწამს, წმინდა სული აქ არის, ჩემთან. რომ მოინანებს, ეს სული ყოველ ადამიანს დაჰყვება თან, შენთან არის. ზოგჯერ ისეთ რამეზე გადაგარჩენს, რომ ის რომ არ ყოფილიყო, გათავებული იყო ყველაფერი. რომ გწამს, შენთან არის. ეს ქრისტიანულია. 72-ში ჩამოვიყვანე მე პასტორი. წავიყვანე წყალტუბოში. 80-იან წლებში ჩამოვედი მეუღლით.

– ბატონო ალექსანდრე, თქვენი შვილიშვილები გთხოვენ, რომ საქართველოზე რაიმე უამბოთ?

– სხვათაშორის, მეხმარებიან მე მაგენი ლაპარაკით და სტილით გაწყვეტინებ.

– გერ გაგიგე, ლაპარაკით როგორ? ქართულად რომ არ ლაპარაკობენ?

– არა, ინგლისურად მელაპარაკებიან. აქ წამოსასვლელად რომ ვემზადებოდი: – ბაბუა, როდის მიდიხარ თბილისში? მე ვუთხარი, შვილო, ფული არა მაქვს. შენ რომ გამდიდრდები, ბლომად გვექნება, ბაბუას უყიდი ბილეთს და ბაბუასთან ერთად წახვალ საქართველოში. ხო, მაგას გავაკეთებთო და ესეთი რამეები. ემასხრობთ. მუსიკას უკრავენ სამთავენი... ჩემი გოგოც უკრავს. მღერის კიდევაც.

– ქართულ მელოდიას უსმენენ?

– ხო, დოუდევით ნოტები და დაგიკრავთ ყველაფერს. ერთხელ ვუთხარი, შენ გოგო (ნადიას გულისხმობს – რ.) ჩემზე უკეთესად იცი საქართველო... ოჰოო, კაი, გაჩერდიო. მითხრა. კარგია, მსიამოვნებს, ეს რომ კეთდება. ქრისტიანა უფრო დაკავებულია, სამი ბიჭები...

– ყველა ერთად ცხოვრობთ?

– არა, ნადია ცალკე ცხოვრობს, ქრისტიანა ცალკეა, მე ცალკე. აგერ ესლა, სახლი მაგათ რომ დაეუტოვე, უკანასკნელი, ბინა დაწერილი იყო სამთავეზე: მეუღლეზე და გოგონებზე. ქრისტიანას ჰქონდა სახლი და მშვენივრად. ქმარი არის ინჟინერი კომპიუტერების, ელექტროინჟინერი. კაი ფულს აკეთებს. საათები კი არ აქვს – როცა უნდა წავა, როცა მეეხასიათდება ადგება, წავა, რაღაცა უნდა შეიტანოს ტეხნიკაში. ყოველწლიურად რომ იცვლება, ახალი რაღაცა რომ გაუჩნდება კომპიუტერს, ესენი არიან.

– ბატონო ალექსანდრე, ყოველ ადამიანს თავისი რთული ცხოვრება აქვს. ემიგრანტისათვის ეს განსაკუთრებული სირთულეა, როცა საკუთარ მიწას წყდები, წყდები ბევრ რამეს: ფასეულობებს, ოჯახს, ტრადიციას, ახლობლებს... თუმცა ზოგი თვლის, რომ – არის მსოფლიო მოქალაქე და ეს უკეთესია. ორმაგი დამოკიდებულებაა. ზოგი ემიგრანტი ამბობს: – მე ბედმა გამიღიმა; აი, ზოგიერთისათვის კი მთავარი ფრაზაა: მე ბედისწერამ ზურგი შემაქცია. თქვენ როგორ ფიქრობთ, თქვენი ემიგრანტული ცხოვრებით...

– ჩემთვის ამერიკა, საფრანგეთი არაფერი არ არის. ადამიანები არიან ჩვენსავე, ოღონდ სხვა ენაზე მოლაპარაკე, სხვა ტრადიციებით. მე ჩემი ქვეყანა მიყვარს, სადაც მე დავიბადე, სიკვდილით ამას თან წავიდებ მე, ამ სიყვარულს.

– ისე, ბედნიერი კაცი ხართ?

– კი. მე რომ ქართველი ვარ... მე ამდენი ხანია აქა ვარ, გამიგეთ? მე დაც მყავდა, ძმაც მყავდა, ნათესაეებიც მყავდა. ყველას უნდოდა, აქ ჩამოსულიყვნენ და ეცხოვრათ. მაგრამ არცერთისთვის მე პრობლემა არ გამიკეთებია, ჩამოდით. არასდროს... იმიტომ, რომ მე მინდოდა, ქართველი საქართველოში ყოფილიყო. აქ კი არა.

– „აქ“, ანუ ამერიკაში?

– ოკ, ბოდიში. ვიცინით გულიანად, აქ, აქა ვართ.

– თქვენთან ოჯახში ქართულად არ ლაპარაკობდით, არა. სამსახურშიც არ გიწევდათ ქართულ ენაზე საუბარი. ისეთი განუყრელი ქართველი მეგობრები არ გყოლიათ. ძალიან ძნელია ამხელა ალექსიკონის შენარჩუნება, ყმაწვილი წახვედით ომში, ტყვეობა და... ნახევარზე ბევრად მეტი ხანა განვლილი ცხოვრებისა უცხო სივრცეში გაქვთ გატარებული. როგორ მოახერხეთ ქართული ენის ასე შენარჩუნება?

– როგორ მოვახერხე და სიყვარულით, რაც მე სიყვარული მაქვს ჩემი ქვეყნისა, მისია – რჩება. როცა რამეს ვაკეთებ, ქართულ ენაზე ვფიქრობ, თუ ვლაპარაკობ. რასაკვირველია. ინგლისურად ვლაპარაკობ, სადაცა ვარ. მე ქართველებთან თუ ვარ, ქართულად ვლაპარაკობ. მე არ მიშლის ხელს ინგლისური ენა, თუ მე ქართველი ვარ, ამასაც თავისი ადგილი აქვს.

– ამან ხომ დაგიწყება იცის.

– თუ არ ხმარობ ენას – დაგაგიწყდება. დღესაც რომ სიზმარი მესიზმრება, ინგლისურად არ არის – ქართულია. ე. ი. ჩემი ტენი და ყველაფერი აზროვნებს ქართულ ენაზე.

– ახლა რომ წარმიდგინოთ, რომ ვლაპარაკებით მთელ ქართველ ერს, საქართველო გისმენთ, რას ეტყოდით, რას უსურვებდით?

– ვეტყვდი, ჩემო ძმებო, დებო და ჩემო საყვარელო ქართველებო, ვინც ხართ, საქართველოში! ეს ქვეყანა უფლისგან თუკი გვა-

ქეს მოცემული, მოდი, მოვკიდოთ ხელი, გადავეხვიოთ ერთი-მეორეს და ვაკეთოთ ერთი საქმე, სხვადასხვა კი არა. ერს მოვეხმაროთ და ავაყვავოთ ქვეყანა. ამ სიყვარულით ყველაფერი გააკეთდება სულ მალე.

ჩამოხვედდა. სასიამოვნო სიგრილეც ჩამოვდა. ეზოში ძაღლის ყეფა აქცევს იქაურობას. ქართული რჯახი – ყველა ერთად, ქართულ-ამერიკული მოგონებები ხან ტკივილიანი, ხანაც სუფილთ საფსე; არცთუ იშვიათად, ხაღისიანიც. მთელი ცხოვრება, თითქმის მთელი საუკუნე. თითქმის, თორემ მთხრობელს რომ შეხედავ, ასაკი ძნელი დასაჯერებელია. აუზის წყალი სინათლეზე ციმციმებს, პატარა სარწყავი შადრევნები ეზოს აგრილებენ – შფოთიანმა, საინტერესო ცხოვრებამ ჩავფიარა თვალწინ, თუმცა დიდი იმედი მაქვს, კვლავ ბევრი მოსასმენი გველოდება. ბატონი ალექსანდრე ორ დღეში ამერიკაში მიფრინავს.

– გზა მშვიდობისა და მომავალ შეხვედრამდე!

2007 წელი, აგვისტო



მთავარი: სამშობლოს გულწრფელი სიყვარული – გიორგი ლობჯანიძე.....	3
წინათქმა.....	6
გორგი ნდროშვილი — მწერლები... არ იცვლებიან.....	9
ოთარ წიხიძე — რა ამბავ მოხდა ელოსა.....	41
ქაბა გურული — როცა მზის ზარებს რეკავენ.....	81
მიხა ბერიშვილი — დამოუკიდებელი მთავრობის მანდატით — მსოფლიოს წინაშე უფლებამოსილი.....	141
ალექსანდრე ვოლკოვიჩი — დაბრუნებული ფუტკარი.....	167